


---

# Rigveda Mandala 10

——  
ऋग्वेदः मण्डलं १०

——  
Document Information



---

Text title : Rigveda Mandalam 10

File name : r10.itx

Category : veda, rigveda, svara

Location : doc\_veda

Author : Vedic Tradition

Transliterated by : 1. Source: Aufrecht/van Nooten/Holland (Samhita), 2. Final transliteration:

Detlef Eichler

Proofread by : Detlef Eichler detlefeichler at gmail.com

Latest update : July 2, 2013

Send corrections to : detlefeichler@googlemail.com, sanskrit@cheerful.com

---

This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

**Please help to maintain respect for volunteer spirit.**

---


Please note that proofreading is done using Devanagari version and other language/scripts are generated using **sanscript**.

---

January 21, 2023

*sanskritdocuments.org*

---



ऋग्वेदः मण्डलं १०



अग्ने॑ बृह॒न्नुष॑सामूर्ध्वो॑ अ॒स्थान्निर्ज॑गन्वान्तम॒सो ज्योति॑षागात् ।  
अ॒ग्निर्भानु॑ना रु॒शता॑ स्व॒ङ्ग आ जा॑तो विश्वा स॒द्धान्य॑प्राः ॥ १०.००१.०१  
स जा॑तो गर्भो॑ अ॒सि रोद॑स्योरग्ने॒ चारु॑र्विभृत॒ ओष॑धीषु ।  
चि॒त्रः शि॒शुः परि॑ तमा॒स्यत्कू॑न्म मा॒तृभ्यो अधि॑ क॒निक्र॑दद्वाः ॥ १०.००१.०२  
विष्णु॑रि॒त्था पर॑ममस्य वि॒द्वाञ्जा॑तो बृह॒न्नभि॑ पाति॒ तृतीय॑म् ।  
आसा॑ यदस्य॒ पयो॑ अ॒क्रत॑ स्वं स॒चेत॑सो अ॒भ्यर्च॑न्त्यत्र ॥ १०.००१.०३  
अत॑ उ त्वा पि॒तुभृ॑तो ज॒नित्री॑रन्नावृधं॒ प्रति॑ च॒रन्त्य॑त्रैः ।  
ता ई॑ प्रत्ये॒षि पु॑नर॒न्यरू॑पा अ॒सि त्वं वि॑क्षु॒ मानु॑षीषु॒ होता ॥ १०.००१.०४  
होता॑रं चि॒त्ररथ॑मध्व॒रस्य॑ य॒ज्ञस्य॑य॒ज्ञस्य॑ के॒तुं रु॑शन्तम् ।  
प्रत्य॑र्धि॒ देव॑स्यदेवस्य॒ महा॑ श्रि॒या त्व॑ग्निमति॒थिं ज॑नानाम् ॥ १०.००१.०५  
स तु व॒स्त्राण्य॑ध॒ पेश॑नानि॒ वसानो॑ अ॒ग्निर्ना॑भा पृथि॒व्याः ।  
अ॒रुषो॑ जा॒तः प॑द इ॒ळायाः॑ पु॒रोहि॑तो राज॒न्यक्षी॑ह॒ देवान् ॥ १०.००१.०६  
आ हि॑ द्यावापृथि॒वी अ॒ग्न उ॒भे स॑दा पु॒त्रो न मा॑तरा॒ तत॑न्थ ।  
प्र या॒ह्यच्छो॑शतो॒ यवि॑ष्ठाथा॒ वह॑ सह॒स्येह॑ दे॒वान् ॥ १०.००१.०७  
पि॒प्री॑हि॒ देवाँ॑ उ॒शतो॑ यविष्ठा॒ विद्वाँ॑ ऋ॒तूँऋ॑तुपते॒ यजे॑ह ।  
ये दै॒व्या ऋ॑त्वि॒जस्ते॑भिरग्ने॒ त्वं हो॑तृ॒णाम॑स्याय॒जिष्ठः ॥ १०.००२.०१  
वे॒षि हो॑त्रमु॒त पो॑त्रं ज॒नानां॑ म॒न्धाता॑सि॒ द्रवि॑णो॒दा ऋ॑तावा ।  
स्वाहा॑ व॒यं कृ॑णवामा॒ हवीं॑षि॒ देवो॑ दे॒वान्य॑ज॒त्वग्नि॑रह॒न् ॥ १०.००२.०२  
आ दे॒वाना॑मपि॒ पन्था॑मग॒न्म य॒च्छ॒क्रवाम॑ तदनु॒ प्रवो॑च्छुम् ।  
अ॒ग्निर्वि॑द्वा॒न्स य॑जा॒त्सेदु॑ होता॒ सो अ॑ध्व॒रान्स॑ ऋ॒तून्क॑ल्पयाति ॥ १०.००२.०३  
यद्वो॑ व॒यं प्र॑मि॒नाम॑ ब्र॒तानि॑ वि॒दुषां॑ दे॒वा अ॑वि॒दुष्ट॑रासः ।  
अ॒ग्निष्ट॑द्वि॒श्वमा॑ पृ॒णाति॑ वि॒द्वा॒न्येभि॑र्दे॒वाँ ऋ॑तुभिः॒ कल्प॑याति ॥ १०.००२.०४

यत्पाकत्रा मनसा दीनदक्षा न यज्ञस्य मन्वते मर्त्यासः ।  
 अग्निष्टद्धोता ऋतुविद्विजानन्यजिष्ठो देवाँ ऋतुशो यजाति ॥ १०.००२.०५  
 विश्वेषां ह्यध्वराणामनीकं चित्रं केतुं जनिता त्वा जजान ।  
 स आ यजस्व नृवतीरनु क्षाः स्पार्हा इषः क्षुमतीर्विश्वजन्याः ॥ १०.००२.०६  
 यं त्वा द्यावापृथिवी यं त्वापस्त्वष्टा यं त्वा सुजनिमा जजान ।  
 पन्थामनु प्रविद्वान्पितृयाणं द्युमदग्ने समिधानो वि भाहि ॥ १०.००२.०७  
 इनो राजन्नरतिः समिद्धो रौद्रो दक्षाय सुषुमाँ अदर्शि ।  
 चिकिद्धि भाति भासा बृहतासिक्रीमेति रुशतीमपाजन् ॥ १०.००३.०१  
 कृष्णां यदेनीमभि वर्षसा भूञ्जनयन्योषां बृहतः पितुर्जाम् ।  
 ऊर्ध्वं भानुं सूर्यस्य स्तभायन्दिवो वसुभिररतिर्वि भाति ॥ १०.००३.०२  
 भद्रो भद्रया सचमान आगात्स्वसारं जारो अभ्येति पश्चात् ।  
 सुप्रकेतैर्द्युभिरग्निर्वितिष्ठन्नुशद्विर्वणैरभि राममस्थात् ॥ १०.००३.०३  
 अस्य यामासो बृहतो न वग्रूनिन्धाना अग्नेः सख्युः शिवस्य ।  
 ईड्यस्य वृष्णो बृहतः स्वासो भामासो यामन्नक्तवश्चिकित्रे ॥ १०.००३.०४  
 स्वना न यस्य भामासः पवन्ते रोचमानस्य बृहतः सुदिवः ।  
 ज्येष्ठेभिर्व्यस्तेजिष्ठैः क्रीळुमद्विर्विषेष्ठेभिर्भानुभिर्नक्षति द्याम् ॥ १०.००३.०५  
 अस्य शुष्मासो ददृशानपवेर्जेहमानस्य स्वनयन्नियुद्धिः ।  
 प्रलेभिर्यो रुशद्विर्देवतमो वि रेभद्विररतिर्भाति विभ्वा ॥ १०.००३.०६  
 स आ वक्षि महि न आ च सत्सि दिवस्पृथिव्योररतिर्युवत्योः ।  
 अग्निः सुतुकः सुतुकेभिरश्वै रभस्वद्भी रभस्वाँ एह गम्याः ॥ १०.००३.०७  
 प्र ते यक्षि प्र त इयर्मि मन्म भुवो यथा वन्द्यो नो हवेषु ।  
 धन्वन्निव प्रपा असि त्वमग्र इयक्षवे पूरवे प्रत्न राजन् ॥ १०.००४.०१  
 यं त्वा जनासो अभि संचरन्ति गाव उष्णामिव व्रजं यविष्ठ ।  
 दूतो देवानामसि मर्त्यानामन्तर्महाँश्चरसि रोचनेन ॥ १०.००४.०२  
 शिशुं न त्वा जेन्यं वर्धयन्ती माता बिभर्ति सचनस्यमाना ।  
 धनोरधि प्रवता यासि हर्यञ्जिगीषसे पशुरिवावसृष्टः ॥ १०.००४.०३  
 मूरा अमूर न वयं चिकित्वो महित्वमग्ने त्वमङ्ग वित्से ।

शये वत्रिश्चरति जिह्वयादत्रेरिह्यते युवतिं विशपतिः सन् ॥ १०.००४.०४  
 कूचिञ्जायते सनयासु नव्यो वने तस्थौ पलितो धूमकेतुः ।  
 अस्नातापो वृषभो न प्र वेति सचेतसो यं प्रणयन्त मर्ताः ॥ १०.००४.०५  
 तनूत्यजेव तस्करा वनर्गू रशनाभिर्दशभिरभ्यधीताम् ।  
 इयं ते अग्ने नव्यसी मनीषा युक्ष्वा रथं न शुचयद्विरङ्गैः ॥ १०.००४.०६  
 ब्रह्म च ते जातवेदो नमश्चेयं च गीः सदमिद्वर्धनी भूत् ।  
 रक्षा णो अग्ने तनयानि तोका रक्षोत नस्तन्वो३ अप्रयुच्छन् ॥ १०.००४.०७  
 एकः समुद्रो धरुणो रयीणामस्मद्धुदो भूरिजन्मा वि चष्टे ।  
 सिषत्त्यूधर्निण्योरुपस्थ उत्सस्य मध्ये निहितं पदं वेः ॥ १०.००५.०१  
 समानं नीळं वृषणो वसानाः सं जग्मिरे महिषा अर्वतीभिः ।  
 ऋतस्य पदं कवयो नि पान्ति गुहा नामानि दधिरे पराणि ॥ १०.००५.०२  
 ऋतायिनी मायिनी सं दधाते मित्वा शिशु जज्ञतुर्वर्धयन्ती ।  
 विश्वस्य नाभिं चरतो ध्रुवस्य कवेश्चित्तन्तुं मनसा वियन्तः ॥ १०.००५.०३  
 ऋतस्य हि वर्तनयः सुजातमिषो वाजाय प्रदिवः सचन्ते ।  
 अधीवासं रोदसी वावसाने घृतैरत्रैर्वावृधाते मधूनाम् ॥ १०.००५.०४  
 सप्त स्वसुररुषीर्वावशानो विद्वान्मध्व उज्जभारा दृशे कम् ।  
 अन्तर्यमे अन्तरिक्षे पुराजा इच्छन्वत्रिमविदत्पूषणस्य ॥ १०.००५.०५  
 सप्त मर्यादाः कवयस्ततक्षुस्तासामेकामिदभ्यंहरो गात् ।  
 आयोर्हं स्कम्भ उपमस्य नीळे पथां विसर्गे धरुणेषु तस्थौ ॥ १०.००५.०६  
 असच्च सच्च परमे व्योमन्दक्षस्य जन्मन्नदितेरुपस्थे ।  
 अग्निर्हं नः प्रथमजा ऋतस्य पूर्वं आयुनि वृषभश्च धेनुः ॥ १०.००५.०७  
 अयं स यस्य शर्मन्नवाभिरग्नेरेधते जरिताभिष्टौ ।  
 ज्येष्ठेभिर्यो भानुभिर्ऋषूणां पर्येति परिवीतो विभावा ॥ १०.००६.०१  
 यो भानुभिर्विभावा विभात्यग्निर्देवेभिर्ऋतावाजस्रः ।  
 आ यो विवायं सख्या सखिभ्योऽपरिहृतो अत्यो न सप्तिः ॥ १०.००६.०२  
 ईशे यो विश्वस्या देववीतेरीशे विश्वायुरुषसो व्युष्टौ ।  
 आ यस्मिन्मना हवींष्यग्नावरिष्टरथः स्कन्नाति शूषैः ॥ १०.००६.०३

शूषेभिर्वृधो जुषाणो अर्केर्देवाँ अच्छा रघुपत्वा जिगाति ।  
 मन्द्रो होता स जुहा३ यजिष्ठः सम्मिश्रो अग्निरा जिघर्ति देवान् ॥ १०.००६.०४  
 तमुस्त्रामिन्द्रं न रेजमानमग्निं गीर्भिर्नमोभिरा कृणुध्वम् ।  
 आ यं विप्रासो मतिभिर्गुणन्ति जातवेदसं जुह्वं सहानाम् ॥ १०.००६.०५  
 सं यस्मिन्विश्वा वसूनि जग्मुर्वाजे नाश्वाः सप्तीवन्त एवैः ।  
 अस्मे ऊतीरिन्द्रवाततमा अर्वाचीना अग्र आ कृणुष्व ॥ १०.००६.०६  
 अधा ह्यग्रे महा निषद्या सद्यो जज्ञानो हव्यो बभूथ ।  
 तं ते देवासो अनु केतमायन्नधावर्धन्त प्रथमास ऊमाः ॥ १०.००६.०७  
 स्वस्ति नो दिवो अग्रे पृथिव्या विश्वायुर्धेहि यजथाय देव ।  
 सचेमहि तव दस्म प्रकेतैरुरुष्या ण उरुभिर्देव शंसैः ॥ १०.००७.०१  
 इमा अग्रे मतयस्तुभ्य जाता गोभिरश्वैरभि गृणन्ति राधः ।  
 यदा ते मर्तो अनु भोगमानङ्घ्रसो दधानो मतिभिः सुजात ॥ १०.००७.०२  
 अग्निं मन्ये पितरमग्निमापिमग्निं भ्रातरं सदमित्सखायम् ।  
 अग्नेरनीकं बृहतः सपर्यं दिवि शुक्रं यजतं सूर्यस्य ॥ १०.००७.०३  
 सिध्रा अग्रे धियो अस्मे सनुत्रीर्यं त्रायसे दम आ नित्यहोता ।  
 ऋतावा स रोहिदश्वः पुरुक्षुर्द्युभिरस्मा अहभिर्वाममस्तु ॥ १०.००७.०४  
 द्युभिर्हितं मित्रमिव प्रयोगं प्रत्नमृत्विजमध्वरस्य जारम् ।  
 बाहुभ्यामग्निमायवोऽजनन्त विक्षु होतारं न्यसादयन्त ॥ १०.००७.०५  
 स्वयं यजस्व दिवि देव देवान्किं ते पाकः कृणवदप्रचेताः ।  
 यथायज ऋतुभिर्देव देवानेवा यजस्व तन्वं सुजात ॥ १०.००७.०६  
 भवा नो अग्रेऽवितोत गोपा भवा वयस्कृदुत नो वयोधाः ।  
 रास्वा च नः सुमहो हव्यदातिं त्रास्वोत नस्तन्वो३ अप्रयुच्छन् ॥ १०.००७.०७  
 प्र केतुना बृहता यात्यग्निरा रोदसी वृषभो रोरवीति ।  
 दिवश्चिदन्ताँ उपमाँ उदानळपामुपस्थे महिषो ववर्ध ॥ १०.००८.०१  
 मुमोद गर्भो वृषभः ककुब्जानस्त्रेमा वत्सः शिमीवाँ अरावीत् ।  
 स देवतात्युद्यतानि कृण्वन्स्वेषु क्षयेषु प्रथमो जिगाति ॥ १०.००८.०२  
 आ यो मूर्धानं पित्रोररब्ध न्यध्वरे दधिरे सूरौ अर्णः ।

अस्य पत्नन्नरुषीरश्वबुध्रा ऋतस्य योनौ तन्वो जुषन्त ॥ १०.००८.०३  
 उपौषो हि वसो अग्रमेषि त्वं यमयोरभवो विभावा ।  
 ऋताय सप्त दधिषे पदानि जनयन्मित्रं तन्वे३ स्वायै ॥ १०.००८.०४  
 भुवश्चक्षुर्मह ऋतस्य गोपा भुवो वरुणो यदृताय वेषि ।  
 भुवो अपां नपाञ्जातवेदो भुवो दूतो यस्य हव्यं जुजोषः ॥ १०.००८.०५  
 भुवो यज्ञस्य रजसश्च नेता यत्रा नियुद्धिः सचसे शिवाभिः ।  
 दिवि मूर्धानं दधिषे स्वर्षां जिह्वामग्ने चकृषे हव्यवाहम् ॥ १०.००८.०६  
 अस्य त्रितः क्रतुना वद्रे अन्तरिच्छन्धीतिं पितुरेवैः परस्य ।  
 सचस्यमानः पित्रोरुपस्थे जामि ब्रुवाण आयुधानि वेति ॥ १०.००८.०७  
 स पित्र्याण्यायुधानि विद्वानिन्द्रेषित आस्यो अभ्ययुध्यत् ।  
 त्रिशीर्षाणं सप्तारशिमं जघन्वान्त्वाष्टस्य चिन्निः ससृजे त्रितो गाः ॥ १०.००८.०८  
 भूरीदिन्द्र उदिनक्षन्तमोजोऽवाभिन्त्सत्पतिर्मन्यमानम् ।  
 त्वाष्टस्य चिद्विश्वरूपस्य गोनामाचक्राणस्त्रीणि शीर्षा परा वर्क ॥ १०.००८.०९  
 आपो हि ष्ठा मयोभुवस्ता न ऊर्जे दधातन ।  
 महे रणाय चक्षसे ॥ १०.००९.०१  
 यो वः शिवतमो रसस्तस्य भाजयतेह नः ।  
 उशतीरिव मातरः ॥ १०.००९.०२  
 तस्मा अरं गमाम वो यस्य क्षयाय जिन्वथ ।  
 आपो जनयथा च नः ॥ १०.००९.०३  
 शं नो देवीरभिष्टय आपो भवन्तु पीतये ।  
 शं योरभि स्रवन्तु नः ॥ १०.००९.०४  
 ईशाना वार्याणां क्षयन्तीश्वर्षणीनाम् ।  
 अपो याचामि भेषजम् ॥ १०.००९.०५  
 अप्सु मे सोमो अब्रवीदन्तर्विश्वानि भेषजा ।  
 अग्निं च विश्वशम्भुवम् ॥ १०.००९.०६  
 आपः पृणीत भेषजं वरूथं तन्वे३ मम ।  
 ज्योक्क सूर्यं दृशे ॥ १०.००९.०७

इदमापः प्र वहत यत्किं च दुरितं मयि ।  
 यद्वाहमभिदुद्रोह यद्वा शेष उतानृतम् ॥ १०.००९.०८  
 आपो अद्यान्वचारिषं रसेन समगस्महि ।  
 पयस्वानग्र आ गहि तं मा सं सृज वर्चसा ॥ १०.००९.०९  
 ओ चित्सखायं सख्या ववृत्यां तिरः पुरू चिदर्णवं जगन्वान् ।  
 पितुर्नपातमा दधीत वेधा अधि क्षमि प्रतरं दीध्यानः ॥ १०.०१०.०१  
 न ते सखा सख्यं वष्ट्रेतत्सलक्ष्मा यद्विषुरूपा भवाति ।  
 महस्पुत्रासो असुरस्य वीरा दिवो धर्तार उर्विया परि ख्यन् ॥ १०.०१०.०२  
 उशन्ति घा ते अमृतास एतदेकस्य चित्त्यजसं मर्त्यस्य ।  
 नि ते मनो मनसि धाय्यस्मे जन्युः पतिस्तन्वश्मा विविश्याः ॥ १०.०१०.०३  
 न यत्पुरा चकृमा कद्ध नूनमृता वदन्तो अनृतं रपेम ।  
 गन्धर्वो अप्स्वप्या च योषा सा नो नाभिः परमं जामि तन्नौ ॥ १०.०१०.०४  
 गर्भे नु नौ जनिता दम्पती कर्देवस्त्वष्टा सविता विश्वरूपः ।  
 नकिरस्य प्र मिनन्ति व्रतानि वेद नावस्य पृथिवी उत द्यौः ॥ १०.०१०.०५  
 को अस्य वेद प्रथमस्याहः क ई ददर्श क इह प्र वोचत् ।  
 बृहन्मित्रस्य वरुणस्य धाम कदु ब्रव आहनो वीच्या नृन् ॥ १०.०१०.०६  
 यमस्य मा यम्यंश् काम आगन्समाने योनौ सहशेय्याय ।  
 जायेव पत्ये तन्वं रिरिच्यां वि चिद्धहेव रथ्येव चक्रा ॥ १०.०१०.०७  
 न तिष्ठन्ति न नि मिषन्त्येते देवानां स्पश इह ये चरन्ति ।  
 अन्येन मदाहनो याहि तूयं तेन वि वृह रथ्येव चक्रा ॥ १०.०१०.०८  
 रात्रीभिरस्मा अहभिर्दशस्येत्सूर्यस्य चक्षुर्मुहरुन्मिमीयात् ।  
 दिवा पृथिव्या मिथुना सबन्धू यमीर्यमस्य बिभृयादजामि ॥ १०.०१०.०९  
 आ घा ता गच्छानुत्तरा युगानि यत्र जामयः कृणवन्नजामि ।  
 उप बर्बृहि वृषभाय बाहुमन्यमिच्छस्व सुभगे पतिं मत् ॥ १०.०१०.१०  
 किं भ्रातासद्यदनाथं भवाति किमु स्वसा यन्निर्ऋतिर्निगच्छात् ।  
 काममृता बह्वेऽतद्रपामि तन्वा मे तन्वंश् सं पिपृग्धि ॥ १०.०१०.११  
 न वा उ ते तन्वा तन्वंश् सं पपृच्यां पापमाहुर्यः स्वसारं निगच्छात् ।

अन्येन मत्प्रमुदः कल्पयस्व न ते भ्राता सुभगे वष्टेतत् ॥ १०.०१०.१२  
 बतो बतासि यम नैव ते मनो हृदयं चाविदाम ।  
 अन्या किल त्वां कक्ष्येव युक्तं परि ष्वजाते लिबुजेव वृक्षम् ॥ १०.०१०.१३  
 अन्यमू षु त्वं यम्यन्य उ त्वां परि ष्वजाते लिबुजेव वृक्षम् ।  
 तस्य वा त्वं मन इच्छा स वा तवाधा कृणुष्व संविदं सुभद्राम् ॥ १०.०१०.१४  
 वृषा वृष्णे दुदुहे दोहसा दिवः पर्यासि यहो अदितेरदाभ्यः ।  
 विश्वं स वेद वरुणो यथा धिया स यज्ञियो यजतु यज्ञियो ऋतून् ॥ १०.०११.०१  
 रपद्रन्धर्वीरप्या च योषणा नदस्य नादे परि पातु मे मनः ।  
 इष्टस्य मध्ये अदितिर्नि धातु नो भ्राता नो ज्येष्ठः प्रथमो वि वोचति ॥ १०.०११.०२  
 सो चिन्नु भद्रा क्षुमती यशस्वत्युषा उवास मनवे स्वर्वती ।  
 यदीमुशन्तमुशतामनु ऋतुमग्निं होतारं विदथाय जीजनन् ॥ १०.०११.०३  
 अध त्यं द्रप्सं विभ्वं विचक्षणं विराभरदिषितः श्येनो अध्वरे ।  
 यदी विशो वृणते दस्ममार्या अग्निं होतारमध धीरजायत ॥ १०.०११.०४  
 सदासि रण्वो यवसेव पुष्यते होत्राभिरग्ने मनुषः स्वध्वरः ।  
 विप्रस्य वा यच्छशमान उक्थ्यं वाजं ससवाँ उपयासि भूरिभिः ॥ १०.०११.०५  
 उदीरय पितरा जार आ भगमियक्षति हर्यतो हृत्त इष्यति ।  
 विवक्ति वह्निः स्वपस्यते मखस्तविष्यते असुरो वेपते मती ॥ १०.०११.०६  
 यस्ते अग्ने सुमतिं मर्तो अक्षत्सहसः सूनो अति स प्र शृण्वे ।  
 इषं दधानो वहमानो अश्वैरा स द्युमाँ अमवान्भूषति द्यून् ॥ १०.०११.०७  
 यदग्र एषा समितिर्भवाति देवी देवेषु यजता यजत्र ।  
 रत्ना च यद्विभजासि स्वधावो भागं नो अत्र वसुमन्तं वीतात् ॥ १०.०११.०८  
 श्रुधी नो अग्ने सदने सधस्थे युक्त्वा रथममृतस्य द्रविबुम् ।  
 आ नो वह रोदसी देवपुत्रे माकिर्देवानामप भूरिह स्याः ॥ १०.०११.०९  
 द्यावा ह क्षामा प्रथमे ऋतेनाभिश्चावे भवतः सत्यवाचा ।  
 देवो यन्मर्तान्यजथाय कृण्वन्सीदद्धोता प्रत्यङ्गमसुं यन् ॥ १०.०१२.०१  
 देवो देवान्परिभूर्ऋतेन वहा नो हव्यं प्रथमश्चिकित्वान् ।  
 धूमकेतुः समिधा भाऋजीको मन्द्रो होता नित्यो वाचा यजीयान् ॥ १०.०१२.०२



स्वावृग्देवस्यामृतं यदी गोरतो जातासो धारयन्त उर्वी ।  
 विश्वे देवा अनु तत्ते यजुर्गुर्दहे यदेनी दिव्यं घृतं वाः ॥ १०.०१२.०३  
 अर्चामि वां वर्धयापो घृतसू द्यावाभूमी शृणुतं रोदसी मे ।  
 अहा यद्यावोऽसुनीतिमयन्मध्वा नो अत्र पितरा शिशीताम् ॥ १०.०१२.०४  
 किं स्वित्रो राजा जगृहे कदस्याति व्रतं चकृमा को वि वेद ।  
 मित्रश्चिद्धि ष्मा जुहुराणो देवाञ्छोको न यातामपि वाजो अस्ति ॥ १०.०१२.०५  
 दुर्मन्वत्रामृतस्य नाम सलक्ष्मा यद्विषुरूपा भवाति ।  
 यमस्य यो मनवते सुमन्त्वग्ने तमृष्व पाह्यप्रयुच्छन् ॥ १०.०१२.०६  
 यस्मिन्देवा विदथे मादयन्ते विवस्वतः सदने धारयन्ते ।  
 सूर्ये ज्योतिरदधुर्मास्यश्कून्परि द्योतनिं चरतो अजस्रा ॥ १०.०१२.०७  
 यस्मिन्देवा मन्मनि संचरन्त्यपीच्येऽ न वयमस्य विद्म ।  
 मित्रो नो अत्रादितिरनागान्सविता देवो वरुणाय वोचत् ॥ १०.०१२.०८  
 श्रुधी नो अग्ने सदने सधस्थे युक्ष्वा रथममृतस्य द्रविलुम् ।  
 आ नो वह रोदसी देवपुत्रे माकिर्देवानामप भूरिह स्याः ॥ १०.०१२.०९  
 युजे वां ब्रह्म पूर्यं नमोभिर्वि श्लोक एतु पथ्येव सूरैः ।  
 शृण्वन्तु विश्वे अमृतस्य पुत्रा आ ये धामानि दिव्यानि तस्थुः ॥ १०.०१३.०१  
 यमे इव यतमाने यदैतं प्र वां भरन्मानुषा देवयन्तः ।  
 आ सीदतं स्वमु लोकं विदाने स्वासस्थे भवतमिन्देवे नः ॥ १०.०१३.०२  
 पञ्च पदानि रूपो अन्वरोहं चतुष्पदीमन्वेमि व्रतेन ।  
 अक्षरेण प्रति मिम एतामृतस्य नाभावधि सं पुनामि ॥ १०.०१३.०३  
 देवेभ्यः कमवृणीत मृत्युं प्रजायै कममृतं नावृणीत ।  
 बृहस्पति यज्ञमकृण्वत ऋषिं प्रियां यमस्तन्वंऽ प्रारिरेचीत् ॥ १०.०१३.०४  
 सप्त क्षरन्ति शिशवे मरुत्वते पित्रे पुत्रासो अप्यवीवतन्नृतम् ।  
 उभे इदस्योभयस्य राजत उभे यतेते उभयस्य पुष्यतः ॥ १०.०१३.०५  
 परेयिवांसं प्रवतो महीरनु बहुभ्यः पन्थामनुपस्पशानम् ।  
 वैवस्वतं संगमनं जनानां यमं राजानं हविषा दुवस्य ॥ १०.०१४.०१  
 यमो नो गातुं प्रथमो विवेद नैषा गव्यूतिरपभर्तवा उ ।

यत्रा नः पूर्वे पितरः परेयुरेना जज्ञानाः पथ्या३ अनु स्वाः ॥ १०.०१४.०२  
 मातली कव्यैर्यमो अङ्गिरोभिर्बृहस्पतिर्ऋक्भिर्वावृधानः ।  
 याँश्च देवा वावृधुर्ये च देवान्स्वाहान्ये स्वधयान्ये मदन्ति ॥ १०.०१४.०३  
 इमं यम प्रस्तरमा हि सीदाङ्गिरोभिः पितृभिः संविदानः ।  
 आ त्वा मन्त्राः कविशस्ता वहन्त्वेना राजन्हविषा मादयस्व ॥ १०.०१४.०४  
 अङ्गिरोभिरा गहि यज्ञियेभिर्यम वैरूपैरिह मादयस्व ।  
 विवस्वन्तं हुवे यः पिता तेऽस्मिन्यज्ञे बर्हिष्या निषद्य ॥ १०.०१४.०५  
 अङ्गिरसो नः पितरो नवग्वा अथर्वाणो भृगवः सोम्यासः ।  
 तेषां वयं सुमतौ यज्ञियानामपि भद्रे सौमनसे स्याम ॥ १०.०१४.०६  
 प्रेहि प्रेहि पथिभिः पूर्व्येभिर्यत्रा नः पूर्वे पितरः परेयुः ।  
 उभा राजाना स्वधया मदन्ता यमं पश्यासि वरुणं च देवम् ॥ १०.०१४.०७  
 सं गच्छस्व पितृभिः सं यमेनेष्टापुर्तेन परमे व्योमन् ।  
 हित्वायावद्यं पुनरस्तमेहि सं गच्छस्व तन्वा सुवर्चाः ॥ १०.०१४.०८  
 अपेत वीत वि च सर्पतातोऽस्मा एतं पितरो लोकमक्रन् ।  
 अहोभिरद्विरक्तुभिर्व्यक्तं यमो ददात्यवसानमस्मै ॥ १०.०१४.०९  
 अति द्रव सारमेयौ श्वानौ चतुरक्षौ शबलौ साधुना पथा ।  
 अथा पितृन्सुविदत्राँ उपेहि यमेन ये सधमादं मदन्ति ॥ १०.०१४.१०  
 यौ ते श्वानौ यम रक्षितारौ चतुरक्षौ पथिरक्षी नृचक्षसौ ।  
 ताभ्यामेनं परि देहि राजन्स्वस्ति चास्मा अनमीवं च धेहि ॥ १०.०१४.११  
 उरूणसावसुतृपा उदुम्बलौ यमस्य दूतौ चरतो जनाँ अनु ।  
 तावस्मभ्यं दृशये सूर्याय पुनर्दातामसुमद्येह भद्रम् ॥ १०.०१४.१२  
 यमाय सोमं सुनुत यमाय जुहुता हविः ।  
 यमं ह यज्ञो गच्छत्यग्निदूतो अरंकृतः ॥ १०.०१४.१३  
 यमाय घृतवद्धविर्जुहोत प्र च तिष्ठत ।  
 स नो देवेष्वा यमद्दीर्घमायुः प्र जीवसे ॥ १०.०१४.१४  
 यमाय मधुमत्तमं राज्ञे हव्यं जुहोतन ।  
 इदं नम ऋषिभ्यः पूर्वजेभ्यः पूर्वैभ्यः पथिकृद्भ्यः ॥ १०.०१४.१५

त्रिकद्रुकेभिः पतति षळ्वीरेकमिद्धहत् ।  
 त्रिष्टुब्गायत्री छन्दासि सर्वा ता यम आहिता ॥ १०.०१४.१६  
 उदीरतामवर उत्परास उन्मध्यमाः पितरः सोम्यासः ।  
 असुं य ईयुरवृका ऋतज्ञास्ते नोऽवन्तु पितरो हवेषु ॥ १०.०१५.०१  
 इदं पितृभ्यो नमो अस्त्वद्य ये पूर्वासो य उपरास ईयुः ।  
 ये पार्थिवे रजस्या निषत्ता ये वा नूनं सुवृजनासु विक्षु ॥ १०.०१५.०२  
 आहं पितृन्सुविदत्राँ अवित्सि नपातं च विक्रमणं च विष्णोः ।  
 बर्हिषदो ये स्वधया सुतस्य भजन्त पित्वस्त इहागमिष्ठाः ॥ १०.०१५.०३  
 बर्हिषदः पितर ऊत्यश्वांगिमा वो हव्या चकृमा जुषध्वम् ।  
 त आ गतावसा शंतमेनाथा नः शं योररपो दधात ॥ १०.०१५.०४  
 उपहूताः पितरः सोम्यासो बर्हिष्येषु निधिषु प्रियेषु ।  
 त आ गमन्तु त इह श्रुवन्त्वधि ब्रुवन्तु तेऽवन्त्वस्मान् ॥ १०.०१५.०५  
 आच्या जानु दक्षिणतो निषद्येमं यज्ञमभि गृणीत विश्वे ।  
 मा हिंसिष्ट पितरः केन चित्रो यद्व आगः पुरुषता कराम ॥ १०.०१५.०६  
 आसीनासो अरुणीनामुपस्थे रयिं धत्त दाशुषे मत्याय ।  
 पुत्रेभ्यः पितरस्तस्य वस्वः प्र यच्छत त इहोर्जं दधात ॥ १०.०१५.०७  
 ये नः पूर्वे पितरः सोम्यासोऽनूहिरे सोमपीथं वसिष्ठाः ।  
 तेभिर्धमः संरराणो हवीष्युशत्रुशद्भिः प्रतिकाममत्तु ॥ १०.०१५.०८  
 ये तातुषुर्देवत्रा जेहमाना होत्राविदः स्तोमतष्टासो अकैः ।  
 आग्ने याहि सुविदत्रेभिरर्वाङ्गत्यैः कव्यैः पितृभिर्धर्मसद्भिः ॥ १०.०१५.०९  
 ये सत्यासो हविरदो हविष्या इन्द्रण देवैः सरथं दधानाः ।  
 आग्ने याहि सहस्रं देववन्दैः परैः पूर्वैः पितृभिर्धर्मसद्भिः ॥ १०.०१५.१०  
 अग्निष्वात्ताः पितर एह गच्छत सदःसदः सदत सुप्रणीतयः ।  
 अत्ता हवीषि प्रयतानि बर्हिष्यथा रयिं सर्ववीरं दधातन ॥ १०.०१५.११  
 त्वमग्र ईळितो जातवेदोऽवाङ्गव्यानि सुरभीणि कृत्वी ।  
 प्रादाः पितृभ्यः स्वधया ते अक्षन्नद्धि त्वं देव प्रयता हवीषि ॥ १०.०१५.१२  
 ये चेह पितरो ये च नेह याँश्च विद्म याँ उ च न प्रविद्म ।

त्वं वेत्थ यति ते जातवेदः स्वधाभिर्यज्ञं सुकृतं जुषस्व ॥ १०.०१५.१३  
 ये अग्निदग्धा ये अनग्निदग्धा मध्ये दिवः स्वधया मादयन्ते ।  
 तेभिः स्वराळसुनीतिमेतां यथावशं तन्वं कल्पयस्व ॥ १०.०१५.१४  
 मैनमग्ने वि दहो माभि शोचो मास्य त्वचं चिक्षिपो मा शरीरम् ।  
 यदा शृतं कृणवो जातवेदोऽथेमेनं प्र हिणुतात्पितृभ्यः ॥ १०.०१६.०१  
 शृतं यदा करसि जातवेदोऽथेमेनं परि दत्तात्पितृभ्यः ।  
 यदा गच्छात्यसुनीतिमेतामथा देवानां वशनीर्भवाति ॥ १०.०१६.०२  
 सूर्यं चक्षुर्गच्छतु वातमात्मा द्यां च गच्छ पृथिवीं च धर्मणा ।  
 अपो वा गच्छ यदि तत्र ते हितमोषधीषु प्रति तिष्ठा शरीरैः ॥ १०.०१६.०३  
 अजो भागस्तपसा तं तपस्व तं ते शोचिस्तपतु तं ते अर्चिः ।  
 यास्ते शिवास्तन्वो जातवेदस्ताभिर्वहेनं सुकृतामु लोकम् ॥ १०.०१६.०४  
 अव सृज पुनरग्ने पितृभ्यो यस्त आहुतश्चरति स्वधाभिः ।  
 आयुर्वसान उप वेतु शेषः सं गच्छतां तन्वा जातवेदः ॥ १०.०१६.०५  
 यत्ते कृष्णः शकुन आतुतोद पिपीलः सर्प उत वा श्वापदः ।  
 अग्निष्टद्विश्वादगदं कृणोतु सोमश्च यो ब्राह्मणां आविवेश ॥ १०.०१६.०६  
 अग्नेर्वर्म परि गोभिर्व्ययस्व सं प्रोणुष्व पीवसा मेदसा च ।  
 नेत्वा धृष्णुर्हरसा जहृषाणो दधृग्विधक्ष्यन्पर्यङ्ख्याते ॥ १०.०१६.०७  
 इममग्ने चमसं मा वि जिह्वरः प्रियो देवानामुत सोम्यानाम् ।  
 एष यश्चमसो देवपानस्तस्मिन्देवा अमृता मादयन्ते ॥ १०.०१६.०८  
 ऋव्यादमग्निं प्र हिणोमि दूरं यमराज्ञो गच्छतु रिप्रवाहः ।  
 इहैवायमितरो जातवेदा देवेभ्यो हव्यं वहतु प्रजानन् ॥ १०.०१६.०९  
 यो अग्निः ऋव्यात्प्रविवेश वो गृहमिमं पश्यन्नितरं जातवेदसम् ।  
 तं हरामि पितृयज्ञाय देवं स घर्ममिन्वात्परमे सधस्थे ॥ १०.०१६.१०  
 यो अग्निः ऋव्यवाहनः पितृन्यक्षदतावृधः ।  
 प्रेदु हव्यानि वोचति देवेभ्यश्च पितृभ्य आ ॥ १०.०१६.११  
 उशन्तस्त्वा नि धीमह्युशन्तः समिधीमहि ।  
 उशन्नुशत आ वह पितृन्हविषे अत्तवे ॥ १०.०१६.१२

यं त्वमग्ने समदहस्तमु निर्वापया पुनः ।  
 कियाम्बत्र रोहतु पाकदूर्वा व्यल्कशा ॥ १०.०१६.१३  
 शीतिके शीतिकावति ह्लादिके ह्लादिकावति ।  
 मण्डूक्या३ सु सं गम इमं स्वशग्निं हर्षय ॥ १०.०१६.१४  
 त्वष्टा दुहित्रे वहतुं कृणोतीतीदं विश्वं भुवनं समेति ।  
 यमस्य माता पर्युह्यमाना महो जाया विवस्वतो ननाश ॥ १०.०१७.०१  
 अपागूहनृमृतां मर्त्येभ्यः कृत्वी सवर्णामददुर्विवस्वते ।  
 उताश्विनावभरद्यत्तदासीदजहादु द्वा मिथुना सरण्यूः ॥ १०.०१७.०२  
 पूषा त्वेतश्चावयतु प्र विद्वाननष्टपशुर्भुवनस्य गोपाः ।  
 स त्वैतेभ्यः परि ददत्पितृभ्योऽग्निर्देवेभ्यः सुविदत्रियेभ्यः ॥ १०.०१७.०३  
 आयुर्विश्वायुः परि पासति त्वा पूषा त्वा पातु प्रपथे पुरस्तात् ।  
 यत्रासते सुकृतो यत्र ते ययुस्तत्र त्वा देवः सविता दधातु ॥ १०.०१७.०४  
 पूषेमा आशा अनु वेद सर्वाः सो अस्माँ अभयतमेन नेषत् ।  
 स्वस्तिदा आघृणिः सर्ववीरोऽप्रयुच्छन्पुर एतु प्रजानन् ॥ १०.०१७.०५  
 प्रपथे पथामजनिष्ट पूषा प्रपथे दिवः प्रपथे पृथिव्याः ।  
 उभे अभि प्रियतमे सधस्थे आ च परा च चरति प्रजानन् ॥ १०.०१७.०६  
 सरस्वतीं देवयन्तो हवन्ते सरस्वतीमध्वरे तायमाने ।  
 सरस्वतीं सुकृतो अह्वयन्त सरस्वती दाशुषे वार्यं दात् ॥ १०.०१७.०७  
 सरस्वति या सरथं ययाथ स्वधाभिर्देवि पितृभिर्मदन्ती ।  
 आसद्यास्मिन्बर्हिषि मादयस्वानमीवा इष आ धेह्यस्मे ॥ १०.०१७.०८  
 सरस्वतीं यां पितरो हवन्ते दक्षिणा यज्ञमभिनक्षमाणाः ।  
 सहस्रार्धमिळो अत्र भागं रायस्पोषं यजमानेषु धेहि ॥ १०.०१७.०९  
 आपो अस्मान्मातरः शुन्धयन्तु घृतेन नो घृतष्वः पुनन्तु ।  
 विश्वं हि रिप्रं प्रवहन्ति देवीरुदिदाभ्यः शुचिरा पूत एमि ॥ १०.०१७.१०  
 द्रप्सश्चस्कन्द प्रथमाँ अनु द्यूनिमं च योनिमनु यश्च पूर्वः ।  
 समानं योनिमनु संचरन्तं द्रप्सं जुहोम्यनु सप्त होत्राः ॥ १०.०१७.११  
 यस्ते द्रप्सः स्कन्दति यस्ते अंशुर्बाहुच्युतो धिषणाया उपस्थात् ।

अध्वर्योर्वा परि वा यः पवित्रात्तं ते जुहोमि मनसा वर्षद्वृतम् ॥ १०.०१७.१२  
 यस्ते द्रप्सः स्कन्नो यस्ते अंशुरवश्च यः परः सूचा ।  
 अयं देवो बृहस्पतिः सं तं सिञ्चतु राधसे ॥ १०.०१७.१३  
 पयस्वतीरोषधयः पयस्वन्मामकं वचः ।  
 अपां पयस्वदित्पयस्तेन मा सह शुन्धत ॥ १०.०१७.१४  
 परं मृत्यो अनु परेहि पन्थां यस्ते स्व इतरो देवयानात् ।  
 चक्षुष्मते शृण्वते ते ब्रवीमि मा नः प्रजां रीरिषो मोत वीरान् ॥ १०.०१८.०१  
 मृत्योः पदं योपयन्तो यदैत द्राघीय आयुः प्रतरं दधानाः ।  
 आप्यायमानाः प्रजया धनेन शुद्धाः पूता भवत यज्ञियासः ॥ १०.०१८.०२  
 इमे जीवा वि मृतैराववृत्रन्नभूद्ब्रह्मा देवहूतिर्नो अद्य ।  
 प्राञ्चो अगाम नृतये हसाय द्राघीय आयुः प्रतरं दधानाः ॥ १०.०१८.०३  
 इमं जीवेभ्यः परिधिं दधामि मैषां नु गादपरो अर्थमेतम् ।  
 शतं जीवन्तु शरदः पुरूचीरन्तर्मृत्युं दधतां पर्वतेन ॥ १०.०१८.०४  
 यथाहान्यनुपूर्वं भवन्ति यथ ऋतव ऋतुभिर्यन्ति साधु ।  
 यथा न पूर्वमपरो जहात्येवा धातरायूषि कल्पयैषाम् ॥ १०.०१८.०५  
 आ रोहतायुर्जसं वृणाना अनुपूर्वं यतमाना यति ष्ट ।  
 इह त्वष्टा सुजनिमा सजोषा दीर्घमायुः करति जीवसे वः ॥ १०.०१८.०६  
 इमा नारीरविधवाः सुपत्नीराञ्जनेन सर्पिषा सं विशन्तु ।  
 अनश्रवोऽनमीवाः सुरत्वा आ रोहन्तु जनयो योनिमग्रे ॥ १०.०१८.०७  
 उदीर्ष्व नार्यभि जीवलोकं गतासुमेतमुप शेष एहि ।  
 हस्तग्राभस्य दिधिषोस्तवेदं पत्युर्जनित्वमभि सं बभूथ ॥ १०.०१८.०८  
 धनुर्हस्तादाददानो मृतस्यास्मे क्षत्राय वचसे बलाय ।  
 अत्रैव त्वमिह वयं सुवीरा विश्वाः स्पृधो अभिमातीर्जयेम ॥ १०.०१८.०९  
 उप सर्प मातरं भूमिमेतामुरुव्यचसं पृथिवीं सुशेवाम् ।  
 ऊर्णम्रदा युवतिर्दक्षिणावत एषा त्वा पातु निऋतेरुपस्थात् ॥ १०.०१८.१०  
 उच्छ्वश्चस्व पृथिवि मा नि बाधथाः सूपायनास्मै भव सूपवञ्चना ।  
 माता पुत्रं यथा सिचाभ्येनं भूम ऊर्णुहि ॥ १०.०१८.११

उच्च॑श्च॒माना॑ पृथि॒वी सु तिष्ठ॑तु स॒हस्रं॑ मि॒त उप॑ हि श्रय॒न्ताम् ।  
 ते गृहा॑सो घृ॒तश्चु॑तो भवन्तु वि॒श्वाहा॑स्मै श॒रणाः॑ स॒न्त्वत्र॑ ॥ १०.०१८.१२  
 उ॒त्ते स्त॒भ्रामि॑ पृथि॒वीं त्वत्प॑रीमं लो॒गं नि॒दध॑न्मो अ॒हं रिष॑म् ।  
 ए॒तां स्था॑णां पि॒तरो॑ धारयन्तु तेऽत्रा॒ यमः॑ सादना ते मि॒नोतु ॥ १०.०१८.१३  
 प्र॒तीची॑ने माम॒हनी॑ष्वाः पर्ण॑मिवा दधुः ।  
 प्र॒तीची॑ जग्र॒भा वाच॑मश्व॒ रशन॑या यथा ॥ १०.०१८.१४  
 नि॒ वर्त॑ध्वं मानु॒ गाता॑स्मान्निष॒क्त रेव॑तीः ।  
 अ॒ग्नीषो॑मा पु॒नर्व॑सू अ॒स्मे धार॑यतं रयि॒म् ॥ १०.०१९.०१  
 पु॒नरे॑ना नि॒ वर्त॑य पु॒नरे॑ना न्या कुरु ।  
 इन्द्र॑ एणा॒ नि यच्छ॑त्व॒ग्निरे॑ना उ॒पाज॑तु ॥ १०.०१९.०२  
 पु॒नरे॑ता नि॒ वर्त॑न्ताम॒स्मिन्पु॑ष्यन्तु गो॒पतौ॑ ।  
 इ॒हैवा॑ग्ने नि॒ धार॑येह तिष्ठतु या रयिः ॥ १०.०१९.०३  
 यन्नि॒यानं॑ न्ययनं॒ संज्ञानं॑ यत्प॒राय॑णम् ।  
 आ॒वर्त॑नं नि॒वर्त॑नं यो गो॒पा अपि॑ तं हु॒वे ॥ १०.०१९.०४  
 य उ॒दान॑ङ्घ्रयनं य उ॒दान॑त् प॒राय॑णम् ।  
 आ॒वर्त॑नं नि॒वर्त॑नमपि गो॒पा नि वर्त॑ताम् ॥ १०.०१९.०५  
 आ नि॒वर्त॑ नि॒ वर्त॑य पु॒नर्न॑ इन्द्र॒ गा दे॑हि ।  
 जी॒वाभि॑र्भुन॒जाम॑हे ॥ १०.०१९.०६  
 परि॑ वो वि॒श्वतो॑ दध ऊ॒र्जा घृ॑तेन पयसा ।  
 ये दे॒वाः के च॑ य॒ज्ञिया॑स्ते र॒य्या सं सृ॑जन्तु नः ॥ १०.०१९.०७  
 आ नि॒वर्त॑न वर्तय नि॒वर्त॑न वर्तय ।  
 भूम्या॑श्चतस्रः प्र॒दिश॑स्ताभ्य॒ एना॑ नि॒ वर्त॑य ॥ १०.०१९.०८  
 भ॒द्रं नो॑ अपि वातय मनः ॥ १०.०२०.०१  
 अ॒ग्निमी॑ळे भुजां यविष्ठं शा॒सा मि॒त्रं दु॑र्धरीतुम् ।  
 यस्य॑ धर्म॒न्स्व॑रे॒नीः सप॑र्यन्ति मा॒तुरू॑धः ॥ १०.०२०.०२  
 यमा॑सा कृ॒पनी॑ळं भा॒साके॑तुं वर्धयन्ति ।  
 भ्राज॑ते श्रेणि॒दन् ॥ १०.०२०.०३

अ॒र्यो॑ वि॒शां गा॒तुरे॑ति॒ प्र य॑दान॒द्विवो॑ अन्तान् ।  
 क॒विर॒भ्रं दी॑द्यानः ॥ १०.०२०.०४  
 जुष॑द्ध॒व्या मा॒नुष॑स्यो॒र्ध्वस्त॑स्थावृ॒भवा॑ य॒ज्ञे ।  
 मि॒न्वन्स॑द्य॒ पुर ए॑ति ॥ १०.०२०.०५  
 स हि॑ क्षेमो॑ ह॒विर्य॑ज्ञः श्रु॒ष्टीद॑स्य गा॒तुरे॑ति ।  
 अ॒ग्निं दे॒वा वा॑शीमन्तम् ॥ १०.०२०.०६  
 य॒ज्ञासा॑हं दु॒व इ॒षेऽग्निं॑ पू॒र्वस्य॑ शे॒वस्य॑ ।  
 अ॒द्रेः सू॒नुमा॑युमाहुः ॥ १०.०२०.०७  
 नरो॑ ये के चा॒स्मदा॑ वि॒श्वेत्ते॒ वाम॑ आ स्युः ।  
 अ॒ग्निं ह॒विषा॑ वर्धन्तः ॥ १०.०२०.०८  
 कृ॒ष्णः श्वे॒तोऽरु॑षो॒ यामो॑ अस्य॒ ब्रध्न॑ ऋ॒ञ्ज उ॒त शो॒णो य॑शस्वान् ।  
 हि॒रण्य॑रूपं॒ जनि॑ता ज॒जान ॥ १०.०२०.०९  
 ए॒वा ते॑ अ॒ग्ने वि॒मदो॑ म॒नीषा॑मूर्जो॒ नपा॑द॒मृते॑भिः स॒जोषाः॑ ।  
 गिर॑ आ व॒क्षत्सु॑म॒तीरि॑यान॒ इष॑मूर्जं सु॒क्षितिं॑ वि॒श्वमा॑भाः ॥ १०.०२०.१०  
 आ॒ग्निं न॑ स्ववृ॒क्तिभि॑र्हो॒तारं॑ त्वा वृ॒णीम॑हे ।  
 य॒ज्ञाय॑ स्ती॒र्णब॑र्हि॒षे वि॒वो म॑दे॒ शीरं॑ पा॒वक॑शो॒चिषं॑ वि॒वक्ष॑से ॥ १०.०२१.०१  
 त्वामु॑ ते स्वा॒भुवः॑ शु॒म्भन्त्य॑श्व॒राध॑सः ।  
 वेति॑ त्वामु॒पसे॑चनी॒ विवो॑ म॒द ऋ॒जीति॑र॒ग्र आ॑हु॒तिर्वि॑वक्षसे ॥ १०.०२१.०२  
 त्वे ध॑र्माण॒ आस॑ते जु॒हूभिः॑ सि॒ञ्चती॑रिव ।  
 कृ॒ष्णा रू॒पाण्य॑र्जु॒ना वि॒वो म॑दे॒ विश्वा॑ अ॒धि श्रि॒यो धि॒षे वि॑वक्षसे ॥ १०.०२१.०३  
 यम॑ग्ने॒ मन्य॑से॒ रयिं॑ स॒हसा॑वन्नमर्त्य ।  
 तमा॑ नो॒ वाज॑सातये॒ विवो॑ म॒दे य॒ज्ञेषु॑ चि॒त्रमा॑ भ॒रा वि॑वक्षसे ॥ १०.०२१.०४  
 अ॒ग्निर्जा॑तो अथ॒र्वणा॑ वि॒दद्वि॑श्वानि॒ काव्या॑ ।  
 भुव॑द्भूतो॒ विव॑स्वतो॒ विवो॑ म॒दे प्रि॒यो य॑मस्य॒ काम्यो॑ वि॒वक्ष॑से ॥ १०.०२१.०५  
 त्वां य॒ज्ञेष्वी॑ळते॒ऽग्ने प्र॑यत्य॒ध्वरे॑ ।  
 त्वं व॑सूनि॒ काम्या॑ वि॒वो म॑दे॒ विश्वा॑ दधासि॒ दाशु॑षे॒ विव॑क्षसे ॥ १०.०२१.०६  
 त्वां य॒ज्ञेष्वृ॑त्वि॒जं चा॑रुम॒ग्ने नि॑ पे॒दिरे॑ ।



घृतप्रतीकं मनुषो वि वो मदे शुक्रं चेतिष्ठमक्षभिर्विवक्षसे ॥ १०.०२१.०७  
अग्ने शुक्रेण शोचिषोरु प्रथयसे बृहत् ।  
अभिक्रन्दन्वृषायसे वि वो मदे गर्भं दधासि जामिषु विवक्षसे ॥ १०.०२१.०८  
कुह श्रुत इन्द्रः कस्मिन्नद्य जने मित्रो न श्रूयते ।  
ऋषीणां वा यः क्षये गुहा वा चर्कृषे गिरा ॥ १०.०२२.०१  
इह श्रुत इन्द्रो अस्मे अद्य स्तवे वज्र्युचीषमः ।  
मित्रो न यो जनेष्वा यशश्चक्रे असाभ्या ॥ १०.०२२.०२  
महो यस्पतिः शवसो असाभ्या महो नृम्णस्य तृतुजिः ।  
भर्ता वज्रस्य धृष्णोः पिता पुत्रमिव प्रियम् ॥ १०.०२२.०३  
युजानो अश्वा वातस्य धुनी देवो देवस्य वज्रिवः ।  
स्यन्ता पथा विरुक्मता सृजानः स्तोप्यध्वनः ॥ १०.०२२.०४  
त्वं त्या चिद्वातस्याश्वागा ऋन्ना त्मना वहध्वै ।  
ययोर्देवो न मर्त्यो यन्ता नकिर्विदाय्यः ॥ १०.०२२.०५  
अध ग्मन्तोशना पृच्छते वां कदर्था न आ गृहम् ।  
आ जग्मथुः पराकादिवश्च ग्मश्च मर्त्यम् ॥ १०.०२२.०६  
आ न इन्द्र पृक्षसेऽस्माकं ब्रह्मोद्यतम् ।  
तत्त्वा याचामहेऽवः शुष्णं यद्धन्नमानुषम् ॥ १०.०२२.०७  
अकर्मा दस्युरभि नो अमन्तुरन्यव्रतो अमानुषः ।  
त्वं तस्यामित्रहन्वधर्दासस्य दम्भय ॥ १०.०२२.०८  
त्वं न इन्द्र शूर शूरैरुत त्वोतासो बर्हणा ।  
पुरुत्रा ते वि पूर्तयो नवन्त क्षोणयो यथा ॥ १०.०२२.०९  
त्वं तान्वृत्रहत्ये चोदयो नृन्कार्पाणे शूर वज्रिवः ।  
गुहा यदी कवीनां विशां नक्षत्रशवसाम् ॥ १०.०२२.१०  
मक्षू ता त इन्द्र दानाप्रस आक्षणे शूर वज्रिवः ।  
यद्ध शुष्णस्य दम्भयो जातं विश्व सयावभिः ॥ १०.०२२.११  
माकुध्यगिन्द्र शूर वस्वीरस्मे भूवन्नभिष्टयः ।  
वयंवयं त आसां सुम्ने स्याम वज्रिवः ॥ १०.०२२.१२

अस्मे ता त इन्द्र सन्तु सत्याहिंसन्तीरुपस्पृशः ।  
 विद्याम यासां भुजो धेनूनां न वज्रिवः ॥ १०.०२२.१३  
 अहस्ता यदपदी वर्धत क्षाः शचीभिर्वेद्यानाम् ।  
 शुष्णं परि प्रदक्षिणिद्विश्वायवे नि शिश्रथः ॥ १०.०२२.१४  
 पिबापिबेदिन्द्र शूर सोमं मा रिषण्यो वसवान वसुः सन् ।  
 उत त्रायस्व गृणतो मघोनो महश्च रायो रेवतस्कृधी नः ॥ १०.०२२.१५  
 यजामह इन्द्रं वज्रदक्षिणं हरीणां रथ्यं विव्रतानाम् ।  
 प्र श्मश्रु दोधुवदूर्ध्वथा भूद्वि सेनाभिर्दयमानो वि राधसा ॥ १०.०२३.०१  
 हरी न्वस्य या वने विदे वस्विन्द्रो मघैर्मघवा वृत्रहा भुवत् ।  
 ऋभुर्वाज ऋभुक्षाः पत्यते शवोऽव क्षौमि दासस्य नाम चित् ॥ १०.०२३.०२  
 यदा वज्रं हिरण्यमिदथा रथं हरी यमस्य वहतो वि सूरिभिः ।  
 आ तिष्ठति मघवा सनश्रुत इन्द्रो वाजस्य दीर्घश्रवसस्पतिः ॥ १०.०२३.०३  
 सो चिन्नु वृष्टिर्युथ्याः स्वा सचाँ इन्द्रः श्मश्रूणि हरिताभि प्रुष्णुते ।  
 अव वेति सुक्षयं सुते मधूदिद्धनोति वातो यथा वनम् ॥ १०.०२३.०४  
 यो वाचा विवाचो मृध्रवाचः पुरू सहस्राशिवा जघान ।  
 तत्तदिदस्य पौंस्यं गृणीमसि पितेव यस्तविषीं वावृधे शवः ॥ १०.०२३.०५  
 स्तोमं त इन्द्र विमदा अजीजनन्नपूर्व्यं पुरुतमं सुदानवे ।  
 विद्या ह्यस्य भोजनमिनस्य यदा पशुं न गोपाः करामहे ॥ १०.०२३.०६  
 माकिर्न एना सख्या वि यौषुस्तव चेन्द्र विमदस्य च ऋषेः ।  
 विद्या हि ते प्रमतिं देव जामिवदस्मे ते सन्तु सख्या शिवानि ॥ १०.०२३.०७  
 इन्द्र सोममिमं पिब मधुमन्तं चमू सुतम् ।  
 अस्मे रयिं नि धारय वि वो मदे सहस्रिणं पुरूवसो विवक्षसे ॥ १०.०२४.०१  
 त्वां यज्ञेभिरुक्थैरुप हव्येभिरीमहे ।  
 शचीपते शचीनां वि वो मदे श्रेष्ठं नो धेहि वार्यं विवक्षसे ॥ १०.०२४.०२  
 यस्पतिर्वार्याणामसि रध्नस्य चोदिता ।  
 इन्द्र स्तोतृणामविता वि वो मदे द्विषो नः पाह्यंहसो विवक्षसे ॥ १०.०२४.०३  
 युवं शक्रा मायाविना समीची निरमन्थतम् ।

विमदेन यदीळिता नासत्या निरमन्थतम् ॥ १०.०२४.०४  
विश्वे देवा अकृपन्त समीच्योर्निष्पतन्त्योः ।  
नासत्यावब्रुवन्देवाः पुनरा वहतादिति ॥ १०.०२४.०५  
मधुमन्मे परायणं मधुमत्पुनरायनम् ।  
ता नो देवा देवतया युवं मधुमतस्कृतम् ॥ १०.०२४.०६  
भद्रं नो अपि वातय मनो दक्षमुत क्रतुम् ।  
अथा ते सख्ये अन्धसो वि वो मदे रण्णावो न यवसे विवक्षसे ॥ १०.०२५.०१  
हृदिस्पृशस्त आसते विश्वेषु सोम धामसु ।  
अथा कामा इमे मम वि वो मदे वि तिष्ठन्ते वसूयवो विवक्षसे ॥ १०.०२५.०२  
उत व्रतानि सोम ते प्राहं मिनामि पाक्या ।  
अथा पितेव सूनवे वि वो मदे मृळा नो अभि चिद्वधाद्विवक्षसे ॥ १०.०२५.०३  
समु प्र यन्ति धीतयः सर्गासोऽवताँ इव ।  
क्रतु नः सोम जीवसे वि वो मदे धारया चमसाँ इव विवक्षसे ॥ १०.०२५.०४  
तव त्ये सोम शक्तिभिर्निकामासो व्यृण्विरे ।  
गृत्सस्य धीरास्तवसो वि वो मदे व्रजं गोमन्तमश्विनं विवक्षसे ॥ १०.०२५.०५  
पशुं नः सोम रक्षसि पुरुत्रा विष्टितं जगत् ।  
समाकृणोषि जीवसे वि वो मदे विश्वा सम्पश्यन्भुवना विवक्षसे ॥ १०.०२५.०६  
त्वं नः सोम विश्वतो गोपा अदाभ्यो भव ।  
सेध राजन्नप स्त्रिधो वि वो मदे मा नो दुःशंस ईशता विवक्षसे ॥ १०.०२५.०७  
त्वं नः सोम सुक्रतुर्वयोधेयाय जागृहि ।  
क्षेत्रवित्तरो मनुषो वि वो मदे द्रुहो नः पाह्यंहसो विवक्षसे ॥ १०.०२५.०८  
त्वं नो वृत्रहन्तमेन्द्रस्येन्दो शिवः सखा ।  
यत्सीं हवन्ते समिथे वि वो मदे युध्यमानास्तोकसातौ विवक्षसे ॥ १०.०२५.०९  
अयं घ स तुरो मद इन्द्रस्य वर्धत प्रियः ।  
अयं कक्षीवतो महो वि वो मदे मतिं विप्रस्य वर्धयद्विवक्षसे ॥ १०.०२५.१०  
अयं विप्राय दाशुषे वार्जा इयर्ति गोमतः ।  
अयं सप्तभ्य आ वरं वि वो मदे प्रान्धं श्रोणं च तारिषद्विवक्षसे ॥ १०.०२५.११

प्र ह्यच्छा॑ मनी॒षा स्पा॑र्हा॒ यन्ति॑ न॒युतः॑ ।  
 प्र द॒स्रा न॒युद्रथः॑ पू॒षा अ॒विष्टु॑ मा॒हिनः॑ ॥ १०.०२६.०१  
 यस्य॑ त्यन्म॒हित्वं वा॒ताप्य॑मयं॒ जनः॑ ।  
 विप्र॑ आ वंस॒द्धीति॑भिश्चि॒केत॑ सुष्टु॒तीना॑म् ॥ १०.०२६.०२  
 स वेद॑ सुष्टु॒तीना॑मिन्दु॒र्न पू॒षा वृ॑षा ।  
 अ॒भि प्सुरः॑ प्रुषायति॒ ब्रजं॑ न आ प्रुषायति ॥ १०.०२६.०३  
 मंसी॑महि॒ त्वा वय॑मस्माकं॒ देव॑ पूषन् ।  
 मती॑नां च साधनं॒ विप्रा॑णां चाध॒वम् ॥ १०.०२६.०४  
 प्रत्य॑र्धिर्य॒ज्ञाना॑मश्व॒हयो॑ रथानाम् ।  
 ऋषिः॑ स यो मनु॒र्हितो॑ विप्रस्य यावयत्सखः ॥ १०.०२६.०५  
 आ॒धीष॑माणायाः पतिः शु॒चाया॑श्च शु॒चस्य॑ च ।  
 वा॒सोवा॑योऽवी॒नामा॑ वासा॒सि म॑मृजत् ॥ १०.०२६.०६  
 इ॒नो वा॑जानां॒ पति॑रिनः पु॒ष्टीनां॑ सखा ।  
 प्र श्मश्रु॑ हर्यतो॒ दूधो॑द्वि वृथा यो अदाभ्यः ॥ १०.०२६.०७  
 आ ते॑ रथस्य पूषन्न॒जा धुर॑ ववृत्युः ।  
 विश्व॑स्यार्थिनः सखा स॒नोजा॑ अनपच्युतः ॥ १०.०२६.०८  
 अ॒स्माक॑मूर्जा रथं पू॒षा अ॒विष्टु॑ मा॒हिनः॑ ।  
 भुव॑द्वाजानां वृध इ॒मं नः॑ शृणव॒द्धवम् ॥ १०.०२६.०९  
 अ॒सत्सु॑ मे जरितः साभि॒वेगो॑ यत्सु॒न्वते॑ यज॒मानाय॑ शि॒क्षम् ।  
 अना॑शीर्दाम॒हमस्मि॑ प्रह॒न्ता स॒त्यध्व॑तं वृ॒जिना॑यन्त॒माभु॑म् ॥ १०.०२७.०१  
 यदी॑दहं यु॒धये॑ संनया॒न्यदे॒वयू॒न्त्वा॒श्शूशु॑जानान् ।  
 अ॒मा ते॒ तुभ्र॑ वृषभं प॒चानि॑ ती॒ब्रं सु॑तं पञ्चदशं नि पि॒ञ्चम् ॥ १०.०२७.०२  
 नाहं॑ तं वेद॒ य इति॑ ब्रवीत्य॒देव॑यू॒न्सम॑रणे जघ॒न्वान् ।  
 यदा॑वाख्यत्स॒मरण॑मृ॒घाव॑दादिद्ध मे वृषभा प्र ब्रुवन्ति ॥ १०.०२७.०३  
 यद॑ज्ञातेषु वृ॒जने॒ष्वासं॑ विश्वे स॒तो म॑घवानो म आसन् ।  
 जि॒नामि॑ वेत्क्षेम आ सन्त॒माभुं॑ प्र तं क्षिणां पर्वते पाद॒गृह्य॑ ॥ १०.०२७.०४  
 न वा उ॒ मां वृ॒जने॑ वारयन्ते न पर्वतासो यदहं मनस्ये ।

मम स्वनात्कृधुकर्णो भयात् एवेदनु द्यून्किरणः समेजात् ॥ १०.०२७.०५  
दर्शन्वत्र शृतपाँ अनिन्द्रान्बाहुक्षदः शरवे पत्यमानान् ।  
घृषु वा ये निनिदुः सखायमध्यु न्वेषु पवयो ववृत्युः ॥ १०.०२७.०६  
अभूर्वोक्षीर्व्युः आयुरानद्धर्षन्तु पूर्वा अपरो नु दर्षत् ।  
द्वे पवस्ते परि तं न भूतो यो अस्य पारे रजसो विवेष ॥ १०.०२७.०७  
गावो यवं प्रयुता अर्यो अक्षन्ता अपश्यं सहगोपाश्चरन्तीः ।  
हवा इदर्यो अभितः समायन्कियदासु स्वपतिश्छन्दयाते ॥ १०.०२७.०८  
सं यद्वयं यवसादो जनानामहं यवाद उर्वज्रे अन्तः ।  
अत्रा युक्तोऽवसातारमिच्छादथो अयुक्तं युनजद्ववन्वान् ॥ १०.०२७.०९  
अत्रेदु मे मंससे सत्यमुक्तं द्विपाच्च यच्चतुष्पात्संसृजानि ।  
स्त्रीभिर्यो अत्र वृषणं पृतन्यादयुद्धो अस्य वि भजानि वेदः ॥ १०.०२७.१०  
यस्यानक्षा दुहिता जात्वास कस्तां विद्वौ अभि मन्याते अन्धाम् ।  
कतरो मेनिं प्रति तं मुचाते य ईं वहाते य ईं वा वरेयात् ॥ १०.०२७.११  
कियती योषा मर्यतो वधूयोः परिप्रीता पन्यसा वार्येण ।  
भद्रा वधूर्भवति यत्सुपेशाः स्वयं सा मित्रं वनुते जने चित् ॥ १०.०२७.१२  
पत्तो जगार प्रत्यश्चमत्ति शीर्ष्णा शिरः प्रति दधौ वरूथम् ।  
आसीन ऊर्ध्वामुपसि क्षिणाति न्यङ्कुत्तानामन्वेति भूमिम् ॥ १०.०२७.१३  
बृहन्नच्छायो अपलाशो अर्वा तस्थौ माता विषितो अत्ति गर्भः ।  
अन्यस्या वत्सं रिहती मिमाय कया भुवा नि दधे धेनुरूधः ॥ १०.०२७.१४  
सप्त वीरासो अधरादुदायन्नष्टोत्तरात्तात्समजग्मिरन्ते ।  
नव पश्चातात्स्त्रिविमन्त आयन्दश प्राक्सानु वि तिरन्त्यश्नः ॥ १०.०२७.१५  
दशानामेकं कपिलं समानं तं हिन्वन्ति ऋतवे पार्याय ।  
गर्भं माता सुधितं वक्षणास्ववेनन्तं तुषयन्ती बिभर्ति ॥ १०.०२७.१६  
पीवानं मेषमपचन्त वीरा न्युप्ता अक्षा अनु दीव आसन् ।  
द्वा धनु बृहतीमप्स्वःशन्तः पवित्रवन्ता चरतः पुनन्ता ॥ १०.०२७.१७  
वि क्रोशनासो विष्वञ्च आयन्पचाति नेमो नहि पक्षदर्धः ।  
अयं मे देवः सविता तदाह द्वन्न इद्वनवत्सर्पिरन्नः ॥ १०.०२७.१८

अपश्यं ग्रामं वहमानमारादचक्रया स्वधया वर्तमानम् ।  
 सिषत्तर्धर्यः प्र युगा जनानां सद्यः शिश्रा प्रमिनानो नवीयान् ॥ १०.०२७.११  
 एतौ मे गावौ प्रमरस्य युक्तौ मो पु प्र सेधीर्मुहुरिन्ममन्धि ।  
 आपश्चिदस्य वि नशन्त्यर्थं सूरश्च मर्क उपरो बभूवान् ॥ १०.०२७.२०  
 अयं यो वज्रः पुरुधा विवृत्तोऽवः सूर्यस्य बृहतः पुरीषात् ।  
 श्रव इदेना परो अन्यदस्ति तदव्यथी जरिमाणस्तरन्ति ॥ १०.०२७.२१  
 वृक्षेवृक्षे नियता मीमयद्वौस्ततो वयः प्र पतान्पूरुषादः ।  
 अथेदं विश्वं भुवनं भयात् इन्द्राय सुन्वदृषये च शिक्षत् ॥ १०.०२७.२२  
 देवानां माने प्रथमा अतिष्ठन्कृन्तत्रादिषामुपरा उदायन् ।  
 त्रयस्तपन्ति पृथिवीमनूपा द्वा बृबूकं वहतः पुरीषम् ॥ १०.०२७.२३  
 सा ते जीवातुरुत तस्य विद्धि मा स्मेतादृगप गूहः समर्थे ।  
 आविः स्वः कृणुते गूहते बुसं स पादुरस्य निर्णिजो न मुच्यते ॥ १०.०२७.२४  
 विश्वो ह्यश्न्यो अरिराजगाम ममेदह श्वशुरो ना जगाम ।  
 जक्षीयाद्धाना उत सोमं पपीयात्स्वाशितः पुनरस्तं जगायात् ॥ १०.०२८.०१  
 स रोरुवद्वृषभस्तिग्मशृङ्गो वर्ष्मन्तस्थौ वरिमन्ना पृथिव्याः ।  
 विश्वेष्वेनं वृजनेषु पामि यो मे कुक्षी सुतसोमः पृणाति ॥ १०.०२८.०२  
 अद्रिणा ते मन्दिन इन्द्र तूयान्सुन्वन्ति सोमान्पिबसि त्वमेषाम् ।  
 पचन्ति ते वृषभाँ अत्सि तेषां पृक्षेण यन्मघवन्हूयमानः ॥ १०.०२८.०३  
 इदं सु मे जरितरा चिकिद्धि प्रतीपं शापं नद्यो वहन्ति ।  
 लोपाशः सिंहं प्रत्यञ्चमत्साः क्रोष्टा वराहं निरतक्त कक्षात् ॥ १०.०२८.०४  
 कथा त एतदहमा चिकेतं गृत्सस्य पाकस्तवसो मनीषाम् ।  
 त्वं नो विद्वान् ऋतुथा वि वोचो यमर्धं ते मघवन्क्षेम्या धूः ॥ १०.०२८.०५  
 एवा हि मां तवसं वर्धयन्ति दिवश्चिन्मे बृहत उत्तरा धूः ।  
 पुरू सहस्रा नि शिशामि साकमशत्रुं हि मा जनिता जजान ॥ १०.०२८.०६  
 एवा हि मां तवसं जजुरुग्रं कर्मन्कर्मन्वृषणमिन्द्र देवाः ।  
 वर्धी वृत्रं वज्रेण मन्दसानोऽप ब्रजं महिना दाशुषे वम् ॥ १०.०२८.०७  
 देवास आयन्परशूरबिभ्रन्वना वृश्चन्तो अभि विङ्गिरायन् ।

नि सु॒द्वं॑ दध॒तो व॒क्षणा॑सु यत्रा कृ॒पीट॑मनु तद्द॒हन्ति ॥ १०.०२८.०८  
श॒शः क्षु॑रं प्र॒त्यश्च॑ जगारा॒द्रि लो॒गेन॑ व्य॒भेद॑मारात् ।  
बृ॒हन्तं॑ चि॒दृह॑ते रन्ध॒यानि॑ वय॒द्वत्सो॑ वृष॒भं शू॒शुवानः॑ ॥ १०.०२८.०९  
सु॒पर्ण॑ इ॒त्था न॒खमा॑ सि॒षाय॑ावरु॒द्धः परि॑पदं न सिं॒हः ।  
नि॒रु॒द्धश्चि॒न्महि॑षस्त॒र्ष्यावा॒न्गोधा॑ तस्मा अ॒यथ॑ कर्ष॒देतत् ॥ १०.०२८.१०  
तेभ्यो॑ गो॒धा अ॒यथ॑ कर्ष॒देत॑द्ये ब्र॒ह्मणः॑ प्रति॒पीय॑न्त्य॒त्रैः ।  
सि॒म उ॒क्ष्णो॑ऽवसृष्टौ अ॒दन्ति॑ स्व॒यं ब॒लानि॑ त॒न्वः शृ॒णानाः॑ ॥ १०.०२८.११  
ए॒ते श॒मीभिः॑ सु॒शमी॑ अभू॒वन्त्ये हि॒न्विरे॑ त॒न्वः॑ सोम॒ उ॒क्थैः॑ ।  
नृ॒वद्व॑द॒न्नुप॑ नो मा॒हि वा॒जा॒न्दि॒वि श्र॒वो दधि॑षे नाम॒ वीरः॑ ॥ १०.०२८.१२  
वने॑ न वा यो न्य॒धायि॑ चाकञ्छु॒चिर्वा॑ स्तोमो भुर॒णाव॑जीगः ।  
यस्ये॒दिन्द्रः॑ पुरु॒दिने॑षु होता नृ॒णां नर्यो॑ नृतमः क्ष॒पावान् ॥ १०.०२९.०१  
प्र ते॑ अ॒स्या उ॒षसः॑ प्रा॒पर॑स्या नृतौ स्याम॒ नृत॑मस्य नृ॒णाम् ।  
अनु॑ त्रि॒शोकः॑ श॒तमा॑वह॒न्नु॒क्तसे॑न रथो यो अ॒सत्स॑स॒वान् ॥ १०.०२९.०२  
क॒स्ते म॒द इन्द्र॑ रन्त्यो भू॒द्गुरो॑ गिरो अ॒भ्यु॒॑ग्रो वि॑ धाव ।  
क॒द्वाहो॑ अ॒र्वागु॑प मा मनी॒षा आ॒ त्वा श॒क्यामु॑पमं रा॒धो अ॒त्रैः ॥ १०.०२९.०३  
क॒दु द्यु॒म्रमि॑न्द्र॒ त्वाव॑तो नृ॒न्कया॑ धि॒या कर॑से क॒न्न आ॑गन् ।  
मि॒त्रो न स॒त्य उ॒रुगा॑य भृ॒त्या अ॒त्रे स॒मस्य॑ यद॒सन्म॑नी॒षाः ॥ १०.०२९.०४  
प्रे॒रय॑ सू॒रो अर्थं॑ न पा॒रं ये अ॒स्य का॑मं ज॒निधा॑ इ॒व ग॑मन् ।  
गि॒रश्च॑ ये ते तु॒विजा॑त पूर्वी॒र्नर॑ इन्द्र॒ प्रति॑शि॒क्षन्त्य॒त्रैः ॥ १०.०२९.०५  
मा॒त्रे नु॒ ते सु॑मि॒ते इन्द्र॑ पूर्वी॒ द्यौर्म॑ज्मना पृथि॒वी का॒व्येन॑ ।  
वरा॑य ते घृ॒तव॑न्तः सु॒तासः॑ स्वा॒द्वन्भव॑न्तु पी॒तये॑ मधू॒नि ॥ १०.०२९.०६  
आ म॒ध्वो अ॒स्मा अ॒सिच॑न्नम॒त्रमि॑न्द्राय पूर्णं स हि स॒त्यरा॑धाः ।  
स वा॒वृधे॑ वरि॒मत्रा॑ पृथि॒व्या अ॒भि क्र॑त्वा नर्यः पौ॒स्यैश्च॑ ॥ १०.०२९.०७  
व्या॒नळि॑न्द्रः पृ॒तनाः॑ स्वो॒जा आ॒स्मै य॑तन्ते स॒ख्याय॑ पूर्वीः ।  
आ स्मा॑ रथं न पृ॒तना॑सु तिष्ठ॒ यं भ॒द्रया॑ सु॒मत्या॑ चो॒दया॑से ॥ १०.०२९.०८  
प्र दे॒वत्रा॑ ब्र॒ह्मणे॑ गा॒तुरे॑त्वपो अ॒च्छा मन॑सो न प्रयु॒क्ति ।  
म॒हीं मि॒त्रस्य॑ वरु॒णस्य॑ धा॒सिं पृथु॑न्नय॒से री॑रधा सु॒वृक्ति॑म् ॥ १०.०३०.०१

अध्वर्यवो हविष्मन्तो हि भूताच्छाप इतोशतीरुशन्तः ।  
 अव याश्चष्टे अरुणः सुपर्णस्तमास्यध्वमूर्मिमद्या सुहस्ताः ॥ १०.०३०.०२  
 अध्वर्यवोऽप इता समुद्रमपां नपातं हविषा यजध्वम् ।  
 स वो दददूर्मिमद्या सुपूतं तस्मै सोमं मधुमन्तं सुनोत ॥ १०.०३०.०३  
 यो अनिध्मो दीदयदप्स्वश्न्तर्यं विप्रास ईळते अध्वरेषु ।  
 अपां नपान्मधुमतीरपो दा याभिरिन्द्रो वावृधे वीर्याय ॥ १०.०३०.०४  
 याभिः सोमो मोदते हर्षते च कल्याणीभिर्युवतिभिर्न मर्यः ।  
 ता अध्वर्यो अपो अच्छा परेहि यदासिञ्चा ओषधीभिः पुनीतात् ॥ १०.०३०.०५  
 एवेद्यूने युवतयो नमन्त यदीमुशन्नुशतीरेत्यच्छ ।  
 सं जानते मनसा सं चिकित्त्रेऽध्वर्यवो घिषणापश्च देवीः ॥ १०.०३०.०६  
 यो वो वृताभ्यो अकृणोदु लोकं यो वो मह्या अभिशस्तेरमुञ्चत् ।  
 तस्मा इन्द्राय मधुमन्तमूर्मिं देवमादनं प्र हिणोतनापः ॥ १०.०३०.०७  
 प्रास्मै हिनोत मधुमन्तमूर्मिं गर्भो यो वः सिन्धवो मध्व उत्सः ।  
 घृतपृष्ठमीड्रमध्वरेष्वापो रेवतीः शृणुता हव मे ॥ १०.०३०.०८  
 तं सिन्धवो मत्सरमिन्द्रपानमूर्मिं प्र हेत य उभे इयर्ति ।  
 मदच्युतमौशानं नभोजां परि त्रितन्तु विचरन्तमुत्सम् ॥ १०.०३०.०९  
 आववृततीरध नु द्विधारा गोषुयुधो न नियवं चरन्तीः ।  
 ऋषे जनित्रीर्भुवनस्य पत्नीरपो वन्दस्व सवृधः सयोनीः ॥ १०.०३०.१०  
 हिनोता नो अध्वरं देवयज्या हिनोत ब्रह्म सनये धनानाम् ।  
 ऋतस्य योगे वि प्यध्वमूधः श्रुष्टीवरीर्भूतनास्मभ्यमापः ॥ १०.०३०.११  
 आपो रेवतीः क्षयथा हि वस्वः ऋतुं च भद्रं बिभ्रथामृतं च ।  
 रायश्च स्थ स्वपत्यस्य पत्नीः सरस्वती तद्गुणते वयो धात् ॥ १०.०३०.१२  
 प्रति यदापो अदृश्रमायतीर्घृतं पर्यासि बिभ्रतीर्मधूनि ।  
 अध्वर्युभिर्मनसा संविदाना इन्द्राय सोमं सुषुतं भरन्तीः ॥ १०.०३०.१३  
 एमा अगमन्नेवतीर्जीवधन्या अध्वर्यवः सादयता सखायः ।  
 नि बर्हिषि धत्तन सोम्यासोऽपां नत्रा संविदानास एनाः ॥ १०.०३०.१४  
 आगमन्नाप उशतीर्बर्हिरेदं न्यध्वरे असदन्देवयन्तीः ।



अध्वर्यवः सुनुतेन्द्राय सोममभूदु वः सुशका देवयज्या ॥ १०.०३०.१५  
 आ नो देवानामुप वेतु शंसो विश्वेभिस्तुरैरवसे यजत्रः ।  
 तेभिर्वयं सुषखायो भवेम तरन्तो विश्वा दुरिता स्याम ॥ १०.०३१.०१  
 परि चिन्मर्तो द्रविणं ममन्यादृतस्य पथा नमसा विवासेत् ।  
 उत स्वेन क्रतुना सं वदेत श्रेयासं दक्षं मनसा जगृभ्यात् ॥ १०.०३१.०२  
 अधायि धीतिरससृग्रमंशास्तीर्थे न दस्ममुप यन्त्यूमाः ।  
 अभ्यानश्म सुवितस्य शूषं नवेदसो अमृतानामभूम ॥ १०.०३१.०३  
 नित्यश्चाकन्यात्स्वपतिर्दमूना यस्मा उ देवः सविता जजान ।  
 भगो वा गोभिरर्यमेमनज्यात्सो अस्मै चारुश्छदयदुत स्यात् ॥ १०.०३१.०४  
 इयं सा भूया उषसामिव क्षा यद्ध क्षुमन्तः शवसा समायन् ।  
 अस्य स्तुतिं जरितुर्भिक्षमाणा आ नः शग्मास उप यन्तु वाजाः ॥ १०.०३१.०५  
 अस्येदेषा सुमतिः पप्रथानाभवत्पूर्व्या भूमना गौः ।  
 अस्य सनीळा असुरस्य योनौ समान आ भरणे बिभ्रमाणाः ॥ १०.०३१.०६  
 किं स्विद्वनं क उ स वृक्ष आस यतो द्यावापृथिवी निष्टतक्षुः ।  
 संतस्थाने अजरे इतऊती अहानि पूर्वीरुषसो जरन्त ॥ १०.०३१.०७  
 नैतावदेना परो अन्यदस्त्युक्षा स द्यावापृथिवी बिभर्ति ।  
 त्वचं पवित्रं कृणुत स्वधावान्यदीं सूर्यं न हरितो वहन्ति ॥ १०.०३१.०८  
 स्तेगो न क्षामत्येति पृथ्वीं मिहं न वातो वि ह वाति भूम ।  
 मित्रो यत्र वरुणो अज्यमानोऽग्निर्वने न व्यसृष्ट शोकम् ॥ १०.०३१.०९  
 स्तरीर्यत्सूत सद्यो अज्यमाना व्यथिरव्यथीः कृणुत स्वगोपा ।  
 पुत्रो यत्पूर्वः पित्रोर्जनिष्ट शम्यां गौर्जगार यद्ध पृच्छान् ॥ १०.०३१.१०  
 उत कण्वं नृषदः पुत्रमाहुरुत श्यावो धनमादत्त वाजी ।  
 प्र कृष्णाय रुशदपिन्वतोधर्ऋतमत्र नकिरस्मा अपीपेत् ॥ १०.०३१.११  
 प्र सु ग्मन्ता धियसानस्य सक्षणि वरेभिर्वराँ अभि षु प्रसीदतः ।  
 अस्माकमिन्द्र उभयं जुजोषति यत्सोम्यस्यान्धसो बुबोधति ॥ १०.०३२.०१  
 वीन्द्र यासि दिव्यानि रोचना वि पार्थिवानि रजसा पुरुष्टुत ।  
 ये त्वा वहन्ति मुहुरध्वराँ उप ते सु वन्वन्तु वग्वनाँ अराधसः ॥ १०.०३२.०२

तदिन्मे छन्त्सद्वपुषो वपुष्टरं पुत्रो यज्जानं पित्रोरधीयति ।  
जाया पतिं वहति वयुनां सुमत्पुंस इद्भद्रो वहतुः परिष्कृतः ॥ १०.०३२.०३  
तदित्सधस्थमभि चारु दीधय गावो यच्छासन्वहतुं न धेनवः ।  
माता यन्मन्तुर्युथस्य पूर्व्याभि वाणस्य सप्तधातुरिज्जनः ॥ १०.०३२.०४  
प्र वोऽच्छा रिरिचे देवयुष्पदमेको रुद्रेभिर्याति तुर्वणिः ।  
जरा वा येष्मृतेषु दावने परि व ऊमेभ्यः सिञ्चता मधु ॥ १०.०३२.०५  
निधीयमानमपगूळ्मप्सु प्र मे देवानां व्रतपा उवाच ।  
इन्द्रो विद्वाँ अनु हि त्वा चक्ष तेनाहमग्ने अनुशिष्ट आगाम् ॥ १०.०३२.०६  
अक्षेत्रवित्क्षेत्रविदं ह्यप्राट् स प्रैति क्षेत्रविदानुशिष्टः ।  
एतद्वै भद्रमनुशासनस्योत सुतिं विन्दत्यञ्जसीनाम् ॥ १०.०३२.०७  
अद्येदु प्राणीदममन्निमाहापीवृतो अधयन्मातुरूधः ।  
एमेनमाप जरिमा युवानमहेळन्वसुः सुमना बभूव ॥ १०.०३२.०८  
एतानि भद्रा कलश क्रियाम कुरुश्रवण ददतो मघानि ।  
दान इद्वो मघवानः सो अस्त्वयं च सोमो हृदि यं बिभर्मि ॥ १०.०३२.०९  
प्र मा युयुज्रे प्रयुजो जनानां वहामि स्म पूषणमन्तरेण ।  
विश्वे देवासो अध मामरक्षन्दुःशासुरागादिति घोष आसीत् ॥ १०.०३३.०१  
सं मा तपन्त्यभितः सपत्नीरिव पशवः ।  
नि बाधते अमतिर्नग्नता जसुर्वेर्न वेवीयते मतिः ॥ १०.०३३.०२  
मूषो न शिश्रा व्यदन्ति माध्यः स्तोतारं ते शतक्रतो ।  
सकृत्सु नो मघवन्निन्द्र मृळयाथा पितेव नो भव ॥ १०.०३३.०३  
कुरुश्रवणमावृणि राजानं त्रासदस्यवम् ।  
मंहिष्ठं वाघतामृषिः ॥ १०.०३३.०४  
यस्य मा हरितो रथे तिस्रो वहन्ति साधुया ।  
स्तवे सहस्रदक्षिणे ॥ १०.०३३.०५  
यस्य प्रस्वादसो गिर उपमश्रवसः पितुः ।  
क्षेत्रं न रण्वमूचुषे ॥ १०.०३३.०६  
अधि पुत्रोपमश्रवो नपान्मित्रातिथेरिहि ।

पितुष्टे अस्मि वन्दिता ॥ १०.०३३.०७  
 यदीशीयामृतानामुत वा मर्त्यानाम् ।  
 जीवेदिन्मघवा मम ॥ १०.०३३.०८  
 न देवानामति व्रतं शतात्मा चन जीवति ।  
 तथा युजा वि वावृते ॥ १०.०३३.०९  
 प्रावेपा मा बृहतो मादयन्ति प्रवातेजा इरिणे ववृतानाः ।  
 सोमस्येव मौजवतस्य भक्षो विभीदको जागृविर्मह्यमच्छान् ॥ १०.०३४.०१  
 न मा मिमेथ न जिहीळ एषा शिवा सखिभ्य उत मह्यमासीत् ।  
 अक्षस्याहमेकपरस्य हेतोरनुव्रतामप जायामरोधम् ॥ १०.०३४.०२  
 द्वेष्टि श्वश्रूरप जाया रुणद्धि न नाथितो विन्दते मर्दितारम् ।  
 अश्वस्येव जरतो वस्यस्य नाहं विन्दामि कितवस्य भोगम् ॥ १०.०३४.०३  
 अन्ये जायां परि मृशन्त्यस्य यस्यागृधद्वेदने वाज्यक्षः ।  
 पिता माता भ्रातर एनमाहुर्न जानीमो नयता बद्धमेतम् ॥ १०.०३४.०४  
 यदादीध्ये न दविषाण्येभिः परायञ्चोऽव हीये सखिभ्यः ।  
 न्युप्ताश्च बभ्रवो वाचमक्रतं एमीदेषां निष्कृतं जारिणीव ॥ १०.०३४.०५  
 सभामेति कितवः पृच्छमानो जेष्यामीति तन्वाश् शूशुजानः ।  
 अक्षासो अस्य वि तिरन्ति कामं प्रतिदीन्ने दधत आ कृतानि ॥ १०.०३४.०६  
 अक्षास इदङ्कुशिनो नितोदिनो निकृत्वानस्तपनास्तापयिष्णवः ।  
 कुमारदेषणा जयतः पुनर्हणो मध्वा सम्पृक्ताः कितवस्य बर्हणा ॥ १०.०३४.०७  
 त्रिपञ्चाशः क्रीळति व्रात एषां देव इव सविता सत्यधर्मा ।  
 उग्रस्य चिन्मन्यवे ना नमन्ते राजा चिदेभ्यो नम इत्कृणोति ॥ १०.०३४.०८  
 नीचा वर्तन्त उपरि स्फुरन्त्यहस्तासो हस्तवन्तं सहन्ते ।  
 दिव्या अङ्गारा इरिणे न्युप्ताः शीताः सन्तो हृदयं निर्दहन्ति ॥ १०.०३४.०९  
 जाया तप्यते कितवस्य हीना माता पुत्रस्य चरतः क्व स्वित् ।  
 ऋणावा बिभ्यद्धनमिच्छमानोऽन्येषामस्तमुप नक्तमेति ॥ १०.०३४.१०  
 स्त्रियं दृष्ट्वाय कितवं ततापान्येषां जायां सुकृतं च योनिम् ।  
 पूर्वाह्णे अश्वान्युयुजे हि बभ्रून्सो अग्नेरन्ते वृषलः पपाद ॥ १०.०३४.११

यो वः सेनानीर्महतो गणस्य राजा व्रातस्य प्रथमो बभूव ।  
तस्मै कृणोमि न धना रुणधिं दशाहं प्राचीस्तदृतं वदामि ॥ १०.०३४.१२  
अक्षैर्मा दीव्यः कृषिमित्कृषस्व वित्ते रमस्व बहु मन्यमानः ।  
तत्र गावः कितव तत्र जाया तन्मे वि चष्टे सवितायमर्यः ॥ १०.०३४.१३  
मित्रं कृणुध्वं खलु मृळता नो मा नो घोरेण चरताभि धृष्णु ।  
नि वो नु मन्युविशतामरातिरन्यो बभ्रूणां प्रसितौ न्वस्तु ॥ १०.०३४.१४  
अबुध्रमु त्य इन्द्रवन्तो अग्रयो ज्योतिर्भरन्त उषसो व्युष्टिषु ।  
मही द्यावापृथिवी चेततामपोऽद्या देवानामव आ वृणीमहे ॥ १०.०३५.०१  
दिवस्पृथिव्योरव आ वृणीमहे मातृन्सिन्धून्पर्वताञ्छर्यणावतः ।  
अनागास्त्वं सूर्यमुषासमीमहे भद्रं सोमः सुवानो अद्या कृणोतु नः ॥ १०.०३५.०२  
द्यावा नो अद्य पृथिवी अनागसो मही त्रायेतां सुविताय मातरा ।  
उषा उच्छन्त्यप बाधतामघं स्वस्त्यश्निं समिधानमीमहे ॥ १०.०३५.०३  
इयं न उस्ना प्रथमा सुदेव्य रेवत्सनिभ्यो रेवती व्युच्छतु ।  
आरे मन्यु दुर्विदत्रस्य धीमहि स्वस्त्यश्निं समिधानमीमहे ॥ १०.०३५.०४  
प्र याः सिस्रते सूर्यस्य रश्मिभिर्ज्योतिर्भरन्तीरुषसो व्युष्टिषु ।  
भद्रा नो अद्य श्रवसे व्युच्छत स्वस्त्यश्निं समिधानमीमहे ॥ १०.०३५.०५  
अनमीवा उषस आ चरन्तु न उदग्रयो जिहतां ज्योतिषा बृहत् ।  
आयुक्षातामश्विना तूतुजिं रथं स्वस्त्यश्निं समिधानमीमहे ॥ १०.०३५.०६  
श्रेष्ठ नो अद्य सवितर्वरेण्यं भागमा सुव स हि रत्नधा असि ।  
रायो जनित्रीं धिषणामुप ब्रुवे स्वस्त्यश्निं समिधानमीमहे ॥ १०.०३५.०७  
पिपर्तु मा तदृतस्य प्रवाचनं देवानां यन्मनुष्याः अमन्महि ।  
विश्वा इदुस्नाः स्पळुदेति सूर्यः स्वस्त्यश्निं समिधानमीमहे ॥ १०.०३५.०८  
अद्वेषो अद्य बर्हिषः स्तरोमणि ग्राव्यां योगे मन्मनः साध ईमहे ।  
आदित्यानां शर्मणि स्था भुरण्यसि स्वस्त्यश्निं समिधानमीमहे ॥ १०.०३५.०९  
आ नो बर्हिः सधमादे बृहद्विवि देवाँ ईळे सादया सप्त होतृन् ।  
इन्द्रं मित्रं वरुणं सातये भगं स्वस्त्यश्निं समिधानमीमहे ॥ १०.०३५.१०  
त आदित्या आ गता सर्वतातये वृधे नो यज्ञमवता सजोषसः ।

बृहस्पतिं पूषणमश्विना भगं स्वस्त्यश्निं समिधानमीमहे ॥ १०.०३५.११  
 तन्नो देवा यच्छत सुप्रवाचनं छुर्दिरादित्याः सुभरं नृपाय्यम् ।  
 पश्वे तोकाय तनयाय जीवसे स्वस्त्यश्निं समिधानमीमहे ॥ १०.०३५.१२  
 विश्वे अद्य मरुतो विश्व ऊती विश्वे भवन्त्वग्नयः समिद्धाः ।  
 विश्वे नो देवा अवसा गमन्तु विश्वमस्तु द्रविणं वाजो अस्मे ॥ १०.०३५.१३  
 यं देवासोऽवथ वाजसातौ यं त्रायध्वे यं पिपृथात्यंहः ।  
 यो वो गोपीथे न भयस्य वेद ते स्याम देववीतये तुरासः ॥ १०.०३५.१४  
 उपासानक्ता बृहती सुपेशसा द्यावाक्षामा वरुणो मित्रो अर्यमा ।  
 इन्द्रं हुवे मरुतः पर्वताँ अप आदित्यान्द्यावापृथिवी अपः स्वः ॥ १०.०३६.०१  
 द्यौश्च नः पृथिवी च प्रचेतस ऋतावरी रक्षतामंहसो रिषः ।  
 मा दुर्विदत्रा निर्ऋतिर्न ईशत तद्देवानामवो अद्या वृणीमहे ॥ १०.०३६.०२  
 विश्वस्मान्नो अदितिः पात्वंहसो माता मित्रस्य वरुणस्य रेवतः ।  
 स्वर्वज्योतिरवृकं नशीमहि तद्देवानामवो अद्या वृणीमहे ॥ १०.०३६.०३  
 ग्रावा वदन्नप रक्षासि सेधतु दुष्वप्र्यं निर्ऋतिं विश्वमत्रिणम् ।  
 आदित्यं शर्म मरुतामशीमहि तद्देवानामवो अद्या वृणीमहे ॥ १०.०३६.०४  
 एन्द्रो बर्हिः सीदतु पिन्वतामिळा बृहस्पतिः सामभिर्ऋको अर्चतु ।  
 सुप्रकेतं जीवसे मन्म धीमहि तद्देवानामवो अद्या वृणीमहे ॥ १०.०३६.०५  
 दिविस्पृशं यज्ञमस्माकमश्विना जीराध्वरं कृणुतं सुम्रमिष्टये ।  
 प्राचीनरश्मिमाहुतं घृतेन तद्देवानामवो अद्या वृणीमहे ॥ १०.०३६.०६  
 उप ह्वये सुहवं मारुतं गणं पावकमृष्वं सख्याय शम्भुवम् ।  
 रायस्पोषं सौश्रवसाय धीमहि तद्देवानामवो अद्या वृणीमहे ॥ १०.०३६.०७  
 अपां पेरु जीवधन्यं भरामहे देवाव्यं सुहवमध्वरश्रियम् ।  
 सुरश्मिं सोममिन्द्रियं यमीमहि तद्देवानामवो अद्या वृणीमहे ॥ १०.०३६.०८  
 सनेम तत्सुसनिता सनित्वभिर्वयं जीवा जीवपुत्रा अनागसः ।  
 ब्रह्मद्विषो विष्वगेनो भरेरत तद्देवानामवो अद्या वृणीमहे ॥ १०.०३६.०९  
 ये स्था मनोर्यज्ञियास्ते शृणोतन यद्वो देवा ईमहे तद्ददातन ।  
 जैत्रं ऋतुं रयिमद्वीरवद्यशस्तद्देवानामवो अद्या वृणीमहे ॥ १०.०३६.१०

महदद्य महतामा वृणीमहेऽवो देवानां बृहतामनर्वणाम् ।  
यथा वसु वीरजातं नशामहै तद्देवानामवो अद्या वृणीमहे ॥ १०.०३६.११  
महो अग्नेः समिधानस्य शर्मण्यनागा मित्रे वरुणे स्वस्तये ।  
श्रेष्ठे स्याम सवितुः सवीमनि तद्देवानामवो अद्या वृणीमहे ॥ १०.०३६.१२  
ये सवितुः सत्यसवस्य विश्वे मित्रस्य व्रते वरुणस्य देवाः ।  
ते सौभगं वीरवद्भोमदप्रो दधातन द्रविणं चित्रमस्मे ॥ १०.०३६.१३  
सविता पश्चातात्सविता पुरस्तात्सवितोत्तरात्तात्सविताधरात्तात् ।  
सविता नः सुवतु सर्वतातिं सविता नो रासतां दीर्घमायुः ॥ १०.०३६.१४  
नमो मित्रस्य वरुणस्य चक्षसे महो देवाय तदृतं सपर्यत ।  
दूरेदृशे देवजाताय केतवे दिवस्पुत्राय सूर्याय शंसत ॥ १०.०३७.०१  
सा मा सत्योक्तिः परि पातु विश्वतो द्यावा च यत्र ततनन्नहानि च ।  
विश्वमन्यन्नि विशते यदेजति विश्वाहापो विश्वाहोदेति सूर्यः ॥ १०.०३७.०२  
न ते अदेवः प्रदिवो नि वासते यदेतशेभिः पतरै रथर्यसि ।  
प्राचीनमन्यदनु वर्तते रज उदन्येन ज्योतिषा यासि सूर्य ॥ १०.०३७.०३  
येन सूर्य ज्योतिषा बाधसे तमो जगच्च विश्वमुदियषि भानुना ।  
तेनास्मद्विश्वामनिरामनाहुतिमपामीवामप दुष्वप्र्य सुव ॥ १०.०३७.०४  
विश्वस्य हि प्रेषितो रक्षसि व्रतमहेळयन्नुच्चरसि स्वधा अनु ।  
यदद्य त्वा सूर्योपब्रवामहै तं नो देवा अनु मंसीरत क्रतुम् ॥ १०.०३७.०५  
तं नो द्यावापृथिवी तन्न आप इन्द्रः शृण्वन्तु मरुतो हवं वचः ।  
मा शूने भूम सूर्यस्य संदृशि भद्रं जीवन्तो जरणामशीमहि ॥ १०.०३७.०६  
विश्वाहा त्वा सुमनसः सुचक्षसः प्रजावन्तो अनमीवा अनागसः ।  
उद्यन्तं त्वा मित्रमहो दिवेदिवे ज्योग्जीवाः प्रति पश्येम सूर्य ॥ १०.०३७.०७  
महि ज्योतिर्बिभ्रतं त्वा विचक्षण भास्वन्तं चक्षुषेचक्षुषे मयः ।  
आरोहन्तं बृहतः पाजसस्परि वयं जीवाः प्रति पश्येम सूर्य ॥ १०.०३७.०८  
यस्य ते विश्वा भुवनानि केतुना प्र चेरते नि च विशन्ते अक्तुभिः ।  
अनागास्त्वेन हरिकेश सूर्याह्वाहा नो वस्यसावस्यसोदिहि ॥ १०.०३७.०९  
शं नो भव चक्षसा शं नो अहा शं भानुना शं हिमा शं घृणेन ।

यथा शमध्वञ्छमसद्दुरोणे तत्सूर्यं द्रविणं धेहि चित्रम् ॥ १०.०३७.१०  
 अस्माकं देवा उभयाय जन्मने शर्म यच्छत द्विपदे चतुष्पदे ।  
 अदत्पिबदूर्जयमानमाशितं तदस्मे शं योररपो दधातन ॥ १०.०३७.११  
 यद्वो देवाश्चक्रुम जिह्वया गुरु मनसो वा प्रयुती देवहेळनम् ।  
 अरावा यो नो अभि दुच्छुनायते तस्मिन्तदेनो वसवो नि धेतन ॥ १०.०३७.१२  
 अस्मिन्न इन्द्र पृत्सुतौ यशस्वति शिमीवति क्रन्दसि प्राव सातये ।  
 यत्र गोषाता धृषितेषु खादिषु विष्वक्पतन्ति दिद्यवो नृषाह्ये ॥ १०.०३८.०१  
 स नः क्षुमन्तं सदने व्यूर्णुहि गोअर्णसं रयिमिन्द्र श्रवाय्यम् ।  
 स्याम ते जयतः शक्र मेदिनो यथा वयमुश्मसि तद्वसो कृधि ॥ १०.०३८.०२  
 यो नो दास आर्यो वा पुरुष्टृतादेव इन्द्र युधये चिकेतति ।  
 अस्माभिष्टे सुषहाः सन्तु शत्रवस्त्वया वयं तान्वनुयाम संगमे ॥ १०.०३८.०३  
 यो दभ्रेभिर्हव्यो यश्च भूरिभिर्यो अभीके वरिवोविनृषाह्ये ।  
 तं विखादे सस्त्रिमद्य श्रुतं नरमर्वाश्चमिन्द्रमवसे करामहे ॥ १०.०३८.०४  
 स्ववृजं हि त्वामहमिन्द्र शुश्रवानानुदं वृषभ रध्रचोदनम् ।  
 प्र मुञ्चस्व परि कुत्सादिहा गहि किमु त्वावान्मुष्कयोर्बद्ध आसते ॥ १०.०३८.०५  
 यो वां परिज्मा सुवृदश्विना रथो दोषामुषासो हव्यो हविष्मता ।  
 शश्चत्तमासस्तमु वामिदं वयं पितुर्न नाम सुहव हवामहे ॥ १०.०३९.०१  
 चोदयतं सूनृताः पिन्वतं धिय उत्पुरधीरीरयतं तदुश्मसि ।  
 यशसं भागं कृणुतं नो अश्विना सोमं न चारुं मघवत्सु नस्कृतम् ॥ १०.०३९.०२  
 अमाजुरश्चिद्वथो युवं भगोऽनाशोश्चिदवितारापमस्य चित् ।  
 अन्धस्य चिन्नासत्या कृशस्य चिद्युवामिदाहुर्भिषजा रूतस्य चित् ॥ १०.०३९.०३  
 युवं च्यवानं सनयं यथा रथं पुनर्युवानं चरथाय तक्षथुः ।  
 निष्टौग्र्यमूहथुरद्वस्परि विश्वेत्ता वां सवनेषु प्रवाच्या ॥ १०.०३९.०४  
 पुराणा वां वीर्यां प्र ब्रवा जनेऽथो हासथुर्भिषजा मयोभुवा ।  
 ता वां नु नव्याववसे करामहेऽयं नासत्या श्रदरिर्यथा दधत् ॥ १०.०३९.०५  
 इयं वामहे शृणुतं मे अश्विना पुत्रायेव पितरा मह्यं शिक्षतम् ।  
 अनापिरज्ञा असजात्यामतिः पुरा तस्या अभिशस्तेरव स्पृतम् ॥ १०.०३९.०६

युवं रथेन विमदाय शुभ्युवं न्यूहथुः पुरुमित्रस्य योषणाम् ।  
युवं हवं वध्रिमत्या अगच्छतं युवं सुपुतिं चक्रथुः पुरधये ॥ १०.०३९.०७  
युवं विप्रस्य जरणामुपेयुषः पुनः कलेरकृणुतं युवद्वयः ।  
युवं वन्दनमृश्यदादुदूपथुर्युवं सद्यो विशपलामेतवे कृथः ॥ १०.०३९.०८  
युवं ह रेभं वृषणा गुहा हितमुदैरयतं ममृवांसमश्विना ।  
युवमृबीसमुत तप्तमत्रय ओमन्वन्तं चक्रथुः सप्तवध्रये ॥ १०.०३९.०९  
युवं श्वेतं पेदवेऽश्विनाश्वं नवभिर्वाजैर्नवती च वाजिनम् ।  
चर्कृत्यं ददथुर्द्रावयत्सखं भगं न नृभ्यो हव्यं मयोभुवम् ॥ १०.०३९.१०  
न तं राजानावदिते कुतश्चन नाहो अश्रोति दुरितं नकिर्भयम् ।  
यमश्विना सुहवा रुद्रवर्तनी पुरोरथं कृणुथः पत्या सह ॥ १०.०३९.११  
आ तेन यातं मनसो जवीयसा रथं यं वामृभवश्चक्रुरश्विना ।  
यस्य योगे दुहिता जायते दिव उभे अहनी सुदिने विवस्वतः ॥ १०.०३९.१२  
ता वर्तिर्यातं जयुषा वि पर्वतमपिन्वतं शयवे धेनुमश्विना ।  
वृकस्य चिद्वर्तिकामन्तरास्याद्युवं शचीभिर्ग्रसिताममुञ्चतम् ॥ १०.०३९.१३  
एतं वां स्तोममश्विनावकर्मातक्षाम भृगवो न रथम् ।  
न्यमृक्षाम योषणां न मर्ये नित्यं न सूनुं तनयं दधानाः ॥ १०.०३९.१४  
रथं यान्तं कुह को ह वां नरा प्रति द्युमन्तं सुविताय भूषति ।  
प्रातर्यावाणं विभ्वं विशेविशे वस्तोर्वस्तोर्वहमानं घिया शमि ॥ १०.०४०.०१  
कुह स्विदोषा कुह वस्तोरश्विना कुहाभिपित्वं करतः कुहोषतुः ।  
को वां शयुत्रा विधवेव देवरं मर्यं न योषा कृणुते सधस्थ आ ॥ १०.०४०.०२  
प्रातर्जरिथे जरणेव कापया वस्तोर्वस्तोर्यजता गच्छथो गृहम् ।  
कस्य ध्वसा भवथः कस्य वा नरा राजपुत्रेव सवनाव गच्छथः ॥ १०.०४०.०३  
युवां मृगेव वारणा मृगण्यवो दोषा वस्तोर्हविषा नि ह्वयामहे ।  
युवं होत्रामृतुथा जुह्वते नरेषं जनाय वहथः शुभस्पती ॥ १०.०४०.०४  
युवां ह घोषा पर्यश्विना यती राज ऊचे दुहिता पृच्छे वां नरा ।  
भूतं मे अह उत भूतमक्तवेऽश्ववते रथिने शक्तमवते ॥ १०.०४०.०५  
युवं कवी ष्टः पर्यश्विना रथं विशो न कुत्सो जरितुर्नशायथः ।



युवोर्हं मक्षा पर्यश्विना मध्वासा भरत निष्कृतं न योषणा ॥ १०.०४०.०६  
युवं ह भुज्युं युवमश्विना वशं युवं शिञ्जारमुशनामुपारथुः ।  
युवो ररावा परि सख्यमासते युवोरहमवसा सुम्रमा चके ॥ १०.०४०.०७  
युवं ह कृशं युवमश्विना शयुं युवं विधन्तं विधवामुरुष्यथः ।  
युवं सनिभ्यः स्तनयन्तमश्विनाप ब्रजमूर्णुथः सप्तास्यम् ॥ १०.०४०.०८  
जनिष्ट योषा पतयत्कनीनको वि चारुहन्वीरुधो दंसना अनु ।  
आस्मे रीयन्ते निवनेव सिन्धवोऽस्मा अहे भवति तत्पतित्वनम् ॥ १०.०४०.०९  
जीवं रुदन्ति वि मयन्ते अध्वरे दीर्घामनु प्रसितिं दीधियुर्नरः ।  
वामं पितृभ्यो य इदं समेरिरे मयः पतिभ्यो जनयः परिष्वजे ॥ १०.०४०.१०  
न तस्य विद्म तदु षु प्र वोचत युवा ह यद्युवत्याः क्षेति योनिषु ।  
प्रियोस्त्रियस्य वृषभस्य रेतिनो गृहं गमेमाश्विना तदुश्मसि ॥ १०.०४०.११  
आ वामगन्सुमतिवाजिनीवसू न्यश्विना हृत्सु कामा अयंसत ।  
अभूतं गोपा मिथुना शुभस्पती प्रिया अर्यम्णो दुर्या अशीमहि ॥ १०.०४०.१२  
ता मन्दसाना मनुषो दुरोण आ धत्तं रयिं सहवीरं वचस्यवे ।  
कृतं तीर्थं सुप्रपाणं शुभस्पती स्थाणुं पथेष्ठामप दुर्मितिं हतम् ॥ १०.०४०.१३  
क्व स्विदद्य कतमास्वश्विना विक्षु दस्ना मादयेते शुभस्पती ।  
क ईं नि येमे कतमस्य जग्मतुर्विप्रस्य वा यजमानस्य वा गृहम् ॥ १०.०४०.१४  
समानमु त्यं पुरुहूतमुक्थ्यं१ रथं त्रिचक्रं सवना गनिग्मतम् ।  
परिज्मानं विदथ्यं सुवृक्तिभिर्वयं व्युष्टा उपसो हवामहे ॥ १०.०४१.०१  
प्रातर्युजं नासत्याधि तिष्ठथः प्रातर्यावाणं मधुवाहनं रथम् ।  
विशो येन गच्छथो यज्वरीरंरा कीरेश्चिद्यज्ञं होतृमन्तमश्विना ॥ १०.०४१.०२  
अध्वर्युं वा मधुपाणिं सुहस्त्यमग्निधं वा धृतदक्षं दमूनसम् ।  
विप्रस्य वा यत्सवनानि गच्छथोऽत आ यातं मधुपेयमश्विना ॥ १०.०४१.०३  
अस्तेव सु प्रतरं लायमस्यन्भूषन्निव प्र भरा स्तोममस्मै ।  
वाचा विप्रास्तरत वाचमर्यो नि रामय जरितः सोम इन्द्रम् ॥ १०.०४२.०१  
दोहेन गामुप शिक्षा सखायं प्र बोधय जरितर्जारमिन्द्रम् ।  
कोशं न पूर्णं वसुना न्यृष्टमा च्यावय मघदेयाय शूरम् ॥ १०.०४२.०२

किमङ्ग त्वा मघवन्भोजमाहुः शिशीहि मा शिशयं त्वा शृणोमि ।  
अप्रस्वती मम धीरस्तु शक्र वसुविदं भगमिन्द्रा भरा नः ॥ १०.०४२.०३  
त्वां जना ममसत्येष्विन्द्र संतस्थाना वि ह्वयन्ते समीके ।  
अत्रा युज कृणुते यो हविष्मान्नासुन्वता सख्यं वष्टि शूरः ॥ १०.०४२.०४  
धनं न स्यन्द्रं बहुलं यो अस्मै तीब्रान्सोमा आसुनोति प्रयस्वान् ।  
तस्मै शत्रून्सुतुकान्प्रातरहो नि स्वष्ट्रान्युवति हन्ति वृत्रम् ॥ १०.०४२.०५  
यस्मिन्वयं दधिमा शंसमिन्द्रे यः शिश्राय मघवा काममस्मे ।  
आराचित्सन्भयतामस्य शत्रुन्यस्मै द्युम्ना जन्या नमन्ताम् ॥ १०.०४२.०६  
आराच्छत्रुमप बाधस्व दूरमुग्रो यः शम्बः पुरुहूत तेन ।  
अस्मे धेहि यवमद्गोमदिन्द्र कृधी धियं जरित्रे वाजरत्नाम् ॥ १०.०४२.०७  
प्र यमन्तवृषसवासो अगमन्तीव्राः सोमा बहुलान्तास इन्द्रम् ।  
नाह दामानं मघवा नि यंसन्नि सुन्वते वहति भूरि वामम् ॥ १०.०४२.०८  
उत प्रहामतिदीव्या जयाति कृतं यच्छ्वघ्नी विचिनोति काले ।  
यो देवकामो न धना रुणद्धि समित्तं राया सृजति स्वधावान् ॥ १०.०४२.०९  
गोभिष्टरेमामतिं दुरेवां यवेन क्षुधं पुरुहूत विश्वाम् ।  
वयं राजभिः प्रथमा धनान्यस्माकेन वृजनेना जयेम ॥ १०.०४२.१०  
बृहस्पतिर्नः परि पातु पश्चादुतोत्तरस्मादधरादघायोः ।  
इन्द्रः पुरस्तादुत मध्यतो नः सखा सखिभ्यो वरिवः कृणोतु ॥ १०.०४२.११  
अच्छा म इन्द्र मतयः स्वर्विदः सध्रीचीर्विश्वा उशतीरनूषत ।  
परि ष्वजन्ते जनयो यथा पतिं मर्यं न शुन्ध्युं मघवानमृतये ॥ १०.०४३.०१  
न घा त्वद्विगप वेति मे मनस्त्वे इत्कामं पुरुहूत शिश्रय ।  
राजेव दस्म नि षदोऽधि बर्हिष्यस्मिन्सु सोमेऽवपानमस्तु ते ॥ १०.०४३.०२  
विषूवृदिन्द्रो अमतेरुत क्षुधः स इद्रायो मघवा वस्व ईशते ।  
तस्येदिमे प्रवणे सप्त सिन्धवो वयो वर्धन्ति वृषभस्य शुष्मिणः ॥ १०.०४३.०३  
वयो न वृक्षं सुपलाशमासदन्सोमास इन्द्र मन्दिनश्चमूपदः ।  
प्रैषामनीकं शवसा दविद्युतद्विदत्स्वर्षर्मनवे ज्योतिरार्यम् ॥ १०.०४३.०४  
कृतं न श्वघ्नी वि चिनोति देवने संवर्गं यन्मघवा सूर्यं जयत् ।

न तत्ते अ॒न्यो अनु॒ वीर्यं॑ श॒कन्न॑ पु॒रा॒णो म॒घव॑न्नोत नू॒तनः॑ ॥ १०.०४३.०५  
 वि॒श्वि॒शं म॒घवा॑ पर्य॒शाय॑त् ज॒नानां॑ धे॒ना अव॑चाक॒शद्वृषा॑ ।  
 यस्या॑ह॒ शक्रः॑ स॒वने॑षु रण्यति स ती॒त्रैः सोमैः॑ स॒हते॑ प॒तन्त्यतः॑ ॥ १०.०४३.०६  
 आपो॑ न सि॒न्धुम॑भि यत्स॒मक्षर॑न्सोमा॒स इन्द्रं॑ कु॒त्या इव॑ ह॒दम् ।  
 वर्ध॑न्ति वि॒प्रा महो॑ अस्य सा॒दने॑ य॒वं न वृष्टि॑र्दिव्ये॒न दानु॑ना ॥ १०.०४३.०७  
 वृषा॑ न क्रुद्धः प॒तय॑द्रज॒स्स्वा यो अ॒र्यप॑त्नीर॒कृणो॑दि॒मा अ॒पः ।  
 स सु॒न्वते॑ म॒घवा॑ जी॒रदान॑वेऽवि॒न्द॒ज्योति॑र्म॒नवे॑ ह॒विष्म॑ते ॥ १०.०४३.०८  
 उ॒ज्जाय॑तां पर॒शुज्यो॑तिषा स॒ह भूया॑ ऋ॒तस्य॑ सु॒दुघा॑ पु॒राण॑वत् ।  
 वि रो॒चता॑मरु॒षो भानु॑ना शु॒चिः स्व॑र्षं शु॒क्रं शुशु॑ची॒त स॑त्पतिः ॥ १०.०४३.०९  
 गोभि॑ष्ट्रे॒मामतिं॑ दुरे॒वां यवे॑न क्षु॒धं पुरु॑हू॒त विश्वा॑म् ।  
 वयं॑ राज॒भिः प्रथ॑मा ध॒नान्य॑स्माके॒न वृ॒जने॑ना ज॒येम ॥ १०.०४३.१०  
 बृह॑स्पति॒र्नः परि॑ पा॒तु प॒श्चादु॑तो॒त्तर॑स्मा॒दध॑रा॒दघा॑योः ।  
 इन्द्रः॑ पु॒रस्ता॑दु॒त मध्य॑तो नः स॒खा स॒खिभ्यो॑ वरि॒वः कृ॑णोतु ॥ १०.०४३.११  
 आ या॑त्वि॒न्द्रः स्व॑पति॒र्मदा॑य यो ध॒र्मणा॑ तू॒तुजा॑नस्तुवि॒ष्मान् ।  
 प्र॒त्वक्षा॑णो अ॒ति वि॒श्वा सहा॑स्यपारे॒ण म॒हता॑ वृ॒ष्प्येन ॥ १०.०४४.०१  
 सु॒ष्ठामा॑ रथः सु॒यमा॑ ह॒री ते मि॒म्यक्ष॑ व॒ज्रो नृ॑पते ग॒भस्तौ॑ ।  
 शी॒भं राज॑न्मुपथा या॒ह्यर्वा॑ङ्घ्रि॒धाम॑ ते प॒पुषो॑ वृ॒ष्प्यानि ॥ १०.०४४.०२  
 ए॒न्द्रवा॑हो नृ॒पतिं॑ व॒ज्रबा॑हुमु॒ग्रमु॒ग्रास॑स्तवि॒षास॑ ए॒नम् ।  
 प्र॒त्वक्ष॑सं वृ॒षभं॑ स॒त्यशु॑ष्ममे॒मस्म॑त्रा स॒धमा॑दो व॒हन्तु ॥ १०.०४४.०३  
 ए॒वा प॑तिं द्रो॒णसा॑चं स॒चेत॑समूर्जः स्क॒म्भं ध॑रु॒ण आ वृ॑षायसे ।  
 ओजः॑ कृ॒ष्व सं गृ॑भाय॒ त्वे अप्य॑सो यथा के॒निपा॑ना॒मिनो॑ वृ॒धे ॥ १०.०४४.०४  
 ग॒मन्न॑स्मे वसू॒न्या हि शंसि॑षं स्वा॒शिषं॑ भ॒रमा॑ याहि सो॒मिनः॑ ।  
 त्वमी॑शिषे सा॒स्मिन्ना स॑त्सि ब॒र्हिष्य॑नाधृ॒ष्या तव॑ पा॒त्राणि॑ ध॒र्मणा ॥ १०.०४४.०५  
 पृथ॑क्प्राय॒न्प्रथ॑मा दे॒वहू॑तयोऽकृ॒ण्वत॑ श्रव॒स्यानि॑ दुष्ट॒रा ।  
 न ये शे॒कुर्य॑ज्ञियां॒ नाव॑मा॒रुह॑मी॒र्मेव॑ ते न्यविश॒न्त के॑पयः ॥ १०.०४४.०६  
 ए॒वैवा॑पा॒गप॑रे स॒न्तु दू॒ढ्योऽश्वा॑ येषां दु॒र्युज॑ आयु॒युञ्जे॑ ।  
 इ॒त्था ये प्रा॑गु॒परे॑ स॒न्ति दा॑वने पु॒रूणि॑ यत्र व॒युना॑नि भो॒जना ॥ १०.०४४.०७

गिरीरज्रात्रेजमानाँ अधारयद्दौः ऋन्ददन्तरिक्षाणि कोपयत् ।  
 समीचीने धिषणे वि ष्कभायति वृष्णः पीत्वा मद उक्थानि शंसति ॥ १०.०४४.०८  
 इमं बिभर्मि सुकृतं ते अङ्कुशं येनारुजासि मघवच्छफारुजः ।  
 अस्मिन्सु ते सवने अस्त्वोक्तं सुत इष्टौ मघवन्बोध्याभगः ॥ १०.०४४.०९  
 गोभिष्टरेमामतिं दुरेवां यवेन क्षुधं पुरुहूत विश्वाम् ।  
 वयं राजभिः प्रथमा धनान्यस्माकेन वृजनेना जयेम ॥ १०.०४४.१०  
 बृहस्पतिर्नः परि पातु पश्चादुतोत्तरस्मादधरादघायोः ।  
 इन्द्रः पुरस्तादुत मध्यतो नः सखा सखिभ्यो वरिवः कृणोतु ॥ १०.०४४.११  
 दिवस्परि प्रथमं जज्ञे अग्निरस्मद्वितीयं परि जातवेदाः ।  
 तृतीयमप्सु नृमणा अजस्रमिन्धान एनं जरते स्वाधीः ॥ १०.०४५.०१  
 विद्वा ते अग्ने त्रेधा त्रयाणि विद्वा ते धाम विभृता पुरुत्रा ।  
 विद्वा ते नाम परमं गुहा यद्विद्वा तमुत्सं यत आजगन्थ ॥ १०.०४५.०२  
 समुद्रे त्वा नृमणा अप्स्वशन्तर्नृचक्षा ईधे दिवो अग्न ऊधन् ।  
 तृतीये त्वा रजसि तस्थिवांसमपामुपस्थे महिषा अवर्धन् ॥ १०.०४५.०३  
 अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् ।  
 सद्यो जज्ञानो वि हीमिद्धो अख्यदा रोदसी भानुना भात्यन्तः ॥ १०.०४५.०४  
 श्रीणामुदारो धरुणो रयीणां मनीषाणां प्रार्पणः सोमगोपाः ।  
 वसुः सूनुः सहसो अप्सु राजा वि भात्यग्र उषसामिधानः ॥ १०.०४५.०५  
 विश्वस्य केतुर्भुवनस्य गर्भ आ रोदसी अपृणाञ्जायमानः ।  
 वीळुं चिदद्रिमभिनत्परायञ्जना यदग्निमयजन्त पञ्च ॥ १०.०४५.०६  
 उशिक्पावको अरतिः सुमेधा मतेष्वग्निरमृतो नि धायि ।  
 इयति धूममरुषं भरिभ्रदुच्छुक्त्रेण शोचिषा द्यामिनक्षन् ॥ १०.०४५.०७  
 दृशानो रुक्म उर्विया व्यद्यौहुर्मर्षमायुः श्रिये रुचानः ।  
 अग्निरमृतो अभवद्वयोभिर्यदेनं द्यौर्जनयत्सुरेताः ॥ १०.०४५.०८  
 यस्ते अद्य कृणवद्भद्रशोचेऽपूपं देव घृतवन्तमग्ने ।  
 प्र तं नय प्रतरं वस्यो अच्छाभि सुम्रं देवभक्तं यविष्ठ ॥ १०.०४५.०९  
 आ तं भज सौश्रवसेष्वग्न उक्थौक्थ आ भज शस्यमाने ।

प्रियः सूर्ये प्रियो अग्रा भवात्युज्जातेन भिनददुञ्जनित्वैः ॥ १०.०४५.१०  
 त्वामग्ने यजमाना अनु द्यून्विश्वा वसु दधिरे वार्याणि ।  
 त्वया सह द्रविणमिच्छमाना ब्रजं गोमन्तमुशिजो वि वव्रुः ॥ १०.०४५.११  
 अस्ताव्यग्निर्नरां सुशेवो वैश्वानर ऋषिभिः सोमगोपाः ।  
 अद्वेषे द्यावापृथिवी हुवेम देवा धत्त रयिमस्मे सुवीरम् ॥ १०.०४५.१२  
 प्र होता जातो महान्नभोविचृषद्वा सीददपामुपस्थे ।  
 दधिर्यो धायि स ते वयांसि यन्ता वसूनि विधते तनूपाः ॥ १०.०४६.०१  
 इमं विधन्तो अपां सधस्थे पशुं न नष्टं पदैरनु ग्मन् ।  
 गुहा चतन्तमुशिजो नमोभिरिच्छन्तो धीरा भृगवोऽविन्दन् ॥ १०.०४६.०२  
 इमं त्रितो भूर्यविन्ददिच्छन्वैभूवसो मूर्धन्यघ्न्यायाः ।  
 स शेवृधो जात आ हर्म्येषु नाभिर्युवा भवति रोचनस्य ॥ १०.०४६.०३  
 मन्द्रं होतारमुशिजो नमोभिः प्राञ्च यज्ञं नेतारमध्वराणाम् ।  
 विशामकृण्वन्नरतिं पावकं हव्यवाहं दधतो मानुषेषु ॥ १०.०४६.०४  
 प्र भूर्जयन्तं महां विपोधां मूरा अमूरं पुरां दर्माणम् ।  
 नयन्तो गर्भं वनां धियं धुर्हिरिश्मश्रुं नावाणं धनर्चम् ॥ १०.०४६.०५  
 नि पस्त्यासु त्रितः स्तभूयन्परिवीतो योनौ सीददन्तः ।  
 अतः संगृह्या विशां दमूना विधर्मणायत्रैरीयते नृन् ॥ १०.०४६.०६  
 अस्याजरासो दमामरित्रा अर्चद्धूमासो अग्रयः पावकाः ।  
 श्वितीचयः श्वात्रासो भुरण्यवो वनर्षदो वायवो न सोमाः ॥ १०.०४६.०७  
 प्र जिह्वया भरते वेपो अग्निः प्र वयुनानि चेतसा पृथिव्याः ।  
 तमायवः शुचयन्तं पावकं मन्द्रं होतारं दधिरे यजिष्ठम् ॥ १०.०४६.०८  
 द्यावा यमग्निं पृथिवी जनिष्टामापस्त्वष्टा भृगवो यं सहाभिः ।  
 ईळेन्यं प्रथमं मातरिश्वा देवास्ततक्षुर्मनवे यजत्रम् ॥ १०.०४६.०९  
 यं त्वा देवा दधिरे हव्यवाहं पुरुस्पृहो मानुषासो यजत्रम् ।  
 स यामन्नग्ने स्तुवते वयो धाः प्र देवयन्यशसः सं हि पूर्वीः ॥ १०.०४६.१०  
 जग्भ्मा ते दक्षिणमिन्द्र हस्तं वसूयवो वसुपते वसूनाम् ।  
 विद्वा हि त्वा गोपतिं शूर गोनामस्मभ्यं चित्रं वृषणं रयिं दाः ॥ १०.०४७.०१

स्वायुधं स्ववसं सुनीथं चतुःसमुद्रं धरुणं रयीणाम् ।  
 चर्कृत्यं शंस्यं भूरिवारमस्मभ्यं चित्रं वृषणं रयिं दाः ॥ १०.०४७.०२  
 सुब्रह्माणं देववन्तं बृहन्तमुरुं गभीरं पृथुबुधमिन्द्र ।  
 श्रुतऋषिमुग्रमभिमातिषाहमस्मभ्यं चित्रं वृषणं रयिं दाः ॥ १०.०४७.०३  
 सनद्वाजं विप्रवीरं तरुत्रं धनस्पृतं शूशुवांसं सुदक्षम् ।  
 दस्युहनं पूर्भिदमिन्द्र सत्यमस्मभ्यं चित्रं वृषणं रयिं दाः ॥ १०.०४७.०४  
 अश्ववन्तं रथिनं वीरवन्तं सहस्रिणं शतिनं वाजमिन्द्र ।  
 भद्रव्रातं विप्रवीरं स्वर्षामस्मभ्यं चित्रं वृषणं रयिं दाः ॥ १०.०४७.०५  
 प्र सप्तगुमृतधीतिं सुमेधां बृहस्पतिं मतिरच्छा जिगाति ।  
 य आङ्गिरसो नमसोपसद्योऽस्मभ्यं चित्रं वृषणं रयिं दाः ॥ १०.०४७.०६  
 वनीवानो मम दूतास इन्द्रं स्तोमाश्चरन्ति सुमतीरियानाः ।  
 हृदिस्पृशो मनसा वच्यमाना अस्मभ्यं चित्रं वृषणं रयिं दाः ॥ १०.०४७.०७  
 यत्त्वा यामि दद्धि तन्न इन्द्र बृहन्तं क्षयमसमं जनानाम् ।  
 अभि तद्वावापृथिवी गृणीतामस्मभ्यं चित्रं वृषणं रयिं दाः ॥ १०.०४७.०८  
 अहं भुवं वसुनः पूर्व्यस्पतिरहं धनानि सं जयामि शश्वतः ।  
 मां हवन्ते पितरं न जन्तवोऽहं दाशुषे वि भजामि भोजनम् ॥ १०.०४८.०१  
 अहमिन्द्रो रोधो वक्षो अथर्वणस्त्रिताय गा अजनयमहेरधि ।  
 अहं दस्युभ्यः परि नृम्णमा ददे गोत्रा शिक्षन्दधीचे मातरिश्वने ॥ १०.०४८.०२  
 मह्यं त्वष्टा वज्रमतक्षदायसं मयि देवासोऽवृजन्नपि क्रतुम् ।  
 ममानीकं सूर्यस्येव दुष्टरं मामार्यन्ति कृतेन कर्त्वेन च ॥ १०.०४८.०३  
 अहमेतं गव्ययमश्व्यं पशुं पुरीषिणं सायकेना हिरण्ययम् ।  
 पुरू सहस्रा नि शिशामि दाशुषे यन्मा सोमास उक्थिनो अमन्दिषुः ॥ १०.०४८.०४  
 अहमिन्द्रो न परा जिग्य इद्धनं न मृत्यवेऽव तस्थे कदा चन ।  
 सोममिन्मा सुन्वन्तो याचता वसु न मे पूरवः सख्ये रिषाथन ॥ १०.०४८.०५  
 अहमेताञ्छाश्वसतो द्वाद्द्वेन्द्रं ये वज्रं युधयेऽकृण्वत ।  
 आह्वयमानौ अव हन्मनाहनं दृब्धा वदन्नमस्युर्नमस्विनः ॥ १०.०४८.०६  
 अभीः३दमेकमेको अस्मि निष्पाळभी द्वा किमु त्रयः करन्ति ।

खले न पर्षान्प्रति हन्मि भूरि किं मा निन्दन्ति शत्रवोऽनिन्द्राः ॥ १०.०४८.०७  
 अहं गुङ्गुभ्यो अतिथिग्वमिष्करमिषं न वृत्रतुरं विक्षु धारयम् ।  
 यत्पर्णयघ्न उत वा करञ्जहे प्राहं महे वृत्रहत्ये अशुश्रवि ॥ १०.०४८.०८  
 प्र मे नमी साप्य इषे भुजे भूद्रवामेषे सख्या कृणुत द्विता ।  
 दिद्युं यदस्य समिथेषु मंहयमादिदेनं शंस्यमुक्थ्यं करम् ॥ १०.०४८.०९  
 प्र नेमस्मिन्ददृशे सोमो अन्तर्गोपा नेममाविरस्था कृणोति ।  
 स तिग्मशृङ्गं वृषभं युयुत्सन्दुहस्तस्थौ बहुले बद्धो अन्तः ॥ १०.०४८.१०  
 आदित्यानां वसूनां रुद्रियाणां देवो देवानां न मिनामि धाम ।  
 ते मा भद्राय शवसे ततक्षुरपराजितमस्तृतमषाव्हम् ॥ १०.०४८.११  
 अहं दां गृणते पूर्वं वस्वहं ब्रह्म कृणवं मह्यं वर्धनम् ।  
 अहं भुवं यजमानस्य चोदितायज्वनः साक्षि विश्वस्मिन्भरे ॥ १०.०४९.०१  
 मां धुरिन्द्रं नाम देवता दिवश्च ग्मश्चापां च जन्तवः ।  
 अहं हरी वृषणा विव्रता रघू अहं वज्रं शवसे धृष्वा ददे ॥ १०.०४९.०२  
 अहमत्कं कवये शिश्रथं हथेरहं कुत्समावमाभिरूतिभिः ।  
 अहं शुष्णास्य श्रथिता वर्धयमं न यो रर आर्यं नाम दस्यवे ॥ १०.०४९.०३  
 अहं पितेव वेतसूरभिष्टये तुग्रं कुत्साय स्मदिभं च रन्धयम् ।  
 अहं भुवं यजमानस्य राजनि प्र यद्भरे तुजये न प्रियाधृषे ॥ १०.०४९.०४  
 अहं रन्धयं मृगयं श्रुतवणे यन्माजिहीत वयुना चनानुषक् ।  
 अहं वेशं नम्रमायवेऽकरमहं सव्याय पङ्गुभिमरन्धयम् ॥ १०.०४९.०५  
 अहं स यो नववास्त्वं बृहद्रथं सं वृत्रेव दासं वृत्रहारुजम् ।  
 यद्वर्धयन्तं प्रथयन्तमानुषगदूरे पारे रजसो रोचनाकरम् ॥ १०.०४९.०६  
 अहं सूर्यस्य परि याम्याशुभिः प्रैतशेभिर्वहमान ओजसा ।  
 यन्मा सावो मनुष आह निर्णिज ऋधक्कृषे दासं कृत्व्यं हथैः ॥ १०.०४९.०७  
 अहं सप्तहा नहुषो नहुष्टरः प्राश्रावयं शवसा तुर्वशं यदुम् ।  
 अहं न्यशं न्यं सहसा सहस्करं नव ब्राधतो नवतिं च वक्षयम् ॥ १०.०४९.०८  
 अहं सप्त स्रवतो धारयं वृषा द्रविल्वः पृथिव्यां सीरा अधि ।  
 अहमर्णासि वि तिरामि सुक्रतुर्युधा विदं मनवे गातुमिष्टये ॥ १०.०४९.०९

अहं तदासु धारयं यदासु न देवश्चन त्वष्टाधारयद्रशत् ।  
 स्पार्हं गवामूधस्सु वक्षणास्वा मधोर्मधु श्वात्र्यं सोममाशिरम् ॥ १०.०४९.१०  
 एवा देवाँ इन्द्रो विव्ये नृम्न च्यौलेन मघवा सत्यराधाः ।  
 विश्वेत्ता ते हरिवः शचीवोऽभि तुरासः स्वयशो गृणन्ति ॥ १०.०४९.११  
 प्र वो महे मन्दमानायान्धसोऽर्चा विश्वानराय विश्वाभुवे ।  
 इन्द्रस्य यस्य सुमखं सहो महि श्रवो नृम्णं च रोदसी सपर्यतः ॥ १०.०५०.०१  
 सो चिन्नु सख्या नयं इनः स्तुतश्चर्कृत्य इन्द्रो मावते नरे ।  
 विश्वासु धूर्षु वाजकृत्येषु सत्पते वृत्रे वाप्स्वश्रुभि शूर मन्दसे ॥ १०.०५०.०२  
 के ते नर इन्द्र ये त इषे ये ते सुम्नं सधन्यश्रुमियक्षान् ।  
 के ते वाजायासुर्याय हिन्विरे के अप्सु स्वासूर्वरासु पौंस्ये ॥ १०.०५०.०३  
 भुवस्त्वमिन्द्र ब्रह्मणा महान्भुवो विश्वेषु सवनेषु यज्ञियः ।  
 भुवो नृश्रुयोत्तो विश्वस्मिन्मरे ज्येष्ठश्च मन्त्रो विश्वचर्षणे ॥ १०.०५०.०४  
 अवा नु कं ज्यायान्यज्ञवनसो महीं त ओमात्रां कृष्टयो विदुः ।  
 असो नु कमजरो वर्धाश्च विश्वेदेता सवना तूतुमा कृषे ॥ १०.०५०.०५  
 एता विश्वा सवना तूतुमा कृषे स्वयं सूनो सहसो यानि दधिषे ।  
 वराय ते पात्रं धर्मणे तना यज्ञो मन्त्रो ब्रह्मोद्यतं वचः ॥ १०.०५०.०६  
 ये ते विप्र ब्रह्मकृतः सुते सचा वसूनां च वसुनश्च दावने ।  
 प्र ते सुम्नस्य मनसा पथा भुवन्मदे सुतस्य सोम्यस्यान्धसः ॥ १०.०५०.०७  
 महत्तदुल्बं स्थविरं तदासीद्येनाविष्टितः प्रविवेशिथापः ।  
 विश्वा अपश्यद्वहुधा ते अग्ने जातवेदस्तन्वो देव एकः ॥ १०.०५१.०१  
 को मा ददर्श कतमः स देवो यो मे तन्वो बहुधा पर्यपश्यत् ।  
 काह मित्रावरुणा क्षियन्त्यग्नेर्विश्वाः समिधो देवयानीः ॥ १०.०५१.०२  
 ऐच्छाम त्वा बहुधा जातवेदः प्रविष्टमग्ने अप्स्वोषधीषु ।  
 तं त्वा यमो अचिकेच्चित्रभानो दशान्तरुष्यादतिरोचमानम् ॥ १०.०५१.०३  
 होत्रादहं वरुण बिभ्यदायं नेदेव मा युनजन्नत्र देवाः ।  
 तस्य मे तन्वो बहुधा निविष्टा एतमर्थं न चिकेताहमग्निः ॥ १०.०५१.०४  
 एहि मनुर्देवयुर्यज्ञकामोऽरंकृत्या तमसि क्षेप्यग्ने ।



सुगान्पथः कृणुहि देवयानान्वह हव्यानि सुमनस्यमानः ॥ १०.०५१.०५  
अग्नेः पूर्वे भ्रातरो अर्थमेतं रथीवाध्वानमन्वावरीवुः ।  
तस्माद्भिया वरुण दूरमायं गौरो न क्षेप्रोरविजे ज्यायाः ॥ १०.०५१.०६  
कुर्मस्त आयुरजरं यदग्ने यथा युक्तो जातवेदो न रिष्याः ।  
अथा वहसि सुमनस्यमानो भागं देवेभ्यो हविषः सुजात ॥ १०.०५१.०७  
प्रयाजान्मे अनुयाजाँश्च केवलानूर्जस्वन्तं हविषो दत्त भागम् ।  
घृतं चापां पुरुषं चौषधीनामग्रेषु दीर्घमायुरस्तु देवाः ॥ १०.०५१.०८  
तव प्रयाजा अनुयाजाश्च केवल ऊर्जस्वन्तो हविषः सन्तु भागाः ।  
तवाग्ने यज्ञोऽयमस्तु सर्वस्तुभ्यं नमन्तां प्रदिशश्चतस्रः ॥ १०.०५१.०९  
विश्वे देवाः शास्तन मा यथेह होता वृतो मनवै यन्निषद्य ।  
प्र मे ब्रूत भागधेयं यथा वो येन पथा हव्यमा वो वहानि ॥ १०.०५२.०१  
अहं होता न्यसीदं यजीयान्विश्वे देवा मरुतो मा जुनन्ति ।  
अहरहरश्विनाध्वर्यवं वां ब्रह्मा समिद्धवति साहुतिर्वाम् ॥ १०.०५२.०२  
अयं यो होता किरु स यमस्य कमप्यूहे यत्समञ्जन्ति देवाः ।  
अहरहर्जायते मासिमास्यथा देवा दधिरे हव्यवाहम् ॥ १०.०५२.०३  
मां देवा दधिरे हव्यवाहमपमुक्तं बहु कृच्छ्रा चरन्तम् ।  
अग्निर्विद्वान्यज्ञं नः कल्पयाति पञ्चयामं त्रिवृतं सप्ततन्तुम् ॥ १०.०५२.०४  
आ वो यक्ष्यमृतत्वं सुवीरं यथा वो देवा वरिवः कराणि ।  
आ बाह्वोर्वन्नमिन्द्रस्य धेयामथेमा विश्वाः पृतना जयाति ॥ १०.०५२.०५  
त्रीणि शता त्री सहस्राण्यग्निं त्रिंशच्च देवा नव चासपर्यन् ।  
औक्षन्धृतैरस्तृणन्बर्हिर्स्मा आदिद्धोतारं न्यसादयन्त ॥ १०.०५२.०६  
यमैच्छाम मनसा सोऽयमागाद्यज्ञस्य विद्वान्परुषश्चिकित्वान् ।  
स नो यक्षद्देवताता यजीयान्नि हि षत्सदन्तरः पूर्वा अस्मत् ॥ १०.०५३.०१  
अराधि होता निषदा यजीयानभि प्रयासि सुधितानि हि ख्यत् ।  
यजामहै यज्ञियान्हन्त देवाँ ईळामहा ईड्याँ आज्येन ॥ १०.०५३.०२  
साध्वीमकर्देववीतिं नो अद्य यज्ञस्य जिह्वामविदाम गुह्याम् ।  
स आयुरागात्सुरभिर्वसानो भद्रामकर्देवहूतिं नो अद्य ॥ १०.०५३.०३

तदद्य वाचः प्रथमं मसीय येनासुराँ अभि देवा असाम ।  
ऊर्जाद उत यज्ञियासः पञ्च जना मम होत्रं जुषध्वम् ॥ १०.०५३.०४  
पञ्च जना मम होत्रं जुषन्तां गोजाता उत ये यज्ञियासः ।  
पृथिवी नः पार्थिवात्पात्वंहसोऽन्तरिक्षं दिव्यात्पात्वस्मान् ॥ १०.०५३.०५  
तन्तु तन्वत्रजसो भानुमन्विहि ज्योतिष्मतः पथो रक्ष धिया कृतान् ।  
अनुल्बणं वयत जोगुवामपो मनुर्भव जनया दैव्यं जनम् ॥ १०.०५३.०६  
अक्षानहो नह्यतनोत सोम्या इष्कृणुध्वं रक्षना ओत पिशत ।  
अष्टावन्धुरं वहताभितो रथं येन देवासो अनयन्नभि प्रियम् ॥ १०.०५३.०७  
अशमन्वती रीयते सं रभध्वमुत्तिष्ठत प्र तरता सखायः ।  
अत्रा जहाम ये असन्नशेवाः शिवान्वयमुत्तरेमाभि वाजान् ॥ १०.०५३.०८  
त्वष्टा माया वेदपसामपस्तमो बिभ्रत्पात्रा देवपानानि शंतमा ।  
शिशीते नूनं परशुं स्वायसं येन वृश्वादेतशो ब्रह्मणस्पतिः ॥ १०.०५३.०९  
सतो नूनं कवयः सं शिशीत वाशीभिर्याभिरमृताय तक्षथ ।  
विद्वांसः पदा गुह्यानि कर्तन येन देवासो अमृतत्वमानशुः ॥ १०.०५३.१०  
गर्भे योषामदधुर्वत्समासन्यपीच्येन मनसोत जिह्या ।  
स विश्वाहा सुमना योग्या अभि सिषासनिर्वनते कार इञ्जितिम् ॥ १०.०५३.११  
तां सु ते कीर्तिं मघवन्महित्वा यत्त्वा भीते रोदसी अह्येताम् ।  
प्रावो देवाँ आतिरो दासमोजः प्रजायै त्वस्यै यदशिक्ष इन्द्र ॥ १०.०५४.०१  
यदचरस्तन्वा वावृधानो बलानीन्द्र प्रब्रुवाणो जनेषु ।  
मायेत्सा ते यानि युद्धान्याहुर्नाद्य शत्रु ननु पुरा विवित्से ॥ १०.०५४.०२  
क उ नु ते महिमनः समस्यास्मत्पूर्व ऋषयोऽन्तमापुः ।  
यन्मातरं च पितरं च साकमजनयथास्तन्वः स्वायाः ॥ १०.०५४.०३  
चत्वारि ते असुर्याणि नामादाभ्यानि महिषस्य सन्ति ।  
त्वमङ्ग तानि विश्वानि वित्से येभिः कर्माणि मघवञ्चकथ ॥ १०.०५४.०४  
त्वं विश्वा दधिषे केवलानि यान्याविर्या च गुहा वसूनि ।  
काममिन्मे मघवन्मा वि तारीस्त्वमाज्ञाता त्वमिन्द्रासि दाता ॥ १०.०५४.०५  
यो अदधाज्योतिषि ज्योतिरन्तर्यो असृजन्मधुना सं मधूनि ।

अध॑ प्रियं॑ शूषमिन्द्राय॑ मन्म॑ ब्रह्म॑कृतो॑ बृहदुक्थादवाचि॑ ॥ १०.०५४.०६  
 दूरे॑ तन्नाम॑ गुह्यं॑ पराचैर्यत्त्वा॑ भीते॑ अह्वयेतां॑ वयोधै॑ ।  
 उदस्त॑भ्राः पृथिवीं॑ द्यामभीके॑ भ्रातुः॑ पुत्रान्मघवन्ति॑ त्विषाणः॑ ॥ १०.०५५.०१  
 महत्तन्नाम॑ गुह्यं॑ पुरुस्पृग्येन॑ भूतं॑ जनयो॑ येन॑ भव्यम् ।  
 प्रत्नं॑ जातं॑ ज्योतिर्यदस्य॑ प्रियं॑ प्रियाः॑ समविशन्त॑ पञ्च ॥ १०.०५५.०२  
 आ रोदसी॑ अपृणादोत॑ मध्यं॑ पञ्च॑ देवाँ॑ ऋतुशः॑ सप्तसप्त॑ ।  
 चतुस्त्रिंशता॑ पुरुधा॑ वि चष्टे॑ सरूपेण॑ ज्योतिषा॑ विव्रतेन ॥ १०.०५५.०३  
 यदुष॑ औच्छः॑ प्रथमा॑ विभानाम॑ जनयो॑ येन॑ पुष्टस्य॑ पुष्टम् ।  
 यत्ते॑ जामित्वमवरं॑ परस्या॑ महन्महत्या॑ असुरत्वमेकम् ॥ १०.०५५.०४  
 विधुं॑ दद्राणं॑ समने॑ बहूनां॑ युवानं॑ सन्तं॑ पलितो॑ जगार ।  
 देवस्य॑ पश्य॑ काव्यं॑ महित्वाद्या॑ ममार॑ स ह्यः॑ समान ॥ १०.०५५.०५  
 शाक॑भना॒ शाको॑ अरुणः॒ सुपर्ण॑ आ यो महः॒ शूरः॑ सनादनीळः ।  
 यच्चिकेत॑ सत्यमित्तन्न॑ मोघं॑ वसु॑ स्पार्हमुत॑ जेतोत॑ दाता ॥ १०.०५५.०६  
 ऐभिर्ददे॑ वृष्ण्या॑ पौस्यानि॑ येभिरौक्षद्वृत्रहत्याय॑ वज्री ।  
 ये कर्मणः॑ क्रियमाणस्य॑ मह॑ ऋतेकर्ममुदजायन्त॑ देवाः ॥ १०.०५५.०७  
 युजा॑ कर्माणि॑ जनयन्विश्वोजा॑ अशस्तिहा॑ विश्वमनास्तुराषाट् ।  
 पीत्वी॑ सोमस्य॑ दिव॑ आ वृधानः॑ शूरो॑ निर्युधाधमद्वस्युन् ॥ १०.०५५.०८  
 इदं॑ त एकं॑ पर॑ ऊ॒ त एकं॑ तृतीयेन॑ ज्योतिषा॑ सं विशस्व ।  
 संवेशने॑ तन्व॑श्चारुरेधि॑ प्रियो॑ देवानां॑ परमे॑ जनित्रे ॥ १०.०५६.०१  
 तनू॑ष्टे वाजिन्तन्वं॑ नयन्ती॑ वाममस्मभ्यं॑ धातु॑ शर्म॑ तुभ्यम् ।  
 अहुतो॑ महो॑ धरुणाय॑ देवान्दिवीव॑ ज्योतिः॑ स्वमा॑ मिमीयाः ॥ १०.०५६.०२  
 वाज्य॑सि वाजिनेना॑ सुवेनीः॑ सुवितः॑ स्तोमं॑ सुवितो॑ दिवं॑ गाः ।  
 सुवितो॑ धर्मं॑ प्रथमानु॑ सत्या॑ सुवितो॑ देवान्सुवितोऽनु॑ पत्नम् ॥ १०.०५६.०३  
 महि॑म्र एषां॑ पितरश्चनेशिर॑ देवा॑ देवेष्वदधुरपि॑ ऋतुम् ।  
 समवि॑व्यचुरुत॑ यान्यत्विषुरैषां॑ तनूषु॑ नि विविशुः॑ पुनः ॥ १०.०५६.०४  
 सहो॑भिर्विश्वं॑ परि॑ चक्रमू॑ रजः॑ पूर्वा॑ धामान्यमिता॑ मिमानाः ।  
 तनू॑षु विश्वा॑ भुवना॑ नि येमिरे॑ प्रासारयन्त॑ पुरुध॑ प्रजा॑ अनु ॥ १०.०५६.०५

द्विधा॑ सूनवोऽसुरं॑ स्वर्विद॑मास्थापयन्त॑ तृतीयेन॑ कर्मणा॑ ।  
 स्वां प्रजां॑ पितरः॑ पित्र्यं॑ सह॑ आवरेष्वदधुस्तन्तु॑माततम् ॥ १०.०५६.०६  
 नावा॑ न क्षोदः॑ प्रदिशः॑ पृथिव्याः॑ स्वस्तिभिरति॑ दुर्गाणि॑ विश्वा॑ ।  
 स्वां प्रजां॑ बहुदुक्थो॑ महित्वावरेष्वदधादा॑ परेषु ॥ १०.०५६.०७  
 मा प्र॑ गाम॑ पथो॑ वयं॑ मा यज्ञादिन्द्र॑ सोमिनः॑ ।  
 मान्तः॑ स्थुर्नो॑ अरातयः ॥ १०.०५७.०१  
 यो यज्ञस्य॑ प्रसाधनस्तन्तु॑र्देवेष्वाततः॑ ।  
 तमाहु॑तं नशीमहि ॥ १०.०५७.०२  
 मनो॑ न्वा हुवामहे॑ नाराशंसेन॑ सोमेन॑ ।  
 पितृणां॑ च॑ मन्मभिः ॥ १०.०५७.०३  
 आ तं॑ एतु॑ मनः॑ पुनः॑ ऋत्वे॑ दक्षाय॑ जीवसे॑ ।  
 ज्योक्च॑ सूर्यं॑ दृशे ॥ १०.०५७.०४  
 पुनर्नः॑ पितरो॑ मनो॑ ददातु॑ दैव्यो॑ जनः॑ ।  
 जीवं॑ व्रातं॑ सचेमहि ॥ १०.०५७.०५  
 वयं॑ सोम॑ व्रते॑ तव॑ मनस्तनूषु॑ बिभ्रतः॑ ।  
 प्रजावन्तः॑ सचेमहि ॥ १०.०५७.०६  
 यत्ते॑ यमं॑ वैवस्वतं॑ मनो॑ जगाम॑ दूरकम् ।  
 तत्त॑ आ॒ वर्तयामसीह॑ क्षयाय॑ जीवसे ॥ १०.०५८.०१  
 यत्ते॑ दिवं॑ यत्पृथिवीं॑ मनो॑ जगाम॑ दूरकम् ।  
 तत्त॑ आ॒ वर्तयामसीह॑ क्षयाय॑ जीवसे ॥ १०.०५८.०२  
 यत्ते॑ भूमिं॑ चतुर्भृष्टिं॑ मनो॑ जगाम॑ दूरकम् ।  
 तत्त॑ आ॒ वर्तयामसीह॑ क्षयाय॑ जीवसे ॥ १०.०५८.०३  
 यत्ते॑ चतस्रः॑ प्रदिशो॑ मनो॑ जगाम॑ दूरकम् ।  
 तत्त॑ आ॒ वर्तयामसीह॑ क्षयाय॑ जीवसे ॥ १०.०५८.०४  
 यत्ते॑ समुद्रमर्णवं॑ मनो॑ जगाम॑ दूरकम् ।  
 तत्त॑ आ॒ वर्तयामसीह॑ क्षयाय॑ जीवसे ॥ १०.०५८.०५  
 यत्ते॑ मरीचीः॑ प्रवतो॑ मनो॑ जगाम॑ दूरकम् ।

तत् आ वर्तयामसीह क्षयाय जीवसे ॥ १०.०५८.०६  
 यत्ते अपो यदोषधीर्मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.०७  
 यत्ते सूर्यं यदुषसं मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.०८  
 यत्ते पर्वतान्बृहतो मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.०९  
 यत्ते विश्वमिदं जगन्मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.१०  
 यत्ते पराः परावतो मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.११  
 यत्ते भूतं च भव्यं च मनो जगाम दूरकम् ।  
 तत् आ वर्तयामसीह क्षयाय जीवसे ॥ १०.०५८.१२  
 प्र तार्यायुः प्रतरं नवीयः स्थातारेव क्रतुमता रथस्य ।  
 अध च्यवान् उत्तवीत्यर्थं परातरं सु निर्ऋतिर्जिहीताम् ॥ १०.०५९.०१  
 सामन्नु राये निधिमन्त्रं करामहे सु पुरुध श्रवांसि ।  
 ता नो विश्वानि जरिता ममत्तु परातरं सु निर्ऋतिर्जिहीताम् ॥ १०.०५९.०२  
 अभीष्वश्र्यः पौंस्यैर्भवेम द्यौरं भूमिं गिरयो नाज्जान् ।  
 ता नो विश्वानि जरिता चिकेत परातरं सु निर्ऋतिर्जिहीताम् ॥ १०.०५९.०३  
 मोषु णः सोम मृत्यवे परा दाः पश्येम नु सूर्यमुच्चरन्तम् ।  
 द्युभिर्हितो जरिमा सू नो अस्तु परातरं सु निर्ऋतिर्जिहीताम् ॥ १०.०५९.०४  
 असुनीते मनो अस्मासु धारय जीवातवे सु प्र तिरा न आयुः ।  
 रारन्धि नः सूर्यस्य संदृशि घृतेन त्वं तन्वं वर्धयस्व ॥ १०.०५९.०५  
 असुनीते पुनरस्मासु चक्षुः पुनः प्राणमिह नो धेहि भोगम् ।  
 ज्योक्पश्येम सूर्यमुच्चरन्तमनुमते मृळया नः स्वस्ति ॥ १०.०५९.०६  
 पुनर्नो असुं पृथिवी ददातु पुनर्द्यौर्देवी पुनरन्तरिक्षम् ।  
 पुनर्नः सोमस्तन्वं ददातु पुनः पूषा पथ्यांश्च या स्वस्तिः ॥ १०.०५९.०७

शं रोदसी सुबन्धवे यही ऋतस्य मातरा ।  
 भरतामप यद्रपो द्यौः पृथिवि क्षमा रपो मो षु ते किं चनाममत् ॥ १०.०५९.०८  
 अव द्वके अव त्रिका दिवश्चरन्ति भेषजा ।  
 क्षमा चरिष्वेककं भरतामप यद्रपो द्यौः पृथिवि क्षमा रपो मो षु ते किं चनाममत् ॥  
 १०.०५९.०९  
 समिन्द्रेरय गामनङ्गाहं य आवहदुशीनराण्या अनः ।  
 भरतामप यद्रपो द्यौः पृथिवि क्षमा रपो मो षु ते किं चनाममत् ॥ १०.०५९.१०  
 आ जन त्वेषसदृशं माहीनानामुपस्तुतम् ।  
 अगन्म बिभ्रतो नमः ॥ १०.०६०.०१  
 असमातिं नितोशनं त्वेषं निययिनं रथम् ।  
 भजेरथस्य सत्पतिम् ॥ १०.०६०.०२  
 यो जनान्महिषाँ इवातितस्थौ पवीरवान् ।  
 उतापवीरवान्युधा ॥ १०.०६०.०३  
 यस्येक्ष्वाकुरुप व्रते रेवान्मराय्येधते ।  
 दिवीव पञ्च कृष्टयः ॥ १०.०६०.०४  
 इन्द्र क्षत्रासमातिषु रथप्रोष्ठेषु धारय ।  
 दिवीव सूर्यं दृशे ॥ १०.०६०.०५  
 अगस्त्यस्य नद्भ्यः सप्ती युनक्षि रोहिता ।  
 पणीन्त्र्यक्रमीरभि विश्वान्नाजन्नराधसः ॥ १०.०६०.०६  
 अयं मातायं पितायं जीवातुरागमत् ।  
 इदं तव प्रसर्पणं सुबन्धवेहि निरिहि ॥ १०.०६०.०७  
 यथा युगं वरत्रया नह्यन्ति धरुणाय कम् ।  
 एवा दाधार ते मनो जीवातवे न मृत्यवेऽथो अरिष्टतातये ॥ १०.०६०.०८  
 यथेयं पृथिवी मही दाधारेमान्वनस्पतीन् ।  
 एवा दाधार ते मनो जीवातवे न मृत्यवेऽथो अरिष्टतातये ॥ १०.०६०.०९  
 यमादहं वैवस्वतात्सुबन्धोर्मन आभरम् ।  
 जीवातवे न मृत्यवेऽथो अरिष्टतातये ॥ १०.०६०.१०

न्य॒श॒ग्वातोऽव॑ वा॒ति न्य॒क्तप॑ति॒ सूर्यः॑ ।  
 नी॒चीन॑म॒घ्न्या दु॒हे न्य॒ग्भव॑तु॒ ते रपः॑ ॥ १०.०६०.११  
 अ॒यं मे॑ ह॒स्तो भ॑ग॒वानयं॑ मे॒ भग॑वत्तरः ।  
 अ॒यं मे॑ वि॒श्वभे॑ष॒जोऽयं॑ शि॒वाभि॑मर्शनः ॥ १०.०६०.१२  
 इ॒दमि॑त्था रौ॒द्रं गूर्त॑व॒चा ब्र॒ह्म ऋ॒त्वा श॒च्याम॑न्तरा॒जौ ।  
 ऋ॒णा य॑दस्य पि॒तरा॑ मं॒हने॑ष्ठाः प॒र्षत्प॑क्थे अ॒हन्ना॑ सप्त॒ होतृ॑न् ॥ १०.०६१.०१  
 स इ॒द्धाना॑य॒ दभ्या॑य॒ वन्व॑श्च॒वानः॒ सूदै॑रमिमीत॒ वेदि॑म् ।  
 तूर्व॑याणो॒ गूर्त॑व॒चस्त॑मः॒ क्षोदो॑ न॒ रेत॑ इ॒तऊ॑ति॒ सिञ्च॑त् ॥ १०.०६१.०२  
 मनो॑ न॒ येषु॑ ह॒वने॑षु ति॒गमं॑ वि॒पः श॒च्या व॑नुथो॒ द्रव॑न्ता ।  
 आ॒ यः श॒योभि॑स्तु॒विनु॑म्णो॒ अस्या॑श्रीणीतादि॒शं ग॑भस्तौ ॥ १०.०६१.०३  
 कृ॒ष्णा य॒द्रोष्व॑रु॒णीषु॑ सी॒दद्वि॑वो न॒पाता॑श्चिना॒ हुवे॑ वाम् ।  
 वी॒तं मे॑ य॒ज्ञमा॑ ग॒तं मे॑ अ॒न्नं व॑वन्वांसा॒ नेष॑मस्मृतध्रू ॥ १०.०६१.०४  
 प्रथि॑ष्ट॒ यस्य॑ वी॒रक॑र्ममि॒ष्णद॑नु॒ष्ठितं॑ नु॒ नर्यो॑ अपौहत् ।  
 पु॒नस्त॑दा वृ॒हति॑ य॒त्कना॑या॒ दुहि॑तुरा॒ अनु॑भृतमनर्वा ॥ १०.०६१.०५  
 म॒ध्या य॑त्क॒र्त्वम॑भव॒दभी॑के॒ कामं॑ कृ॒ण्वाने॑ पि॒तरि॑ यु॒वत्या॑म् ।  
 म॒नान॑ग्रेतो॒ जह॑तुर्वि॒यन्ता॑ सा॒नौ नि॑षिक्तं सु॒कृत॑स्य॒ योनौ॑ ॥ १०.०६१.०६  
 पि॒ता य॑त्स्वां॒ दुहि॑तर॒मधि॑ष्क॒न्श्मया॑ रेतः॒ संज॑ग्मानो॒ नि षि॑ञ्चत् ।  
 स्वा॒ध्योऽज॑नय॒न्ब्र॒ह्म दे॒वा वा॑स्तोष्पतिं॒ व्रत॑पां॒ निर॑तक्षन् ॥ १०.०६१.०७  
 स ई॑ वृषा॒ न फे॑नमस्य॒दाजौ॑ स्मदा॒ परै॑दप॒ दभ्र॑चेताः ।  
 सर॑त्पदा॒ न द॑क्षिणा॒ परा॑वृ॒ङ्ग ता॑ नु॒ मे पृ॑श॒न्यो ज॑गृभ्रे ॥ १०.०६१.०८  
 म॒क्षू न॑ वह्निः॒ प्रजा॑या॒ उप॑ब्दि॒रग्निं॑ न॒ नग्न॑ उप॒ सीद॑दूधः ।  
 स॒निते॑ध्मं॒ स॒नितो॑त॒ वाजं॑ स॒ धर्ता॑ ज॒ज्ञे स॒हसा॑ यवी॒युत् ॥ १०.०६१.०९  
 म॒क्षू क॑नायाः॒ सख्यं॑ नव॒ग्वा ऋ॒तं व॑दन्त॒ ऋत॑युक्ति॒मग॑मन् ।  
 द्वि॒बर्ह॑सो॒ य उप॑ गो॒पमा॑गु॒रद॑क्षिणा॒सो अ॑च्युता॒ दुदु॑क्षन् ॥ १०.०६१.१०  
 म॒क्षू क॑नायाः॒ सख्यं॑ नवी॒यो रा॒धो न॑ रेत॒ ऋत॑मित्तुरण्यन् ।  
 शु॒चि॒ यत्ते॑ रे॒क्णा आ॑य॒जन्त॑ स॒वर्दु॑घायाः॒ पय॑ उ॒स्त्रिया॑याः ॥ १०.०६१.११  
 प॒श्वा य॑त्प॒श्वा वि॑युता॒ बुध॑न्तेति॒ ब्रवी॑ति॒ वक्त्रे॑ रराणः ।

वसोर्वसुत्वा कारवोऽनेहा विश्वं विवेष्टि द्रविणमुप क्षु ॥ १०.०६१.१२  
 तदिव्वस्य परिषद्धानो अगमन्पुरु सदनतो नार्षदं बिभित्सन् ।  
 वि शुष्णस्य संग्रथितमनर्वा विदत्पुरुप्रजातस्य गुहा यत् ॥ १०.०६१.१३  
 भर्गो ह नामोत यस्य देवाः स्वर्षणं ये त्रिषधस्थे निषेदुः ।  
 अग्निर्ह नामोत जातवेदाः श्रुधी नो होतर्ऋतस्य होताभृक् ॥ १०.०६१.१४  
 उत त्या मे रौद्रावर्चिमन्ता नासत्याविन्द्र गूर्तये यजध्वै ।  
 मनुष्वद्भक्तर्बहिषे रराणा मन्दू हितप्रयसा विक्षु यज्यू ॥ १०.०६१.१५  
 अयं स्तुतो राजा वन्दि वेधा अपश्च विप्रस्तरति स्वसेतुः ।  
 स कक्षीवन्तं रेजयत्सो अग्निं नेमिं न चक्रमवतो रघुद्रु ॥ १०.०६१.१६  
 स द्विबन्धुर्वैतरणो यष्टा सबर्धुं धेनुमस्वं दुहध्वै ।  
 सं यन्मित्रावरुणा वृक्ष उक्थेज्येष्टेभिरर्यमणं वरूथैः ॥ १०.०६१.१७  
 तद्वन्धुः सूरिर्दिवि ते धियंधा नाभानेदिष्टो रपति प्र वेनन् ।  
 सा नो नाभिः परमास्य वा घाहं तत्पश्चा कतिथश्चिदास ॥ १०.०६१.१८  
 इयं मे नाभिरिह मे सधस्थमिमे मे देवा अयमस्मि सर्वः ।  
 द्विजा अह प्रथमजा ऋतस्येदं धेनुरदुहञ्जायमाना ॥ १०.०६१.१९  
 अधासु मन्द्रो अरतिर्विभावाव स्यति द्विवर्तनिर्वनेषाट् ।  
 ऊर्ध्वा यच्छेणिर्न शिशुर्दन्मक्षू स्थिरं शेवृधं सूत माता ॥ १०.०६१.२०  
 अधा गाव उपमातिं कनाया अनु श्वान्तस्य कस्य चित्परयुः ।  
 श्रुधि त्वं सुद्रविणो नस्त्वं याळाश्वघ्नस्य वावृधे सूनृताभिः ॥ १०.०६१.२१  
 अध त्वमिन्द्र विद्ध्यश्मान्महो राये नृपते वज्रबाहुः ।  
 रक्षा च नो मघोनः पाहि सूरीननेहसस्ते हरिवो अभिष्टौ ॥ १०.०६१.२२  
 अध यद्राजाना गविष्टौ सरत्सरण्युः कारवे जरण्युः ।  
 विप्रः प्रेष्ठः स ह्येषां बभूव परा च वक्षदुत पर्षदेनान् ॥ १०.०६१.२३  
 अधा न्वस्य जेन्यस्य पुष्टौ वृथा रेभन्त ईमहे तदू नु ।  
 सरण्युरस्य सूनुरश्चो विप्रश्चासि श्रवसश्च सातौ ॥ १०.०६१.२४  
 युवोर्यदि सख्यायास्मे शर्धाय स्तोमं जुजुषे नमस्वान् ।  
 विश्वत्र यस्मिन्ना गिरः समीचीः पूर्वीव गातुर्दाशत्सूनृतायै ॥ १०.०६१.२५



स गृणानो अद्भिर्देववानिति सुबन्धुर्नमसा सूक्तैः ।  
वर्धदुक्थैर्वचोभिरा हि नूनं व्यध्वैति पयस उस्त्रियायाः ॥ १०.०६१.२६  
त ऊ पु णो महो यजत्रा भूत देवास ऊतये सजोषाः ।  
ये वाजाँ अनयता वियन्तो ये स्था निचेतारो अमूराः ॥ १०.०६१.२७  
ये यज्ञेन दक्षिणया समक्ता इन्द्रस्य सख्यममृतत्वमानश ।  
तेभ्यो भद्रमङ्गिरसो वो अस्तु प्रति गृष्णीत मानवं सुमेधसः ॥ १०.०६२.०१  
य उदाजम्पितरो गोमयं वस्वृतेनाभिन्दन्परिवत्सरे वल्म ।  
दीर्घायुत्वमङ्गिरसो वो अस्तु प्रति गृष्णीत मानवं सुमेधसः ॥ १०.०६२.०२  
य ऋतेन सूर्यमारोहयन्दिव्यप्रथयन्मृथिर्वी मातरं वि ।  
सुप्रजास्त्वमङ्गिरसो वो अस्तु प्रति गृष्णीत मानवं सुमेधसः ॥ १०.०६२.०३  
अयं नाभा वदति वल्गु वो गृहे देवपुत्रा ऋषयस्तच्छृणोतन ।  
सुब्रह्मण्यमङ्गिरसो वो अस्तु प्रति गृष्णीत मानवं सुमेधसः ॥ १०.०६२.०४  
विरूपास इदृषयस्त इद्रम्भीरवेपसः ।  
ते अङ्गिरसः सूनवस्ते अग्नेः परि जज्ञिरे ॥ १०.०६२.०५  
ये अग्नेः परि जज्ञिरे विरूपासो दिवस्परि ।  
नवग्वो नु दशग्वो अङ्गिरस्तमो सचा देवेषु मंहते ॥ १०.०६२.०६  
इन्द्रेण युजा निः सृजन्त वाघतो ब्रजं गोमन्तमश्विनम् ।  
सहस्रं मे ददतो अष्टकर्ण्यशुः श्रवो देवेष्वक्रत ॥ १०.०६२.०७  
प्र नूनं जायतामयं मनुस्तोक्त्रेव रोहतु ।  
यः सहस्रं शताश्वं सद्यो दानाय मंहते ॥ १०.०६२.०८  
न तमश्नोति कश्चन दिव इव सान्वारभम् ।  
सावर्ण्यस्य दक्षिणा वि सिन्धुरिव पप्रथे ॥ १०.०६२.०९  
उत दासा परिविषे स्मद्दिष्टी गोपरीणसा ।  
यदुस्तुर्वश्वं मामहे ॥ १०.०६२.१०  
सहस्रदा ग्रामणीर्मा रिषन्मनुः सूर्येणास्य यतमानैतु दक्षिणा ।  
सावर्णेर्देवाः प्र तिरन्त्वायुर्यस्मिन्नश्रान्ता असनाम वाजम् ॥ १०.०६२.११  
परावतो ये दिधिपन्त आप्यं मनुप्रीतासो जनिमा विवस्वतः ।

ययातेर्ये नहुष्यस्य बर्हिषि देवा आसते ते अधि ब्रुवन्तु नः ॥ १०.०६३.०१  
विश्वा हि वो नमस्यानि वन्द्या नामानि देवा उत यज्ञियानि वः ।  
ये स्थ जाता अदितेरद्यस्परि ये पृथिव्यास्ते म इह श्रुता हवम् ॥ १०.०६३.०२  
येभ्यो माता मधुमत्पिन्वते पयः पीयूषं द्यौरदितिरद्रिबर्हाः ।  
उक्थशुष्मान्वृषभरान्स्वप्नस्ताँ आदित्याँ अनु मदा स्वस्तये ॥ १०.०६३.०३  
नृचक्षसो अनिमिषन्तो अर्हणा बृहद्देवासो अमृतत्वमानशुः ।  
ज्योतीरथा अहिमाया अनागसो दिवो वर्ष्माणं वसते स्वस्तये ॥ १०.०६३.०४  
सम्राजो ये सुवृधो यज्ञमाययुरपरिहृता दधिरे दिवि क्षयम् ।  
ताँ आ विवास नमसा सुवृक्तिभिर्महो आदित्याँ अदितिं स्वस्तये ॥ १०.०६३.०५  
को वः स्तोमं राधति यं जुजोषथ विश्वे देवासो मनुषो यति ष्टन ।  
को वोऽध्वरं तुविजाता अरं करद्यो नः पर्षदत्यंहः स्वस्तये ॥ १०.०६३.०६  
येभ्यो होत्रां प्रथमामायेजे मनुः समिद्धाग्निर्मनसा सप्त होतृभिः ।  
त आदित्या अभयं शर्म यच्छत सुगा नः कर्त सुपथा स्वस्तये ॥ १०.०६३.०७  
य ईशिरे भुवनस्य प्रचेतसो विश्वस्य स्थातुर्जगतश्च मन्तवः ।  
ते नः कृतादकृतादेनसस्पर्षद्या देवासः पिपृता स्वस्तये ॥ १०.०६३.०८  
भरेष्विन्द्र सुहव हवामहेऽहोमुचं सुकृतं दैव्यं जनम् ।  
अग्निं मित्रं वरुणं सातये भगं द्यावापृथिवी मरुतः स्वस्तये ॥ १०.०६३.०९  
सुत्रामाणं पृथिवीं द्यामनेहसं सुशर्माणमदितिं सुप्रणीतिम् ।  
दैवीं नावं स्वरित्रामनागसमस्रवन्तीमा रुहेमा स्वस्तये ॥ १०.०६३.१०  
विश्वे यजत्रा अधि वोचतोतये त्रायध्वं नो दुरेवाया अभिहुतः ।  
सत्यया वो देवहृत्या हुवेम शृण्वतो देवा अवसे स्वस्तये ॥ १०.०६३.११  
अपामीवामप विश्वामनाहुतिमपारातिं दुर्विदत्रामघायतः ।  
आरे देवा द्वेषो अस्मद्युयोतनोरु णः शर्म यच्छता स्वस्तये ॥ १०.०६३.१२  
अरिष्टः स मर्तो विश्व एधते प्र प्रजाभिर्जायते धर्मणस्परि ।  
यमादित्यासो नयथा सुनीतिभिरति विश्वानि दुरिता स्वस्तये ॥ १०.०६३.१३  
यं देवासोऽवथ वाजसातौ यं शूरसाता मरुतो हिते धने ।  
प्रातर्यावाणं रथमिन्द्र सानसिमरिष्यन्तमा रुहेमा स्वस्तये ॥ १०.०६३.१४

स्वस्ति नः पथ्यासु धन्वसु स्वस्त्यश्प्सु वृजने स्वर्वति ।  
 स्वस्ति नः पुत्रकृथेषु योनिषु स्वस्ति राये मरुतो दधातन ॥ १०.०६३.१५  
 स्वस्तिरिद्धि प्रपथे श्रेष्ठा रेक्णस्वत्यभि या वाममेति ।  
 सा नो अमा सो अरणे नि पातु स्वावेशा भवतु देवगोपा ॥ १०.०६३.१६  
 एवा प्लुतेः सूनुरवीवृधद्वो विश्व आदित्या अदिते मनीषी ।  
 ईशानासो नरो अमर्त्येनास्तावि जना दिव्यो गयेन ॥ १०.०६३.१७  
 कथा देवानां कतमस्य यामनि सुमन्तु नाम शृण्वतां मनामहे ।  
 को मृळाति कतमो नो मयस्करत्कतम ऊती अभ्या ववर्तति ॥ १०.०६४.०१  
 ऋतुयन्ति ऋतवो हृत्सु धीतयो वेनन्ति वेनाः पतयन्त्या दिशः ।  
 न मर्डिता विद्यते अन्य एभ्यो देवेषु मे अधि कामा अयंसत ॥ १०.०६४.०२  
 नरा वा शंस पूषणमगोह्यमग्निं देवेद्धमभ्यर्चसे गिरा ।  
 सूर्यामासा चन्द्रमसा यमं दिवि त्रितं वातमुषसमक्तुमश्विना ॥ १०.०६४.०३  
 कथा कविस्तुवीरवान्कया गिरा बृहस्पतिर्वावृधते सुवृक्तिभिः ।  
 अज एकपात्सुहवेभिर्ऋक्भिरहिः शृणोतु बुध्योऽ हवीमनि ॥ १०.०६४.०४  
 दक्षस्य वादिते जन्मनि व्रते राजाना मित्रावरुणा विवाससि ।  
 अतूर्तपन्थाः पुरुरथो अर्यमा सप्तहोता विषुरूपेषु जन्मसु ॥ १०.०६४.०५  
 ते नो अर्वन्तो हवनश्रुतो हवं विश्वे शृण्वन्तु वाजिनो मितद्रवः ।  
 सहस्रसा मेधसाताविव त्मना महो ये धनं समिथेषु जग्निरे ॥ १०.०६४.०६  
 प्र वो वायुं रथयुजं पुरधिं स्तोमैः कृणुध्वं सख्याय पूषणम् ।  
 ते हि देवस्य सवितुः सवीमनि ऋतुं सचन्ते सचितः सचेतसः ॥ १०.०६४.०७  
 त्रिः सप्त सस्ना नद्यो महीरपो वनस्पतीन्पर्वताँ अग्निमूतये ।  
 कृशानुमस्तृन्तिष्य सधस्थ आ रुद्रं रुद्रेषु रुद्रियं हवामहे ॥ १०.०६४.०८  
 सरस्वती सरयुः सिन्धुरूर्मिभिर्महो महीरवसा यन्तु वक्षणीः ।  
 देवीरापो मातरः सूदयित्वो घृतवत्पयो मधुमन्नो अर्चत ॥ १०.०६४.०९  
 उत माता बृहद्विवा शृणोतु नस्त्वष्टा देवेभिर्जनिभिः पिता वचः ।  
 ऋभुक्षा वाजो रथस्पतिर्भगो रण्वः शंसः शशमानस्य पातु नः ॥ १०.०६४.१०  
 रण्वः संदृष्टौ पितुमाँ इव क्षयो भद्रा रुद्राणां मरुतामुपस्तुतिः ।

गोभिः॑ ष्याम॑ यशसो॑ जने॑ष्वा सदा॑ देवास॑ इळया॑ सचेमहि ॥ १०.०६४.११  
 यां मे॑ धियं॑ मरुत॑ इन्द्र॑ देवा॑ अददात॑ वरुण॑ मित्र॑ यूयम् ।  
 तां पीपय॑त पय॑सेव॑ धेनुं॑ कुवि॑द्भिरो॑ अधि॑ रथे॑ वहाथ ॥ १०.०६४.१२  
 कुवि॑दङ्ग॑ प्रति॑ यथा॑ चिद॑स्य नः॑ सजा॑त्यस्य॑ मरुतो॑ बुबोध॑थ ।  
 नाभा॑ यत्र॑ प्रथ॑मं संन॑सामहे॑ तत्र॑ जामि॑त्वमदि॑तिर्दधातु॑ नः ॥ १०.०६४.१३  
 ते हि॑ द्यावा॑पृथि॑वी मातरा॑ मही॑ देवी॑ देवाञ्ज॑न्मना॑ यज्ञि॑ये इतः॑ ।  
 उ॒भे बिभृ॑त उ॒भयं॑ भरी॑मभिः॑ पुरू॑ रेता॑सि पि॒तृभिश्च॑ सिञ्चतः ॥ १०.०६४.१४  
 वि॒ षा हो॒त्रा वि॒श्वम॑श्रोति॑ वार्यं॑ बृह॑स्पति॑ररमतिः॑ पनी॑यसी ।  
 ग्रावा॑ यत्र॑ मधु॑षुदु॒च्यते॑ बृह॑दवी॒वश॑न्त मति॑भिर्मनी॒षिणः ॥ १०.०६४.१५  
 ए॒वा क॑वि॒स्तुवी॑रवाँ ऋ॒तज्ञा॑ द्रवि॒णस्यु॑र्द्रवि॒णसश्च॑कानः ।  
 उ॒क्थेभि॑रत्र॑ मति॑भिश्च॑ विप्रोऽपी॒पय॑द्भयो॑ दि॒व्यानि॑ जन्म ॥ १०.०६४.१६  
 ए॒वा प्लु॑तेः॒ सूनुर॑वीवृ॒धद्वो॑ विश्व॑ आदित्या॑ अदिते॑ मनी॒षी ।  
 ई॒शाना॑सो नरो॑ अम॑र्त्ये॒नास्ता॑वि॒ जनो॑ दि॒व्यो ग॑येन ॥ १०.०६४.१७  
 अ॒ग्नि॒रिन्द्रो॑ वरु॒णो मि॒त्रो अ॑र्य॒मा वा॑युः पू॒षा सर॑स्वती॒ सजो॑षसः ।  
 आ॒दि॒त्या वि॑ष्णु॒र्मरु॑तः॒ स्वर्बृ॑हत्सोमो॑ रु॒द्रो अदि॑तिर्ब्रह्म॒णस्पतिः॑ ॥ १०.०६५.०१  
 इन्द्रा॑ग्नी वृ॒त्रह॑त्येषु॑ स॒त्पती॑ मि॒थो हि॒न्वाना॑ त॒न्वा३॑ समो॒कसा॑ ।  
 अ॒न्तरि॑क्षं॒ मह्या॑ प॒प्रु॒रोज॑सा॒ सोमो॑ घृ॒तश्री॑र्महि॒मानमी॑रयन् ॥ १०.०६५.०२  
 तेषां॑ हि॒ महा॑ मह॒तामन॑र्वणां॒ स्तोमाँ॑ इ॒यम्यु॑त॒ज्ञा ऋ॑तावृ॒धाम् ।  
 ये अ॒प्सव॑मर्ण॒वं चि॒त्राध॑स॒स्ते नो॑ रा॒सन्तां॑ मह॒ये सु॑मि॒त्र्याः ॥ १०.०६५.०३  
 स्वर्ण॑र॒मन्तरि॑क्षाणि॒ रोच॑ना द्यावा॒भूमी॑ पृथि॒वीं स्क॑म्भु॒रोज॑सा ।  
 पू॒क्षा इ॒व मह॑यन्तः॒ सुरा॑तयो॒ देवाः॑ स्तव॒न्ते म॑नु॒षाय॑ सूर॒यः ॥ १०.०६५.०४  
 मि॒त्राय॑ शि॒क्ष वरु॑णाय॒ दाशु॑षे॒ या स॒म्राजा॑ मन॒सा न॑ प्र॒युच्छ॑तः ।  
 ययो॑र्धाम॒ धर्मे॑णा॒ रोच॑ते॒ बृह॑द्ययो॒रुभे॑ रोदसी॒ नाध॑सी॒ वृतौ॑ ॥ १०.०६५.०५  
 या गौ॑र्व॒र्तनिं॑ प॒र्येति॑ निष्कृ॒तं प॑यो॒ दुहा॑ना॒ व्रत॑नी॒रवार॑तः ।  
 सा प्र॒ब्रुवा॑णा॒ वरु॑णाय॒ दाशु॑षे॒ देवे॒भ्यो दा॑श॒द्धवि॑षा वि॒वस्व॑ते ॥ १०.०६५.०६  
 दि॒वक्ष॑सो अ॒ग्निजि॑ह्वा॒ ऋता॑वृ॒ध ऋ॑तस्य॒ योनिं॑ वि॒मृश॑न्त॒ आस॑ते ।  
 द्यां॑ स्क॒भित्व्य॑१प आ च॒कुरो॑ज॒सा य॒ज्ञं ज॑नि॒त्वी त॒न्वी३॑ नि॒ मामृ॑जुः ॥ १०.०६५.०७

परि॒क्षिता॑ पि॒तरा॑ पूर्॒वजा॑वरी ऋ॒तस्य॑ योना॑ क्षय॒तः समो॑कसा ।  
द्यावा॑पृथि॒वी वरु॑णाय॒ स॒त्रते॑ घृ॒तव॑त्पयो॒ महि॑षाय॒ पि॒न्वतः॑ ॥ १०.०६५.०८  
पर्ज॑न्या॒वाता॑ वृष॒भा पु॑रीषिणेन्द्र॒वायू॑ वरु॒णो मि॒त्रो अ॑र्य॒मा ।  
दे॒वाँ आ॒दि॒त्याँ अ॒दि॒तिं ह॒वाम॑हे॒ ये पा॑र्थि॒वासो॑ दि॒व्यासो॑ अ॒प्सु ये ॥ १०.०६५.०९  
त्वष्टा॑रं वा॒युमृ॑भ॒वो य ओ॑ह॒ते दै॒व्या हो॑ता॒रा उ॒षसं॑ स्व॒स्तये॑ ।  
बृ॒हस्प॑ति॒ वृ॒त्रखा॑दं सु॒मेध॑समिन्द्रि॒यं सोमं॑ ध॒नसा॑ उ॒ ईम॑हे ॥ १०.०६५.१०  
ब्र॒ह्म गाम॑श्च॒ जन॑यन्त॒ ओष॑धीर्व॒नस्प॑तीन्पृथि॒वीं प॑र्व॒ताँ अ॒पः ।  
सूर्य॑ दि॒वि रो॑हयन्तः सु॒दान॑व॒ आयाँ॑ ब्र॒ता वि॑सृजन्तो॒ अधि॑ क्षमि ॥ १०.०६५.११  
भु॒ज्युमं॑हसः पि॒पृथो॑ नि॒रश्वि॑ना श्या॒व पु॒त्रं व॑ध्निमत्या॒ अजि॑न्वतम् ।  
क॒मद्यु॑वं वि॒मदा॑योहथुर्यु॒वं वि॑ष्णा॒प्वं॑ विश्व॒काया॑व॒ सृज॑थः ॥ १०.०६५.१२  
पा॒वीर॑वी॒ तन्य॑तुरेकपा॒दजो॑ दि॒वो ध॑र्ता॒ सिन्धु॑रापः॒ समु॑द्रि॒यः ।  
विश्वे॑ दे॒वासः॑ शृ॒णव॑न्वचा॒सि मे॑ सर॒स्वती॑ स॒ह धी॑भिः पुर॒ध्या ॥ १०.०६५.१३  
विश्वे॑ दे॒वाः स॒ह धी॑भिः पुर॒ध्या म॑नोर्य॒जत्रा॑ अ॒मृता॑ ऋ॒तज्ञाः॑ ।  
रा॒तिषा॑चो॒ अभि॑षाचः॒ स्वर्वि॑दः॒ स्व॑र्गि॒रो ब्र॒ह्म सू॑क्तं॒ जुषे॑रत ॥ १०.०६५.१४  
दे॒वान्वा॑सि॒ष्ठो अ॑मृ॒तान्वा॑वन्दे॒ ये विश्वा॑ भु॒वना॑भि॒ प्रत॑स्थुः ।  
ते नो॑ रा॒सन्ता॑मु॒रुगा॑यमद्य॒ यूयं॑ पा॒त स्व॑स्तिभिः॒ सदा॑ नः ॥ १०.०६५.१५  
दे॒वान्हु॑वे॒ बृह॑च्छ्रु॒वसः॑ स्व॒स्तये॑ ज्योतिष्कृ॒तो अध्व॑रस्य॒ प्रचे॑तसः ।  
ये वा॑वृधुः॒ प्र॒तरं॑ विश्व॒वेद॑स॒ इन्द्र॑ज्येष्ठा॒सो अ॑मृ॒ता ऋ॒तावृ॑धः ॥ १०.०६६.०१  
इन्द्र॑प्र॒सूता॑ वरु॒णप्र॑शि॒ष्टा ये॑ सूर्य॒स्य ज्यो॑तिषो॒ भाग॑मा॒नशुः॑ ।  
म॒रुद्ग॑णे॒ वृज॑ने॒ मन्म॑ धी॒महि॑ माघो॒ने य॑ज्ञं॒ जन॑यन्त॒ सूर॑यः ॥ १०.०६६.०२  
इन्द्रो॑ वसु॒भिः परि॑ पा॒तु नो॑ ग॒यमा॑दि॒त्यैर्नो॑ अ॒दि॒तिः शर्म॑ यच्छतु ।  
रु॒द्रो रु॒द्रेभि॑र्दे॒वो मृ॑ळयाति॒ नस्त्व॑ष्टा॒ नो ग्रा॑भिः॒ सु॒वि॒ताय॑ जिन्वतु ॥ १०.०६६.०३  
अ॒दि॒तिर्द्या॑वापृथि॒वी ऋ॒तं म॑हदिन्द्रा॒विष्णू॑ मरु॒तः स्व॑र्बृ॒हत् ।  
दे॒वाँ आ॒दि॒त्याँ अ॒वसे॑ ह॒वाम॑हे॒ वसू॑न्नु॒द्रान्स॑वि॒तारं॑ सु॒दंस॑सम् ॥ १०.०६६.०४  
सर॑स्वा॒न्धीभि॑र्वरु॒णो धृ॑तव्रतः॒ पूषा॑ विष्णु॒र्महि॑मा वा॒युर॑श्वि॒ना ।  
ब्र॒ह्मकृ॑तो॒ अ॒मृता॑ विश्व॒वेद॑सः॒ शर्म॑ नो॒ यंस॑न्नि॒वरू॑थम॒हसः॑ ॥ १०.०६६.०५  
वृषा॑ य॒ज्ञो वृ॑षणः॒ सन्तु॑ य॒ज्ञिया॑ वृष॒णो दे॒वा वृ॑षणो॒ हवि॑ष्कृ॒तः ।

वृषणा द्यावापृथिवी ऋतावरी वृषा पर्जन्यो वृषणो वृषस्तुभः ॥ १०.०६६.०६  
 अग्नीषोमा वृषणा वाजसातये पुरुप्रशस्ता वृषणा उप ब्रुवे ।  
 यावीजिरे वृषणो देवयज्यया ता नः शर्म त्रिवरूथं वि यंसतः ॥ १०.०६६.०७  
 धृतव्रताः क्षत्रिया यज्ञनिष्कृतो बृहद्विवा अध्वराणामभिश्चियः ।  
 अग्निहोतार ऋतसापो अद्रुहोऽपो असृजन्ननु वृत्रतूर्ये ॥ १०.०६६.०८  
 द्यावापृथिवी जनयन्नभि व्रताप ओषधीर्वनिनानि यज्ञिया ।  
 अन्तरिक्षं स्वशरा पप्ररूतये वश देवासस्तन्वी३ नि मामृजुः ॥ १०.०६६.०९  
 धर्तारो दिव ऋभवः सुहस्ता वातापर्जन्या महिषस्य तन्यतोः ।  
 आप ओषधीः प्र तिरन्तु नो गिरो भगो रातिर्वाजिनो यन्तु मे हवम् ॥ १०.०६६.१०  
 समुद्रः सिन्धु रजो अन्तरिक्षमज एकपात्तनयितुरर्णवः ।  
 अहिर्बुध्न्यः शृणवद्वचांसि मे विश्वे देवास उत सूरयो मम ॥ १०.०६६.११  
 स्याम वो मनवो देववीतये प्राञ्च नो यज्ञं प्र णयत साधुया ।  
 आदित्या रुद्रा वसवः सुदानव इमा ब्रह्म शस्यमानानि जिन्वत ॥ १०.०६६.१२  
 दैव्या होतारा प्रथमा पुरोहित ऋतस्य पन्थामन्वेमि साधुया ।  
 क्षेत्रस्य पतिं प्रतिवेशमीमहे विश्वान्देवाँ अमृताँ अप्रयुच्छतः ॥ १०.०६६.१३  
 वसिष्ठासः पितृवद्वाचमक्रत देवाँ ईळाना ऋषिवत्स्वस्तये ।  
 प्रीता इव ज्ञातयः काममेत्यास्मे देवासोऽव धूनुता वसु ॥ १०.०६६.१४  
 देवान्वसिष्ठो अमृतान्ववन्दे ये विश्वा भुवनाभि प्रतस्थुः ।  
 ते नो रासन्तामुरुगायमद्य यूयं पात स्वस्तिभिः सदा नः ॥ १०.०६६.१५  
 इमां धियं सप्तशीर्ष्णीं पिता न ऋतप्रजातां बृहतीमविन्दत् ।  
 तुरीयं स्विञ्जनयद्विश्वजन्योऽयास्य उक्थमिन्द्राय शंसन् ॥ १०.०६७.०१  
 ऋतं शंसन्त ऋजु दीध्याना दिवस्पुत्रासो असुरस्य वीराः ।  
 विप्रं पदमङ्गिरसो दधाना यज्ञस्य धाम प्रथमं मनन्त ॥ १०.०६७.०२  
 हंसैरिव सखिभिर्वावदद्विरश्मन्मयानि नहना व्यस्यन् ।  
 बृहस्पतिरभिकनिक्रदद्वा उत प्रास्तौदुच्च विद्वौ अगायत् ॥ १०.०६७.०३  
 अवो द्वाभ्यां पर एकया गा गुहा तिष्ठन्तीरनृतस्य सेतौ ।  
 बृहस्पतिस्तमसि ज्योतिरिच्छन्नुदुस्ना आकर्वि हि तिस्र आवः ॥ १०.०६७.०४

विभिद्या पुरं शयथेमपार्चीं निस्त्रीणि साकमुदधेरकृन्तत् ।  
बृहस्पतिरुषसं सूर्यं गामर्कं विवेद स्तनयन्निव द्यौः ॥ १०.०६७.०५  
इन्द्रो वलं रक्षितारं दुधानां करेणैव वि चकर्ता रवेण ।  
स्वेदाञ्जिभिराशिरमिच्छमानोऽरोदयत्पणिमा गा अमुष्णात् ॥ १०.०६७.०६  
स ई सत्येभिः सखिभिः शुचद्विर्गोधायसं वि धनसैरदर्दः ।  
ब्रह्मणस्पतिर्वृषभिर्वराहैर्घर्मस्वेदेभिर्द्रविणं व्यानत् ॥ १०.०६७.०७  
ते सत्येन मनसा गोपतिं गा इयानास इषणयन्त धीभिः ।  
बृहस्पतिर्मिथोअवद्येपेभिरुदुस्त्रिया असृजत स्वयुग्भिः ॥ १०.०६७.०८  
तं वर्धयन्तो मतिभिः शिवाभिः सिंहमिव नानदतं सधस्थे ।  
बृहस्पतिं वृषणं शूरसातौ भरेभरे अनु मदेम जिष्णुम् ॥ १०.०६७.०९  
यदा वाजमसनद्विश्वरूपमा द्यामरुक्षदुत्तराणि सद्म ।  
बृहस्पतिं वृषणं वर्धयन्तो नाना सन्तो बिभ्रतो ज्योतिरासा ॥ १०.०६७.१०  
सत्यामाशिषं कृणुता वयोधे कीरिं चिच्छवथ स्वेभिरेवैः ।  
पश्चा मृधो अप भवन्तु विश्वास्तद्रोदसी शृणुतं विश्वमिन्वे ॥ १०.०६७.११  
इन्द्रो मह्ना महतो अर्णवस्य वि मूर्धानमभिनदर्बुदस्य ।  
अहन्नहिमरिणात्सप्त सिन्धून्देवैर्द्यावापृथिवी प्रावतं नः ॥ १०.०६७.१२  
उदपुतो न वयो रक्षमाणा वावदतो अभ्रियस्येव घोषाः ।  
गिरिभ्रजो नोर्मयो मदन्तो बृहस्पतिमभ्यर्का अनावन् ॥ १०.०६८.०१  
सं गोभिराङ्गिरसो नक्षमाणो भग इवेदर्यमणं निनाय ।  
जने मित्रो न दम्पती अनक्ति बृहस्पते वाजयाशूरिवाजौ ॥ १०.०६८.०२  
साध्वर्या अतिथिनीरिषिराः स्पार्हाः सुवर्णा अनवद्यरूपाः ।  
बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ॥ १०.०६८.०३  
आप्रुषायन्मधुन ऋतस्य योनिमवक्षिपन्नर्क उल्कामिव द्यौः ।  
बृहस्पतिरुद्धरन्नश्मनो गा भूम्या उद्रेव वि त्वचं बिभेद ॥ १०.०६८.०४  
अप ज्योतिषा तमो अन्तरिक्षादुद्रः शीपालमिव वात आजत् ।  
बृहस्पतिरनुमृश्या वलस्याभ्रमिव वात आ चक्र आ गाः ॥ १०.०६८.०५  
यदा वलस्य पीयतो जसुं भेद्बृहस्पतिरग्नितापोभिरकैः ।

दद्विर्न जिह्वा परिविष्टमाददाविर्निर्धीरकृणोदुस्त्रियाणाम् ॥ १०.०६८.०६  
बृहस्पतिरमत हि त्यदासां नाम स्वरीणां सदने गुहा यत् ।  
आण्डेव भित्त्वा शकुनस्य गर्भमुदुस्त्रियाः पर्वतस्य त्मनाजत् ॥ १०.०६८.०७  
अश्रापिनद्धं मधु पर्यपश्यन्मत्स्यं न दीन उदनि क्षियन्तम् ।  
निष्टञ्जभार चमसं न वृक्षाद्बृहस्पतिर्विरवेणा विकृत्य ॥ १०.०६८.०८  
सोषामविन्दत्स स्वः सो अग्निं सो अर्केण वि बबाधे तमांसि ।  
बृहस्पतिर्गोवपुषो वलस्य निर्मज्जानं न पर्वणो जभार ॥ १०.०६८.०९  
हिमेव पर्णा मुषिता वनानि बृहस्पतिनाकृपयद्वलो गाः ।  
अनानुकृत्यमपुनश्चकार यात्सूर्यामासा मिथ उच्चरातः ॥ १०.०६८.१०  
अभि श्यावं न कशनेभिरश्वं नक्षत्रेभिः पितरो द्यामपिंशन् ।  
रात्र्यां तमो अदधुज्योतिरहन्बृहस्पतिर्भिनदद्वि विदद्गाः ॥ १०.०६८.११  
इदमकर्म नमो अभ्रियाय यः पूर्वोरन्वानोनवीति ।  
बृहस्पतिः स हि गोभिः सो अश्वैः स वीरेभिः स नृभिर्नो वयो धात् ॥ १०.०६८.१२  
भद्रा अग्नेर्वध्यश्वस्य संदृशो वामी प्रणीतिः सुरणा उपेतयः ।  
यदी सुमित्रा विशो अग्र इन्धते घृतेनाहुतो जरते दविद्युतत् ॥ १०.०६९.०१  
घृतमग्नेर्वध्यश्वस्य वर्धनं घृतमन्नं घृतम्बस्य मेदनम् ।  
घृतेनाहुत उर्विया वि पप्रथे सूर्य इव रोचते सर्पिरासुतिः ॥ १०.०६९.०२  
यत्ते मनुयर्दनीकं सुमित्रः समीधे अग्ने तदिदं नवीयः ।  
स रेवच्छोच स गिरो जुषस्व स वाजं दर्षि स इह श्रवो धाः ॥ १०.०६९.०३  
यं त्वा पूर्वमीळितो वध्यश्वः समीधे अग्ने स इदं जुषस्व ।  
स नः स्तिपा उत भवा तनूपा दात्रं रक्षस्व यदिदं ते अस्मे ॥ १०.०६९.०४  
भवा द्युम्नी वाध्यश्वोत गोपा मा त्वा तारीदभिमातिर्जनानाम् ।  
शूर इव धृष्णुश्च्यवनः सुमित्रः प्र नु वोचं वाध्यश्वस्य नाम ॥ १०.०६९.०५  
समज्या पर्वत्याः वसूनि दासा वृत्राण्यार्या जिगेथ ।  
शूर इव धृष्णुश्च्यवनो जनानां त्वमग्ने पृतनार्यैरभि ध्याः ॥ १०.०६९.०६  
दीर्घतन्तुर्बृहदुक्षायमग्निः सहस्रस्तरीः शतनीथ ऋभ्वा ।  
द्युमान्द्युमत्सु नृभिर्मुज्यमानः सुमित्रेषु दीदयो देवयत्सु ॥ १०.०६९.०७



त्वे धेनुः सुदुधा जातवेदोऽसश्चतेव समना सबर्धुक् ।  
 त्वं नृभिर्दक्षिणावद्भिरग्ने सुमित्रेभिरिध्यसे देवयद्विः ॥ १०.०६९.०८  
 देवाश्चित्ते अमृता जातवेदो महिमानं वाध्यश्च प्र वोचन् ।  
 यत्सम्पृच्छं मानुषीर्विश आयन्त्वं नृभिरजयस्त्वावृधेभिः ॥ १०.०६९.०९  
 पितेव पुत्रमबिभरुपस्थे त्वामग्ने वध्यश्चः सपर्यन् ।  
 जुषाणो अस्य समिधं यविष्ठोत पूर्वां अवनोर्ब्राधतश्चित् ॥ १०.०६९.१०  
 शश्वदग्निर्वध्यश्चस्य शत्रून्नुभिर्जिगाय सुतसोमवद्विः ।  
 समनं चिददहश्चित्त्रभानोऽव ब्राधन्तमभिनद्धुधश्चित् ॥ १०.०६९.११  
 अयमग्निर्वध्यश्चस्य वृत्रहा सनकात्प्रेद्धो नमसोपवाक्यः ।  
 स नो अजामौरुत वा विजामीनभि तिष्ठ शधतो वाध्यश्च ॥ १०.०६९.१२  
 इमां मे अग्ने समिधं जुषस्वेळस्पदे प्रति हर्या घृताचीम् ।  
 वर्ष्मन्पृथिव्याः सुदिनत्वे अहामूर्ध्वो भव सुक्रतो देवयज्या ॥ १०.०७०.०१  
 आ देवानामग्रयावेह यातु नराशंसो विश्वरूपेभिरश्वैः ।  
 ऋतस्य पथा नमसा मियेधो देवेभ्यो देवतमः सुषूदत् ॥ १०.०७०.०२  
 शश्वत्तममीळते दूत्याय हविष्मन्तो मनुष्यासो अग्निम् ।  
 वहिष्ठेरश्वैः सुवृता रथेना देवान्वक्षि नि षदेह होता ॥ १०.०७०.०३  
 वि प्रथतां देवजुष्टं तिरश्चा दीर्घं द्राघ्मा सुरभि भूत्वस्मे ।  
 अहेळता मनसा देव बर्हिरिन्द्रज्येष्ठां उशतो यक्षि देवान् ॥ १०.०७०.०४  
 दिवो वा सानु स्पृशता वरीयः पृथिव्या वा मात्रया वि श्रयध्वम् ।  
 उशतीद्वारो महिना महद्भिर्देवं रथं रथयुर्धारयध्वम् ॥ १०.०७०.०५  
 देवी दिवो दुहितरा सुशिल्पे उषासानक्ता सदतां नि योनौ ।  
 आ वा देवास उशती उशन्त उरौ सीदन्तु सुभगे उपस्थे ॥ १०.०७०.०६  
 ऊर्ध्वो ग्रावा बृहदग्निः समिद्धः प्रिया धामान्यदितेरुपस्थे ।  
 पुरोहितावृत्विजा यज्ञे अस्मिन्विदुष्टरा द्रविणमा यजेथाम् ॥ १०.०७०.०७  
 तिस्रो देवीर्बर्हिरिदं वरीय आ सीदत चकृमा वः स्योनम् ।  
 मनुष्वद्यज्ञं सुधिता हवींषीळा देवी घृतपदो जुषन्त ॥ १०.०७०.०८  
 देव त्वष्टर्यद्ध चारुत्वमानड्यदङ्गिरसामभवः सचाभूः ।

स दे॒वानां॑ पाथ॒ उप॒ प्र वि॒द्वौ॑ उ॒श॒न्य॒क्षि॒ द्रवि॒णोदः॑ सु॒रत्नः॑ ॥ १०.०७०.०९  
वनस्प॑ते र॒शनया॑ नि॒यूया॑ दे॒वानां॑ पाथ॒ उप॒ वक्षि॑ वि॒द्वान् ।  
स्वदा॑ति दे॒वः कृ॒णव॑द्ध॒र्वीष्य॑वतां॒ द्यावा॑पृथि॒वी ह॒व मे ॥ १०.०७०.१०  
आग्ने॑ वह॒ वरु॑णमिष्ट॒ये न॒ इन्द्रं॑ दि॒वो मरु॑तो॒ अन्तरि॑क्षात् ।  
सीदन्तु॑ ब॒र्हिर्वि॑श्व आ यजत्राः॒ स्वाहा॑ दे॒वा अ॒मृता॑ मादयन्ताम् ॥ १०.०७०.११  
बृह॑स्पते प्रथ॒मं वा॒चो अ॒ग्रं यत्प्रे॑रत॒ नाम॑धेयं॒ दधानाः॑ ।  
यदे॒षां श्रेष्ठं॑ यदरि॒प्रमा॑सीत्प्रेणा॒ तदे॒षां नि॒हितं॑ गुहा॒विः ॥ १०.०७१.०१  
सक्तु॑मिव॒ तित॑उना पु॒नन्तो॑ यत्र॒ धीरा॑ मनसा॒ वाच॑मक्रत ।  
अत्रा॑ सखायः॒ सख्या॑नि जानते॒ भद्रै॑षां ल॒क्ष्मीर्नि॑हिताधि॒ वाचि॑ ॥ १०.०७१.०२  
यज्ञे॑न वाचः॒ पद॑वीयमायन्तामन्वविन्द॒नृषि॑षु प्रविष्टाम् ।  
तामा॑भृत्या॒ व्यद॑धुः पुरु॒त्रा तां स॒प्त रे॒भा अ॒भि सं न॑वन्ते ॥ १०.०७१.०३  
उत॑ त्वः पश्यन्न॒ ददर्श॑ वाचमुत॒ त्वः शृ॑ण्वन्न॒ शृणो॑त्येनाम् ।  
उतो॑ त्वस्मै॒ तन्वं॑ वि॒ सन्ने॑ जायेव॒ पत्य॑ उशती सु॒वासाः॑ ॥ १०.०७१.०४  
उत॑ त्वं स॒ख्ये स्थि॑रपी॒तमा॑हुर्नैनं॒ हिन्व॑न्त्यपि॒ वाजि॑नेषु ।  
अधे॑न्वा चरति॒ माय॑यैष वाचं॒ शुश्रु॑वाँ अ॒फला॑मपुष्पाम् ॥ १०.०७१.०५  
यस्ति॑त्याज॒ सचि॑विदं सखायं॒ न तस्य॑ वाच्यपि॒ भागो॑ अस्ति ।  
यदीं॑ शृणोत्यलकं॒ शृणो॑ति नहि॒ प्रवे॑द सु॒कृत॑स्य॒ पन्थाम्॑ ॥ १०.०७१.०६  
अ॒क्ष॒ण्वन्तः॑ कर्ण॒वन्तः॑ सखायो॒ मनोज॑वेष्वासमा॒ बभूवुः॑ ।  
आ॒द॒घ्नास॑ उपक॒क्षास॑ उ त्वे हृ॒दा इ॒व स्ना॒त्वा उ त्वे॑ ददृश्रे ॥ १०.०७१.०७  
हृदा॑ त॒ष्टेषु॑ मनसो॒ ज्वेषु॑ यद्ब्राह्म॒णाः सं॑यजन्ते॒ सखायः॑ ।  
अत्रा॑ह त्वं॒ वि ज॑हुर्वे॒द्याभि॑रोह॒ब्रह्माणो॑ वि चरन्त्यु॒ त्वे ॥ १०.०७१.०८  
इमे॑ ये नार्वाङ्ग॒ पर॑श्चरन्ति॒ न ब्रा॑ह्मणासो॒ न सु॑तेकरासः ।  
त ए॒ते वा॑चमभिपद्य॒ पाप॑या॒ सिरी॑स्तन्न॒ तन्वते॑ अप्रजज्ञयः ॥ १०.०७१.०९  
सर्वे॑ नन्दन्ति॒ यश॑सागतेन॒ सभा॑साहेन॒ सख्या॑ सखायः ।  
कि॒त्स्विष॑स्पृत्पितुषणि॒ह्येषा॑मरं॒ हितो॑ भवति॒ वाजि॑नाय ॥ १०.०७१.१०  
ऋचां॑ त्वः पोष॑मास्ते पुपुष्वा॒न्नाय॑त्रं॒ त्वो गाय॑ति श॒क्ररी॑षु ।  
ब्रह्मा॑ त्वो॒ वद॑ति जा॒तवि॑द्यां॒ यज्ञ॑स्य॒ मात्रां॑ वि मिमीत उ त्वः ॥ १०.०७१.११

देवानां नु वयं जाना प्र वोचाम विपन्यया ।  
 उक्थेषु शस्यमानेषु यः पश्यादुत्तरे युगे ॥ १०.०७२.०१  
 ब्रह्मणस्पतिरेता सं कर्मार इवाधमत् ।  
 देवानां पूर्व्ये युगेऽसतः सदजायत ॥ १०.०७२.०२  
 देवानां युगे प्रथमेऽसतः सदजायत ।  
 तदाशा अन्वजायन्त तदुत्तानपदस्परि ॥ १०.०७२.०३  
 भूर्जज्ञ उत्तानपदो भुव आशा अजायन्त ।  
 अदितेर्दक्षो अजायत दक्षाद्वदितिः परि ॥ १०.०७२.०४  
 अदितिर्ह्यजनिष्ट दक्ष या दुहिता तव ।  
 तां देवा अन्वजायन्त भद्रा अमृतबन्धवः ॥ १०.०७२.०५  
 यद्देवा अदः सलिले सुसंरब्धा अतिष्ठत ।  
 अत्रा वो नृत्यतामिव तीव्रो रेणुरपायत ॥ १०.०७२.०६  
 यद्देवा यतयो यथा भुवनान्यपिन्वत ।  
 अत्रा समुद्र आ गूळ्हमा सूर्यमजभर्तन ॥ १०.०७२.०७  
 अष्टौ पुत्रासो अदितेर्ये जातास्तन्वशस्परि ।  
 देवाँ उप प्रैत्सप्तभिः परा मार्ताण्डमास्यत् ॥ १०.०७२.०८  
 सप्तभिः पुत्रैरदितिरुप प्रैत्पूर्व्य युगम् ।  
 प्रजायै मृत्यवे त्वत्पुनर्मार्ताण्डमाभरत् ॥ १०.०७२.०९  
 जनिष्ठा उग्रः सहसे तुराय मन्द्र ओजिष्ठो बहुलाभिमानः ।  
 अवर्धन्निन्द्र मरुतश्चिदत्र माता यद्वीरं दधनद्धनिष्ठा ॥ १०.०७३.०१  
 द्रुहो निषत्ता पृशनी चिदेवैः पुरू शंसेन वावृधुष्ट इन्द्रम् ।  
 अभीवृतेव ता महापदेन ध्वान्तात्प्रपित्वादुदरन्त गर्भाः ॥ १०.०७३.०२  
 ऋष्वा ते पादा प्र यञ्जिगास्यवर्धन्वाजा उत ये चिदत्र ।  
 त्वमिन्द्र सालावृकान्सहस्रमासन्दधिषे अश्विना ववृत्याः ॥ १०.०७३.०३  
 समना तूर्णिरुप यासि यज्ञमा नासत्या सख्याय वक्षि ।  
 वसाव्यामिन्द्र धारयः सहस्राश्विना शूर ददतुर्मघानि ॥ १०.०७३.०४  
 मन्दमान ऋतादधि प्रजायै सखिभिरिन्द्र इषिरेभिरथम् ।

आभिर्हि माया उप दस्युमागान्मिहः प्र तत्रा अवपत्तमांसि ॥ १०.०७३.०५  
 सनामाना चिद्धसयो न्यस्मा अवाहन्निन्द्र उषसो यथानः ।  
 ऋष्वैरगच्छः सखिभिर्निकामैः साकं प्रतिष्ठा हृद्या जघन्थ ॥ १०.०७३.०६  
 त्वं जघन्थ नमुचिं मखस्युं दासं कृण्वान ऋषये विमायम् ।  
 त्वं चकर्थ मनवे स्योनान्पथो देवत्राञ्जसेव यानान् ॥ १०.०७३.०७  
 त्वमेतानि पप्रिषे वि नामेशान इन्द्र दधिषे गभस्तौ ।  
 अनु त्वा देवाः शवसा मदन्त्युपरिबुध्नान्वनिनश्चकर्थ ॥ १०.०७३.०८  
 चक्रं यदस्याप्स्वा निषत्तमुतो तदस्मै मध्विच्चच्छद्यात् ।  
 पृथिव्यामतिषितं यदूधः पयो गोष्वदधा ओषधीषु ॥ १०.०७३.०९  
 अश्वादिदियायेति यद्वदन्त्योजसो जातमुत मन्य एनम् ।  
 मन्योरियाय हर्म्येषु तस्यौ यतः प्रजज्ञ इन्द्रो अस्य वेद ॥ १०.०७३.१०  
 वयः सुपर्णा उप सेदुरिन्द्र प्रियमेधा ऋषयो नाधमानाः ।  
 अप ध्वान्तमूर्णहि पूर्धि चक्षुर्मुग्ध्यश्स्मान्निधयेव बद्धान् ॥ १०.०७३.११  
 वसूनां वा चर्कृष इयक्षन्धिया वा यज्ञैर्वा रोदस्योः ।  
 अवन्तो वा ये रयिमन्तः सातौ वनुं वा ये सुश्रुण सुश्रुतो धुः ॥ १०.०७४.०१  
 हव एषामसुरो नक्षत द्यां श्रवस्यता मनसा निसत क्षाम् ।  
 चक्षाणा यत्र सुविताय देवा द्यौरन वारेभिः कृणवन्त स्वैः ॥ १०.०७४.०२  
 इयमेषाममृतानां गीः सर्वताता ये कृपणन्त रत्नम् ।  
 धियं च यज्ञं च साधन्तस्ते नो धान्तु वसव्यश्मसामि ॥ १०.०७४.०३  
 आ तत्त इन्द्रायवः पनन्ताभि य ऊर्वं गोमन्तं तितृत्सान् ।  
 सकृत्स्वंश् ये पुरुपुत्रां महीं सहस्रधारां बृहतीं दुदुक्षन् ॥ १०.०७४.०४  
 शचीव इन्द्रमवसे कृणुध्वमनानतं दमयन्तं पृतन्यून ।  
 ऋभुक्षणं मघवानं सुवृक्तिं भर्ता यो वज्रं नयं पुरुक्षुः ॥ १०.०७४.०५  
 यद्वावानं पुरुतमं पुराषाळा वृत्रहेन्द्रो नामान्यप्राः ।  
 अचेति प्रासहस्पतिस्तुविष्मान्यदीमुश्मसि कर्तवे करत्तत् ॥ १०.०७४.०६  
 प्र सु व आपो महिमानमुत्तमं कारुर्वोचाति सदने विवस्वतः ।  
 प्र सप्तसप्त त्रेधा हि चक्रमुः प्र सृत्वरीणामति सिन्धुरोजसा ॥ १०.०७५.०१

प्र तेऽरदद्वरुणो यातवे पथः सिन्धो यद्वाजो अभ्यद्रवस्त्वम् ।  
 भूम्या अधि प्रवता यासि सानुना यदेषामग्रं जगतामिरज्यसि ॥ १०.०७५.०२  
 दिवि स्वनो यतते भूम्योपर्यनन्तं शुष्ममुदियति भानुना ।  
 अभ्रादिव प्र स्तनयन्ति वृषयः सिन्धुर्यदेति वृषभो न रोरुवत् ॥ १०.०७५.०३  
 अभि त्वा सिन्धो शिशुमिन्न मातरो वाश्रा अर्षन्ति पयसेव धेनवः ।  
 राजेव युध्वा नयसि त्वमित्सिचौ यदासामग्रं प्रवतामिनक्षसि ॥ १०.०७५.०४  
 इमं मे गङ्गे यमुने सरस्वति शुतुद्रि स्तोमं सचता परुष्या ।  
 असिक्र्या मरुद्वृधे वितस्तयार्जीकीये शृणुह्या सुषोमया ॥ १०.०७५.०५  
 तृष्टामया प्रथमं यातवे सजूः सुसत्वा रसया श्वेत्या त्या ।  
 त्वं सिन्धो कुभया गोमतीं कुमुं मेहत्वा सरथं याभिरीयसे ॥ १०.०७५.०६  
 ऋजीत्येनी रुशती महित्वा परि ज्रयासि भरते रजांसि ।  
 अदब्धा सिन्धुरपसामपस्तमाश्वा न चित्रा वपुषीव दर्शता ॥ १०.०७५.०७  
 स्वश्वा सिन्धुः सुरथा सुवासा हिरण्ययी सुकृता वाजिनीवती ।  
 ऊर्णावती युवतिः सीलमावत्युताधि वस्ते सुभगा मधुवृधम् ॥ १०.०७५.०८  
 सुखं रथं युयुजे सिन्धुरश्विनं तेन वाजं सनिषदस्मिन्नाजौ ।  
 महान्दस्य महिमा पनस्यतेऽदब्धस्य स्वयशसो विरप्शिनः ॥ १०.०७५.०९  
 आ व ऋञ्जस ऊर्जा व्युष्टिष्विन्द्रं मरुतो रोदसी अनक्तन ।  
 उभे यथा नो अहनी सचाभुवा सदःसदो वरिवस्यात उद्धिदा ॥ १०.०७६.०१  
 तदु श्रेष्ठं सवनं सुनोतनात्यो न हस्तयतो अद्रिः सोतरि ।  
 विदद्धृश्र्यो अभिभूति पौंस्य महो राये चित्तरुते यदर्वतः ॥ १०.०७६.०२  
 तदिद्धस्य सवनं विवेरपो यथा पुरा मनवे गातुमश्रेत् ।  
 गोअर्णसि त्वाष्ट्रे अश्वनिर्णिजि प्रेमध्वरेष्वध्वराँ अशिश्रयुः ॥ १०.०७६.०३  
 अप हत रक्षसो भङ्गरावतः स्कभायत निर्ऋतिं सेधतामतिम् ।  
 आ नो रयिं सर्ववीरं सुनोतन देवाव्यं भरत श्लोकमद्रयः ॥ १०.०७६.०४  
 दिवश्चिदा वोऽमवत्तरेभ्यो विभवना चिदाश्वपस्तरेभ्यः ।  
 वायोश्चिदा सोमरभस्तरेभ्योऽग्नेश्चिदर्चं पितुकृत्तरेभ्यः ॥ १०.०७६.०५  
 भुरन्तु नो यशसः सोत्वन्धसो ग्रावाणो वाचा दिविता दिवित्मता ।

नरो यत्र दुहते काम्यं मध्वाघोषयन्तो अभितो मिथस्तुरः ॥ १०.०७६.०६  
 सुन्वन्ति सोमं रथिरासो अद्रयो निरस्य रसं गविषो दुहन्ति ते ।  
 दुहन्यूधरुपसेचनाय कं नरो हव्या न मर्जयन्त आसभिः ॥ १०.०७६.०७  
 एते नरः स्वपसो अभूतन य इन्द्राय सुनुथ सोममद्रयः ।  
 वामं वामं वो दिव्याय धाम्ने वसुवसु वः पार्थिवाय सुन्वते ॥ १०.०७६.०८  
 अभ्रप्रुषो न वाचा प्रुषा वसु हविष्मन्तो न यज्ञा विजानुषः ।  
 सुमारुतं न ब्रह्माणमर्हसे गणमस्तोष्येषां न शोभसे ॥ १०.०७७.०१  
 श्रिये मर्यासो अञ्जौरकृण्वत सुमारुतं न पूर्वोरति क्षपः ।  
 दिवस्पुत्रास एता न येतिर आदित्यासस्ते अक्रा न वावृधुः ॥ १०.०७७.०२  
 प्र ये दिवः पृथिव्या न बर्हणा त्मना रिरिन्ने अभ्रात्र सूर्यः ।  
 पाजस्वन्तो न वीराः पनस्यवो रिशादसो न मर्या अभिद्यवः ॥ १०.०७७.०३  
 युष्माकं बुध्रे अपां न यामनि विथुर्यति न मही श्रथर्यति ।  
 विश्वस्मुर्यज्ञो अर्वागयं सु वः प्रयस्वन्तो न सत्राच आ गत ॥ १०.०७७.०४  
 यूयं धूर्षु प्रयुजो न रश्मिभिर्ज्योतिष्मन्तो न भासा व्युष्टिषु ।  
 श्येनासो न स्वयशसो रिशादसः प्रवासो न प्रसितासः परिप्रुषः ॥ १०.०७७.०५  
 प्र यद्वहध्वे मरुतः पराकाद्युयं महः संवरणस्य वस्वः ।  
 विदानासो वसवो राध्यस्याराच्चिद्वेषः सनुतर्युयोत ॥ १०.०७७.०६  
 य उदृचि यज्ञे अध्वरेष्ठा मरुद्भ्यो न मानुषो ददाशत् ।  
 रेवत्स वयो दधते सुवीरं स देवानामपि गोपीथे अस्तु ॥ १०.०७७.०७  
 ते हि यज्ञेषु यज्ञियास ऊमा आदित्येन नाम्ना शम्भविष्ठाः ।  
 ते नोऽवन्तु रथतूर्मनीषां महश्च यामन्नध्वरे चकानाः ॥ १०.०७७.०८  
 विप्रासो न मन्मभिः स्वाध्यो देवाव्योऽ न यज्ञैः स्वप्रसः ।  
 राजानो न चित्राः सुसंदृशः क्षितीनां न मर्या अरेपसः ॥ १०.०७८.०१  
 अग्निर्न ये भ्राजसा रुक्मवक्षसो वातासो न स्वयुजः सद्यऊतयः ।  
 प्रज्ञातारो न ज्येष्ठाः सुनीतयः सुशर्माणो न सोमा ऋतं यते ॥ १०.०७८.०२  
 वातासो न ये धुनयो जिगत्नवोऽग्नीनां न जिह्वा विरोक्णिणः ।  
 वर्मण्वन्तो न योधाः शिमीवन्तः पितृणां न शंसाः सुरातयः ॥ १०.०७८.०३

रथानां न येऽराः सनाभयो जिगीवांसो न शूरा अभिद्यवः ।  
 वरेयवो न मर्या घृतप्रुषोऽभिस्वर्तारो अर्कं न सुष्टुभः ॥ १०.०७८.०४  
 अश्वसो न ये ज्येष्ठास आशवो दिधिषवो न रथ्यः सुदानवः ।  
 आपो न निग्नैरुदभिर्जिगलवो विश्वरूपा अङ्गिरसो न सामभिः ॥ १०.०७८.०५  
 ग्रावाणो न सूरयः सिन्धुमातर आदर्दिरासो अद्रयो न विश्वहा ।  
 शिशूला न क्रीळयः सुमातरो महाग्रामो न यामन्नत त्विषा ॥ १०.०७८.०६  
 उपसां न केतवोऽध्वरश्रियः शुभंयवो नाञ्जिभिर्व्यश्वितन् ।  
 सिन्धवो न ययियो भ्राजदृष्टयः परावतो न योजनानि ममिरे ॥ १०.०७८.०७  
 सुभागात्रो देवाः कृणुता सुरत्नानस्मान्स्तोतृन्मरुतो वावृधानाः ।  
 अधि स्तोत्रस्य सख्यस्य गात सनाद्धि वो रत्नधेयानि सन्ति ॥ १०.०७८.०८  
 अपश्यमस्य महतो महित्वममर्त्यस्य मर्त्यासु विक्षु ।  
 नाना हनु विभृते सं भरेते असिन्वती बप्सती भूर्यतः ॥ १०.०७९.०१  
 गुहा शिरो निहितमृधगक्षी असिन्वन्नत्ति जिह्वया वनानि ।  
 अत्राण्यस्मै पङ्क्तिः सं भरन्त्युत्तानहस्ता नमसाधि विक्षु ॥ १०.०७९.०२  
 प्र मातुः प्रतरं गुह्यमिच्छन्कुमारो न वीरुधः सर्पदुर्वीः ।  
 ससं न पक्रमविदच्छुचन्तं रिरिह्वासं रिप उपस्थे अन्तः ॥ १०.०७९.०३  
 तद्वामृतं रोदसी प्र ब्रवीमि जायमानो मातरा गर्भो अत्ति ।  
 नाहं देवस्य मर्त्यश्चिकेताग्निरङ्ग विचेताः स प्रचेताः ॥ १०.०७९.०४  
 यो अस्मा अन्नं तुष्वाऽदधात्याज्यैर्घृतैर्जुहोति पुष्यति ।  
 तस्मै सहस्रमक्षभिर्वि चक्षेऽग्ने विश्वतः प्रत्यङ्कुसि त्वम् ॥ १०.०७९.०५  
 किं देवेषु त्यज एनश्चकर्थाग्ने पृच्छामि नु त्वामविद्वान् ।  
 अक्रीळन्क्रीळन्हरिरत्तवेऽदन्वि पर्वशश्चकर्त गामिवासिः ॥ १०.०७९.०६  
 विषूचो अश्वान्युयुजे वनेजा ऋजीतिभी रशनाभिर्गृभीतान् ।  
 चक्षदे मित्रो वसुभिः सुजातः समानृधे पर्वभिर्वावृधानः ॥ १०.०७९.०७  
 अग्निः सप्तिं वाजम्भरं ददात्यग्निर्वीरं श्रुत्यं कर्मनिःष्ठाम् ।  
 अग्नी रोदसी वि चरत्समञ्जन्नग्निर्नारी वीरकुक्षिं पुरंधिम् ॥ १०.०८०.०१  
 अग्नेरप्रसः समिदस्तु भद्राग्निर्मही रोदसी आ विवेश ।

अग्निरेकं चोदयत्समत्स्वग्निर्वृत्राणि दयते पुरूणि ॥ १०.०८०.०२  
 अग्निर्हं त्यं जरतः कर्णमावाग्निरद्भ्यो निरदहञ्जरूथम् ।  
 अग्निरत्रिं घर्म उरुष्यदन्तरग्निर्नुमेधं प्रजयासृजत्सम् ॥ १०.०८०.०३  
 अग्निर्दाद्भ्रविणं वीरपेशा अग्निर्ऋषिं यः सहस्रा सनोति ।  
 अग्निर्दिवि हव्यमा ततानाग्नेर्धामानि विभृता पुरुत्रा ॥ १०.०८०.०४  
 अग्निमुक्थैर्ऋषयो वि ह्वयन्तेऽग्निं नरो यामनि बाधितासः ।  
 अग्निं वयो अन्तरिक्षे पतन्तोऽग्निः सहस्रा परि याति गोनाम् ॥ १०.०८०.०५  
 अग्निं विश ईळते मानुषीर्या अग्निं मनुषो नहुषो वि जाताः ।  
 अग्निर्गान्धर्वी पथ्यामृतस्याग्नेर्गव्यूतिर्घृत आ निषत्ता ॥ १०.०८०.०६  
 अग्नये ब्रह्म ऋभवस्ततक्षुरग्निं महामवोचामा सुवृक्तिम् ।  
 अग्ने प्राव जरितारं यविष्ठाग्ने महि द्रविणमा यजस्व ॥ १०.०८०.०७  
 य इमा विश्वा भुवनानि जुह्वदृषिर्होता न्यसीदत्पिता नः ।  
 स आशिषा द्रविणमिच्छमानः प्रथमच्छदवराँ आ विवेश ॥ १०.०८१.०१  
 किं स्विदासीदधिष्ठानमारम्भणं कतमत्स्वित्कथासीत् ।  
 यतो भूमिं जनयन्विश्वकर्मा वि द्यामौणोन्महिना विश्वचक्षाः ॥ १०.०८१.०२  
 विश्वतश्चक्षुरुत विश्वतोमुखो विश्वतोबाहुरुत विश्वतस्पात् ।  
 सं बाहुभ्यां धमति सं पतत्रैर्द्यावाभूमी जनयन्देव एकः ॥ १०.०८१.०३  
 किं स्विद्वनं क उ स वृक्ष आस यतो द्यावापृथिवी निष्टतक्षुः ।  
 मनीषिणो मनसा पृच्छतेदु तद्यदध्यतिष्ठद्भुवनानि धारयन् ॥ १०.०८१.०४  
 या ते धामानि परमाणि यावमा या मध्यमा विश्वकर्मन्नुतेमा ।  
 शिक्षा सखिभ्यो हविषि स्वधावः स्वयं यजस्व तन्वं वृधानः ॥ १०.०८१.०५  
 विश्वकर्मन्हविषा वावृधानः स्वयं यजस्व पृथिवीमुत द्याम् ।  
 मुह्यन्त्वन्व्ये अभितो जनास इहास्माकं मघवा सूरिरस्तु ॥ १०.०८१.०६  
 वाचस्पति विश्वकर्माणमृतये मनोजुवं वाजे अद्या हुवेम ।  
 स नो विश्वानि हवनानि जोषद्विश्वशम्भूरवसे साधुकर्मा ॥ १०.०८१.०७  
 चक्षुषः पिता मनसा हि धीरो घृतमेने अजनन्नमाने ।  
 यदेदन्ता अददहन्त पूर्वं आदिद्यावापृथिवी अप्रथेताम् ॥ १०.०८२.०१



विश्वकर्मा विमना आद्विहाया धाता विधाता परमोत संदक् ।  
 तेषामिष्टानि समिषा मदन्ति यत्रा सप्तऋषीन्पर एकमाहुः ॥ १०.०८२.०२  
 यो नः पिता जनिता यो विधाता धामानि वेद भुवनानि विश्वा ।  
 यो देवानां नामधा एक एव तं सम्प्रश्रं भुवना यन्त्यन्या ॥ १०.०८२.०३  
 त आयजन्त द्रविणं समस्मा ऋषयः पूर्वं जरितारो न भूना ।  
 असूर्ते सूर्ते रजसि निषत्ते ये भूतानि समकृण्वन्निमानि ॥ १०.०८२.०४  
 परो दिवा पर एना पृथिव्या परो देवेभिरसुरैर्यदस्ति ।  
 कं स्विद्गर्भं प्रथमं दध्र आपो यत्र देवाः समपश्यन्त विश्वे ॥ १०.०८२.०५  
 तमिद्गर्भं प्रथमं दध्र आपो यत्र देवाः समगच्छन्त विश्वे ।  
 अजस्य नाभावध्येकमपितं यस्मिन्विश्वानि भुवनानि तस्थुः ॥ १०.०८२.०६  
 न तं विदाथ य इमा जजानान्यद्युष्माकमन्तरं बभूव ।  
 नीहारेण प्रावृता जल्प्या चासुतूप उक्थशासश्चरन्ति ॥ १०.०८२.०७  
 यस्ते मन्योऽविधद्वज्र सायक सह ओजः पुष्यति विश्वमानुषक् ।  
 साह्याम दासमार्यं त्वया युजा सहस्कृतेन सहसा सहस्वता ॥ १०.०८३.०१  
 मन्युरिन्द्रो मन्युरेवास देवो मन्युर्होता वरुणो जातवेदाः ।  
 मन्युं विश ईळते मानुषीर्याः पाहि नो मन्यो तपसा सजोषाः ॥ १०.०८३.०२  
 अभीहि मन्यो तवसस्तवीयान्तपसा युजा वि जहि शत्रून् ।  
 अमित्रहा वृत्रहा दस्युहा च विश्वा वसून्या भरा त्वं नः ॥ १०.०८३.०३  
 त्वं हि मन्यो अभिभूत्योजाः स्वयम्भूर्भामो अभिमातिषाहः ।  
 विश्वचर्षणिः सहुरिः सहावानस्मास्वोजः पृतनासु धेहि ॥ १०.०८३.०४  
 अभागः सन्नप परेतो अस्मि तव क्रत्वा तविषस्य प्रचेतः ।  
 तं त्वा मन्यो अक्रतुर्जिहीळाहं स्वा तनूर्बलदेयाय मेहि ॥ १०.०८३.०५  
 अयं ते अस्म्युप मेह्यर्वाङ्गतीचीनः सहुरे विश्वधायः ।  
 मन्यो वज्रिन्नभि मामा ववृत्स्व हनाव दस्थूरुत बोध्यापेः ॥ १०.०८३.०६  
 अभि प्रेहि दक्षिणतो भवा मेऽधा वृत्राणि जङ्घनाव भूरि ।  
 जुहोमि ते धरुणं मध्वो अग्रमुभा उपांशु प्रथमा पिबाव ॥ १०.०८३.०७  
 त्वया मन्यो सरथमारुजन्तो हर्षमाणासो धृषिता मरुत्वः ।

तिग्मेष्व आयुधा संशिशाना अभि प्र यन्तु नरो अग्निरूपाः ॥ १०.०८४.०१  
 अग्निरिव मन्यो त्विषितः सहस्व सेनानीर्नः सहुरे हूत एधि ।  
 हत्वाय शत्रून्वि भजस्व वेद ओजो मिमानो वि मृधो नुदस्व ॥ १०.०८४.०२  
 सहस्व मन्यो अभिमातिमस्मे रुजन्मृणन्मृणन्नेहि शत्रून् ।  
 उग्रं ते पाजो नन्वा रुरुधे वशी वशं नयस एकज त्वम् ॥ १०.०८४.०३  
 एको बहुनामसि मन्यवीळितो विशविशं युधये सं शिशाधि ।  
 अकृत्तरुक्कया युजा वयं द्युमन्तं घोषं विजयाय कृष्महे ॥ १०.०८४.०४  
 विजेषकृदिन्द्र इवानवब्रवोऽस्माकं मन्यो अधिपा भवेह ।  
 प्रियं ते नाम सहुरे गृणीमसि विद्वा तमुत्सं यत आबभूथ ॥ १०.०८४.०५  
 आभूत्या सहजा वज्र सायक सहा बिभर्ष्यभिभूत उत्तरम् ।  
 ऋत्वा नो मन्यो सह मेघेधि महाधनस्य पुरुहूत संसृजि ॥ १०.०८४.०६  
 संसृष्टं धनमुभयं समाकृतमस्मभ्यं दत्तां वरुणश्च मन्युः ।  
 भियं दधाना हृदयेषु शत्रवः पराजितासो अप नि लयन्ताम् ॥ १०.०८४.०७  
 सत्येनोत्तभिता भूमिः सूर्येणोत्तभिता द्यौः ।  
 ऋतेनादित्यास्तिष्ठन्ति दिवि सोमो अधि श्रितः ॥ १०.०८५.०१  
 सोमेनादित्या बलिनः सोमेन पृथिवी मही ।  
 अथो नक्षत्राणामेषामुपस्थे सोम आहितः ॥ १०.०८५.०२  
 सोमं मन्यते पपिवान्यत्सम्पिषन्त्योषधिम् ।  
 सोमं यं ब्रह्माणो विदुर्न तस्याश्नाति कश्चन ॥ १०.०८५.०३  
 आच्छद्विधानैर्गुपितो बर्हतैः सोम रक्षितः ।  
 ग्राव्यामिच्छुण्वन्तिष्ठसि न ते अश्नाति पार्थिवः ॥ १०.०८५.०४  
 यत्त्वा देव प्रपिबन्ति तत आ प्यायसे पुनः ।  
 वायुः सोमस्य रक्षिता समानां मास आकृतिः ॥ १०.०८५.०५  
 रैभ्यासीदनुदेयो नाराशंसी न्योचनी ।  
 सूर्याया भद्रमिद्वासो गाथयैति परिष्कृतम् ॥ १०.०८५.०६  
 चित्तिरा उपबर्हणं चक्षुरा अभ्यञ्जनम् ।  
 द्यौर्भूमिः कोश आसीद्यदयात्सूर्या पतिम् ॥ १०.०८५.०७

स्तोमा॑ आसन्प्रति॑धयः॒ कुरी॑रं॒ छन्द॑ ओप॒शः ।  
 सूर्या॑या अ॒श्विना॑ वरा॒ग्निरासी॑त्पुरो॒गवः॑ ॥ १०.०८५.०८  
 सोमो॑ वधू॒युरभव॑दश्विना॒स्तामु॑भा वरा ।  
 सूर्या॑ यत्पत्ये॒ शंसन्ती॑ मनसा॒ सवि॑ताददात् ॥ १०.०८५.०९  
 मनो॑ अस्या॒ अन॑ आसी॒द्वौरासी॑दुत॒ च्छदिः॑ ।  
 शुक्रा॑वन॒ङ्गाहा॑वास्तां॒ यदया॑त्सूर्या॒ गृह॑म् ॥ १०.०८५.१०  
 ऋक्सा॑माभ्याम॒भिहितौ॑ गावो॒ ते साम॑नावितः ।  
 श्रोत्रं॑ ते च॒क्रे आ॑स्तां दिवि॒ पन्था॑श्चरा॒चारः॑ ॥ १०.०८५.११  
 शुची॑ ते च॒क्रे या॑त्या॒ व्यानो॑ अक्ष॒ आहतः॑ ।  
 अ॒नो मन॑स्मयं॒ सूर्या॑रोह॒त्प्रयती॑ पतिम् ॥ १०.०८५.१२  
 सूर्या॑या व॒हतुः॑ प्रागा॒त्सवि॑ता यम॒वासृ॑जत् ।  
 अ॒घासु॑ ह॒न्यन्ते॑ गावोऽर्जु॒न्योः पर्यु॑ह्यते ॥ १०.०८५.१३  
 यदश्वि॑ना पृ॒च्छमा॑नावया॒तं त्रि॑च॒क्रेण॑ व॒हतुं॑ सूर्या॑याः ।  
 विश्वे॑ दे॒वा अनु॑ तद्दाम॒जान॑न्पु॒त्रः पि॑तराववृणी॒त पू॒षा ॥ १०.०८५.१४  
 यदया॑तं शुभ॒स्पती॑ व॒रेयं॑ सूर्या॒मुप॑ ।  
 कैकं॑ च॒क्रं वामा॑सीत्क॒ देष्ट्रा॑य तस्थथुः ॥ १०.०८५.१५  
 द्वे ते॑ च॒क्रे सूर्ये॑ ब्र॒ह्मण॑ ऋ॒तुथा॑ वि॒दुः ।  
 अथैकं॑ च॒क्रं यद्गुहा॑ तदद्घा॒तय॑ इद्वि॒दुः ॥ १०.०८५.१६  
 सूर्या॑ये दे॒वेभ्यो॑ मि॒त्राय॑ वरु॒णाय॑ च ।  
 ये भू॒तस्य॑ प्र॒चेत॑स इ॒दं तेभ्यो॑ऽकरं॒ नमः॑ ॥ १०.०८५.१७  
 पूर्वा॑परं चरतो॒ माय॑येतौ शिशु॒ क्रीळ॑न्तौ परि॒ यातो॑ अध्व॒रम् ।  
 विश्वा॑न्य॒न्यो भु॑वनाभि॒चष्ट॑ ऋ॒तूर॑न्यो वि॒दध॑ञ्जायते पु॒नः ॥ १०.०८५.१८  
 नवो॑नवो भवति॒ जाय॑मानोऽ॒ह्नां के॑तुरु॒षसा॑मेत्य॒ग्रम् ।  
 भा॒गं दे॒वेभ्यो॑ वि॒ दधा॑त्या॒यन्त्र॑ च॒न्द्रमा॑स्तिरते दी॒र्घमा॑युः ॥ १०.०८५.१९  
 सुकिं॑शुकं श॒ल्मलिं॑ विश्वरूपं॒ हिर॑ण्यवर्णं सुवृ॒तं सु॑च॒क्रम् ।  
 आ रो॒ह सूर्ये॑ अमृतस्य लो॒कं स्यो॑नं पत्ये॒ वहतुं॑ कृणुष्व ॥ १०.०८५.२०  
 उदी॑र्षा॒तः पति॑वती॒ ह्ये॒षा वि॒श्वाव॑सुं॒ नम॑सा गी॒र्भिरी॑ळे ।

अन्यामिच्छ पितृषदं व्यक्तां स ते भागो जनुषा तस्य विद्धि ॥ १०.०८५.२१  
 उदीर्ष्वीतो विश्वावसो नमसेळा महे त्वा ।  
 अन्यामिच्छ प्रफर्व्यं सं जायां पत्या सृज ॥ १०.०८५.२२  
 अनुक्षरा ऋजवः सन्तु पन्था येभिः सखायो यन्ति नो वरेयम् ।  
 समर्यमा सं भगो नो निनीयात्सं जास्पत्यं सुयममस्तु देवाः ॥ १०.०८५.२३  
 प्र त्वा मुञ्चामि वरुणस्य पाशाद्येन त्वाबध्नात्सविता सुशेवः ।  
 ऋतस्य योनो सुकृतस्य लोकेऽरिष्टां त्वा सह पत्या दधामि ॥ १०.०८५.२४  
 प्रेतो मुञ्चामि नामुतः सुबद्धाममुतस्करम् ।  
 यथेयमिन्द्र मीढ्वः सुपुत्रा सुभगासति ॥ १०.०८५.२५  
 पूषा त्वेतो नयतु हस्तगृह्याश्विना त्वा प्र वहतां रथेन ।  
 गृहान्नाच्छ गृहपत्नी यथासो वशिनी त्वं विदथमा वदासि ॥ १०.०८५.२६  
 इह प्रियं प्रजया ते समृध्यतामस्मिन्गृहे गार्हपत्याय जागृहि ।  
 एना पत्या तन्वं सं सृजस्वाधा जिब्री विदथमा वदाथः ॥ १०.०८५.२७  
 नीललोहितं भवति कृत्यासक्तिर्व्यज्यते ।  
 एधन्ते अस्या ज्ञातयः पतिर्बन्धेषु बध्यते ॥ १०.०८५.२८  
 परा देहि शामुल्यं ब्रह्मभ्यो वि भजा वसु ।  
 कृत्येषा पद्वती भूत्या जाया विशते पतिम् ॥ १०.०८५.२९  
 अश्रीरा तनूभवति रुशती पापयामुया ।  
 पतिर्यद्वध्वो वाससा स्वमङ्गमभिधित्सते ॥ १०.०८५.३०  
 ये वध्वश्चन्द्रं वहतुं यक्ष्मा यन्ति जनादनु ।  
 पुनस्तान्यज्ञिया देवा नयन्तु यत आगताः ॥ १०.०८५.३१  
 मा विदम्परिपन्थिनो य आसीदन्ति दम्पती ।  
 सुगेभिर्दुर्गमतीतामप द्रान्त्वरातयः ॥ १०.०८५.३२  
 सुमङ्गलीरियं वधूरिमां समेत पश्यत ।  
 सौभाग्यमस्यै दत्त्वायाथास्तं वि परेतन ॥ १०.०८५.३३  
 तृष्टमेतत्कटुकमेतदपाष्ठवद्विषवन्नैतदत्तवे ।  
 सूर्या यो ब्रह्मा विद्यात्स इद्वाधूयमर्हति ॥ १०.०८५.३४

आ॒श॒सनं॑ वि॒श॒सन॑मथो॒ अधि॑वि॒कर्त॑नम् ।  
 सूर्या॑याः प॒श्य रू॒पाणि॑ ता॒नि ब्र॒ह्मा तु शु॒न्धति॑ ॥ १०.०८५.३५  
 गृ॒ष्णामि॑ ते सौ॒भग॑त्वाय॒ हस्तं॑ मया॒ पत्या॑ ज॒रद॑ष्टिर्यथासः ।  
 भगो॑ अर्य॒मा स॒विता॑ पु॒रधि॑र्मह्यं॒ त्वादु॑र्गाहंपत्याय॒ देवाः ॥ १०.०८५.३६  
 तां पू॒षञ्छि॑वत॒मामे॑रयस्व॒ यस्यां॑ बीजं॒ मनु॑ष्या॒३ व॑पन्ति ।  
 या न ऊ॒रू उ॒शती॑ वि॒श्रया॑ते॒ यस्या॑मु॒शन्तः॑ प्र॒हराम॑ शेपम् ॥ १०.०८५.३७  
 तु॒भ्यम॑ग्रे॒ पर्य॑वहन्सूर्या॒ वह॑तुना॒ सह ।  
 पुनः॑ पति॒भ्यो जा॒यां दा॑ अ॒ग्रे प्र॑जया॒ सह ॥ १०.०८५.३८  
 पुनः॑ पत्नी॒मग्नि॑रदा॒दायु॑षा॒ सह व॑चसा ।  
 दी॒र्घायु॑रस्या॒ यः पति॑र्जीवाति॒ शरदः॑ शतम् ॥ १०.०८५.३९  
 सोमः॑ प्रथ॒मो वि॒विदे॑ गन्ध॒र्वो वि॒विद॑ उत्तरः ।  
 तृती॑यो अ॒ग्निष्टे॑ पतिस्तु॒रीय॑स्ते मनु॒ष्यजाः ॥ १०.०८५.४०  
 सोमो॑ ददद्गन्ध॒र्वाय॑ गन्ध॒र्वो दद॑दग्रये ।  
 रयिं॑ च पु॒त्राँश्चा॑दाद॒ग्निर्म॑ह्यमथो॒ इमाम् ॥ १०.०८५.४१  
 इ॒हैव॑ स्तं मा वि॒ यौष्टं॑ वि॒श्वमा॑युर्व्यश्रुतम् ।  
 क्रीळ॑न्तौ पु॒त्रैर्न॑मृ॒भिर्मो॑दमानौ॒ स्वे गृ॒हे ॥ १०.०८५.४२  
 आ नः॑ प्र॒जां जन॑यतु॒ प्रजा॑पतिरा॒जर॑साय॒ सम॑न॒त्कर्य॑मा ।  
 अ॒दुर्म॑ङ्गलीः पतिलो॒कमा॑ वि॒श शं॑ नो भव॒ द्विप॑दे शं चतु॒ष्पदे ॥ १०.०८५.४३  
 अ॒घोर॑चक्षुरपति॒घ्येधि॑ शि॒वा प॑शु॒भ्यः सु॑मनाः सु॒वर्चाः ।  
 वी॒रसू॑र्देव॒कामा॑ स्यो॒ना शं॑ नो भव॒ द्विप॑दे शं चतु॒ष्पदे ॥ १०.०८५.४४  
 इ॒मां त्वमि॑न्द्र मी॒ढ्वः सु॑पु॒त्रां सु॑भगां॒ कृणु॑ ।  
 दशा॑स्यां पु॒त्राना॑ धेहि॒ पति॑मेकादशं॒ कृधि ॥ १०.०८५.४५  
 स॒म्राज्ञी॑ श्वशुरे भव॒ स॒म्राज्ञी॑ श्वश्र्वां भव ।  
 नना॑न्दरि॒ स॒म्राज्ञी॑ भव॒ स॒म्राज्ञी॑ अधि॒ देवृ॑षु ॥ १०.०८५.४६  
 सम॑ञ्जन्तु॒ विश्वे॑ दे॒वाः समा॑पो हृदयानि नौ ।  
 सं मा॑तरि॒श्वा सं॑ धा॒ता समु॑ देष्ट्री॒ दधा॑तु नौ ॥ १०.०८५.४७  
 वि हि॑ सोतो॒रसृ॑क्षत॒ नेन्द्रं॑ दे॒वम॑मंसत ।

यत्रामदद्वृषाकपिर्यः पुष्टेषु मत्सखा विश्वस्मादिन्द्र उत्तरः ॥ १०.०८६.०१  
 परा हीन्द्र धावसि वृषाकपेरति व्यथिः ।  
 नो अह प्र विन्दस्यन्यत्र सोमपीतये विश्वस्मादिन्द्र उत्तरः ॥ १०.०८६.०२  
 किमयं त्वां वृषाकपिश्चकार हरितो मृगः ।  
 यस्मा इरस्यसीदु न्वश्यो वा पुष्टिमद्वसु विश्वस्मादिन्द्र उत्तरः ॥ १०.०८६.०३  
 यमिमं त्वं वृषाकपिं प्रियमिन्द्राभिरक्षसि ।  
 श्वा न्वस्य जम्भिषदपि कणे वराहयुर्विश्वस्मादिन्द्र उत्तरः ॥ १०.०८६.०४  
 प्रिया तष्टानि मे कपिव्यक्ता व्यदूदुषत् ।  
 शिरो न्वस्य राविषं न सुगं दुष्कृते भुवं विश्वस्मादिन्द्र उत्तरः ॥ १०.०८६.०५  
 न मत्स्त्री सुभसत्तरा न सुयाशुतरा भुवत् ।  
 न मत्प्रतिच्यवीयसी न सक्थ्युद्यमीयसी विश्वस्मादिन्द्र उत्तरः ॥ १०.०८६.०६  
 उवे अम्ब सुलाभिके यथेवाङ्ग भविष्यति ।  
 भसन्मे अम्ब सक्थि मे शिरो मे वीव हृष्यति विश्वस्मादिन्द्र उत्तरः ॥ १०.०८६.०७  
 किं सुबाहो स्वङ्गुरे पृथुष्टो पृथुजाघने ।  
 किं शूरपत्नि नस्त्वमभ्यमीषि वृषाकपिं विश्वस्मादिन्द्र उत्तरः ॥ १०.०८६.०८  
 अवीरामिव मामयं शरारुरभि मन्यते ।  
 उताहमस्मि वीरिणीन्द्रपत्नी मरुत्सखा विश्वस्मादिन्द्र उत्तरः ॥ १०.०८६.०९  
 संहोत्रं स्म पुरा नारी समनं वाव गच्छति ।  
 वेधा ऋतस्य वीरिणीन्द्रपत्नी महीयते विश्वस्मादिन्द्र उत्तरः ॥ १०.०८६.१०  
 इन्द्राणीमासु नारिषु सुभगामहमश्रवम् ।  
 नह्यस्या अपरं चन जरसा मरते पतिर्विश्वस्मादिन्द्र उत्तरः ॥ १०.०८६.११  
 नाहमिन्द्राणि रारण सख्युर्वृषाकपेरृते ।  
 यस्येदमप्य हविः प्रियं देवेषु गच्छति विश्वस्मादिन्द्र उत्तरः ॥ १०.०८६.१२  
 वृषाकपायि रेवति सुपुत्र आदु सुसुषे ।  
 घसत्त इन्द्र उक्षणः प्रियं काचित्करं हविर्विश्वस्मादिन्द्र उत्तरः ॥ १०.०८६.१३  
 उक्षणो हि मे पञ्चदश साकं पचन्ति विंशतिम् ।  
 उताहमन्नि पीव इदुभा कुक्षी पृणन्ति मे विश्वस्मादिन्द्र उत्तरः ॥ १०.०८६.१४

वृषभो न तिग्मशृङ्गोऽन्तर्युथेषु रोरुवत् ।  
मन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः ॥ १०.०८६.१५  
न सेशे यस्य रम्बतेऽन्तरा सक्थ्या३ कपृत् ।  
सेदीशे यस्य रोमशं निषेदुषो विजृम्भते विश्वस्मादिन्द्र उत्तरः ॥ १०.०८६.१६  
न सेशे यस्य रोमशं निषेदुषो विजृम्भते ।  
सेदीशे यस्य रम्बतेऽन्तरा सक्थ्या३ कपृद्विश्वस्मादिन्द्र उत्तरः ॥ १०.०८६.१७  
अयमिन्द्र वृषाकपिः परस्वन्तं हृतं विदत् ।  
असिं सूनां नवं चरुमादेधस्यान आचितं विश्वस्मादिन्द्र उत्तरः ॥ १०.०८६.१८  
अयमेमि विचाकशद्विचिन्वन्दासमार्यम् ।  
पिबामि पाकसुत्वनोऽभि धीरमचाकशं विश्वस्मादिन्द्र उत्तरः ॥ १०.०८६.१९  
धन्व च यत्कृन्तत्रं च कति स्वित्ता वि योजना ।  
नेदीयसो वृषाकपेऽस्तमेहि गृह्णां उप विश्वस्मादिन्द्र उत्तरः ॥ १०.०८६.२०  
पुनरेहि वृषाकपे सुविता कल्पयावहै ।  
य एष स्वप्रनंशनोऽस्तमेषि पथा पुनर्विश्वस्मादिन्द्र उत्तरः ॥ १०.०८६.२१  
यदुदश्चो वृषाकपे गृहमिन्द्राजगन्तन ।  
क्व१ स्य पुल्वघो मृगः कमगञ्जनयोपनो विश्वस्मादिन्द्र उत्तरः ॥ १०.०८६.२२  
पशुर्ह नाम मानवी साकं संसूव विंशतिम् ।  
भद्रं भल त्वस्या अभूद्यस्या उदरमामयद्विश्वस्मादिन्द्र उत्तरः ॥ १०.०८६.२३  
रक्षोहणं वाजिनमा जिघर्मि मित्रं प्रथिष्ठमुप यामि शर्म ।  
शिशानो अग्निः ऋतुभिः समिद्धः स नो दिवा स रिषः पातु नक्तम् ॥ १०.०८७.०१  
अयोदंष्ट्रो अर्चिषा यातुधानानुप स्पृश जातवेदः समिद्धः ।  
आ जिह्वया मूरदेवात्रभस्व क्रव्यादो वृत्त्यपि धत्स्वासन् ॥ १०.०८७.०२  
उभोभयान्विनुप धेहि दंष्ट्रां हिंस्रः शिशानोऽवरं परं च ।  
उतान्तरिक्षे परि याहि राजञ्जम्भैः सं धेह्यभि यातुधानान् ॥ १०.०८७.०३  
यज्ञैरिषूः संनममानो अग्ने वाचा शल्याँ अशनिभिर्दिहानः ।  
ताभिर्विध्य हृदये यातुधानान्प्रतीचो बाहून्प्रति भङ्गोषाम् ॥ १०.०८७.०४  
अग्ने त्वचं यातुधानस्य भिन्धि हिंसाशनिर्हरसा हन्त्वेनम् ।

प्र पर्वाणि जातवेदः शृणीहि ऋव्याल्क्रविष्णुर्वि चिनोतु वृक्णम् ॥ १०.०८७.०५  
 यत्रेदानीं पश्यसि जातवेदस्तिष्ठन्तमग्र उत वा चरन्तम् ।  
 यद्द्वान्तरिक्षे पथिभिः पतन्तं तमस्ता विध्य शर्वा शिशानः ॥ १०.०८७.०६  
 उतालब्धं स्पृणुहि जातवेद आलेभानादृष्टिभिर्यातुधानात् ।  
 अग्ने पूर्वं नि जहि शोशुचान आमादः क्ष्विङ्क्वास्तमदन्त्वेनीः ॥ १०.०८७.०७  
 इह प्र ब्रूहि यतमः सो अग्ने यो यातुधानो य इदं कृणोति ।  
 तमा रभस्व समिधा यविष्ठ नृचक्षसश्चक्षुषे रन्ध्रयैनम् ॥ १०.०८७.०८  
 तीक्ष्णेनाग्ने चक्षुषा रक्ष यज्ञं प्राञ्चं वसुभ्यः प्र णय प्रचेतः ।  
 हिंस्रं रक्षास्यभि शोशुचानं मा त्वा दभन्यातुधाना नृचक्षः ॥ १०.०८७.०९  
 नृचक्षा रक्षः परि पश्य विक्षु तस्य त्रीणि प्रति शृणीह्यग्रा ।  
 तस्याग्ने पृष्टीर्हरसा शृणीहि त्रेधा मूलं यातुधानस्य वृश्च ॥ १०.०८७.१०  
 त्रियातुधानः प्रसितिं त एत्वृतं यो अग्ने अनृतेन हन्ति ।  
 तमर्चिषा स्फूर्जयञ्जातवेदः समक्षमेनं गृणते नि वृद्धिं ॥ १०.०८७.११  
 तदग्ने चक्षुः प्रति धेहि रेभे शफारुजं येन पश्यसि यातुधानम् ।  
 अथर्ववज्ज्योतिषा दैव्येन सत्यं धूर्वन्तमचितं न्योष ॥ १०.०८७.१२  
 यदग्ने अद्य मिथुना शपातो यद्वाचस्तृष्टं जनयन्त रेभाः ।  
 मन्योर्मनसः शरव्याः जायते या तया विध्य हृदये यातुधानान् ॥ १०.०८७.१३  
 परा शृणीहि तपसा यातुधानान्परग्ने रक्षो हरसा शृणीहि ।  
 परार्चिषा मूरदेवाञ्छृणीहि परासुतृपो अभि शोशुचानः ॥ १०.०८७.१४  
 पराद्य देवा वृजिनं शृणन्तु प्रत्यगेनं शपथा यन्तु तृष्टाः ।  
 वाचास्तेनं शरव ऋच्छन्तु मर्मन्विश्वस्येतु प्रसितिं यातुधानः ॥ १०.०८७.१५  
 यः पौरुषेयेण ऋविषा समङ्के यो अश्व्येन पशुना यातुधानः ।  
 यो अघ्न्याया भरति क्षीरमग्ने तेषां शीर्षाणि हरसापि वृश्च ॥ १०.०८७.१६  
 संवत्सरीणं पय उस्त्रियायास्तस्य माशीद्यातुधानो नृचक्षः ।  
 पीयूषमग्ने यतमस्ति तृप्सात्तं प्रत्यञ्चमर्चिषा विध्य मर्मन् ॥ १०.०८७.१७  
 विषं गवां यातुधानाः पिबन्त्वा वृश्च्यन्तामदितये दुरेवाः ।  
 परैरान्देवः सविता ददातु परा भागमोषधीनां जयन्ताम् ॥ १०.०८७.१८



सनादग्ने मृणसि यातुधानान्न त्वा रक्षासि पृतनासु जिग्युः ।  
अनु दह सहमूरान्क्रव्यादो मा ते हेत्या मुक्षत दैव्यायाः ॥ १०.०८७.११  
त्वं नो अग्ने अधरादुदक्तात्त्वं पश्चादुत रक्षा पुरस्तात् ।  
प्रति ते ते अजरासस्तपिष्ठा अघशंसं शोशुचतो दहन्तु ॥ १०.०८७.२०  
पश्चात्पुरस्तादधरादुदक्तात्कविः काव्येन परि पाहि राजन् ।  
सखे सखायमजरो जरिम्पोऽग्ने मताँ अमर्त्यस्त्वं नः ॥ १०.०८७.२१  
परि त्वाग्ने पुरं वयं विप्रं सहस्य धीमहि ।  
धृषद्वर्णं दिवेदिवे हन्तारं भङ्गुरावताम् ॥ १०.०८७.२२  
विषेण भङ्गुरावतः प्रति ष्म रक्षसो दह ।  
अग्ने तिग्मेन शोचिषा तपुरग्राभिर्ऋष्टिभिः ॥ १०.०८७.२३  
प्रत्यग्ने मिथुना दह यातुधाना किमीदिना ।  
सं त्वा शिशामि जागृह्यदब्धं विप्रं मन्मभिः ॥ १०.०८७.२४  
प्रत्यग्ने हरसा हरः शृणीहि विश्वतः प्रति ।  
यातुधानस्य रक्षसो बलं वि रुज वीर्यम् ॥ १०.०८७.२५  
हविष्पान्तमजरं स्वर्विदि दिविस्पृश्याहुतं जुष्टमग्नौ ।  
तस्य भर्मणे भुवनाय देवा धर्मणे कं स्वधया पप्रथन्त ॥ १०.०८८.०१  
गीर्णं भुवनं तमसापगूळ्हमाविः स्वरभवज्जाते अग्नौ ।  
तस्य देवाः पृथिवी द्यौरुतापोऽरणयन्नोपधीः सख्ये अस्य ॥ १०.०८८.०२  
देवेभिर्निषितो यज्ञियेभिरग्निं स्तोषाप्यजरं बृहन्तम् ।  
यो भानुना पृथिवीं द्यामुतेमामाततान रोदसी अन्तरिक्षम् ॥ १०.०८८.०३  
यो होतासीत्प्रथमो देवजुष्टो यं समाञ्जत्राज्येना वृणानाः ।  
स पतत्रीत्वर्ं स्था जगद्यच्छ्वात्रमग्निरकृणोज्जातवेदाः ॥ १०.०८८.०४  
यज्जातवेदो भुवनस्य मूर्धन्नतिष्ठो अग्ने सह रोचनेन ।  
तं त्वाहेम मतिभिर्गीर्भिरुक्थैः स यज्ञियो अभवो रोदसिप्राः ॥ १०.०८८.०५  
मूर्धा भुवो भवति नक्तमग्निस्ततः सूर्यो जायते प्रातरुद्यन् ।  
मायामू तु यज्ञियानामेतामपो यत्तूर्णिश्चरति प्रजानन् ॥ १०.०८८.०६  
दृशेन्यो यो महिना समिद्धोऽरोचत दिवियोनिर्विभावा ।

तस्मिन्नग्नौ सूक्तवाकेन देवा हविर्विश्व आजुहवुस्तनूपाः ॥ १०.०८८.०७  
 सूक्तवाकं प्रथममादिदग्निमादिद्धविरजनयन्त देवाः ।  
 स एषां यज्ञो अभवत्तनूपास्तं द्यौर्वेद तं पृथिवी तमापः ॥ १०.०८८.०८  
 यं देवासोऽजनयन्ताग्निं यस्मिन्नाजुहवुर्भुवनानि विश्वा ।  
 सो अर्चिषा पृथिवीं द्यामुतेमामृज्यमानो अतपन्महित्वा ॥ १०.०८८.०९  
 स्तोमेन हि दिवि देवासो अग्निमजीजनच्छक्तिभी रोदसिप्राम् ।  
 तमू अकृण्वन्नेधा भुवे कं स ओषधीः पचति विश्वरूपाः ॥ १०.०८८.१०  
 यदेदेनमदधुर्यज्ञियासो दिवि देवाः सूर्यमादितेयम् ।  
 यदा चरिष्णू मिथुनावभूतामादित्पापश्यन्भुवनानि विश्वा ॥ १०.०८८.११  
 विश्वस्मा अग्निं भुवनाय देवा वैश्वानरं केतुमह्वामकृण्वन् ।  
 आ यस्ततानोषसो विभातीरपो ऊर्णोति तमो अर्चिषा यन् ॥ १०.०८८.१२  
 वैश्वानरं कवयो यज्ञियासोऽग्निं देवा अजनयन्नजुर्यम् ।  
 नक्षत्रं प्रलममिनच्चरिष्णु यक्षस्याध्यक्षं तविषं बृहन्तम् ॥ १०.०८८.१३  
 वैश्वानरं विश्वहा दीदिवांसं मत्रैरग्निं कविमच्छा वदामः ।  
 यो महिम्ना परिबभूवोर्वी उतावस्तादुत देवः परस्तात् ॥ १०.०८८.१४  
 द्वे स्तुती अशृणवं पितृणामहं देवानामुत मत्यानाम् ।  
 ताभ्यामिदं विश्वमेजत्समेति यदन्तरा पितरं मातरं च ॥ १०.०८८.१५  
 द्वे समीची बिभृतश्चरन्तं शीर्षतो जातं मनसा विमृष्टम् ।  
 स प्रत्यङ्घ्निश्वा भुवनानि तस्थावप्रयुच्छन्तरिर्भ्राजमानः ॥ १०.०८८.१६  
 यत्रा वदेते अवरः परश्च यज्ञन्योः कतरो नो वि वेद ।  
 आ शेकुरित्सधमादं सखायो नक्षन्त यज्ञं क इदं वि वोचत् ॥ १०.०८८.१७  
 कत्यग्नयः कति सूर्यासः कत्युषासः कत्यु स्विदापः ।  
 नोपस्पिजं वः पितरो वदामि पृच्छामि वः कवयो विद्वाने कम् ॥ १०.०८८.१८  
 यावन्मात्रमुषसो न प्रतीकं सुपण्योश्च वसते मातरिश्चः ।  
 तावद्दधात्युप यज्ञमायन्ब्राह्मणो होतुरवरो निषीदन् ॥ १०.०८८.१९  
 इन्द्रं स्तवा नृतमं यस्य महा विबबाधे रोचना वि ज्मो अन्तान् ।  
 आ यः पप्रौ चर्षणीधृद्वरोभिः प्र सिन्धुभ्यो रिरिचानो महित्वा ॥ १०.०८९.०१

स सूर्यः पर्युरू वरांस्येन्द्रो ववृत्याद्रथ्येव चक्रा ।  
अतिष्ठन्तमपस्यं१ न सर्गं कृष्णा तमासि त्विष्या जघान ॥ १०.०८९.०२  
समानमस्मा अनपावृदर्च क्षमया दिवो असमं ब्रह्म नव्यम् ।  
वि यः पृष्ठेव जनिमान्यर्थ इन्द्रश्चिकाय न सखायमीषे ॥ १०.०८९.०३  
इन्द्राय गिरो अनिशितसर्गा अपः प्रेरयं सगरस्य बुध्रात् ।  
यो अक्षणेव चक्रिया शचीभिर्विष्वक्तस्तम्भ पृथिवीमुत द्याम् ॥ १०.०८९.०४  
आपान्तमन्युस्तूपलप्रभर्मा धुनिः शिमीवाञ्छरुमाँ ऋजीषी ।  
सोमो विश्वान्यतसा वनानि नार्वागिन्द्र प्रतिमानानि देभुः ॥ १०.०८९.०५  
न यस्य द्यावापृथिवी न धन्व नान्तरिक्षं नाद्रयः सोमो अक्षाः ।  
यदस्य मन्युरधिनीयमानः शृणाति वीळु रुजति स्थिराणि ॥ १०.०८९.०६  
जघान वृत्रं स्वधितिर्वनेव रुरोज पुरो अरदन्न सिन्धून् ।  
बिभेद गिरिं नवमित्र कुम्भमा गा इन्द्रो अकृणुत स्वयुग्भिः ॥ १०.०८९.०७  
त्वं ह त्यदृणया इन्द्र धीरोऽसिर्न पर्व वृजिना शृणासि ।  
प्र ये मित्रस्य वरुणस्य धाम युजं न जना मिनन्ति मित्रम् ॥ १०.०८९.०८  
प्र ये मित्रं प्रार्यमणं दुरेवाः प्र संगिरः प्र वरुणं मिनन्ति ।  
न्य१मित्रेषु वधमिन्द्र तुभ्रं वृषन्वृषाणमरुषं शिशीहि ॥ १०.०८९.०९  
इन्द्रो दिव इन्द्र ईशे पृथिव्या इन्द्रो अपामिन्द्र इत्पर्वतानाम् ।  
इन्द्रो वृधामिन्द्र इन्मेधिराणामिन्द्रः क्षेमे योगे हव्य इन्द्रः ॥ १०.०८९.१०  
प्राक्तुभ्य इन्द्रः प्र वृधो अहभ्यः प्रान्तरिक्षात्प्र समुद्रस्य धासेः ।  
प्र वातस्य प्रथसः प्र ज्मो अन्तात्प्र सिन्धुभ्यो रिरिचे प्र क्षितिभ्यः ॥ १०.०८९.११  
प्र शोशुचत्या उषसो न केतुरसिन्वा ते वर्ततामिन्द्र हेतिः ।  
अश्मेव विध्य दिव आ सृजानस्तपिष्ठेन हेषसा द्रोघमित्रान् ॥ १०.०८९.१२  
अन्वह मासा अन्विद्वनान्यन्वोषधीरनु पर्वतासः ।  
अन्विन्द्रं रोदसी वावशाने अन्वापो अजिहत जायमानम् ॥ १०.०८९.१३  
कर्हि स्वित्सा त इन्द्र चेत्यासदघस्य यद्विनदो रक्ष एषत् ।  
मित्रक्रुवो यच्छसने न गावः पृथिव्या आपृगमुया शयन्ते ॥ १०.०८९.१४  
शत्रूयन्तो अभि ये नस्ततस्त्रे महि ब्राधन्त ओगणास इन्द्र ।

अ॒न्धेना॑मि॒त्रास्त॑मसा सच॒न्तां सु॒ज्योतिषो॑ अ॒क्तव॑स्ताँ अ॒भि ष्युः ॥ १०.०८९.१५  
 प॒रू॒णि हि त्वा स॑वना॒ जनानां॑ ब्र॒ह्माणि॑ म॒न्द॒नृ॒णता॑मु॒षीणा॑म् ।  
 इ॒मामा॑घोष॒न्नव॑सा स॒हूतिं॑ ति॒रो वि॒श्वँ अ॒र्चतो॑ या॒ह्यर्वा॑ङ् ॥ १०.०८९.१६  
 ए॒वा ते व॑यमि॒न्द्र भु॒ञ्जती॑नां वि॒द्याम॑ सु॒मती॑नां न॒वानाम् ।  
 वि॒द्याम॑ व॒स्तोर॑वसा गृण॒न्तो वि॒श्वामि॑त्रा उ॒त त इ॒न्द्र नून॑म् ॥ १०.०८९.१७  
 शु॒नं हु॒वेम म॑घवा॒नमि॒न्द्रम॑स्मि॒न्भरे॑ नृ॒तमं॑ वाज॒सातौ ।  
 शृ॒ण्वन्त॑मु॒ग्रमू॑तये॒ सम॑त्सु घ्नन्त॑ वृ॒त्राणि॑ सं॒जितं॑ ध॒नानाम् ॥ १०.०८९.१८  
 स॒हस्र॑शीर्षा पुरुषः स॒हस्रा॑क्षः स॒हस्र॑पात् ।  
 स भूमिं॑ वि॒श्वतो॑ वृ॒त्वात्य॑तिष्ठदशाङ्ग॒लम् ॥ १०.०९०.०१  
 पुरु॑ष ए॒वेदं स॑र्वं य॒द्भूतं॑ यच्च भ॒व्यम् ।  
 उ॒तामृत॑त्वस्येशानो यद॒न्नेना॑तिरोहति ॥ १०.०९०.०२  
 ए॒तावान॑स्य महि॒मातो॑ ज्यायाँश्च पू॒रुषः ।  
 पादो॑ऽस्य वि॒श्वा भू॑तानि त्रि॒पाद॑स्यामृतं दि॒वि ॥ १०.०९०.०३  
 त्रि॒पादूर्ध्वं उ॑दै॒त्युरु॑षः पादो॑ऽस्येहा॒भव॑त्पुनः ।  
 ततो॑ वि॒ष्वङ्ङ्य॑क्रामत्सा॒शानान॑शने अ॒भि ॥ १०.०९०.०४  
 तस्मा॑द्वि॒राळ॑जायत वि॒राजो॑ अधि पू॒रुषः ।  
 स जा॑तो अत्य॒रिच्य॑त प॒श्चाद्भूमि॑मथो पु॒रः ॥ १०.०९०.०५  
 यत्पुरु॑षेण ह॒विषा॑ दे॒वा य॒ज्ञम॑तन्वत ।  
 व॒सन्तो॑ अस्यासी॒दाज्यं॑ ग्री॒ष्म इ॒ध्मः श॑रद्ध॒विः ॥ १०.०९०.०६  
 तं य॒ज्ञं ब॑र्हिषि प्रौक्षन्पुरुषं जा॒तम॑ग्रतः ।  
 तेन॑ दे॒वा अ॑यजन्त सा॒ध्या ऋ॑षयश्च ये ॥ १०.०९०.०७  
 तस्मा॑द्य॒ज्ञात्सर्व॑हुतः सम्भृतं पृषदा॒ज्यम् ।  
 प॒शून्ताँश्च॑क्रे वा॒यव्या॑नार॒ण्यान्ग्राम्या॑श्च ये ॥ १०.०९०.०८  
 तस्मा॑द्य॒ज्ञात्सर्व॑हुत ऋचः सामानि जज्ञिरे ।  
 छ॒न्दांसि॑ जज्ञिरे तस्मा॑द्य॒जुस्त॑स्मादजायत ॥ १०.०९०.०९  
 तस्मा॑दश्वा अजायन्त ये के चो॒भया॑दतः ।  
 गावो॑ ह जज्ञिरे तस्मा॑त्तस्मा॒ज्जाता॑ अजा॒वयः॑ ॥ १०.०९०.१०

यत्पुरुषं व्यदधुः कतिधा व्यकल्पयन् ।  
 मुखं किमस्य कौ बाहू का ऊरू पादा उच्येते ॥ १०.०९०.११  
 ब्राह्मणोऽस्य मुखमासीद्बाहू राजन्यः कृतः ।  
 ऊरू तदस्य यद्वैश्यः पद्भ्यां शूद्रो अजायत ॥ १०.०९०.१२  
 चन्द्रमा मनसो जातश्चक्षोः सूर्यो अजायत ।  
 मुखादिन्द्रश्चाग्निश्च प्राणाद्वायुरजायत ॥ १०.०९०.१३  
 नाभ्या आसीदन्तरिक्षं शीर्ष्णो द्यौः समवर्तत ।  
 पद्भ्यां भूमिर्दिशः श्रोत्रात्तथा लोकाँ अकल्पयन् ॥ १०.०९०.१४  
 सप्तास्यासन्परिधयस्त्रिः सप्त समिधः कृताः ।  
 देवा यद्यज्ञं तन्वाना अबध्नन्पुरुषं पशुम् ॥ १०.०९०.१५  
 यज्ञेन यज्ञमयजन्त देवास्तानि धर्माणि प्रथमान्यासन् ।  
 ते ह नाकं महिमानः सचन्त यत्र पूर्वे साध्याः सन्ति देवाः ॥ १०.०९०.१६  
 सं जागृवद्विर्जरमाण इध्यते दमे दमूना इषयन्निळस्पदे ।  
 विश्वस्य होता हविषो वरेण्यो विभुर्विभावा सुषखा सखीयते ॥ १०.०९१.०१  
 स दर्शतश्रीरतिथिर्गृहेगृहे वनेवने शिश्रिये तक्कवीरिव ।  
 जनंजनं जन्यो नाति मन्यते विश आ क्षेति विश्योऽ विशविशम् ॥ १०.०९१.०२  
 सुदक्षो दक्षैः ऋतुनासि सुक्रतुरग्ने कविः काव्येनासि विश्ववित् ।  
 वसुर्वसूनां क्षयसि त्वमेक इद्वावा च यानि पृथिवी च पुष्यतः ॥ १०.०९१.०३  
 प्रजानन्नग्ने तव योनिमृत्वियमिळायास्पदे घृतवन्तमासदः ।  
 आ ते चिकित्र उपसामिवेतयोऽरेपसः सूर्यस्येव रश्मयः ॥ १०.०९१.०४  
 तव श्रियो वर्ष्यस्येव विद्युतश्चित्राश्चिकित्र उपसां न केतवः ।  
 यदोषधीरभिसृष्टो वनानि च परि स्वयं चिनुषे अन्नमास्ये ॥ १०.०९१.०५  
 तमोषधीर्दधिरे गर्भमृत्वियं तमापो अग्निं जनयन्त मातरः ।  
 तमित्समानं वनिनश्च वीरुधोऽन्तवतीश्च सुवते च विश्वहा ॥ १०.०९१.०६  
 वातोपधूत इषितो वशाँ अनु तृषु यदन्ना वेविषद्वितिष्ठसे ।  
 आ ते यतन्ते रथ्योऽ यथा पृथक्छर्धास्यग्ने अजराणि धक्षतः ॥ १०.०९१.०७  
 मेधाकारं विदथस्य प्रसाधनमग्निं होतारं परिभूतमं मतिम् ।

तमिदमं हविष्या समानमित्तिमिन्महे वृणते नान्यं त्वत् ॥ १०.०९१.०८  
त्वामिदत्र वृणते त्वायवो होतारमग्ने विदथेषु वेधसः ।  
यद्वेवयन्तो दधति प्रयासि ते हविष्मन्तो मनवो वृक्तबर्हिषः ॥ १०.०९१.०९  
तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।  
तव प्रशास्त्रं त्वमध्वरीयसि ब्रह्मा चासि गृहपतिश्च नो दमे ॥ १०.०९१.१०  
यस्तुभ्यमग्ने अमृताय मर्त्यः समिधा दाशदुत वा हविष्कृति ।  
तस्य होता भवसि यासि दूत्यश्मुप ब्रूषे यजस्यध्वरीयसि ॥ १०.०९१.११  
इमा अस्मै मतयो वाचो अस्मदाँ ऋचो गिरः सुष्टुतयः समग्मत ।  
वसूयवो वसवे जातवेदसे वृद्धासु चिद्वर्धनो यासु चाकनत् ॥ १०.०९१.१२  
इमां प्रत्नाय सुष्टुतिं नवीयसीं वोचेयमस्मा उशते शृणोतु नः ।  
भूया अन्तरा हृद्यस्य निस्पृशे जायेव पत्य उशती सुवासाः ॥ १०.०९१.१३  
यस्मिन्नश्वास ऋषभास उक्ष्णो वशा मेषा अवसृष्टास आहुताः ।  
कीलालपे सोमपृष्ठाय वेधसे हृदा मतिं जनये चारुमग्नये ॥ १०.०९१.१४  
अहाव्यग्ने हविरास्ये ते सुचीव घृतं चम्बीव सोमः ।  
वाजसनिं रयिमस्मे सुवीर प्रशस्तं धेहि यशसं बृहन्तम् ॥ १०.०९१.१५  
यजस्य वो रथं विशपतिं विशां होतारमक्तोरतिथिं विभावसुम् ।  
शोचञ्छुष्कासु हरिणीषु जभुरद्वृषा केतुर्यजतो द्यामशायत ॥ १०.०९२.०१  
इममञ्जस्पामुभये अकृण्वत धर्माणमग्निं विदथस्य साधनम् ।  
अक्तुं न यह्मुषसः पुरोहितं तनूनपातमरुषस्य निंसते ॥ १०.०९२.०२  
बळस्य नीथा वि पणेश्च मन्महे वया अस्य प्रहुता आसुरत्तवे ।  
यदा घोरासो अमृतत्वमाशतादिञ्जनस्य दैव्यस्य चर्किरन् ॥ १०.०९२.०३  
ऋतस्य हि प्रसितिर्द्यौरुरु व्यचो नमो मह्यश्मतिः पनीयसी ।  
इन्द्रा मित्रो वरुणः सं चिकित्रिरेऽथो भगः सविता पूतदक्षसः ॥ १०.०९२.०४  
प्र रुद्रेण ययिना यन्ति सिन्धवस्तिरो महीमरमतिं दधन्विरे ।  
येभिः परिज्मा परियन्तुरु ज्ञयो वि रोरुवञ्जठरे विश्वमुक्षते ॥ १०.०९२.०५  
क्राणा रुद्रा मरुतो विश्वकृष्टयो दिवः श्येनासो असुरस्य नीळयः ।  
तेभिश्चष्टे वरुणो मित्रो अर्यमेन्द्रो देवेभिरर्वशेभिरर्वशः ॥ १०.०९२.०६

इन्द्रे भुजं शशमानास आशत सूरौ दृशीके वृषणश्च पौंस्ये ।  
 प्र ये न्वस्यार्हणा ततक्षिरे युजं वज्रं नृपदनेषु कारवः ॥ १०.०९२.०७  
 सूरश्चिदा हरितो अस्य रीरमदिन्द्रादा कश्चिद्भयते तवीयसः ।  
 भीमस्य वृष्णो जठरादभिश्चसो दिवेदिवे सहुरिः स्तन्नबाधितः ॥ १०.०९२.०८  
 स्तोमं वो अद्य रुद्राय शिक्से क्षयद्वीराय नमसा दिदिष्टन ।  
 येभिः शिवः स्ववाँ एवयावभिर्दिवः सिषक्ति स्वयशा निकामभिः ॥ १०.०९२.०९  
 ते हि प्रजाया अभरन्त वि श्रवो बृहस्पतिर्वृषभः सोमजामयः ।  
 यज्ञैरथर्वा प्रथमो वि धारयद्देवा दक्षैर्भृगवः सं चिकित्रिरे ॥ १०.०९२.१०  
 ते हि द्यावापृथिवी भूरिरेतसा नराशंसश्चतुरङ्गो यमोऽदितिः ।  
 देवस्त्वष्टा द्रविणोदा ऋभुक्षणः प्र रोदसी मरुतो विष्णुरर्हिरे ॥ १०.०९२.११  
 उत स्य न उशिजामुर्विया कविरहिः शृणोतु बुध्योऽ हवीमनि ।  
 सूर्यामासा विचरन्ता दिविक्षिता धिया शमीनहुषी अस्य बोधतम् ॥ १०.०९२.१२  
 प्र नः पूषा चरथं विश्वदेव्योऽपां नपादवतु वायुरिष्टये ।  
 आत्मानं वस्यो अभि वातमर्चत तदश्विना सुहवा यामनि श्रुतम् ॥ १०.०९२.१३  
 विशामासामभयानामधिक्षितं गीर्भिरु स्वयशसं गृणीमसि ।  
 ग्राभिर्विश्वाभिरदितिमनर्वणमक्तोर्युवानं नृमणा अधा पतिम् ॥ १०.०९२.१४  
 रेभदत्रं जनुषा पूर्वं अङ्गिरा ग्रावाण ऊर्ध्वा अभि चक्षुरध्वरम् ।  
 येभिर्विहाया अभवद्विचक्षणः पाथः सुमेकं स्वधितिर्वनन्वति ॥ १०.०९२.१५  
 महि द्यावापृथिवी भूतमुर्वी नारी यही न रोदसी सदं नः ।  
 तेभिर्नः पातं सह्यस एभिर्नः पातं शूषणि ॥ १०.०९३.०१  
 यज्ञेयज्ञे स मत्यो देवान्सपर्यति ।  
 यः सुम्रेदीर्घश्रुत्तम आविवासत्येनान् ॥ १०.०९३.०२  
 विश्वेषामिरज्यवो देवानां वार्महः ।  
 विश्वे हि विश्वमहसो विश्वे यज्ञेषु यज्ञियाः ॥ १०.०९३.०३  
 ते घा राजानो अमृतस्य मन्द्रा अर्यमा मित्रो वरुणः परिज्मा ।  
 कद्रुद्रो नृणां स्तुतो मरुतः पूषणो भगः ॥ १०.०९३.०४  
 उत नो नक्तमपां वृषण्वसू सूर्यामासा सदनाय सधन्या ।

सचा यत्साद्येषामहिर्बुध्रेषु बुध्यः ॥ १०.०९३.०५  
उत नो देवावश्विना शुभस्पती धामभिर्मित्रावरुणा उरुष्यताम् ।  
महः स राय एषतेऽति धन्वेव दुरिता ॥ १०.०९३.०६  
उत नो रुद्रा चिन्मृळतामश्विना विश्वे देवासो रथस्पतिर्भगः ।  
ऋभुर्वाज ऋभुक्षणः परिज्मा विश्ववेदसः ॥ १०.०९३.०७  
ऋभुर्ऋभुक्षा ऋभुविधतो मद आ ते हरी जूजुवानस्य वाजिना ।  
दुष्टरं यस्य साम चिदृधग्यज्ञो न मानुषः ॥ १०.०९३.०८  
कृधी नो अहयो देव सवितः स च स्तुषे मघोनाम् ।  
सहो न इन्द्रो वह्निभिर्न्येषां चर्षणीनां चक्रं रश्मिं न योयुवे ॥ १०.०९३.०९  
एषु द्यावापृथिवी धातं महदस्मे वीरेषु विश्वचर्षणि श्रवः ।  
पृक्षं वाजस्य सातये पृक्षं रायोत तुर्वणे ॥ १०.०९३.१०  
एतं शंसमिन्द्रास्मयुङ्घं कूचित्सन्तं सहसावन्नभिष्टये ।  
सदा पाह्यभिष्टये मेदता वेदता वसो ॥ १०.०९३.११  
एतं मे स्तोमं तना न सूर्ये द्युतद्यामानं वावृधन्त नृणाम् ।  
संवन्नं नाश्र्यं तष्टेवानपच्युतम् ॥ १०.०९३.१२  
वावर्त येषां राया युक्तैषां हिरण्ययी ।  
नेमधिता न पौस्या वृथेव विष्टान्ता ॥ १०.०९३.१३  
प्र तद्दुःशीमे पृथवाने वेने प्र रामे वोचमसुरे मघवत्सु ।  
ये युक्ताय पञ्च शतास्मयु पथा विश्राव्येषाम् ॥ १०.०९३.१४  
अधीन्वत्र सप्ततिं च सप्त च ।  
सद्यो दिदिष्ट तान्वः सद्यो दिदिष्ट पार्थ्यः सद्यो दिदिष्ट मायवः ॥ १०.०९३.१५  
प्रैते वदन्तु प्र वयं वदाम ग्रावभ्यो वाच वदता वदञ्चः ।  
यदद्रयः पर्वताः साकमाशवः श्लोकं घोषं भरथेन्द्राय सोमिनः ॥ १०.०९४.०१  
एते वदन्ति शतवत्सहस्रवदभि क्रन्दन्ति हरितेभिरासभिः ।  
विष्टी ग्रावाणः सुकृतः सुकृत्यया होतुश्चित्पूर्वे हविरद्यमाशत ॥ १०.०९४.०२  
एते वदन्त्यविदन्नना मधु न्यूङ्खयन्ते अधि पक्व आमिषि ।  
वृक्षस्य शाखामरुणस्य बप्सतस्ते सूभर्वा वृषभाः प्रेमराविषुः ॥ १०.०९४.०३



बृहद्वदन्ति मद्विरेण मन्दिनेन्द्रं क्रोशन्तोऽविदन्नना मधु ।  
 संरभ्या धीराः स्वसृभिरनर्तिपुराघोषयन्तः पृथिवीमुपब्दिभिः ॥ १०.०९४.०४  
 सुपर्णा वाचमक्रतोप द्यव्याखरे कृष्णा इषिरा अनर्तिषुः ।  
 न्यःशङ्गि यन्त्युपरस्य निष्कृतं पुरू रेतो दधिरे सूर्यश्वितः ॥ १०.०९४.०५  
 उग्रा इव प्रवहन्तः समायमुः साकं युक्ता वृषणो विभ्रतो धुरः ।  
 यच्छ्वसन्तो जग्नसाना अराविषुः शृण्व एषां प्रोथथो अर्वतामिव ॥ १०.०९४.०६  
 दशावनिभ्यो दशकक्ष्येभ्यो दशयोक्त्रेभ्यो दशयोजनेभ्यः ।  
 दशाभीशुभ्यो अर्चताजरेभ्यो दश धुरो दश युक्ता वहद्भ्यः ॥ १०.०९४.०७  
 ते अद्रयो दशयन्त्रास आशवस्तेषामाधानं पर्यति हर्यतम् ।  
 त ऊ सुतस्य सोम्यस्यान्धसोऽशोः पीयूषं प्रथमस्य भेजिरे ॥ १०.०९४.०८  
 ते सोमादो हरी इन्द्रस्य निसर्तेऽशुं दुहन्तो अध्यासते गवि ।  
 तेभिर्दुग्धं पपिवान्सोम्यं मध्विन्द्रो वर्धते प्रथते वृषायते ॥ १०.०९४.०९  
 वृषा वो अंशुर्न किला रिषाथनेळावन्तः सदमित्स्थनाशिताः ।  
 रैवत्येव महसा चारवः स्थन यस्य ग्रावाणो अजुषध्वमध्वरम् ॥ १०.०९४.१०  
 तृदिला अतृदिलासो अद्रयोऽश्रमणा अशृथिता अमृत्यवः ।  
 अनातुरा अजराः स्थामविष्णवः सुपीवसो अतृषिता अतृष्णजः ॥ १०.०९४.११  
 ध्रुवा एव वः पितरो युगेयुगे क्षेमकामासः सदसो न युञ्जते ।  
 अजुर्यासो हरिषाचो हरिद्रव आ द्यां रवेण पृथिवीमशुश्रवुः ॥ १०.०९४.१२  
 तदिद्वदन्त्यद्रयो विमोचने यामन्नञ्जस्पा इव घेदुपब्दिभिः ।  
 वपन्तो बीजमिव धान्याकृतः पृश्नन्ति सोमं न मिनन्ति बप्सतः ॥ १०.०९४.१३  
 सुते अध्वरे अधि वाचमक्रता क्रीळयो न मातरं तुदन्तः ।  
 वि षू मुञ्चा सुषुवुषो मनीषां वि वर्तन्तामद्रयश्चायमानाः ॥ १०.०९४.१४  
 ह्ये जाये मनसा तिष्ठ घोरे वचासि मिश्रा कृणवावहै नु ।  
 न नौ मन्त्रा अनुदितास एते मयस्करन्परतरे चनाहन् ॥ १०.०९५.०१  
 किमेता वाचा कृणवा तवाहं प्राक्रमिषमुषसामग्निधेव ।  
 पुरूरवः पुनरस्तं परेहि दुरापना वात इवाहमस्मि ॥ १०.०९५.०२  
 इषुर्न श्रिय इषुधेरसना गोषाः शतसा न रंहिः ।

अवीरे ऋतौ वि दविद्युत्तत्रोरा न मायुं चितयन्त धुनयः ॥ १०.०९५.०३  
 सा वसु दधती श्वशुराय वय उपो यदि वष्ट्रन्तिगृहात् ।  
 अस्तं ननक्षे यस्मिश्चाकन्दिवा नक्तं श्रथिता वैतसेन ॥ १०.०९५.०४  
 त्रिः स्म माहः श्रथयो वैतसेनोत स्म मेऽव्यत्यै पृणासि ।  
 पुरुरवोऽनु ते केतमायं राजा मे वीर तन्वश्स्तदासीः ॥ १०.०९५.०५  
 या सुजूर्णिः श्रेणिः सुम्रापिर्हृदेचक्षुर्न ग्रन्थिनी चरण्युः ।  
 ता अञ्जयोऽरुणयो न सस्रुः श्रिये गावो न धेनवोऽनवन्त ॥ १०.०९५.०६  
 समस्मिञ्जायमान आसत ग्रा उतेमवर्धन्नद्यः स्वगूर्ताः ।  
 महे यत्त्वा पुरुरवो रणायवर्धयन्दस्युहत्याय देवाः ॥ १०.०९५.०७  
 सचा यदासु जहतीष्वत्कममानुषीषु मानुषो निषेवै ।  
 अप स्म मत्तरसन्ती न भुज्युस्ता अत्रसन्नथस्पृशो नाश्वाः ॥ १०.०९५.०८  
 यदासु मर्तो अमृतासु निस्पृक्सं क्षोणीभिः ऋतुभिर्न पृङ्के ।  
 ता आतयो न तन्वः शुम्भत स्वा अश्वासो न क्रीळयो दन्दशानाः ॥ १०.०९५.०९  
 विद्युन्न या पतन्ती दविद्योद्भ्रन्ती मे अप्या काम्यानि ।  
 जनिष्ठो अपो नर्यः सुजातः प्रोर्वशी तिरत दीर्घमायुः ॥ १०.०९५.१०  
 जज्ञिष इत्था गोपीथ्याय हि दधाथ तत्पुरुरवो म ओजः ।  
 अशासं त्वा विदुषी सस्मिन्नहन्न म आशृणोः किमभुग्वदासि ॥ १०.०९५.११  
 कदा सूनुः पितरं जात इच्छाच्चक्रन्नाश्रु वर्तयद्विजानन् ।  
 को दम्पती समनसा वि यूयोदध यदग्निः श्वशुरेषु दीदयत् ॥ १०.०९५.१२  
 प्रति ब्रावाणि वर्तयते अश्रु चक्रन्न क्रन्ददाध्ये शिवाये ।  
 प्र तत्ते हिनवा यत्ते अस्मे परेह्यस्तं नहि मूर मापः ॥ १०.०९५.१३  
 सुदेवो अद्य प्रपतेदनावृत्परावतं परमां गन्तवा उ ।  
 अथा शयीत निर्ऋतेरुपस्थेऽधेनं वृका रभसासो अद्युः ॥ १०.०९५.१४  
 पुरुरवो मा मृथा मा प्र पतो मा त्वा वृकासो अशिवास उ क्षन् ।  
 न वै स्त्रैणानि सख्यानि सन्ति सालावृकाणां हृदयान्येता ॥ १०.०९५.१५  
 यद्विरूपाचरं मर्त्येष्ववसं रात्रीः शरदश्चतस्रः ।  
 घृतस्य स्तोत्रं सकृदहं आश्रां तादेवेदं तातृपाणा चरामि ॥ १०.०९५.१६

अन्तरिक्षप्रां रजसो विमानीमुप शिक्षाम्युर्वशीं वसिष्ठः ।  
 उप त्वा रातिः सुकृतस्य तिष्ठान्नि वर्तस्व हृदयं तप्यते मे ॥ १०.०९५.१७  
 इति त्वा देवा इम आहुरैळ यथेमेतद्भवसि मृत्युबन्धुः ।  
 प्रजा ते देवान्हविषा यजाति स्वर्ग उ त्वमपि मादयासे ॥ १०.०९५.१८  
 प्र ते महे विदथे शसिषं हरी प्र ते वन्वे वनुषो हर्यतं मदम् ।  
 घृतं न यो हरिभिश्चारु सेचत आ त्वा विशन्तु हरिर्वपसं गिरः ॥ १०.०९६.०१  
 हरिं हि योनिमभि ये समस्वरन्हिन्वन्तो हरी दिव्यं यथा सदः ।  
 आ यं पृणन्ति हरिभिर्न धेनव इन्द्राय शूषं हरिवन्तमर्चत ॥ १०.०९६.०२  
 सो अस्य वज्रो हरितो य आयसो हरिर्निकामो हरिरा गभस्त्योः ।  
 द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे ॥ १०.०९६.०३  
 दिवि न केतुरधि धायि हर्यतो विव्यचद्वज्रो हरितो न रंह्या ।  
 तुददहिं हरिशिप्रो य आयसः सहस्रशोका अभवद्धरिम्भरः ॥ १०.०९६.०४  
 त्वंत्वमहर्यथा उपस्तुतः पूर्वभिरिन्द्र हरिकेश यज्वभिः ।  
 त्वं हर्यसि तव विश्वमुक्थ्यःमसामि राधो हरिजात हर्यतम् ॥ १०.०९६.०५  
 ता वज्रिणं मन्दिनं स्तोम्यं मद इन्द्रं रथे वहतो हर्यता हरी ।  
 पुरूण्यस्मै सवनानि हर्यत इन्द्राय सोमा हरयो दधन्विरे ॥ १०.०९६.०६  
 अरं कामाय हरयो दधन्विरे स्थिराय हिन्वन्हरयो हरी तुरा ।  
 अर्वद्विर्यो हरिभिर्जोषमीयते सो अस्य कामं हरिवन्तमानशे ॥ १०.०९६.०७  
 हरिश्मशारुर्हरिकेश आयसस्तुरस्पेये यो हरिपा अवर्धत ।  
 अर्वद्विर्यो हरिभिर्वाजिनीवसुरति विश्वा दुरिता पारिषद्वरी ॥ १०.०९६.०८  
 स्नुवेव यस्य हरिणी विपेततुः शिप्रे वाजाय हरिणी दविध्वतः ।  
 प्र यत्कृते चमसे मर्मृजद्वरी पीत्वा मदस्य हर्यतस्यान्धसः ॥ १०.०९६.०९  
 उत स्म सद्म हर्यतस्य पस्त्योऽरत्यो न वाजं हरिवाँ अचिक्रदत् ।  
 मही चिद्धि धिषणाहर्यदोजसा बृहद्वयो दधिषे हर्यतश्चिदा ॥ १०.०९६.१०  
 आ रोदसी हर्यमाणो महित्वा नव्यनव्यं हर्यसि मन्म नु प्रियम् ।  
 प्र पस्त्यमसुर हर्यतं गोराविष्कृधि हरये सूर्याय ॥ १०.०९६.११  
 आ त्वा हर्यन्तं प्रयुजो जनानां रथे वहन्तु हरिशिप्रमिन्द्र ।

पिबा यथा प्रतिभृतस्य मध्वो हर्यन्यज्ञं सधमादे दशोणिम् ॥ १०.०१६.१२  
 अपाः पूर्वेषां हरिवः सुतानामथो इदं सवनं केवलं ते ।  
 ममद्धि सोमं मधुमन्तमिन्द्र सत्रा वृषञ्जठर आ वृषस्व ॥ १०.०१६.१३  
 या ओषधीः पूर्वा जाता देवेभ्यस्त्रियुगं पुरा ।  
 मनै नु बभ्रूणामहं शतं धामानि सप्त च ॥ १०.०१७.०१  
 शतं वो अम्ब धामानि सहस्रमुत वो रुहः ।  
 अधा शतक्रत्वो यूयमिमं मे अगदं कृत ॥ १०.०१७.०२  
 ओषधीः प्रति मोदध्वं पुष्पवतीः प्रसूवरीः ।  
 अश्वा इव सजित्वरीर्वीरुधः पारयिष्णवः ॥ १०.०१७.०३  
 ओषधीरिति मातरस्तद्वो देवीरुप ब्रुवे ।  
 सनेयमश्वं गां वास आत्मानं तव पूरुष ॥ १०.०१७.०४  
 अश्वत्थे वो निषदनं पर्णे वो वसतिष्कृता ।  
 गोभाज इत्किलासथ यत्सनवथ पूरुषम् ॥ १०.०१७.०५  
 यत्रौषधीः समग्मत राजानः समिताविव ।  
 विप्रः स उच्यते भिषग्रक्षोहामीवचातनः ॥ १०.०१७.०६  
 अश्वावर्ती सोमावतीमूर्जयन्तीमुदोजसम् ।  
 आवित्सि सर्वा ओषधीरस्मा अरिष्टतातये ॥ १०.०१७.०७  
 उच्छुष्मा ओषधीनां गावो गोष्ठादिवेरते ।  
 धनं सनिष्यन्तीनामात्मानं तव पूरुष ॥ १०.०१७.०८  
 इष्कृतिर्नाम वो माताथो यूयं स्थ निष्कृतीः ।  
 सीराः पतत्रिणीः स्थन यदामयति निष्कृथ ॥ १०.०१७.०९  
 अति विश्वाः परिष्ठाः स्तेन इव ब्रजमक्रमुः ।  
 ओषधीः प्राचुच्यवुर्यत्किं च तन्वो३ रपः ॥ १०.०१७.१०  
 यदिमा वाजयन्नहमोषधीर्हस्त आदधे ।  
 आत्मा यक्ष्मस्य नश्यति पुरा जीवगृभो यथा ॥ १०.०१७.११  
 यस्यौषधीः प्रसर्पथाङ्गमङ्गं परुष्परुः ।  
 ततो यक्ष्मं वि बाधध्व उग्रो मध्यमशीरिव ॥ १०.०१७.१२

साकं यक्ष्म प्र पत चाषेण किकिदीविना ।  
 साकं वातस्य ध्राज्या साकं नश्य निहाकया ॥ १०.०९७.१३  
 अन्या वो अन्यामवत्वन्यान्यस्या उपावत ।  
 ताः सर्वाः संविदाना इदं मे प्रावता वचः ॥ १०.०९७.१४  
 याः फलिनीर्या अफला अपुष्पा याश्च पुष्पिणीः ।  
 बृहस्पतिप्रसूतास्ता नो मुञ्चन्त्वंहसः ॥ १०.०९७.१५  
 मुञ्चन्तु मा शपथ्याइदथो वरुण्यादुत ।  
 अथो यमस्य पङ्क्तिशात्सर्वस्माद्देवकिल्बिषात् ॥ १०.०९७.१६  
 अवपतन्तीरवदन्दिव ओषधयस्परि ।  
 यं जीवमश्रवामहे न स रिष्याति पूरुषः ॥ १०.०९७.१७  
 या ओषधीः सोमराज्ञीर्बह्वीः शतविचक्षणाः ।  
 तासां त्वमस्युत्तमारं कामाय शं हृदे ॥ १०.०९७.१८  
 या ओषधीः सोमराज्ञीर्विष्टिताः पृथिवीमनु ।  
 बृहस्पतिप्रसूता अस्यै सं दत्त वीर्यम् ॥ १०.०९७.१९  
 मा वो रिषत्खनिता यस्मै चाहं खनामि वः ।  
 द्विपञ्चतुष्पदस्माकं सर्वमस्त्वनातुरम् ॥ १०.०९७.२०  
 याश्चेदमुपशृण्वन्ति याश्च दूरं परागताः ।  
 सर्वाः संगत्य वीरुधोऽस्यै सं दत्त वीर्यम् ॥ १०.०९७.२१  
 ओषधयः सं वदन्ते सोमेन सह राज्ञा ।  
 यस्मै कृणोति ब्राह्मणस्तं राजन्पारयामसि ॥ १०.०९७.२२  
 त्वमुत्तमास्योषधे तव वृक्षा उपस्तयः ।  
 उपस्तिरस्तु सोऽस्माकं यो अस्माँ अभिदासति ॥ १०.०९७.२३  
 बृहस्पते प्रति मे देवतामिहि मित्रो वा यद्वरुणो वासि पूषा ।  
 आदित्यैर्वा यद्वसुभिर्मरुत्वान्स पर्जन्यं शतनवे वृषाय ॥ १०.०९८.०१  
 आ देवो दूतो अजिरश्चिकित्वान्त्वद्देवापे अभि मामगच्छत् ।  
 प्रतीचीनः प्रति मामा ववृत्स्व दधामि ते द्युमतीं वाचमासन् ॥ १०.०९८.०२  
 अस्मे धेहि द्युमतीं वाचमासन्बृहस्पते अनमीवामिषिराम् ।

यया वृष्टिं शंतनवे वनाव दिवो द्रप्सो मधुमाँ आ विवेश ॥ १०.०९८.०३  
 आ नो द्रप्सा मधुमन्तो विशन्त्विन्द्र देह्यधिरथं सहस्रम् ।  
 नि षीद होत्रमृता यजस्व देवान्देवापे हविषा सपर्य ॥ १०.०९८.०४  
 आर्ष्टिषेणो होत्रमृषिर्निषीदन्देवापिर्देवसुमतिं चिकित्वान् ।  
 स उत्तरस्मादधरं समुद्रमपो दिव्या असृजद्वृष्या अग्नि ॥ १०.०९८.०५  
 अस्मिन्समुद्रे अध्युत्तरस्मिन्नापो देवेभिर्निवृता अतिष्ठन् ।  
 ता अद्रवन्नार्ष्टिषेणेन सृष्टा देवापिना प्रेषिता मृक्षिणीषु ॥ १०.०९८.०६  
 यद्देवापिः शंतनवे पुरोहितो होत्राय वृतः कृपयन्नदीधेत ।  
 देवश्रुतं वृष्टिवनिं रराणो बृहस्पतिर्वाचमस्मा अयच्छत् ॥ १०.०९८.०७  
 यं त्वा देवापिः शुशुचानो अग्न आर्ष्टिषेणो मनुष्यः समीधे ।  
 विश्वेभिर्देवैरनुमद्यमानः प्र पर्जन्यमीरया वृष्टिमन्तम् ॥ १०.०९८.०८  
 त्वां पूर्वं ऋषयो गीर्भिरायन्त्वामध्वरेषु पुरुहूत विश्वे ।  
 सहस्राण्यधिरथान्यस्मे आ नो यज्ञं रोहिदश्वोप याहि ॥ १०.०९८.०९  
 एतान्यग्ने नवतिर्नव त्वे आहुतान्यधिरथा सहस्रा ।  
 तेभिर्वर्धस्व तन्वः शूर पूर्वीर्दिवो नो वृष्टिमिषितो रिरिहि ॥ १०.०९८.१०  
 एतान्यग्ने नवतिं सहस्रा सं प्र यच्छ वृष्ण इन्द्राय भागम् ।  
 विद्वान्पथ ऋतुशो देवयानानप्यौलानं दिवि देवेषु धेहि ॥ १०.०९८.११  
 अग्ने बाधस्व वि मृधो वि दुर्गहापामीवामप रक्षासि सेध ।  
 अस्मात्समुद्राद्बृहतो दिवो नोऽपां भूमानमुप नः सृजेह ॥ १०.०९८.१२  
 कं नश्चित्रमिषण्यसि चिकित्वान्पृथुग्मानं वाश्रं वावृधय्यै ।  
 कतस्य दातु शवसो व्युष्टौ तक्षद्वन्न वृत्रतुरमपिन्वत् ॥ १०.०९९.०१  
 स हि द्युता विद्युता वेति साम पृथुं योनिमसुरत्वा ससाद ।  
 स सनीळेभिः प्रसहानो अस्य भ्रातुर्न ऋते सप्तथस्य मायाः ॥ १०.०९९.०२  
 स वाजं यातापदुष्पदा यन्स्वर्षाता परि षदत्सनिष्यन् ।  
 अनर्वा यच्छतदुरस्य वेदो घ्नञ्छिन्नदेवाँ अग्नि वर्षसा भूत् ॥ १०.०९९.०३  
 स यह्वयोऽवनीर्गोष्वर्वा जुहोति प्रधन्यासु सस्त्रिः ।  
 अपादो यत्र युज्यासोऽरथा द्रोण्यश्वास ईरते घृतं वाः ॥ १०.०९९.०४

स रुद्रेभिरशस्तवार ऋभ्वा हित्वी गयमारेअवद्य आगात् ।  
वम्रस्य मन्ये मिथुना विवत्री अन्नमभीत्यारोदयन्मुषायन् ॥ १०.०९९.०५  
स इद्वासं तुवीरवं पतिर्दन्षळक्षं त्रिशीर्षाणं दमन्यत् ।  
अस्य त्रितो न्वोजसा वृधानो विपा वराहमयोअग्रया हन् ॥ १०.०९९.०६  
स द्रुहणे मनुष ऊर्ध्वसान आ साविषदर्शसानाय शरुम् ।  
स नृतमो नहुषोऽस्मत्सुजातः पुरोऽभिनदहन्दस्युहत्ये ॥ १०.०९९.०७  
सो अभ्रियो न यवस उदन्यन्क्षयाय गातुं विदन्नो अस्मे ।  
उप यत्सीददिन्दुं शरीरैः श्येनोऽयोपाष्टिर्हन्ति दस्यून ॥ १०.०९९.०८  
स ब्राधतः शवसानेभिरस्य कुत्साय शुष्णं कृपणे परादात् ।  
अयं कविमनयच्छस्यमानमत्कं यो अस्य सनितोत नृणाम् ॥ १०.०९९.०९  
अयं दशस्यन्नयेभिरस्य दस्मो देवेभिर्वरुणो न मायी ।  
अयं कनीन ऋतुपा अवेद्यमिमीतारुं यश्चतुष्पात् ॥ १०.०९९.१०  
अस्य स्तोमेभिरौशिज ऋजिश्वा ब्रजं दरयद्वृषभेण पिप्रोः ।  
सुत्वा यद्यजतो दीदयद्रीः पुर इयानो अभि वर्षसा भूत् ॥ १०.०९९.११  
एवा महो असुर वक्षथाय वम्रकः पङ्क्तिरुप सर्पदिन्द्रम् ।  
स इयानः करति स्वस्तिमस्मा इषमूर्जं सुक्षितिं विश्वमाभाः ॥ १०.०९९.१२  
इन्द्र दृह्य मघवन्त्वावदिद्भुज इह स्तुतः सुतपा बोधि नो वृधे ।  
देवेभिर्नः सविता प्रावतु श्रुतमा सर्वतातिमदितिं वृणीमहे ॥ १०.१००.०१  
भराय सु भरत भागमृत्वियं प्र वायवे शुचिपे क्रन्ददिष्टये ।  
गौरस्य यः पयसः पीतिमानश आ सर्वतातिमदितिं वृणीमहे ॥ १०.१००.०२  
आ नो देवः सविता साविषद्वय ऋजूयते यजमानाय सुन्वते ।  
यथा देवान्प्रतिभूषेम पाकवदा सर्वतातिमदितिं वृणीमहे ॥ १०.१००.०३  
इन्द्रो अस्मे सुमना अस्तु विश्वहा राजा सोमः सुवितस्याध्येतु नः ।  
यथायथा मित्रधितानि संदधुरा सर्वतातिमदितिं वृणीमहे ॥ १०.१००.०४  
इन्द्र उक्थेन शवसा परुर्दधे बृहस्पते प्रतरीतास्यायुषः ।  
यज्ञो मनुः प्रमतिर्नः पिता हि कमा सर्वतातिमदितिं वृणीमहे ॥ १०.१००.०५  
इन्द्रस्य नु सुकृतं दैव्यं सहोऽग्निर्गृहे जरिता मेधिरः कविः ।

यज्ञश्च भूद्विदथे चारुरन्तम आ सर्वतातिमदिति वृणीमहे ॥ १०.१००.०६  
न वो गुहा चकृम भूरि दुष्कृतं नाविष्टं वसवो देवहेळनम् ।  
माकिर्नो देवा अनृतस्य वर्षस आ सर्वतातिमदिति वृणीमहे ॥ १०.१००.०७  
अपामीवां सविता साविषत्र्यश्वरीय इदप सेधन्वद्रयः ।  
ग्रावा यत्र मधुषुदुच्यते बृहदा सर्वतातिमदिति वृणीमहे ॥ १०.१००.०८  
ऊर्ध्वो ग्रावा वसवोऽस्तु सोतरि विश्वा द्वेषासि सनुतयुयोत ।  
स नो देवः सविता पायुरीड्य आ सर्वतातिमदिति वृणीमहे ॥ १०.१००.०९  
ऊर्जं गावो यवसे पीवो अत्तन ऋतस्य याः सदने कोशे अङ्गे ।  
तनूरेव तन्वो अस्तु भेषजमा सर्वतातिमदिति वृणीमहे ॥ १०.१००.१०  
ऋतुप्रावा जरिता शश्वतामव इन्द्र इद्द्रा प्रमतिः सुतावताम् ।  
पूर्णमूर्धदिव्यं यस्य सित्तय आ सर्वतातिमदिति वृणीमहे ॥ १०.१००.११  
चित्रस्ते भानुः ऋतुप्रा अभिष्टिः सन्ति स्पृधो जरणिप्रा अधृष्टाः ।  
रजिष्ठया रज्या पश्व आ गोस्तूर्षति पर्यग्नं दुवस्युः ॥ १०.१००.१२  
उद्बुध्यध्वं समनसः सखायः समग्निमिन्ध्वं बहवः सनीळाः ।  
दधिक्रामग्निमुषसं च देवीमिन्द्रावतोऽवसे नि ह्वये वः ॥ १०.१०१.०१  
मन्द्रा कृणुध्वं धिय आ तनुध्वं नावमरित्रपरणीं कृणुध्वम् ।  
इष्कृणुध्वमायुधारं कृणुध्वं प्राञ्चं यज्ञं प्र णयता सखायः ॥ १०.१०१.०२  
युनक्त सीरा वि युगा तनुध्वं कृते योनौ वपतेह बीजम् ।  
गिरा च श्रुष्टिः सभरा असन्नो नेदीय इत्सुण्यः पक्वमेयात् ॥ १०.१०१.०३  
सीरा युञ्जन्ति कवयो युगा वि तन्वते पृथक् ।  
धीरा देवेषु सुम्रया ॥ १०.१०१.०४  
निराहावान्कृणोतन सं वरत्रा दधातन ।  
सिञ्चामहा अवतमुद्रिणं वयं सुषेकमनुपक्षितम् ॥ १०.१०१.०५  
इष्कृताहावमवतं सुवरत्रं सुषेचनम् ।  
उद्रिणं सिञ्चे अक्षितम् ॥ १०.१०१.०६  
प्रीणीताश्वान्हितं जयाथ स्वस्तिवाहं रथमित्कृणुध्वम् ।  
द्रोणाहावमवतमश्मचक्रमंसत्रकोशं सिञ्चता नृपाणम् ॥ १०.१०१.०७



ब्रजं कृणुध्वं स हि वो नृपाणो वर्म सीव्यध्वं बहुला पृथुनि ।  
 पुरः कृणुध्वमायसीरधृष्टा मा वः सुस्रोच्चमसो दंहता तम् ॥ १०.१०१.०८  
 आ वो धियं यज्ञियां वर्त ऊतये देवा देवीं यजतां यज्ञियामिह ।  
 सा नो दुहीयद्यवसेव गत्वी सहस्रधारा पयसा मही गौः ॥ १०.१०१.०९  
 आ तू षिञ्च हरिमीं द्रोरोपस्थे वाशीभिस्तक्षताश्मन्मयीभिः ।  
 परि ष्वजध्वं दश कक्ष्याभिरुभे धुरौ प्रति वह्नि युनक्त ॥ १०.१०१.१०  
 उभे धुरौ वहिरापिब्दमानोऽन्तर्योनेव चरति द्विजानिः ।  
 वनस्पतिं वन आस्थापयध्वं नि षू दधिध्वमखनन्त उत्सम् ॥ १०.१०१.११  
 कपृन्नरः कपृथमुद्घातन चोदयत खुदत वाजसातये ।  
 निष्टिग्र्यः पुत्रमा च्यावयोतय इन्द्रं सबाध इह सोमपीतये ॥ १०.१०१.१२  
 प्र ते रथं मिथूकृतमिन्द्रोऽवतु धृष्णुया ।  
 अस्मिन्नाजौ पुरुहूत श्रवाय्ये धनभक्षेषु नोऽव ॥ १०.१०२.०१  
 उत्सम वातो वहति वासोऽस्या अधिरथं यदजयत्सहस्रम् ।  
 रथीरभून्मुद्गलानी गविष्टौ भरे कृतं व्यचेदिन्द्रसेना ॥ १०.१०२.०२  
 अन्तर्यच्छ जिघासतो वज्रमिन्द्राभिदासतः ।  
 दासस्य वा मघवन्नायस्य वा सनुतर्यवया वधम् ॥ १०.१०२.०३  
 उद्रो हृदमपिबज्रहृषाणः कूटं स्म तुंहदभिमातिमेति ।  
 प्र मुष्कभारः श्रव इच्छमानोऽजिरं बाहू अभरत्सिषासन् ॥ १०.१०२.०४  
 न्यऋन्दयन्नुपयन्त एनममेहयन्वृषभं मध्य आज्ञेः ।  
 तेन सूमर्वं शतवत्सहस्रं गवां मुद्गलः प्रधने जिगाय ॥ १०.१०२.०५  
 ककदवे वृषभो युक्त आसीदवावचीत्सारथिरस्य केशी ।  
 दुधेर्युक्तस्य द्रवतः सहानस ऋच्छन्ति ष्मा निष्पदो मुद्गलानीम् ॥ १०.१०२.०६  
 उत प्रधिमुदहन्नस्य विद्वानुपायुनग्वंसगमत्र शिक्षन् ।  
 इन्द्र उदावत्पतिमघ्यानामरहत पद्याभिः ककुद्भान् ॥ १०.१०२.०७  
 शुनमष्ट्राव्यचरत्कपर्दी वरत्रायां दार्वानह्यमानः ।  
 नृम्णानि कृण्वन्बहवे जनाय गाः पस्पशानस्तविषीरधत् ॥ १०.१०२.०८  
 इमं तं पश्य वृषभस्य युञ्जं काष्ठाया मध्ये द्रुघणं शयानम् ।

येन जिगाय शतवत्सहस्रं गवां मुद्गलः पृतनाज्येषु ॥ १०.१०२.०९  
 आरे अघा को न्विश्त्वा ददर्श यं युञ्जन्ति तम्वा स्थापयन्ति ।  
 नास्मै तृणं नोदकमा भरन्त्युत्तरो धुरो वहति प्रदेदिशत् ॥ १०.१०२.१०  
 परिवृक्तेव पतिविद्यमानद् पीप्याना कूचक्रेणेव सिञ्चन् ।  
 एषैष्या चिद्रथ्या जयेम सुमङ्गलं सिनवदस्तु सातम् ॥ १०.१०२.११  
 त्वं विश्वस्य जगतश्चक्षुरिन्द्रासि चक्षुषः ।  
 वृषा यदाजिं वृषणा सिषाससि चोदयन्वधिणा युजा ॥ १०.१०२.१२  
 आशुः शिशानो वृषभो न भीमो घनाघनः क्षोभणश्चर्षणीनाम् ।  
 संक्रन्दनोऽनिमिष एकवीरः शतं सेना अजयत्साकमिन्द्रः ॥ १०.१०३.०१  
 संक्रन्दनेनानिमिषेण जिष्णुना युत्कारेण दुश्चवनेन धृष्णुना ।  
 तदिद्रेण जयत तत्सहध्वं युधो नर इषुहस्तेन वृष्णा ॥ १०.१०३.०२  
 स इषुहस्तैः स निषङ्गिभिर्वशी संस्रष्टा स युध इन्द्रो गणेन ।  
 संसृष्टजित्सोमपा बाहुशर्धुश्ग्रधन्वा प्रतिहिताभिरस्ता ॥ १०.१०३.०३  
 बृहस्पते परि दीया रथेन रक्षोहामित्रा अपबाधमानः ।  
 प्रभञ्जन्सेनाः प्रमृणो युधा जयन्नस्माकमेध्यविता रथानाम् ॥ १०.१०३.०४  
 बलविज्ञायः स्थविरः प्रवीरः सहस्वान्वाजी सहमान उग्रः ।  
 अभिवीरो अभिसत्वा सहोजा जैत्रमिन्द्र रथमा तिष्ठ गोवित् ॥ १०.१०३.०५  
 गोत्रभिदं गोविदं वज्रबाहुं जयन्तमज्म प्रमृणन्तमोजसा ।  
 इमं सजाता अनु वीरयध्वमिन्द्र सखायो अनु सं रभध्वम् ॥ १०.१०३.०६  
 अभि गोत्राणि सहसा गाहमानोऽदयो वीरः शतमन्युरिन्द्रः ।  
 दुश्चवनेनः पृतनाषाळयुध्योऽस्माकं सेना अवतु प्र युत्सु ॥ १०.१०३.०७  
 इन्द्र आसां नेता बृहस्पतिर्दक्षिणा यज्ञः पुर एतु सोमः ।  
 देवसेनानामभिभञ्जतीनां जयन्तीनां मरुतो यन्त्वग्रम् ॥ १०.१०३.०८  
 इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।  
 महामनसां भुवनच्यवानां घोषो देवानां जयतामुदस्थात् ॥ १०.१०३.०९  
 उद्धर्षय मघवन्नायुधान्युत्सत्त्वनां मामकानां मनांसि ।  
 उद्ध्वहन्वाजिनां वाजिनान्युद्रथानां जयतां यन्तु घोषाः ॥ १०.१०३.१०

अस्माकमिन्द्रः समृतेषु ध्वजेष्वस्माकं या इषवस्ता जयन्तु ।  
 अस्माकं वीरा उत्तरे भवन्त्वस्माँ उ देवा अवता हवेषु ॥ १०.१०३.११  
 अमीषां चित्तं प्रतिलोभयन्ती गृहाणाङ्गान्यप्ये परेहि ।  
 अभि प्रेहि निर्दह हृत्सु शोकैरन्धेनामित्रास्तमसा सचन्ताम् ॥ १०.१०३.१२  
 प्रेता जयता नर इन्द्रो वः शर्म यच्छतु ।  
 उग्रा वः सन्तु बाहवोऽनाधृष्या यथासथ ॥ १०.१०३.१३  
 असावि सोमः पुरुहूत तुभ्यं हरिभ्यां यज्ञमुप याहि तूयम् ।  
 तुभ्यं गिरो विप्रवीरा इयाना दधन्विर इन्द्र पिबा सुतस्य ॥ १०.१०४.०१  
 अप्सु धूतस्य हरिवः पिबेह नृभिः सुतस्य जठरं पृणस्व ।  
 मिमिक्षुर्यमद्रय इन्द्र तुभ्यं तेभिर्वर्धस्व मदमुक्थवाहः ॥ १०.१०४.०२  
 प्रोग्रां पीतिं वृष्णा इयमिं सत्यां प्रयै सुतस्य हर्यश्च तुभ्यम् ।  
 इन्द्र धेनाभिरिह मादयस्व धीभिर्विश्वाभिः शच्या गृणानः ॥ १०.१०४.०३  
 ऊती शचीवस्तव वीर्येण वयो दधाना उशिज ऋतज्ञाः ।  
 प्रजावदिन्द्र मनुषो दुरोणे तस्थुर्गृणन्तः सधमाद्यासः ॥ १०.१०४.०४  
 प्रणीतिभिष्टे हर्यश्च सुष्टोः सुषुम्नस्य पुरुचो जनासः ।  
 महिष्ठाभूतिं वितिरे दधानाः स्तोतार इन्द्र तव सूनृताभिः ॥ १०.१०४.०५  
 उप ब्रह्माणि हरिवो हरिभ्यां सोमस्य याहि पीतये सुतस्य ।  
 इन्द्र त्वा यज्ञः क्षममाणमानङ्गाश्वाँ अस्यध्वरस्य प्रकेतः ॥ १०.१०४.०६  
 सहस्रवाजमभिमातिषाहं सुतेरणं मघवानं सुवृक्तिम् ।  
 उप भूषन्ति गिरो अप्रतीतमिन्द्र नमस्या जरितुः पनन्त ॥ १०.१०४.०७  
 सप्तपो देवीः सुरणा अमृक्ता याभिः सिन्धुमतर इन्द्र पूर्भित् ।  
 नवतिं स्रोत्या नव च स्रवन्तीर्देवेभ्यो गातुं मनुषे च विन्दः ॥ १०.१०४.०८  
 अपो महीरभिशस्तेरमुञ्चोऽजागरास्वधि देव एकः ।  
 इन्द्र यास्त्वं वृत्रतूर्यं चकर्थ ताभिर्विश्वायुस्तन्वं पुपुष्याः ॥ १०.१०४.०९  
 वीरेण्यः ऋतुरिन्द्रः सुशस्तिरुतापि धेना पुरुहूतमीदृ ।  
 आर्दयद्बुत्रमकृणोदु लोकं ससाहे शक्रः पृतना अभिष्टिः ॥ १०.१०४.१०  
 शुनं हुवेम मघवानमिन्द्रमस्मिन्भरे नृतमं वाजसातौ ।

शु॒ष्वन्त॑मु॒ग्र॒मू॒तये॑ स॒मत्सु॑ घ्नन्तं वृ॒त्राणि॑ सं॒जितं॑ धना॒नाम् ॥ १०.१०४.११  
 क॒दा व॑सो स्तो॒त्रं ह॑र्यत आव॑ श्म॒शा रु॒ध॒द्वाः ।  
 दी॒र्घं सु॑तं वा॒ताप्या॑य ॥ १०.१०५.०१  
 ह॒री यस्य॑ सु॒युजा॑ वि॒व्रता॑ वे॒रर्व॑न्तानु शे॒पा ।  
 उ॒भा र॒जी न के॑शि॒ना पति॑र्दन् ॥ १०.१०५.०२  
 अ॒प यो॑रिन्द्रः पा॒प॒ज आ म॑र्तो न श॒श्रमा॑णो बि॒भीवा॑न् ।  
 शु॒भे यद्यु॑युजे तवि॒षीवा॑न् ॥ १०.१०५.०३  
 स॒चायो॑रिन्द्रश्च॒र्कृष॑ आँ उ॒पान॑सः स॒पर्य॑न् ।  
 न॒दयो॑र्वि॒व्रत॑योः शूर॑ इन्द्रः ॥ १०.१०५.०४  
 अधि॑ यस्त॒स्थौ केश॑वन्ता व्य॒चस्व॑न्ता न पु॒ष्ट्यै ।  
 व॒नोति॑ शि॒प्राभ्यां॑ शि॒प्रिणी॑वान् ॥ १०.१०५.०५  
 प्रा॒स्तौदृ॑ष्वौजा ऋ॒ष्वेभि॑स्त॒तक्ष॑ शूरः श॒वसा॑ ।  
 ऋ॒भुर्न ऋ॑तुभि॒र्मातरि॑श्वा ॥ १०.१०५.०६  
 व॒ज्रं यश्च॑क्रे सु॒हना॑य द॒स्यवे॑ हि॒रीम॑शो हि॒रीमा॑न् ।  
 अ॒रुत॑हनुर॒द्भुतं॑ न रजः ॥ १०.१०५.०७  
 अ॒व नो॑ वृ॒जिना॑ शि॒शीह्य॑चा व॒नेमा॑नृचः ।  
 ना॒ब्रह्मा॑ य॒ज्ञ ऋ॒ध॒ग्जो॑षति॒ त्वे ॥ १०.१०५.०८  
 ऊ॒र्ध्वा य॑त्ते त्रे॒तिनी॑ भू॒द्यज्ञ॑स्य धूर्षु॑ स॒द्वन् ।  
 स॒जूर्ना॑वं स्व॒यश॑सं स॒चायोः॑ ॥ १०.१०५.०९  
 श्रि॒ये ते॑ पृ॒श्निरु॑प॒सेच॑नी भू॒च्छ्रि॒ये द॑र्वि॒रेपाः॑ ।  
 यया॑ स्वे पा॒त्रे सि॑ञ्च॒स उ॑त् ॥ १०.१०५.१०  
 श॒तं वा॑ यद॒सुर्य॑ प्रति॒ त्वा सु॑मि॒त्र इ॒त्थास्तौ॑द्दु॒र्मि॒त्र इ॒त्थास्तौ॑त् ।  
 आ॒वो य॑द्द॒स्युह॑त्ये कु॒त्सपु॑त्रं प्रा॒वो य॑द्द॒स्युह॑त्ये कु॒त्सव॑त्सम् ॥ १०.१०५.११  
 उ॒भा उ॑ नूनं तदि॒दर्थ॑येथे वि॒ तन्वा॑थे धि॒यो व॑स्त्रा॒पसे॑व ।  
 स॒ध्रीची॑ना या॒तवे॑ प्रेम॒जीगः॑ सु॒दिने॑व पृ॒क्ष आ॑ त॒सये॑थे ॥ १०.१०६.०१  
 उ॒ष्टरे॑व फ॒र्वरे॑षु श्रयेथे प्रा॒योगे॑व श्वा॒त्र्या शा॑सु॒रेथः॑ ।  
 दू॒तेव॑ हि ष्ठो य॒शसा॑ जने॒षु मा॑प॒ स्थातं॑ म॒हिषे॑वा॒वपाना॑त् ॥ १०.१०६.०२

साकंयुजा शकुनस्येव पक्षा पश्वेव चित्रा यजुरा गमिष्टम् ।  
 अग्निरिव देवयोर्दीदिवांसा परिज्मानेव यजथः पुरुत्रा ॥ १०.१०६.०३  
 आपी वो अस्मे पितरेव पुत्रोग्रेव रुचा नृपतीव तुर्यै ।  
 इर्येव पुष्ट्रै किरणेव भुज्यै श्रुष्टीवानेव हवमा गमिष्टम् ॥ १०.१०६.०४  
 वंसगेव पूषर्या शिम्बाता मित्रेव ऋता शतरा शातपन्ता ।  
 वाजवोच्चा वयसा घर्म्येष्ठा मेषेवेषा सपर्याः पुरीषा ॥ १०.१०६.०५  
 सृण्येव जर्भरी तुर्फरीतू नैतेशेव तुर्फरी पर्फरीका ।  
 उदन्यजेव जेमना मदेरू ता मे जराय्वजरं मरायु ॥ १०.१०६.०६  
 पञ्जेव चचरं जारं मरायु क्षद्भेवार्थेषु तर्तरीथ उग्रा ।  
 ऋभू नापत्वखरमज्रा खरञ्जुर्वायुर्न पर्फरत्क्षयद्रयीणाम् ॥ १०.१०६.०७  
 घर्मेव मधु जठरे सनेरू भगेविता तुर्फरी फारिवारम् ।  
 पतरेव चचरा चन्द्रनिर्णिङ्गनऋङ्गा मनन्याः न जग्मी ॥ १०.१०६.०८  
 बृहन्तेव गम्भरेषु प्रतिष्ठां पादेव गाधं तरते विदाथः ।  
 कर्णेव शासुरनु हि स्मराथोऽशेव नो भजतं चित्रमप्रः ॥ १०.१०६.०९  
 आरङ्गरेव मध्वेरयेथे सारधेव गवि नीचीनबारे ।  
 कीनारेव स्वेदमासिष्विदाना क्षामेवोर्जा सूयवसात्सचेथे ॥ १०.१०६.१०  
 ऋध्याम स्तोमं सनुयाम वाजमा नो मन्त्रं सरथेहोप यातम् ।  
 यशो न पक्कं मधु गोष्वन्तरा भूतांशो अश्विनोः काममप्राः ॥ १०.१०६.११  
 आविरभून्महि माघोनमेषां विश्वं जीवं तमसो निरमोचि ।  
 महि ज्योतिः पितृभिर्दत्तमागादुरुः पन्था दक्षिणाया अदर्शि ॥ १०.१०७.०१  
 उच्चा दिवि दक्षिणावन्तो अस्थुर्ये अश्वदाः सह ते सूर्येण ।  
 हिरण्यदा अमृतत्वं भजन्ते वासोदाः सोमं प्र तिरन्त आयुः ॥ १०.१०७.०२  
 दैवी पूर्तिर्दक्षिणा देवयज्या न कवारिभ्यो नहि ते पृणन्ति ।  
 अथा नरः प्रयतदक्षिणासोऽवद्यभिया बहवः पृणन्ति ॥ १०.१०७.०३  
 शतधारं वायुमर्कं स्वर्विदं नृचक्षसस्ते अभि चक्षते हविः ।  
 ये पृणन्ति प्र च यच्छन्ति संगमे ते दक्षिणां दुहते सप्तमातरम् ॥ १०.१०७.०४  
 दक्षिणावान्प्रथमो हूत एति दक्षिणावान्प्रामणीरग्रमेति ।

तमेव मन्ये नृपतिं जनानां यः प्रथमो दक्षिणामाविवाय ॥ १०.१०७.०५  
तमेव ऋषिं तमु ब्रह्माणमाहुर्यज्ञं सामगामुक्थशासम् ।  
स शुक्रस्य तन्वो वेद तिस्रो यः प्रथमो दक्षिणया रराध ॥ १०.१०७.०६  
दक्षिणाश्वं दक्षिणा गां ददाति दक्षिणा चन्द्रमुत यद्विरण्यम् ।  
दक्षिणात्र वनुते यो न आत्मा दक्षिणां वर्म कृणुते विजानन् ॥ १०.१०७.०७  
न भोजा ममूर्न न्यर्थमीयुर्न रिष्यन्ति न व्यथन्ते ह भोजाः ।  
इदं यद्विश्वं भुवनं स्वश्चैतत्सर्वं दक्षिणैभ्यो ददाति ॥ १०.१०७.०८  
भोजा जिग्युः सुरभिं योनिमग्रे भोजा जिग्युर्वध्वं१ या सुवासाः ।  
भोजा जिग्युरन्तःपेयं सुराया भोजा जिग्युर्ये अहूताः प्रयन्ति ॥ १०.१०७.०९  
भोजायाश्वं सं मृजन्त्याशुं भोजायास्ते कन्या३ शुम्भमाना ।  
भोजस्येदं पुष्करिणीव वेश्म परिष्कृतं देवमानेव चित्रम् ॥ १०.१०७.१०  
भोजमश्वः सुष्टुवाहो वहन्ति सुवृद्रथो वर्तते दक्षिणायाः ।  
भोजं देवासोऽवता भरेषु भोजः शत्रून्समनीकेषु जेता ॥ १०.१०७.११  
किमिच्छन्ती सरमा प्रेदमानडूरे ह्यध्वा जगुरिः पराचैः ।  
कास्मेहितिः का परितक्यासीत्कथं रसाया अतरः पर्यासि ॥ १०.१०८.०१  
इन्द्रस्य दूतीरिषिता चरामि मह इच्छन्ती पणयो निधीन्वः ।  
अतिष्कदो भियसा तन्न आवत्तथा रसाया अतरं पर्यासि ॥ १०.१०८.०२  
कीदृङ्ङिन्द्रः सरमे का दृशीका यस्येदं दूतीरसरः पराकात् ।  
आ च गच्छान्मित्रमेना दधामाथा गवां गोपतिर्नो भवाति ॥ १०.१०८.०३  
नाहं तं वेद दभ्यं दभत्स यस्येदं दूतीरसरं पराकात् ।  
न तं गूहन्ति स्रवतो गभीरा हुता इन्द्रेण पणयः शयध्वे ॥ १०.१०८.०४  
इमा गावः सरमे या ऐच्छः परि दिवो अन्तान्सुभगे पतन्ती ।  
कस्त एना अव सृजादयुध्व्युतास्माकमायुधा सन्ति तिग्मा ॥ १०.१०८.०५  
असेन्या वः पणयो वचांस्यनिषव्यास्तन्वः सन्तु पापीः ।  
अधृष्टो व एतवा अस्तु पन्था बृहस्पतिर्व उभया न मृळात् ॥ १०.१०८.०६  
अयं निधिः सरमे अद्रिबुध्नो गोभिरश्वेभिर्वसुभिर्न्यृष्टः ।  
रक्षन्ति तं पणयो ये सुगोपा रेकु पदमलकमा जगन्थ ॥ १०.१०८.०७

एह गमन्नुषयः सोमशिता अयास्यो अङ्गिरसो नवग्वाः ।  
 त एतमूर्वं वि भजन्त गोनामथैतद्वचः पणयो वमन्त्रित् ॥ १०.१०८.०८  
 एवा च त्वं सरम आजगन्थ प्रबाधिता सहसा दैव्येन ।  
 स्वसारं त्वा कृण्वे मा पुनर्गा अप ते गवा सुभगे भजाम ॥ १०.१०८.०९  
 नाहं वेद भ्रातृत्वं नो स्वसृत्वमिन्द्रो विदुरङ्गिरसश्च घोराः ।  
 गोकामा मे अच्छदयन्यदायमपात इत पणयो वरीयः ॥ १०.१०८.१०  
 दूरमित पणयो वरीय उद्गावो यन्तु मिनतीर्ऋतेन ।  
 बृहस्पतिर्या अविन्दन्निगूळ्हाः सोमो ग्रावाण ऋषयश्च विप्राः ॥ १०.१०८.११  
 तेऽवदन्प्रथमा ब्रह्मकिल्बिषेऽकूपारः सलिलो मातरिश्वा ।  
 वीळुहरास्तप उग्रो मयोभूरापो देवीः प्रथमजा ऋतेन ॥ १०.१०९.०१  
 सोमो राजा प्रथमो ब्रह्मजायां पुनः प्रायच्छदहणीयमानः ।  
 अन्वर्तिता वरुणो मित्र आसीदग्निर्होता हस्तगृह्या निनाय ॥ १०.१०९.०२  
 हस्तेनैव ग्राह्य आधिरस्या ब्रह्मजायेयमिति चेदवाचन् ।  
 न दूताय प्रह्ये तस्थ एषा तथा राष्ट्रं गुपितं क्षत्रियस्य ॥ १०.१०९.०३  
 देवा एतस्यामवदन्त पूर्वं सप्तऋषयस्तपसे ये निषेदुः ।  
 भीमा जाया ब्राह्मणस्योपनीता दुर्धा दधाति परमे व्योमन् ॥ १०.१०९.०४  
 ब्रह्मचारी चरति वेविषद्विषः स देवानां भवत्येकमङ्गम् ।  
 तेन जायामन्वविन्दद्बृहस्पतिः सोमेन नीतां जुह्वं न देवाः ॥ १०.१०९.०५  
 पुनर्वै देवा अददुः पुनर्मनुष्या उत ।  
 राजानः सत्यं कृण्वाना ब्रह्मजायां पुनर्ददुः ॥ १०.१०९.०६  
 पुनर्दाय ब्रह्मजायां कृत्वी देवैर्निकिल्बिषम् ।  
 ऊर्जं पृथिव्या भक्तायारुगायमुपासते ॥ १०.१०९.०७  
 समिद्धो अद्य मनुषो दुरोणे देवो देवान्यजसि जातवेदः ।  
 आ च वह मित्रमहश्चिकित्वान्त्वं दूतः कविरसि प्रचेताः ॥ १०.११०.०१  
 तनूनपात्पथ ऋतस्य यानान्मध्वा समञ्जस्वदया सुजिह्व ।  
 मन्मानि धीभिरुत यज्ञमन्धन्देवत्रा च कृणुह्यध्वरं नः ॥ १०.११०.०२  
 आजुह्वान ईड्यो वन्द्यश्चा याह्यग्ने वसुभिः सजोषाः ।

त्वं देवानामसि यहू होता स एनान्यक्षीषितो यजीयान् ॥ १०.११०.०३  
 प्राचीनं बर्हिः प्रदिशा पृथिव्या वस्तोरस्या वृज्यते अग्ने अहाम् ।  
 व्यु प्रथते वितरं वरीयो देवेभ्यो अदितये स्योनम् ॥ १०.११०.०४  
 व्यचस्वतीरुर्विया वि श्रयन्तां पतिभ्यो न जनयः शुम्भमानाः ।  
 देवीर्द्वारो बृहतीर्विश्वमिन्वा देवेभ्यो भवत सुप्रायणाः ॥ १०.११०.०५  
 आ सुष्वयन्ती यजते उपाके उषासानक्ता सदतां नि योनौ ।  
 दिव्ये योषणे बृहती सुरुक्मे अधि श्रियं शुक्रपिशं दधाने ॥ १०.११०.०६  
 दैव्या होतारा प्रथमा सुवाचा मिमाना यज्ञं मनुषो यजध्वै ।  
 प्रचोदयन्ता विदथेषु कारू प्राचीनं ज्योतिः प्रदिशा दिशन्ता ॥ १०.११०.०७  
 आ नो यज्ञं भारती तूयमेत्विळा मनुष्वदिह चेतयन्ती ।  
 तिस्रो देवीर्बर्हिरंदं स्योनं सरस्वती स्वपसः सदन्तु ॥ १०.११०.०८  
 य इमे द्यावापृथिवी जनित्री रूपैरपिशद्भुवनानि विश्वा ।  
 तमद्य होतरिषितो यजीयान्देवं त्वष्टारमिह यक्षि विद्वान् ॥ १०.११०.०९  
 उपावसृज त्मन्या समञ्जन्देवानां पाथ ऋतुथा हवींषि ।  
 वनस्पतिः शमिता देवो अग्निः स्वदन्तु हव्यं मधुना घृतेन ॥ १०.११०.१०  
 सद्यो जातो व्यमिमीत यज्ञमग्निर्देवानामभवत्पुरोगाः ।  
 अस्य होतुः प्रदिश्यतस्य वाचि स्वाहाकृतं हविरदन्तु देवाः ॥ १०.११०.११  
 मनीषिणः प्र भरध्वं मनीषां यथायथा मतयः सन्ति नृणाम् ।  
 इन्द्रं सत्यैररयामा कृतेभिः स हि वीरो गिर्वणस्युर्विदानः ॥ १०.१११.०१  
 ऋतस्य हि सदसो धीतिरद्यौत्सं गाष्ट्यो वृषभो गोभिरानट् ।  
 उदतिष्ठत्तविषेणा रवेण महान्ति चित्सं विव्याचा रजासि ॥ १०.१११.०२  
 इन्द्रः किल श्रुत्या अस्य वेद स हि जिष्णुः पथिकृत्सूर्याय ।  
 आन्मेना कृण्वन्नच्युतो भुवद्भोः पतिर्दिवः सनजा अप्रतीतः ॥ १०.१११.०३  
 इन्द्रो मह्ना महतो अर्णवस्य व्रतामिनादङ्गिरोभिर्गृणानः ।  
 पुरूणि चित्रि तताना रजासि दाधार यो धरुणं सत्यताता ॥ १०.१११.०४  
 इन्द्रो दिवः प्रतिमानं पृथिव्या विश्वा वेद सवना हन्ति शुष्णम् ।  
 महीं चिद्द्यामातनोत्सूर्येण चास्कम्भ चित्कम्भनेन स्कभीयान् ॥ १०.१११.०५



वज्रेण हि वृत्रहा वृत्रमस्तरदेवस्य शूशुवानस्य मायाः ।  
 वि धृष्णो अत्र धृषता जघन्थाथाभवो मघवन्बाह्वोजाः ॥ १०.१११.०६  
 सचन्त यदुषसः सूर्येण चित्रामस्य केतवो रामविन्दन् ।  
 आ यन्नक्षत्रं ददृशे दिवो न पुनर्यतो नकिरद्धा नु वेद ॥ १०.१११.०७  
 दूरं किल प्रथमा जग्मुरासामिन्द्रस्य याः प्रसवे सस्मुरापः ।  
 क्व स्विदग्रं क्व बुध्न आसामापो मध्यं क्व वो नूनमन्तः ॥ १०.१११.०८  
 सृजः सिन्धूरहिना जग्रसानाँ आदिदेताः प्र विविञ्चे जवेन ।  
 मुमुक्षमाणा उत या मुमुञ्चेऽधेदेता न रमन्ते नितित्ताः ॥ १०.१११.०९  
 सध्रीचीः सिन्धुमुशतीरिवायन्सनाञ्जार आरितः पूर्भिदासाम् ।  
 अस्तमा ते पार्थिवा वसून्यस्मे जग्मुः सूनृता इन्द्र पूर्वीः ॥ १०.१११.१०  
 इन्द्र पिब प्रतिकामं सुतस्य प्रातःसावस्तव हि पूर्वपीतिः ।  
 हर्षस्व हन्तवे शूर शत्रूनुक्थेभिष्टे वीर्या३ प्र ब्रवाम ॥ १०.११२.०१  
 यस्ते रथो मनसो जवीयानेन्द्र तेन सोमपेयाय याहि ।  
 तूयमा ते हरयः प्र द्रवन्तु येभिर्यासि वृषभिर्मन्दमानः ॥ १०.११२.०२  
 हरित्वता वचसा सूर्यस्य श्रेष्ठे रूपैस्तन्व स्पर्शयस्व ।  
 अस्माभिरिन्द्र सखिभिर्हुवानः सध्रीचीनो मादयस्वा निषद्य ॥ १०.११२.०३  
 यस्य त्यत्ते महिमानं मदेष्विमे मही रोदसी नाविविक्ताम् ।  
 तदोक आ हरिभिरिन्द्र युक्तैः प्रियेभिर्याहि प्रियमन्नमच्छ ॥ १०.११२.०४  
 यस्य शश्वत्पपिवाँ इन्द्र शत्रूननानुकृत्या रण्या चकर्थ ।  
 स ते पुरधिं तविषीमियर्ति स ते मदाय सुत इन्द्र सोमः ॥ १०.११२.०५  
 इदं ते पात्रं सनवित्तमिन्द्र पिबा सोममेना शतक्रतो ।  
 पूर्ण आहावो मदिरस्य मध्वो यं विश्व इदभिर्हर्यन्ति देवाः ॥ १०.११२.०६  
 वि हि त्वामिन्द्र पुरुधा जनासो हितप्रयसो वृषभ ह्यन्ते ।  
 अस्माकं ते मधुमत्तमानीमा भुवन्सवना तेषु हर्य ॥ १०.११२.०७  
 प्र त इन्द्र पूर्वाणि प्र नूनं वीर्या वोचं प्रथमा कृतानि ।  
 सतीनमन्युरश्रथायो अद्रि सुवेदनामकृणोर्ब्रह्मणे गाम् ॥ १०.११२.०८  
 नि षु सीद गणपते गणेषु त्वामाहुर्विप्रतमं कवीनाम् ।

न ऋते त्वत्क्रियते किं चनारे महामर्कं मघवञ्चित्रमर्चं ॥ १०.११२.०१  
 अभिख्या नो मघवन्नाधमानान्सखे बोधि वसुपते सखीनाम् ।  
 रणं कृधि रणकृत्सत्यशुष्माभक्ते चिदा भजा राये अस्मान् ॥ १०.११२.१०  
 तमस्य द्यावापृथिवी सचेतसा विश्वेभिर्देवैरनु शुष्ममावताम् ।  
 यदैत्कृष्णानो महिमानमिन्द्रियं पीत्वी सोमस्य ऋतुमाँ अवर्धत ॥ १०.११३.०१  
 तमस्य विष्णुर्महिमानमोजसांशुं दधन्वान्मधुनो वि रक्षते ।  
 देवेभिरिन्द्रो मघवा सयावभिर्वृत्रं जघन्वाँ अभवद्वरेण्यः ॥ १०.११३.०२  
 वृत्रेण यदहिना बिभ्रदायुधा समस्थिथा युधये शंसमाविदे ।  
 विश्वे ते अत्र मरुतः सह त्मनावर्धन्नुग्र महिमानमिन्द्रियम् ॥ १०.११३.०३  
 जज्ञान एव व्यबाधत स्पृधः प्रापश्यद्वीरो अभि पौंस्यं रणम् ।  
 अवृश्चदद्रिमव सस्यदः सृजदस्तभ्रात्राकं स्वपस्यया पृथुम् ॥ १०.११३.०४  
 आदिन्द्रः सत्रा तविषीरपत्यत वरीयो द्यावापृथिवी अबाधत ।  
 अवाभरद्धृषितो वज्रमायसं शेवं मित्राय वरुणाय दाशुषे ॥ १०.११३.०५  
 इन्द्रस्यात्र तविषीभ्यो विरप्शिन ऋघायतो अरंहयन्त मन्यवे ।  
 वृत्रं यदुग्रो व्यवृश्चदोजसापो बिभ्रतं तमसा परीवृतम् ॥ १०.११३.०६  
 या वीर्याणि प्रथमानि कर्त्वा महित्वेभिर्यतमानौ समीयतुः ।  
 ध्वान्तं तमोऽव दध्वसे हत इन्द्रो महा पूर्वहूतावपत्यत ॥ १०.११३.०७  
 विश्वे देवासो अध वृष्ण्यानि तेऽवर्धयन्सोमवत्या वचस्यया ।  
 रद्धं वृत्रमहिमिन्द्रस्य हन्मनाग्निर्न जम्भैस्तृष्वन्नमावयत् ॥ १०.११३.०८  
 भूरि दक्षेभिर्वचनेभिर्ऋक्भिः सख्येभिः सख्यानि प्र वोचत ।  
 इन्द्रो धुनिं च चुमुरिं च दम्भयञ्छ्रद्धामनस्या शृणुते दभीतये ॥ १०.११३.०९  
 त्वं पुरूण्या भरा स्वश्या येभिर्मसै निवचनानि शंसन् ।  
 सुगेभिर्विश्वा दुरिता तरेम विदो पु ण उर्विया गाधमद्य ॥ १०.११३.१०  
 घर्मा समन्ता त्रिवृतं व्यापतुस्तयोर्जुष्टि मातरिश्वा जगाम ।  
 दिवस्पयो दिधिषाणा अवेषन्विदुर्देवाः सहसामानमर्कम् ॥ १०.११४.०१  
 तिस्रो देष्ट्राय निर्ऋतीरुपासते दीर्घश्रुतो वि हि जानन्ति वह्यः ।  
 तासां नि चिक्वुः कवयो निदानं परेषु या गुह्येषु व्रतेषु ॥ १०.११४.०२

चतुष्कपर्दा युवतिः सुपेशा घृतप्रतीका वयुनानि वस्ते ।  
 तस्यां सुपर्णा वृषणा नि षेदतुर्यत्र देवा दधिरे भागधेयम् ॥ १०.११४.०३  
 एकः सुपर्णः स समुद्रमा विवेश स इदं विश्वं भुवनं वि चष्टे ।  
 तं पाकेन मनसापश्यमन्तितस्तं माता रेक्वि स उ रेक्वि मातरम् ॥ १०.११४.०४  
 सुपर्णं विप्राः कवयो वचोभिरेकं सन्त बहुधा कल्पयन्ति ।  
 छन्दासि च दधतो अध्वरेषु ग्रहान्सोमस्य मिमते द्वादश ॥ १०.११४.०५  
 षट्त्रिंशोश्च चतुरः कल्पयन्तश्छन्दासि च दधत आद्वादशम् ।  
 यज्ञं विमाय कवयो मनीष ऋक्सामाभ्यां प्र रथं वर्तयन्ति ॥ १०.११४.०६  
 चतुर्दशान्ये महिमानो अस्य तं धीरा वाचा प्र णयन्ति सप्त ।  
 आप्रानं तीर्थं क इह प्र वोचद्येन पथा प्रपिबन्ते सुतस्य ॥ १०.११४.०७  
 सहस्रधा पञ्चदशान्युक्था यावद्वावापृथिवी तावदित्तत् ।  
 सहस्रधा महिमानः सहस्रं यावद्ब्रह्म विष्टितं तावती वाक् ॥ १०.११४.०८  
 कश्छन्दसां योगमा वेद धीरः को धिष्ण्यां प्रति वाचं पपाद ।  
 कमृत्विजामष्टमं शूरमाहूर्हरी इन्द्रस्य नि चिकाय कः स्वित् ॥ १०.११४.०९  
 भूम्या अन्तं पर्येके चरन्ति रथस्य धूर्षु युक्तासो अस्थुः ।  
 श्रमस्य दायं वि भजन्येभ्यो यदा यमो भवति हर्म्ये हितः ॥ १०.११४.१०  
 चित्र इच्छिशोस्तरुणस्य वक्षथो न यो मातरावप्येति धातवे ।  
 अनुधा यदि जीजनदधा च नु ववक्ष सद्यो महि दूत्यं चरन् ॥ १०.११५.०१  
 अग्निर्ह नाम धायि दन्नपस्तमः सं यो वना युवते भस्मना दता ।  
 अभिप्रमुरा जुह्वा स्वध्वर इनो न प्रोथमानो यवसे वृषा ॥ १०.११५.०२  
 तं वो विं न द्रुषद देवमन्थस इन्दुं प्रोथन्तं प्रवपन्तमर्णवम् ।  
 आसा वह्निं न शोचिषा विरष्णिनं महिब्रतं न सरजन्तमध्वनः ॥ १०.११५.०३  
 वि यस्य ते ज्रयसानस्याजर धक्षोर्न वाताः परि सन्त्यच्युताः ।  
 आ रण्वासो युयुधयो न सत्वनं त्रितं नशन्त प्र शिषन्त इष्टये ॥ १०.११५.०४  
 स इदग्निः कण्वतमः कण्वसखार्यः परस्थान्तरस्य तरुषः ।  
 अग्निः पातु गृणतो अग्निः सूरीनग्निर्ददातु तेषामवो नः ॥ १०.११५.०५  
 वाजिन्तमाय सह्यसे सुपित्र्य तृषु च्यवानो अनु जातवेदसे ।

अनुद्रे चिद्यो धृषता वरं सते महिन्तमाय धन्वनेदविष्यते ॥ १०.११५.०६  
 एवाग्निर्मतेः सह सूरिभिर्वसुः ष्टवे सहसः सूनरो नृभिः ।  
 मित्रासो न ये सुधिता ऋतायवो द्यावो न द्युमैरभि सन्ति मानुषान् ॥ १०.११५.०७  
 ऊर्जा नपात्सहसावन्निति त्वोपस्तुतस्य वन्दते वृषा वाक् ।  
 त्वां स्तोषाम त्वया सुवीरा द्राघीय आयुः प्रतरं दधानाः ॥ १०.११५.०८  
 इति त्वाग्ने वृष्टिहव्यस्य पुत्रा उपस्तुतास ऋषयोऽवोचन् ।  
 ताँश्च पाहि गृणतश्च सूरिन्वषड्वषळित्यूर्ध्वासो अनक्षत्रमो नम इत्यूर्ध्वासो अनक्षन् ॥  
 १०.११५.०९  
 पिबा सोमं महत इन्द्रियाय पिबा वृत्राय हन्तवे शविष्ठ ।  
 पिब राये शवसे ह्यमानः पिब मध्वस्तृपदिन्द्रा वृषस्व ॥ १०.११६.०१  
 अस्य पिब क्षुमतः प्रस्थितस्येन्द्र सोमस्य वरमा सुतस्य ।  
 स्वस्तिदा मनसा मादयस्वार्वाचीनो रेवते सौभगाय ॥ १०.११६.०२  
 ममत्तु त्वा दिव्यः सोम इन्द्र ममत्तु यः सूयते पार्थिवेषु ।  
 ममत्तु येन वरिवश्चकथं ममत्तु येन निरिणासि शत्रून् ॥ १०.११६.०३  
 आ द्विबर्हा अमिनो यात्विन्द्रो वृषा हरिभ्यां परिषिक्तमन्धः ।  
 गव्या सुतस्य प्रभृतस्य मध्वः सत्रा खेदामरुशहा वृषस्व ॥ १०.११६.०४  
 नि तिग्मानि भ्राशयन्भ्राश्यान्यव स्थिरा तनुहि यातुजूनाम् ।  
 उग्राय ते सहो बलं ददामि प्रतीत्या शत्रून्विगदेषु वृश्च ॥ १०.११६.०५  
 व्यश्यं इन्द्र तनुहि श्रवांस्योजः स्थिरेव धन्वनोऽभिमातीः ।  
 अस्मद्गवावृधानः सहोभिरनिभृष्टस्तन्वं वावृधस्व ॥ १०.११६.०६  
 इदं हविर्मघवन्तुभ्यं रातं प्रति सम्राळहृणानो गृभाय ।  
 तुभ्यं सुतो मघवन्तुभ्यं पक्कोऽद्धीन्द्र पिब च प्रस्थितस्य ॥ १०.११६.०७  
 अद्धीदिन्द्र प्रस्थितेमा हवींषि चनो दधिष्व पचतोत सोमम् ।  
 प्रयस्वन्तः प्रति हर्यामसि त्वा सत्याः सन्तु यजमानस्य कामाः ॥ १०.११६.०८  
 प्रेन्द्राग्निभ्यां सुवचस्यामियमिं सिन्धाविव प्रेरयं नावमर्केः ।  
 अया इव परि चरन्ति देवा ये अस्मभ्यं धनदा उद्भिदश्च ॥ १०.११६.०९  
 न वा उ देवाः क्षुधमिद्वधं ददुरुताशितमुप गच्छन्ति मृत्यवः ।

उतो रयिः पृणतो नोप दस्यत्युतापृणन्मर्दितारं न विन्दते ॥ १०.११७.०१  
 य आध्राय चकमानाय पित्वोऽन्नवान्सन्नफितायोपजग्मुषे ।  
 स्थिरं मनः कृणुते सेवते पुरोतो चित्स मर्दितारं न विन्दते ॥ १०.११७.०२  
 स इद्भोजो यो गृहवे ददात्यन्नकामाय चरते कृशाय ।  
 अरमस्मै भवति यामहूता उतापरीषु कृणुते सखायम् ॥ १०.११७.०३  
 न स सखा यो न ददाति सख्यं सचाभुवे सचमानाय पित्वः ।  
 अपास्मात्प्रेयान्न तदोको अस्ति पृणन्तमन्यमरणं चिदिच्छेत् ॥ १०.११७.०४  
 पृणीयादिन्नाधमानाय तव्यान्द्रार्धीयांसमनु पश्येत पन्थाम् ।  
 ओ हि वर्तन्ते रथ्येव चक्रान्यमन्यमुप तिष्ठन्त रायः ॥ १०.११७.०५  
 मोघमन्नं विन्दते अप्रचेताः सत्यं ब्रवीमि वध इत्स तस्य ।  
 नार्यमणं पुष्यति नो सखायं केवलाघो भवति केवलादी ॥ १०.११७.०६  
 कृषन्नित्फाल आशितं कृणोति यन्नध्वानमप वृङ्के चरित्रैः ।  
 वदन्नह्मावदतो वनीयान्पृणन्नापिरपृणन्तमभि प्यात् ॥ १०.११७.०७  
 एकपाद्भूयो द्विपदो वि चक्रमे द्विपात्रिपादमभ्येति पश्चात् ।  
 चतुष्पादेति द्विपदामभिस्वरे सम्पश्यन्पङ्कीरुपतिष्ठमानः ॥ १०.११७.०८  
 समौ चिद्धस्तौ न समं विविष्टः सम्मातरा चित्र समं दुहाते ।  
 यमयोश्चित्र समा वीयाणि ज्ञाती चित्सन्तौ न समं पृणीतः ॥ १०.११७.०९  
 अग्ने हंसि न्यश्त्रिणं दीद्यन्मर्त्येष्व ।  
 स्वे क्षये शुचिव्रत ॥ १०.११८.०१  
 उत्तिष्ठसि स्वाहुतो घृतानि प्रति मोदसे ।  
 यत्त्वा सुचः समस्थिरन् ॥ १०.११८.०२  
 स आहुतो वि रोचतेऽग्निरीळैन्यो गिरा ।  
 सुचा प्रतीकमज्यते ॥ १०.११८.०३  
 घृतेनाग्निः समज्यते मधुप्रतीक आहुतः ।  
 रोचमानो विभावसुः ॥ १०.११८.०४  
 जरमाणः समिध्यसे देवेभ्यो हव्यवाहन ।  
 तं त्वा हवन्त मर्त्याः ॥ १०.११८.०५

तं॑ म॒र्ता॑ अ॒म॒र्त्यं॑ घृ॒तेना॒ग्निं॑ स॒प॒र्यत॑ ।  
अ॒दा॒भ्यं॑ गृ॒ह॒प॒तिम् ॥ १०.११८.०६  
अ॒दा॒भ्येन॑ शो॒चिषा॒ग्ने र॒क्ष॒स्त्वं द॑ह ।  
गो॒पा ऋ॒तस्य॑ दी॒दिहि॑ ॥ १०.११८.०७  
स त्व॒म॒ग्ने प्र॒ती॒केन॑ प्र॒त्योष॑ या॒तुधा॒न्यः ।  
उ॒रु॒क्षये॑षु दी॒द्यत् ॥ १०.११८.०८  
तं त्वा॑ गी॒र्भिरु॒क्षया॑ ह॒व्यवा॒हं स॒मीधि॑रे ।  
यजि॑ष्ठं॒ मानु॑षे॒ जने॑ ॥ १०.११८.०९  
इति॑ वा इति॑ मे॒ मनो॑ गा॒मश्च॑ स॒नुया॒मिति॑ ।  
कु॒वि॒त्सो॒म॒स्यापा॒मिति॑ ॥ १०.११९.०१  
प्र वा॒ता इ॒व दो॒धत॑ उ॒न्मा पी॒ता अ॒यंस॑त ।  
कु॒वि॒त्सो॒म॒स्यापा॒मिति॑ ॥ १०.११९.०२  
उ॒न्मा पी॒ता अ॒यंस॑त॒ रथ॑म॒श्वा इ॒वा॒शवः॑ ।  
कु॒वि॒त्सो॒म॒स्यापा॒मिति॑ ॥ १०.११९.०३  
उप॑ मा॒ मति॑र॒स्थित॑ वा॒श्रा पु॒त्रमि॑व॒ प्रिय॑म् ।  
कु॒वि॒त्सो॒म॒स्यापा॒मिति॑ ॥ १०.११९.०४  
अ॒हं त॑ष्टे॒व व॒भ्युरं॑ प॒र्यचा॑मि॒ हृदा॑ म॒तिम् ।  
कु॒वि॒त्सो॒म॒स्यापा॒मिति॑ ॥ १०.११९.०५  
न॒हि मे॑ अ॒क्षिप॑च्च॒नाच्छा॑न्त्सुः प॒ञ्च कृ॑ष्टयः ।  
कु॒वि॒त्सो॒म॒स्यापा॒मिति॑ ॥ १०.११९.०६  
न॒हि मे॑ रो॒दसी॑ उ॒भे अ॒न्यं प॒क्षं च॑न प्र॒ति ।  
कु॒वि॒त्सो॒म॒स्यापा॒मिति॑ ॥ १०.११९.०७  
अ॒भि द्यां॑ म॒हिना॑ भु॒वम॒भी॒३मां॑ पृथि॒वीं म॒हीम् ।  
कु॒वि॒त्सो॒म॒स्यापा॒मिति॑ ॥ १०.११९.०८  
ह॒न्ता॒हं पृथि॑वीमि॒मां नि॑ द॒धानी॒ह वे॒ह वा॑ ।  
कु॒वि॒त्सो॒म॒स्यापा॒मिति॑ ॥ १०.११९.०९  
ओष॑मि॒त्पृथि॑वीम॒हं ज॒ङ्घना॑नी॒ह वे॒ह वा॑ ।

कुवित्सोमस्यापामिति ॥ १०.११९.१०

दिवि मे अन्यः पक्षोऽधो अन्यमचीकृषम् ।

कुवित्सोमस्यापामिति ॥ १०.११९.११

अहमस्मि महामहोऽभिनभ्यमुदीषितः ।

कुवित्सोमस्यापामिति ॥ १०.११९.१२

गृहो याम्यरकृतो देवेभ्यो हव्यवाहनः ।

कुवित्सोमस्यापामिति ॥ १०.११९.१३

तदिदास भुवनेषु ज्येष्ठं यतो जज्ञ उग्रस्त्वेषनृष्णः ।

सद्यो जज्ञानो नि रिणाति शत्रूनु यं विश्वे मदन्त्यूमाः ॥ १०.१२०.०१

वावृधानः शवसा भूर्योजाः शत्रुर्दासाय भियसं दधाति ।

अव्यनच्च व्यनच्च सस्त्रि सं ते नवन्त प्रभृता मदेषु ॥ १०.१२०.०२

त्वे ऋतुमपि वृञ्जन्ति विश्वे द्विर्यदेते त्रिर्भवन्त्यूमाः ।

स्वादोः स्वादीयः स्वादुना सृजा समदः सु मधु मधुनाभि योधीः ॥ १०.१२०.०३

इति चिद्धि त्वा धना जयन्तं मदेमदे अनुमदन्ति विप्राः ।

ओजोयो धृष्णो स्थिरमा तनुष्व मा त्वा दभन्यातुधाना दुरेवाः ॥ १०.१२०.०४

त्वया वयं शाशद्महे रणेषु प्रपश्यन्तो युधेन्यानि भूरि ।

चोदयामि त आयुधा वचोभिः सं ते शिशामि ब्रह्मणा वयांसि ॥ १०.१२०.०५

स्तुषेय्यं पुरुवर्षसमृभ्वमिनतममाप्त्यमाप्त्यानाम् ।

आ दर्षते शवसा सप्त दानून्प्र साक्षते प्रतिमानानि भूरि ॥ १०.१२०.०६

नि तद्दधिषेऽवरं परं च यस्मिन्नाविथावसा दुरोणे ।

आ मातरा स्थापयसे जिगलू अत इनोषि कर्वरा पुरूणि ॥ १०.१२०.०७

इमा ब्रह्म बृहद्विवो विवक्तीन्द्राय शूषमग्निः स्वर्षाः ।

महो गोत्रस्य क्षयति स्वराजो दुरश्च विश्वा अवृणोदप स्वाः ॥ १०.१२०.०८

एवा महान्बृहद्विवो अथर्वावोचत्स्वां तन्वश्मिन्द्रमेव ।

स्वसारो मातरिभ्वरीररिप्रा हिन्वन्ति च शवसा वर्धयन्ति च ॥ १०.१२०.०९

हिरण्यगर्भः समवर्तताग्रे भूतस्य जातः पतिरेक आसीत् ।

स दाधार पृथिवीं द्यामुतेमां कस्मै देवाय हविषा विधेम ॥ १०.१२१.०१

य आत्मदा बलदा यस्य विश्व उपासते प्रशिषं यस्य देवाः ।  
 यस्य छायामृतं यस्य मृत्युः कस्मै देवाय हविषा विधेम ॥ १०.१२१.०२  
 यः प्राणतो निमिषतो महित्वैक इद्राजा जगतो बभूव ।  
 य ईशे अस्य द्विपदश्चतुष्पदः कस्मै देवाय हविषा विधेम ॥ १०.१२१.०३  
 यस्येमे हिमवन्तो महित्वा यस्य समुद्रं रसया सहाहुः ।  
 यस्येमाः प्रदिशो यस्य बाहू कस्मै देवाय हविषा विधेम ॥ १०.१२१.०४  
 येन द्यौरुग्रा पृथिवी च दृक्त्वा येन स्वः स्तभितं येन नाकः ।  
 यो अन्तरिक्षे रजसो विमानः कस्मै देवाय हविषा विधेम ॥ १०.१२१.०५  
 यं क्रन्दसी अवसा तस्तभाने अभ्यैक्षेतां मनसा रेजमाने ।  
 यत्राधि सूर उदितो विभाति कस्मै देवाय हविषा विधेम ॥ १०.१२१.०६  
 आपो ह यद्बृहतीर्विश्वमायन्गर्भं दधाना जनयन्तीरग्निम् ।  
 ततो देवानां समवर्ततासुरेकः कस्मै देवाय हविषा विधेम ॥ १०.१२१.०७  
 यश्चिदापो महिना पर्यपश्यद्वक्षं दधाना जनयन्तीर्यज्ञम् ।  
 यो देवेष्वधि देव एक आसीत्कस्मै देवाय हविषा विधेम ॥ १०.१२१.०८  
 मा नो हिंसीञ्जनिता यः पृथिव्या यो वा दिवं सत्यधर्मा जजान ।  
 यश्चापश्चन्द्रा बृहतीर्जजान कस्मै देवाय हविषा विधेम ॥ १०.१२१.०९  
 प्रजापते न त्वदेतान्यन्यो विश्वा जातानि परि ता बभूव ।  
 यत्कामास्ते जुहुमस्तन्नो अस्तु वयं स्याम पतयो रयीणाम् ॥ १०.१२१.१०  
 वसुं न चित्रमहसं गृणीषे वामं शेवमतिथिमद्विषेण्यम् ।  
 स रासते शुरुधो विश्वधायसोऽग्निर्होता गृहपतिः सुवीर्यम् ॥ १०.१२२.०१  
 जुषाणो अग्ने प्रति हर्य मे वचो विश्वानि विद्वान्वयुनानि सुक्रतो ।  
 घृतनिर्णिग्ब्रह्मणे गातुमेरय तव देवा अजनयन्ननु व्रतम् ॥ १०.१२२.०२  
 सप्त धामानि परियन्नमर्त्यो दाशद्वाशुषे सुकृते मामहस्व ।  
 सुवीरेण रयीणाग्ने स्वाभुवा यस्त आनट् समिधा तं जुषस्व ॥ १०.१२२.०३  
 यज्ञस्य केतुं प्रथमं पुरोहितं हविष्मन्त ईळते सप्त वाजिनम् ।  
 शृण्वन्तमग्निं घृतपृष्ठमुक्षणं पृणन्तं देवं पृणते सुवीर्यम् ॥ १०.१२२.०४  
 त्वं दूतः प्रथमो वरेण्यः स हूयमानो अमृताय मत्स्व ।



त्वां म॑र्जयन्म॒रुतो॑ दा॒शुषो॑ गृहे॒ त्वां स्तोमे॑भिर्भृ॒गवो॑ वि रुरुचुः ॥ १०.१२२.०५  
 इषं॑ दु॒हन्सु॑दुघां॒ विश्व॑धायसं य॒ज्ञप्रि॑ये यज॒मानाय॑ सु॒क्रतो॑ ।  
 अग्ने॑ घृ॒तसु॑स्त्रि॒र्ऋतानि॑ दी॒द्यद्व॑र्तिर्य॒ज्ञं परि॑यन्सु॒क्रतू॑यसे ॥ १०.१२२.०६  
 त्वामि॑दस्या॒ उपसो॑ व्युष्टिषु॒ दूतं॑ कृ॒ण्वाना॑ अ॒यजन्त॑ मानुषाः ।  
 त्वां दे॒वा मह॑याय्याय वावृ॒धुरा॑ज्यमग्ने॒ निमृ॑जन्तो॒ अध्वरे॑ ॥ १०.१२२.०७  
 नि त्वा॑ वसि॒ष्ठा अ॒ह्वन्त॑ वा॒जिनं॑ गृणन्तो॒ अग्ने॑ वि॒दथे॑षु वे॒धसः॑ ।  
 रा॒यस्पोषं॑ यज॒मानेषु॑ धारय॒ यूयं॑ पात॒ स्वस्ति॑भिः सदा॒ नः ॥ १०.१२२.०८  
 अयं॑ वे॒नश्चो॑दयत्पृ॒श्निर्गर्भा॑ ज्योति॒र्जरा॑यू रज॒सो वि॑माने ।  
 इ॒मम॑पां॒ संग॑मे॒ सूर्य॑स्य॒ शिशुं॑ न वि॒प्रा म॑तिभी॒ रिह॑न्ति ॥ १०.१२३.०१  
 स॒मुद्रा॑दूर्मिमु॒दिर्यति॑ वे॒नो न॑भो॒जाः पृ॑ष्ठं ह॒र्यत॑स्य॒ दर्शि॑ ।  
 ऋ॒तस्य॑ सा॒नावधि॑ वि॒ष्टपि॑ भ्राट् स॒मानं॑ यो॒निम॒भ्यनू॑षत॒ ब्राः ॥ १०.१२३.०२  
 स॒मानं॑ पूर्वी॒रभि॑ वाव॒शाना॑स्तिष्ठन्वत्स॒स्य मा॑तरः॒ सनी॑ळाः ।  
 ऋ॒तस्य॑ सा॒नावधि॑ च॒क्रमा॑णा॒ रिह॑न्ति॒ मध्वो॑ अ॒मृत॑स्य॒ वाणीः॑ ॥ १०.१२३.०३  
 जा॒नन्तो॑ रू॒पम॑कृ॒पन्त॑ वि॒प्रा मृ॑गस्य॒ घोषं॑ महि॒षस्य॑ हि॒ ग्मन् ।  
 ऋ॒तेन॑ यन्तो॒ अधि॑ सि॒न्धुम॑स्थुर्वि॒दद्गन्ध॑र्वो॒ अमृ॑तानि॒ नाम ॥ १०.१२३.०४  
 अ॒प्सरा॑ जा॒रमु॑पसिष्मि॒याणा॑ योषा॒ बिभ॑र्ति॒ पर॑मे॒ व्योम॑न् ।  
 च॒रत्प्रि॑यस्य॒ योनि॑षु॒ प्रियः॑ सन्सी॒दत्प॑क्षे॒ हिर॑ण्यये॒ स वे॑नः ॥ १०.१२३.०५  
 नाके॑ सु॒पर्ण॑मुप॒ यत्प॑तन्तं॒ हृदा॑ वे॒नन्तो॑ अ॒भ्यच॑क्षत॒ त्वा ।  
 हि॒र॑ण्यप॒क्षं व॑रुणस्य॒ दूतं॑ य॒मस्य॑ यो॒नौ श॑कु॒नं भु॑रण्युम् ॥ १०.१२३.०६  
 ऊ॒र्ध्वो ग॑न्ध॒र्वो अधि॑ नाके॒ अस्था॑त्प्रत्यङ्घ्रि॒त्रा बि॑भ्रद॒स्यायु॑धानि ।  
 व॒सानो॑ अ॒त्कं सु॑रभिं॒ दृशे॑ कं स्व॒र्णं नाम॑ ज॒नत॑ प्रि॒याणि ॥ १०.१२३.०७  
 द्र॒प्सः स॒मुद्र॑मभि॒ यञ्जि॑गाति॒ पश्य॑न्गृ॒ध्रस्य॑ च॒क्षसा॑ वि॒धर्म॑न् ।  
 भानुः॑ शु॒क्रेण॑ शोचिषा॒ चका॑नस्तु॒तीये॑ च॒क्रे र॑जसि॒ प्रिया॑णि ॥ १०.१२३.०८  
 इ॒मं नो॑ अ॒ग्न उ॑प॒ यज्ञ॑मेहि॒ पञ्च॑यामं॒ त्रिवृ॑तं॒ सप्त॑तन्तुम् ।  
 असो॑ ह॒व्यवा॑ल्लु॒त नः॑ पु॒रोगा॑ ज्यो॒गेव॑ दी॒र्घं त॑म॒ आश॑यिष्ठाः ॥ १०.१२४.०१  
 अदे॒वाद्दे॒वः प्र॑च॒ता गु॑हा॒ यन्प्र॑पश्य॒मानो॑ अ॒मृत॑त्वमेमि ।  
 शि॒वं य॑त्सन्त॒मशि॒वो ज॑हामि॒ स्वात्स॑ख्या॒दर॑णीं॒ नाभि॑मेमि ॥ १०.१२४.०२

पश्यन्नन्यस्या अतिथिं वयाया ऋतस्य धाम वि मिमे पुरूणि ।  
 शंसामि पित्रे असुराय शेवमयज्ञियाद्यज्ञियं भागमेमि ॥ १०.१२४.०३  
 बह्वीः समा अकरमन्तरस्मिन्निन्द्रं वृणानः पितरं जहामि ।  
 अग्निः सोमो वरुणस्ते च्यवन्ते पर्यावर्द्राष्टं तदवाम्यायन् ॥ १०.१२४.०४  
 निर्माया उ त्ये असुरा अभूवन्त्वं च मा वरुण कामयासे ।  
 ऋतेन राजन्नृतं विविश्चन्मम राष्ट्रस्याधिपत्यमेहि ॥ १०.१२४.०५  
 इदं स्वरिदमिदास वाममयं प्रकाश उर्वंशन्तरिक्षम् ।  
 हनाव वृत्रं निरेहि सोम हविष्वा सन्तं हविषा यजाम ॥ १०.१२४.०६  
 कविः कवित्वा दिवि रूपमासज्जदप्रभूती वरुणो निरपः सृजत् ।  
 क्षेमं कृण्वाना जनयो न सिन्धवस्ता अस्य वर्णं शुचयो भरिभ्रति ॥ १०.१२४.०७  
 ता अस्य ज्येष्ठमिन्द्रियं सचन्ते ता ईमा क्षति स्वधया मदन्तीः ।  
 ता ई विशो न राजानं वृणाना बीभत्सुवो अप वृत्रादतिष्ठन् ॥ १०.१२४.०८  
 बीभत्सूनां सयुजं हंसमाहुरपां दिव्यानां सख्ये चरन्तम् ।  
 अनुष्टुभमनु चर्चूर्यमाणमिन्द्रं नि चिक्वुः कवयो मनीषा ॥ १०.१२४.०९  
 अहं रुद्रेभिर्वसुभिश्चराम्यहमादित्यैरुत विश्वदेवैः ।  
 अहं मित्रावरुणोभा बिभर्म्यहमिन्द्राग्नी अहमश्विनोभा ॥ १०.१२५.०१  
 अहं सोममाहनसं बिभर्म्यहं त्वष्टारमुत पूषणं भगम् ।  
 अहं दधामि द्रविणं हविष्मते सुप्राव्येऽ यजमानाय सुन्वते ॥ १०.१२५.०२  
 अहं राष्ट्री संगमनी वसूनां चिकितुषी प्रथमा यज्ञियानाम् ।  
 तां मा देवा व्यदधुः पुरुत्रा भूरिस्थात्रां भूर्यावेशयन्तीम् ॥ १०.१२५.०३  
 मया सो अन्नमत्ति यो विपश्यति यः प्राणिति य ई शृणोत्युक्तम् ।  
 अमन्तवो मां त उप क्षियन्ति श्रुधि श्रुत श्रद्धिवं ते वदामि ॥ १०.१२५.०४  
 अहमेव स्वयमिदं वदामि जुष्टं देवेभिरुत मानुषेभिः ।  
 यं कामये तंतमुग्रं कृणोमि तं ब्रह्माणं तमृषिं तं सुमेधाम् ॥ १०.१२५.०५  
 अहं रुद्राय धनुरा तनोमि ब्रह्मद्विषे शरवे हन्तवा उ ।  
 अहं जनाय समदं कृणोम्यहं द्यावापृथिवी आ विवेश ॥ १०.१२५.०६  
 अहं सुवे पितरमस्य मूर्धन्मम योनिरप्स्वशन्तः समुद्रे ।

ततो वि तिष्ठे भुवनानु विश्वोतामूं द्यां वर्ष्मणोप स्पृशामि ॥ १०.१२५.०७  
अहमेव वात इव प्र वाम्यारभमाणा भुवनानि विश्वा ।  
परो दिवा पर एना पृथिव्यैतावती महिना सं बभूव ॥ १०.१२५.०८  
न तमंहो न दुरितं देवासो अष्ट मर्त्यम् ।  
सजोषसो यमर्यमा मित्रो नयन्ति वरुणो अति द्विषः ॥ १०.१२६.०१  
तद्धि वयं वृणीमहे वरुण मित्रार्यमन् ।  
येना निरंहसो यूयं पाथ नेथा च मर्त्यमति द्विषः ॥ १०.१२६.०२  
ते नूनं नोऽयमृतये वरुणो मित्रो अर्यमा ।  
नयिष्ठा उ नो नेषणि पर्षिष्ठा उ नः पर्षण्यति द्विषः ॥ १०.१२६.०३  
यूयं विश्वं परि पाथ वरुणो मित्रो अर्यमा ।  
युष्माकं शर्मणि प्रिये स्याम सुप्रणीतयोऽति द्विषः ॥ १०.१२६.०४  
आदित्यासो अति स्निधो वरुणो मित्रो अर्यमा ।  
उग्रं मरुद्धी रुद्रं हुवेमेन्द्रमग्निं स्वस्तयेऽति द्विषः ॥ १०.१२६.०५  
नेतार ऊ षु णस्तिरो वरुणो मित्रो अर्यमा ।  
अति विश्वानि दुरिता राजानश्चर्षणीनामति द्विषः ॥ १०.१२६.०६  
शुनमस्मभ्यमृतये वरुणो मित्रो अर्यमा ।  
शर्म यच्छन्तु सप्रथ आदित्यासो यदीमहे अति द्विषः ॥ १०.१२६.०७  
यथा ह त्यद्वसवो गौर्यं चित्पदि पिताममुञ्चता यजत्राः ।  
एवो ष्वश्मन्मुञ्चता व्यंहः प्र तार्यग्ने प्रतरं न आयुः ॥ १०.१२६.०८  
रात्री व्यग्व्यदायती पुरुत्रा देव्यश्क्षभिः ।  
विश्वा अधि श्रियोऽधित ॥ १०.१२७.०१  
ओर्वप्रा अमर्त्या निवतो देव्युद्धतः ।  
ज्योतिषा बाधते तमः ॥ १०.१२७.०२  
निरु स्वसारमस्कृतोषसं देव्यायती ।  
अपेदु हासते तमः ॥ १०.१२७.०३  
सा नो अद्य यस्या वयं नि ते यामन्नविक्षमहि ।  
वृक्षे न वसति वयः ॥ १०.१२७.०४

नि ग्रामासो अविक्षत नि पद्वन्तो नि पक्षिणः ।  
नि श्येनासश्चिदर्थिनः ॥ १०.१२७.०५  
यावया वृक्चं१ वृकं यवय स्तेनमूर्म्ये ।  
अथा नः सुतरा भव ॥ १०.१२७.०६  
उप मा पेपिशत्तमः कृष्णं व्यक्तमस्थित ।  
उष ऋणेव यातय ॥ १०.१२७.०७  
उप ते गा इवाकरं वृणीष्व दुहितर्दिवः ।  
रात्रि स्तोमं न जिग्युषे ॥ १०.१२७.०८  
ममाग्ने वर्चो विह्वेष्वस्तु वयं त्वेन्धानास्तन्वं पुषेम ।  
मह्यं नमन्तां प्रदिशश्चतस्रस्त्वयाध्यक्षेण पृतना जयेम ॥ १०.१२८.०१  
मम देवा विह्वे सन्तु सर्व इन्द्रवन्तो मरुतो विष्णुरग्निः ।  
ममान्तरिक्षमुरुलोकमस्तु मह्यं वातः पवतां कामे अस्मिन् ॥ १०.१२८.०२  
मयि देवा द्रविणमा यजन्तां मय्याशीरस्तु मयि देवहूतिः ।  
दैव्या होतारो वनुषन्त पूर्वेऽरिष्टाः स्याम तन्वा सुवीराः ॥ १०.१२८.०३  
मह्यं यजन्तु मम यानि हव्याकृतिः सत्या मनसो मे अस्तु ।  
एनो मा नि गां कतमच्चनाहं विश्वे देवासो अधि वोचता नः ॥ १०.१२८.०४  
देवीः षळ्वीरुरु नः कृणोत विश्वे देवास इह वीरयध्वम् ।  
मा हास्महि प्रजया मा तनुभिर्मा रधाम द्विषते सोम राजन् ॥ १०.१२८.०५  
अग्ने मन्युं प्रतिनुदन्यरेषामदब्धो गोपाः परि पाहि नस्त्वम् ।  
प्रत्यञ्चो यन्तु निगुतः पुनस्तेऽमैषां चित्तं प्रबुधां वि नेशत् ॥ १०.१२८.०६  
धाता धातृणां भुवनस्य यस्पतिर्देवं त्रातारमभिमातिषाहम् ।  
इमं यज्ञमश्विनोभा बृहस्पतिर्देवाः पान्तु यजमानं न्यर्थात् ॥ १०.१२८.०७  
उरुव्यचा नो महिषः शर्म यंसदस्मिन्हवे पुरुहूतः पुरुक्षुः ।  
स नः प्रजाये हर्यश्च मृळयेन्द्र मा नो रीरिषो मा परा दाः ॥ १०.१२८.०८  
ये नः सपत्ना अप ते भवन्त्विन्द्राग्निभ्यामव बाधामहे तान् ।  
वसवो रुद्रा आदित्या उपरिस्पृशं मोग्रं चेतारमधिराजमक्रन् ॥ १०.१२८.०९  
नासदासीन्नो सदासीत्तदानीं नासीद्रजो नो व्योमा परो यत् ।

किमावरीवः कुह कस्य शर्मन्नम्भः किमासीद्ग्रहनं गभीरम् ॥ १०.१२९.०१  
न मृत्युरासीदमृतं न तर्हि न रात्र्या अह आसीत्प्रकेतः ।  
आनीदवातं स्वधया तदेकं तस्माद्धान्यन्न परः किं चनास ॥ १०.१२९.०२  
तम आसीत्तमसा गूळ्हमग्नेऽप्रकेतं सलिलं सर्वमा इदम् ।  
तुच्छेनाभ्वपिहितं यदासीत्तपसस्तन्महिनाजायतैकम् ॥ १०.१२९.०३  
कामस्तदग्ने समवर्तताधि मनसो रेतः प्रथमं यदासीत् ।  
सतो बन्धुमसति निरविन्दन्हृदि प्रतीष्या कवयो मनीषा ॥ १०.१२९.०४  
तिरश्चीनो विततो रश्मिरेषामधः स्विदासीद्दुपरि स्विदासीत् ॥ १०.१२९.०५  
रेतोधा आसन्महिमान आसन्स्वधा अवस्तात्प्रयतिः परस्तात् ॥ १०.१२९.०६  
को अद्धा वेद क इह प्र वोचत्कुत आजाता कुत इयं विसृष्टिः ।  
अर्वाग्देवा अस्य विसर्जनेनाथा को वेद यत आबभूव ॥ १०.१२९.०६  
इयं विसृष्टिर्यत आबभूव यदि वा दधे यदि वा न ।  
यो अस्याध्यक्षः परमे व्योमन्सो अङ्ग वेद यदि वा न वेद ॥ १०.१२९.०७  
यो यज्ञो विश्वतस्तन्तुभिस्तत एकशतं देवकर्मभिरायतः ।  
इमे वयन्ति पितरो य आययुः प्र वयाप वयेत्यासते तते ॥ १०.१३०.०१  
पुमां एनं तनुत उत्कृणत्ति पुमान्वि तन्ने अधि नाके अस्मिन् ।  
इमे मयूखा उप सेदुरू सदः सामानि चक्रुस्तसराण्योतवे ॥ १०.१३०.०२  
कासीत्प्रमा प्रतिमा किं निदानमाज्यं किमासीत्परिधिः क आसीत् ।  
छन्दः किमासीत्प्रउगं किमुक्थं यद्देवा देवमयजन्त विश्वे ॥ १०.१३०.०३  
अग्नेर्गायत्र्यभवत्सयुग्वोष्णिहया सविता सं बभूव ।  
अनुष्टुभा सोम उक्थैर्महस्वान्बृहस्पतेर्बृहती वाचमावत् ॥ १०.१३०.०४  
विराप्मित्रावरुणयोरभिश्चीरिन्द्रस्य त्रिष्टुबिह भागो अहः ।  
विश्वान्देवाञ्जगत्या विवेश तेन चाक्लृप्र ऋषयो मनुष्याः ॥ १०.१३०.०५  
चाक्लृप्रे तेन ऋषयो मनुष्या यज्ञे जाते पितरो नः पुराणे ।  
पश्यन्मन्ये मनसा चक्षसा तान्य इमं यज्ञमयजन्त पूर्वं ॥ १०.१३०.०६  
सहस्तोमाः सहछन्दस आवृतः सहप्रमा ऋषयः सप्त दैव्याः ।  
पूर्वेषां पन्थामनुदृश्य धीरा अन्वालेभिरे रथ्योऽ न रश्मीन् ॥ १०.१३०.०७

अप॒ प्राच॑ इन्द्र॒ विश्वाँ॑ अ॒मित्रान॑पापाचो॒ अभिभू॑ते नुदस्व ।  
 अपोदी॑चो॒ अप॒ शूराध॑राच॒ उरौ॑ यथा॒ तव॑ शर्मन्मदेम ॥ १०.१३१.०१  
 कु॒विदङ्ग॑ यवमन्तो॒ यवं चि॑द्यथा॒ दान्त्यनु॑पूर्वं॒ वियू॑य ।  
 इहे॑हैषां॒ कृणु॑हि॒ भोज॑नानि॒ ये ब॑र्हिषो॒ नमो॑वृक्तिं॒ न जग्मुः॑ ॥ १०.१३१.०२  
 नहि॑ स्थू॒र्यु॒तुथा॑ या॒तम॑स्ति॒ नोत॑ श्रवो॒ विवि॑दे॒ संग॑मेषु ।  
 ग॒व्यन्त॑ इन्द्र॒ सख्या॑य॒ विप्रा॑ अ॒श्वाय॑न्तो॒ वृष॑णं॒ वाज॑यन्तः ॥ १०.१३१.०३  
 यु॒वं सु॑राम॒मश्वि॑ना॒ नमु॑चावा॒सुरे॑ सचा ।  
 वि॒पिपा॑ना॒ शुभ॑स्पती॒ इन्द्रं॑ कर्म॒स्वाव॑तम् ॥ १०.१३१.०४  
 पु॒त्रमि॑व॒ पित॑रा॒वश्वि॑नो॒भेन्द्रा॑वथुः॒ काव्यै॑र्द॒सना॑भिः ।  
 यत्सु॑रामं॒ व्यपि॑बः॒ शची॑भिः॒ सर॑स्वती॒ त्वा म॑घवन्नभिष्णक् ॥ १०.१३१.०५  
 इन्द्रः॑ सु॒त्रामा॑ स्व॒वाँ अ॒वोभिः॑ सु॒मृळी॑को॒ भव॑तु॒ विश्व॑वेदाः ।  
 बाध॑तां॒ द्वेषो॑ अ॒भयं॑ कृणोतु॒ सुवी॑र्यस्य॒ पत॑यः स्याम ॥ १०.१३१.०६  
 तस्य॑ व॒यं सु॑मतौ॒ यज्ञि॑यस्यापि॒ भद्रे॑ सौमनसे स्याम ।  
 स सु॒त्रामा॑ स्व॒वाँ इन्द्रो॑ अ॒स्मे आ॒राचि॑द्वेषः॒ सनु॑तर्युयोतु ॥ १०.१३१.०७  
 ई॒जान॑मि॒द्वौर्गू॑र्ता॒वसु॑री॒जानं॑ भूमि॒रभि॑ प्र॒भूष॑णि ।  
 ई॒जानं॑ दे॒वाव॑श्वि॒नाव॑भि॒ सुमै॑रवर्धताम् ॥ १०.१३२.०१  
 ता वा॑ मि॒त्राव॑रुणा॒ धार॑यत्क्षिती॒ सुपु॑म्रेषि॒तत्व॑ता॒ यजा॑मसि ।  
 यु॒वोः क्रा॑णाय॒ सख्यै॑र॒भि प्या॑म॒ रक्ष॑सः ॥ १०.१३२.०२  
 अथा॑ चि॒न्नु य॑द्विधिषामहे॒ वाम॑भि॒ प्रियं॑ रे॒क्णः॑ पत्य॒मानाः॑ ।  
 द॒द्वौ वा॑ यत्पुष्यति॒ रेक्णः॑ स॒म्वा॒रन्न॑किरस्य॒ मघा॑नि ॥ १०.१३२.०३  
 अ॒साव॑न्यो॒ असु॑र॒ सूय॑त॒ द्यौस्त्वं॑ विश्वेषां॒ वरु॑णासि॒ राजा॑ ।  
 मूर्धा॑ रथस्य॒ चाक॑त्रै॒ताव॑तै॒नसान्त॑कध्रुक् ॥ १०.१३२.०४  
 अ॒स्मिन्स्वे॒॑३त॑च्छक॒पूत॑ ए॒नो हि॑ते॒ मित्रे॑ नि॒गता॑न्हन्ति॒ वी॒रान् ।  
 अ॒वोर्वा॑ यद्वा॒त्तनू॑ष्ववः॒ प्रिया॑सु॒ यज्ञि॑या॒स्ववाँ॑ ॥ १०.१३२.०५  
 यु॒वोर्हि॑ मा॒तादि॑तिर्विचेतसा॒ द्यौर्न॑ भूमिः॒ पय॑सा॒ पुपू॑तनि ।  
 अ॒व प्रि॑या॒ दिदि॑ष्टन॒ सूरौ॑ नि॒नित्त॑ र॒श्मि॑भिः ॥ १०.१३२.०६  
 यु॒वं ह्य॑प्र॒राजा॑व॒सीद॑तं॒ तिष्ठ॑द्रथं॒ न धूर्ष॑द॒ वन॑र्षदम् ।

ता नः कणूकयन्तीर्नृमेधस्तत्रे अंहसः सुमेधस्तत्रे अंहसः ॥ १०.१३२.०७

प्रो ष्वस्मै पुरोरथमिन्द्राय शूषमर्चत ।

अभीके चिदु लोककृत्संगे समत्सु वृत्रहास्माकं बोधि चोदिता नभन्तामन्यकेषां ज्याका  
अधि धन्वसु ॥ १०.१३३.०१

त्वं सिन्धूरवासृजोऽधराचो अहन्नहिम् ।

अशत्रुरिन्द्र जज्ञिषे विश्वं पुष्यसि वार्यं तं त्वा परि ष्वजामहे नभन्तामन्यकेषां ज्याका  
अधि धन्वसु ॥ १०.१३३.०२

वि षु विश्वा अरातयोऽर्यो नशन्त नो धियः ।

अस्तासि शत्रवे वधं यो न इन्द्र जिघांसति या ते रातिर्ददिवसु नभन्तामन्यकेषां ज्याका  
अधि धन्वसु ॥ १०.१३३.०३

यो न इन्द्राभितो जनो वृकायुरादिदेशति ।

अधस्पदं तमी कृधि विबाधो असि सासहिर्नभन्तामन्यकेषां ज्याका अधि धन्वसु ॥  
१०.१३३.०४

यो न इन्द्राभिदासति सनाभिर्यश्च निष्प्रः ।

अव तस्य बलं तिर महीव द्यौरध त्मना नभन्तामन्यकेषां ज्याका अधि धन्वसु ॥  
१०.१३३.०५

वयमिन्द्र त्वायवः सखित्वमा रभामहे ।

ऋतस्य नः पथा नयाति विश्वानि दुरिता नभन्तामन्यकेषां ज्याका अधि धन्वसु ॥  
१०.१३३.०६

अस्मभ्यं सु त्वमिन्द्र तां शिक्ष या दोहते प्रति वरं जरित्रे ।

अच्छिद्रोघ्री पीपयद्यथा नः सहस्रधारा पयसा मही गौः ॥ १०.१३३.०७

उभे यदिन्द्र रोदसी आपप्राथोषा इव ।

महान्तं त्वा महीनां सम्राजं चर्षणीनां देवी जनित्र्यजीजनद्ब्रह्मा जनित्र्यजीजनत् ॥  
१०.१३४.०१

अव स्म दुर्हणायतो मर्तस्य तनुहि स्थिरम् ।

अधस्पदं तमी कृधि यो अस्मां आदिदेशति देवी जनित्र्यजीजनद्ब्रह्मा जनित्र्यजीजनत्  
॥ १०.१३४.०२

अव त्या बृहतीरिषो विश्वश्चन्द्रा अमित्रहन् ।

शचीभिः शक्र धनुहीन्द्र विश्वाभिरूतिभिर्देवी जनित्र्यजीजनद्ब्रह्मा जनित्र्यजीजनत् ॥  
१०.१३४.०३

अव यत्त्वं शतक्रतविन्द्र विश्वानि धनुषे ।

रयिं न सुन्वते सचा सहस्रिणीभिरूतिभिर्देवी जनित्र्यजीजनद्ब्रह्मा जनित्र्यजीजनत् ॥  
१०.१३४.०४

अव स्वेदा इवाभितो विष्वक्पतन्तु दिद्यवः ।

दूर्वाया इव तन्तवो व्यश्मदेतु दुर्मतिर्देवी जनित्र्यजीजनद्ब्रह्मा जनित्र्यजीजनत् ॥  
१०.१३४.०५

दीर्घं ह्यङ्कुशं यथा शक्तिं बिभर्षि मन्तुमः ।

पूर्वेण मघवन्पदाजो वयां यथा यमो देवी जनित्र्यजीजनद्ब्रह्मा जनित्र्यजीजनत् ॥  
१०.१३४.०६

नकिर्देवा मिनीमसि नकिरा योपयामसि मन्त्रश्रुत्यं चरामसि ।

पक्षेभिरपिकक्षेभिरत्राभि सं रभामहे ॥ १०.१३४.०७

यस्मिन्वृक्षे सुपलाशे देवैः सम्पिबते यमः ।

अत्रा नो विश्वपतिः पिता पुराणाँ अनु वेनति ॥ १०.१३५.०१

पुराणाँ अनुवेनन्तं चरन्तं पापयामुया ।

असूयन्नभ्यचाकशं तस्मा अस्पृहयं पुनः ॥ १०.१३५.०२

यं कुमार नवं रथमचक्रं मनसाकृणोः ।

एकेषं विश्वतः प्राञ्चमपश्यन्नधि तिष्ठसि ॥ १०.१३५.०३

यं कुमार प्रावर्तयो रथं विप्रेभ्यस्परि ।

तं सामानु प्रावर्तत समितो नाव्याहितम् ॥ १०.१३५.०४

कः कुमारमजनयद्रथं को निरवर्तयत् ।

कः स्वित्तदद्य नो ब्रूयादनुदेयी यथाभवत् ॥ १०.१३५.०५

यथाभवदनुदेयी ततो अग्रमजायत ।

पुरस्ताद्बुध आततः पश्चान्निरयणं कृतम् ॥ १०.१३५.०६

इदं यमस्य सादनं देवमानं यदुच्यते ।

इयमस्य धम्यते नाळीरयं गीर्भिः परिष्कृतः ॥ १०.१३५.०७

केश्यश्निं केशी विषं केशी बिभर्ति रोदसी ।



केशी विश्वं स्वर्दृशे केशीदं ज्योतिरुच्यते ॥ १०.१३६.०१  
 मुनयो वातरशनाः पिशङ्गा वसते मला ।  
 वातस्यानु ध्राजिं यन्ति यद्देवासो अविक्षत ॥ १०.१३६.०२  
 उन्मदिता मौनेयेन वाताँ आ तस्थिमा वयम् ।  
 शरीरेदस्माकं यूयं मर्तासो अभि पश्यथ ॥ १०.१३६.०३  
 अन्तरिक्षेण पतति विश्वा रूपावचाकशत् ।  
 मुनिर्देवस्यदेवस्य सौकृत्याय सखा हितः ॥ १०.१३६.०४  
 वातस्याश्वो वायोः सखाथो देवेषितो मुनिः ।  
 उभौ समुद्रावा क्षेति यश्च पूर्वं उतापरः ॥ १०.१३६.०५  
 अप्सरसां गन्धर्वाणां मृगाणां चरणे चरन् ।  
 केशी केतस्य विद्वान्सखा स्वादुर्मदिन्तमः ॥ १०.१३६.०६  
 वायुरस्मा उपामन्थत्पिनष्टि स्मा कुनन्नमा ।  
 केशी विषस्य पात्रेण यद्रुद्रेणापिबत्सह ॥ १०.१३६.०७  
 उत देवा अवहितं देवा उन्नयथा पुनः ।  
 उतागश्चक्रुष देवा देवा जीवयथा पुनः ॥ १०.१३७.०१  
 द्वाविमौ वातौ वात आ सिन्धोरा परावतः ।  
 दक्षं ते अन्य आ वातु परान्यो वातु यद्रपः ॥ १०.१३७.०२  
 आ वात वाहि भेषजं वि वात वाहि यद्रपः ।  
 त्वं हि विश्वभेषजो देवानां दूत ईयसे ॥ १०.१३७.०३  
 आ त्वागमं शंतातिभिरथो अरिष्टतातिभिः ।  
 दक्षं ते भद्रमाभार्षं परा यक्ष्मं सुवामि ते ॥ १०.१३७.०४  
 त्रायन्तामिह देवास्त्रायतां मरुतां गणः ।  
 त्रायन्तां विश्वा भूतानि यथायमरपा असत् ॥ १०.१३७.०५  
 आप इद्वा उ भेषजीरापो अमीवचातनीः ।  
 आपः सर्वस्य भेषजीस्तास्ते कृण्वन्तु भेषजम् ॥ १०.१३७.०६  
 हस्ताभ्यां दशशाखाभ्यां जिह्वा वाचः पुरोगवी ।  
 अनामयित्नुभ्यां त्वा ताभ्यां त्वोप स्पृशामसि ॥ १०.१३७.०७

तव त्य इन्द्र सख्येषु वह्य ऋतं मन्वाना व्यदर्दिरुर्वलम् ।  
 यत्रा दशस्यनुषसो रिणन्नपः कुत्साय मन्मन्नह्यश्च दंसयः ॥ १०.१३८.०१  
 अवासुजः प्रस्वः श्वश्रयो गिरीनुदाज उस्त्रा अपिबो मधु प्रियम् ।  
 अवर्धयो वनिनो अस्य दंससा शुशोच सूर्य ऋतजातया गिरा ॥ १०.१३८.०२  
 वि सूर्यो मध्ये अमुचद्रथ दिवो विदद्वासाय प्रतिमानमार्यः ।  
 दृव्हानि पिप्रोरसुरस्य मायिन इन्द्रो व्यास्यच्चकृवाँ ऋजिश्चना ॥ १०.१३८.०३  
 अनाधृष्टानि धृषितो व्यास्यन्निर्धौरदेवाँ अमृणदयास्यः ।  
 मासेव सूर्यो वसु पुर्यमा ददे गृणानः शत्रूरशृणाद्विरुक्मता ॥ १०.१३८.०४  
 अयुद्धसेनो विभ्वा विभिन्दता दाशद्वत्रहा तुज्यानि तेजते ।  
 इन्द्रस्य वज्रादविभेदभिभ्रथः प्राक्रामच्छुन्ध्यूरजहादुषा अनः ॥ १०.१३८.०५  
 एता त्या ते श्रुत्यानि केवला यदेक एकमकृणोरयज्ञम् ।  
 मासां विधानमदधा अधि द्यवि त्वया विभिन्नं भरति प्रधिं पिता ॥ १०.१३८.०६  
 सूर्यरश्मिर्हरिकेशः पुरस्तात्सविता ज्योतिरुदयाँ अजस्रम् ।  
 तस्य पूषा प्रसवे याति विद्वान्सम्पश्यन्विश्वा भुवनानि गोपाः ॥ १०.१३९.०१  
 नृचक्षा एष दिवो मध्य आस्त आपप्रिवान्नोदसी अन्तरिक्षम् ।  
 स विश्वाचीरभि चष्टे घृताचीरन्तरा पूर्वमपरं च केतुम् ॥ १०.१३९.०२  
 रायो बुध्रः संगमनो वसूनां विश्वा रूपाभि चष्टे शचीभिः ।  
 देव इव सविता सत्यधर्मेन्द्रो न तस्थौ समरे धनानाम् ॥ १०.१३९.०३  
 विश्वावसुं सोम गन्धर्वमापो ददृशुषीस्तदृतेना व्यायन् ।  
 तदन्ववैदिन्द्रो रारहाण आसां परि सूर्यस्य परिर्धौरपश्यत् ॥ १०.१३९.०४  
 विश्वावसुरभि तन्नो गृणातु दिव्यो गन्धर्वो रजसो विमानः ।  
 यद्वा घा सत्यमुत यत्र विद्म धियो हिन्वानो धिय इन्नो अव्याः ॥ १०.१३९.०५  
 सन्निमविन्दच्चरणे नदीनामपावृणोद्दुरो अश्मव्रजानाम् ।  
 प्रासां गन्धर्वो अमृतानि वोचदिन्द्रो दक्षं परि जानादहीनाम् ॥ १०.१३९.०६  
 अग्ने तव श्रवो वयो महि भ्राजन्ते अर्चयो विभावसो ।  
 बृहद्भानो शवसा वाजमुक्थ्यं दधासि दाशुषे कवे ॥ १०.१४०.०१  
 पावकवर्चाः शुक्रवर्चा अनूनवर्चा उदियर्षि भानुना ।

पुत्रो मातरा विचरन्नुपावसि पृणक्षि रोदसी उभे ॥ १०.१४०.०२  
 ऊर्जा नपाज्जातवेदः सुशस्तिभिर्मन्दस्व धीतिभिर्हितः ।  
 त्वे इषः सं दधुर्भूरिवर्षसश्चित्रोतयो वामजाताः ॥ १०.१४०.०३  
 इरज्यन्नग्रे प्रथयस्व जन्तुभिरस्मे रायो अमर्त्य ।  
 स दर्शतस्य वपुषो वि राजसि पृणक्षि सानसिं क्रतुम् ॥ १०.१४०.०४  
 इष्कर्तारमध्वरस्य प्रचेतसं क्षयन्तं राधसो महः ।  
 रातिं वामस्य सुभगां महीमिषं दधासि सानसिं रयिम् ॥ १०.१४०.०५  
 ऋतावानं महिषं विश्वदर्शतमग्निं सुम्नाय दधिरे पुरो जनाः ।  
 श्रुत्कर्णं सप्रथस्तमं त्वा गिरा दैव्यं मानुषा युगा ॥ १०.१४०.०६  
 अग्ने अच्छ्वा वदेह नः प्रत्यङ्गः सुमना भव ।  
 प्र नो यच्छ विशस्पते धनदा असि नस्त्वम् ॥ १०.१४१.०१  
 प्र नो यच्छत्वर्थमा प्र भगः प्र बृहस्पतिः ।  
 प्र देवाः प्रोत सूनृता रायो देवी ददातु नः ॥ १०.१४१.०२  
 सोमं राजानमवसेऽग्निं गीर्भिर्हवामहे ।  
 आदित्यान्विष्णुं सूर्यं ब्रह्माणं च बृहस्पतिम् ॥ १०.१४१.०३  
 इन्द्रवायू बृहस्पतिं सुहवेह हवामहे ।  
 यथा नः सर्वं इञ्जनः संगत्यां सुमना असत् ॥ १०.१४१.०४  
 अर्यमणं बृहस्पतिमिन्द्रं दानाय चोदय ।  
 वातं विष्णुं सरस्वतीं सवितारं च वाजिनम् ॥ १०.१४१.०५  
 त्वं नो अग्ने अग्निभिर्ब्रह्म यज्ञं च वर्धय ।  
 त्वं नो देवतातये रायो दानाय चोदय ॥ १०.१४१.०६  
 अयमग्ने जरिता त्वे अभूदपि सहसः सूनो नह्यः न्यदस्त्याप्यम् ।  
 भद्रं हि शर्म त्रिवरूथमस्ति त आरे हिंसानामप दिद्युमा कृधि ॥ १०.१४२.०१  
 प्रवत्ते अग्ने जनिमा पितृयतः साचीव विश्वा भुवना न्यृञ्जसे ।  
 प्र सप्तयः प्र सनिषन्त नो धियः पुरश्चरन्ति पशुपा इव त्मना ॥ १०.१४२.०२  
 उत वा उ परि वृणक्षि बप्सद्बहोरग्न उलपस्य स्वधावः ।  
 उत खिल्या उर्वराणां भवन्ति मा ते हेतिं तविषीं चुक्रुधाम ॥ १०.१४२.०३

यदुद्धतो॑ निवतो॑ यासि॑ बप्स॑त्यृथगे॑षि प्रग॑र्धिनी॑व सेना॑ ।  
यदा॑ ते वातो॑ अनु॒वाति॑ शोचि॑र्वसे॒व श्मश्रु॑ वपसि॑ प्र भूम॑ ॥ १०.१४२.०४  
प्रत्य॑स्य श्रेण॑यो ददृ॒श्र एकं॑ नि॒यानं॑ ब॒हवो॑ रथा॑सः ।  
बा॒हू यदग्ने॑ अनु॒मर्मृ॑जानो॒ न्यङ्कु॑त्ताना॒मन्वेषि॑ भूमि॑म् ॥ १०.१४२.०५  
उत्ते॑ शुष्मा॑ जिहता॒मुत्ते॑ अ॒र्चिरु॑ते अग्ने॑ शश॒मान॑स्य वाजाः॑ ।  
उच्च॑श्चस्व॒ नि नम॑ व॒धमान॑ आ त्वाद्य॑ विश्वे॒ वसवः॑ सदन्तु ॥ १०.१४२.०६  
अ॒पामि॑दं न्यय॑नं समु॒द्रस्य॑ नि॒वेशन॑म् ।  
अ॒न्यं कृ॑णुष्वेतः पन्थां॑ तेन याहि॒ वशाँ॑ अनु ॥ १०.१४२.०७  
आय॑ने ते परा॒यणे॑ दूर्वा॑ रोहन्तु॒ पुष्पि॑णीः ।  
हृदा॑श्च पुण्ड॒रीका॑णि समु॒द्रस्य॑ गृहा॒ इमे ॥ १०.१४२.०८  
त्यं चि॑दत्रि॒मृत॑जु॒रमर्थ॑मश्वं॒ न यात॑वे ।  
कक्षी॑वन्तं॒ यदी॑ पुना॒ रथं॑ न कृ॑णुथो नवम् ॥ १०.१४३.०१  
त्यं चि॑दश्वं॒ न वा॒जिन॑मरेणवो॒ यम॑ब्रत ।  
दृ॒व्हं ग्र॑थिं न वि॒ष्यत॑मत्रिं॒ यवि॑ष्ठमा॒ रजः ॥ १०.१४३.०२  
नरा॑ दसि॒ष्ठाव॑त्रये शु॒भ्रा सि॑षास॒तं धियः॑ ।  
अथा॑ हि वा॒ दिवो॑ नरा॒ पुनः॑ स्तोमो॒ न विश॑से ॥ १०.१४३.०३  
चि॑ते तद्वा॑ सुरा॒धसा॑ रा॒तिः सु॑मति॒रश्वि॑ना ।  
आ यन्नः॑ स॒दने॑ पृथौ॒ समने॑ पर्षथो॒ नरा ॥ १०.१४३.०४  
युवं॑ भु॒ज्युं समु॒द्र आ रज॑सः पार॒ ईङ्घ्रि॑तम् ।  
या॒तम॑च्छा॒ पत॑त्रिभि॒र्नास॑त्या सा॒तये॑ कृतम् ॥ १०.१४३.०५  
आ वा॑ सु॒म्रेः शं॑यू इ॒व मं॑हिष्ठा विश्व॑वेदसा ।  
सम॑स्मे भूष॒तं नरो॑त्सं॒ न पि॑प्युषी॒रिषः ॥ १०.१४३.०६  
अयं॑ हि ते॒ अम॑र्त्य इन्द्र॒रत्यो॑ न पत्यते ।  
दक्षो॑ वि॒श्वायु॑र्वेधसे ॥ १०.१४४.०१  
अ॒यम॑स्मासु॒ काव्य॑ ऋ॒भुर्वज्रो॑ दास्वते ।  
अयं॑ बिभ॒र्त्यूर्ध्व॑कृ॒शानं॑ मदमृ॒भुर्न कृ॑त्व्यं॒ मदम् ॥ १०.१४४.०२  
घृषुः॑ श्ये॒नाय॑ कृ॒त्वन् आ॒सु स्वा॒सु वंस॑गः ।

अव दीधेदहीशुवः ॥ १०.१४४.०३

यं सुपर्णः परावतः श्येनस्य पुत्र आभरत् ।

शतचक्रं यो३ऽह्यो वर्तनिः ॥ १०.१४४.०४

यं ते श्येनश्चारुमवुकं पदाभरदरुणं मानमन्धसः ।

एना वयो वि तार्यायुर्जीवस एना जागार बन्धुता ॥ १०.१४४.०५

एवा तदिन्द्र इन्दुना देवेषु चिद्धारयाते महि त्यजः ।

ऋत्वा वयो वि तार्यायुः सुक्रतो ऋत्वायमस्मदा सुतः ॥ १०.१४४.०६

इमां खनाम्योषधिं वीरुधं बलवत्तमाम् ।

यया सपत्नीं बाधते यया संविन्दते पतिम् ॥ १०.१४५.०१

उत्तानपर्णे सुभगे देवजूते सहस्वति ।

सपत्नीं मे परा धम पति मे केवलं कुरु ॥ १०.१४५.०२

उत्तराहमुत्तर उत्तरेदुत्तराभ्यः ।

अथा सपत्नी या ममाधरा साधराभ्यः ॥ १०.१४५.०३

नह्यस्या नाम गृभ्णामि नो अस्मिन्नमते जने ।

परामेव परावतं सपत्नीं गमयामसि ॥ १०.१४५.०४

अहमस्मि सहमानाथ त्वमसि सासहिः ।

उभे सहस्वती भूत्वी सपत्नीं मे सहावहे ॥ १०.१४५.०५

उप तेऽधां सहमानामभि त्वाधां सहीयसा ।

मामनु प्र ते मनो वत्सं गौरिव धावतु पथा वारिव धावतु ॥ १०.१४५.०६

अरण्यान्यरण्यान्यसौ या प्रेव नश्यसि ।

कथा ग्रामं न पृच्छसि न त्वा भीरिव विन्दतीऽँ ॥ १०.१४६.०१

वृषारवाय वदते यदुपावति चिच्चिकः ।

आघाटिभिरिव धावयन्नरण्यानिर्महीयते ॥ १०.१४६.०२

उत गाव इवादन्त्युत वेश्मेव दृश्यते ।

उतो अरण्यानिः सायं शकटीरिव सर्जति ॥ १०.१४६.०३

गामङ्गेष आ ह्वयति दार्वङ्गेषो अपावधीत् ।

वसन्नरण्यान्यां सायमऋक्षदिति मन्यते ॥ १०.१४६.०४

न वा अरण्यानिर्हन्त्यन्यश्चेन्नाभिगच्छति ।  
 स्वादोः फलस्य जग्ध्वाय यथाकामं नि पद्यते ॥ १०.१४६.०५  
 आज्ञनगन्धिं सुरभिं बहून्नामकृषीवलाम् ।  
 प्राहं मृगाणां मातरमरण्यानिमशंसिषम् ॥ १०.१४६.०६  
 श्रत्ते दधामि प्रथमाय मन्यवेऽहन्यद्वृत्रं नर्यं विवेरपः ।  
 उभे यत्त्वा भवतो रोदसी अनु रेजते शुष्मात्पृथिवी चिदद्रिवः ॥ १०.१४७.०१  
 त्वं मायाभिरनवद्य मायिनं श्रवस्यता मनसा वृत्रमर्दयः ।  
 त्वामिन्नरो वृणते गविष्टिषु त्वां विश्वासु हव्यास्विष्टिषु ॥ १०.१४७.०२  
 ऐषु चाकन्धि पुरुहूत सूरिषु वृधासो ये मघवन्नानशुर्मघम् ।  
 अर्चन्ति तोके तनये परिष्टिषु मेधसाता वाजिनमहये धने ॥ १०.१४७.०३  
 स इन्नु रायः सुभृतस्य चाकनन्मदं यो अस्य रंह्यं चिकेतति ।  
 त्वावृधो मघवन्दाश्वध्वरो मक्षू स वाजं भरते धना नृभिः ॥ १०.१४७.०४  
 त्वं शर्धाय महिना गृणान उरु कृधि मघवञ्छग्धि रायः ।  
 त्वं नो मित्रो वरुणो न मायी पित्वो न दस्म दयसे विभक्ता ॥ १०.१४७.०५  
 सुष्वाणास इन्द्र स्तुमसि त्वा ससवांसश्च तुविनृम्णा वाजम् ।  
 आ नो भर सुवितं यस्य चाकन्त्मना तना सनुयाम त्वोताः ॥ १०.१४८.०१  
 ऋष्वस्त्वमिन्द्र शूर जातो दासीर्विशः सूर्येण सह्याः ।  
 गुहा हितं गुह्यं गूळ्हमप्सु बिभृमसि प्रस्रवणे न सोमम् ॥ १०.१४८.०२  
 अर्यो वा गिरो अभ्यर्च विद्वानृषीणां विप्रः सुमतिं चकानः ।  
 ते स्याम ये रणयन्त सोमैरेनोत तुभ्यं रथोळ्ह भक्षैः ॥ १०.१४८.०३  
 इमा ब्रह्मेन्द्र तुभ्यं शंसि दा नृभ्यो नृणां शूर शवः ।  
 तेभिर्भव सक्तुर्येषु चाकन्नूत त्रायस्व गृणत उत स्तीन् ॥ १०.१४८.०४  
 श्रुधी हवमिन्द्र शूर पृथ्या उत स्तवसे वेन्यस्याकैः ।  
 आ यस्ते योनिं घृतवन्तमस्वारूर्मिर्न निभ्रैर्द्रवयन्त वक्त्राः ॥ १०.१४८.०५  
 सविता यत्रैः पृथिवीमरम्णादस्कम्भने सविता द्यामदंहत् ।  
 अश्वमिवाधुक्षद्धनिमन्तरिक्षमतूर्ते बद्धं सविता समुद्रम् ॥ १०.१४९.०१  
 यत्रा समुद्रः स्कभितो व्यौनदपां नपात्सविता तस्य वेद ।

अतो भूरत आ उत्थितं रजोऽतो द्यावापृथिवी अप्रथेताम् ॥ १०.१४९.०२  
 पश्चेदमन्यदभवद्यज्ञत्रममर्त्यस्य भुवनस्य भूना ।  
 सुपर्णो अङ्ग सवितुर्गरुत्मान्पूर्वो जातः स उ अस्यानु धर्म ॥ १०.१४९.०३  
 गाव इव ग्रामं यूयुधिरिवाश्वान्वाश्रेव वत्सं सुमना दुहाना ।  
 पतिरिव जायामभि नो न्येतु धर्ता दिवः सविता विश्ववारः ॥ १०.१४९.०४  
 हिरण्यस्तूपः सवितर्यथा त्वाङ्गिरसो जुह्वे वाजे अस्मिन् ।  
 एवा त्वार्चन्नवसे वन्दमानः सोमस्येवांशुं प्रति जागराहम् ॥ १०.१४९.०५  
 समिद्धश्चित्समिध्यसे देवेभ्यो हव्यवाहन ।  
 आदित्यै रुद्रैर्वसुभिर्न आ गहि मृळीकाय न आ गहि ॥ १०.१५०.०१  
 इमं यज्ञमिदं वचो जुजुषाण उपागहि ।  
 मर्तासस्त्वा समिधान हवामहे मृळीकाय हवामहे ॥ १०.१५०.०२  
 त्वामु जातवेदसं विश्ववारं गृणे धिया ।  
 अग्ने देवाँ आ वह नः प्रियव्रतान्मृळीकाय प्रियव्रतान् ॥ १०.१५०.०३  
 अग्निर्देवो देवानामभवत्पुरोहितोऽग्निं मनुष्याः ऋषयः समीधिरे ।  
 अग्निं महो धनसातावहं हुवे मृळीकं धनसातये ॥ १०.१५०.०४  
 अग्निरत्रिं भरद्वाजं गविष्ठिरं प्रावन्नः कण्वं त्रसदस्युमाहवे ।  
 अग्निं वसिष्ठो हवते पुरोहितो मृळीकाय पुरोहितः ॥ १०.१५०.०५  
 श्रद्धयाग्निः समिध्यते श्रद्धया हूयते हविः ।  
 श्रद्धां भगस्य मूर्धनि वचसा वेदयामसि ॥ १०.१५१.०१  
 प्रियं श्रद्धे ददतः प्रियं श्रद्धे दिदासतः ।  
 प्रियं भोजेषु यज्वस्विदं म उदितं कृधि ॥ १०.१५१.०२  
 यथा देवा असुरेषु श्रद्धामुग्नेषु चक्रिरे ।  
 एवं भोजेषु यज्वस्वस्माकमुदितं कृधि ॥ १०.१५१.०३  
 श्रद्धां देवा यजमाना वायुगोपा उपासते ।  
 श्रद्धां हृदय्यश्याकृत्या श्रद्धया विन्दते वसु ॥ १०.१५१.०४  
 श्रद्धां प्रातर्हवामहे श्रद्धां मध्यंदिनं परि ।  
 श्रद्धां सूर्यस्य निम्नुचि श्रद्धे श्रद्धापयेह नः ॥ १०.१५१.०५

शास इत्था महौ अस्यमित्रखादो अद्भुतः ।  
न यस्य हन्यते सखा न जीयते कदा चन ॥ १०.१५२.०१  
स्वस्तिदा विशस्पतिवृत्रहा विमृधो वशी ।  
वृषेन्द्रः पुर एतु नः सोमपा अभयंकरः ॥ १०.१५२.०२  
वि रक्षो वि मृधो जहि वि वृत्रस्य हनू रुज ।  
वि मन्युमिन्द्र वृत्रहन्नमित्रस्याभिदासतः ॥ १०.१५२.०३  
वि न इन्द्र मृधो जहि नीचा यच्छ पृतन्यतः ।  
यो अस्माँ अभिदासत्यधरं गमया तमः ॥ १०.१५२.०४  
अपेन्द्र द्विषतो मनोऽप जिज्यासतो वधम् ।  
वि मन्योः शर्म यच्छ वरीयो यवया वधम् ॥ १०.१५२.०५  
ईङ्खयन्तीरपस्युव इन्द्र जातमुपासते ।  
भेजानासः सुवीर्यम् ॥ १०.१५३.०१  
त्वमिन्द्र बलादधि सहसो जात ओजसः ।  
त्वं वृषन्वृषेदसि ॥ १०.१५३.०२  
त्वमिन्द्रासि वृत्रहा व्यश्नरिक्षमतिरः ।  
उद्दामस्तभ्रा ओजसा ॥ १०.१५३.०३  
त्वमिन्द्र सजोषसमर्कं बिभर्षि बाहोः ।  
वज्रं शिशान ओजसा ॥ १०.१५३.०४  
त्वमिन्द्राभिभूरसि विश्वा जातान्योजसा ।  
स विश्वा भुव आभवः ॥ १०.१५३.०५  
सोम एकेभ्यः पवते घृतमेक उपासते ।  
येभ्यो मधु प्रधावति ताँश्चिदेवापि गच्छतात् ॥ १०.१५४.०१  
तपसा ये अनाधृष्यास्तपसा ये स्वर्ययुः ।  
तपो ये चक्रिरे महस्ताँश्चिदेवापि गच्छतात् ॥ १०.१५४.०२  
ये युध्यन्ते प्रधनेषु शूरासो ये तनूत्यजः ।  
ये वा सहस्रदक्षिणास्ताँश्चिदेवापि गच्छतात् ॥ १०.१५४.०३  
ये चित्पूर्वं ऋतसाप ऋतावान ऋतावृधः ।



पितृन्तपस्वतो यम ताँश्चिदेवापि गच्छतात् ॥ १०.१५४.०४  
 सहस्रणीथाः कवयो ये गोपायन्ति सूर्यम् ।  
 ऋषीन्तपस्वतो यम तपोजाँ अपि गच्छतात् ॥ १०.१५४.०५  
 अरायि काणे विकटे गिरिं गच्छ सदान्वे ।  
 शिरिम्बिठस्य सत्वभिस्तेभिष्वा चातयामसि ॥ १०.१५५.०१  
 चत्तो इतश्चत्तामुतः सर्वा भूणान्यारुषी ।  
 अराय्यं ब्रह्मणस्पते तीक्ष्णशृङ्गोदृषन्निहि ॥ १०.१५५.०२  
 अदो यद्वारु प्लवते सिन्धोः पारे अपूरुषम् ।  
 तदा रभस्व दुर्हणो तेन गच्छ परस्तरम् ॥ १०.१५५.०३  
 यद्ध प्राचीरजगन्तोरो मण्डूरधाणिकीः ।  
 हता इन्द्रस्य शत्रवः सर्वे बुद्धुदयाशवः ॥ १०.१५५.०४  
 परीमे गामनेषत पर्यग्निमहृषत ।  
 देवेष्वक्रत श्रवः क इमाँ आ दधर्षति ॥ १०.१५५.०५  
 अग्निं हिन्वन्तु नो धियः सप्तिमाशुमिवाजिषु ।  
 तेन जेष्म धनधनम् ॥ १०.१५६.०१  
 यया गा आकरामहे सेनयाग्ने तवोत्या ।  
 तां नो हिन्व मघत्तये ॥ १०.१५६.०२  
 आग्ने स्थूरं रयिं भर पृथुं गोमन्तमश्विनम् ।  
 अङ्घ्रि खं वर्तया पणिम् ॥ १०.१५६.०३  
 अग्ने नक्षत्रमजरमा सूर्यं रोहयो दिवि ।  
 दधञ्ज्योतिर्जनेभ्यः ॥ १०.१५६.०४  
 अग्ने केतुर्विशामसि प्रेष्ठः श्रेष्ठ उपस्थसत् ।  
 बोधा स्तोत्रे वयो दधत् ॥ १०.१५६.०५  
 इमा नु कं भुवना सीषधामेन्द्रश्च विश्वे च देवाः ॥ १०.१५७.०१  
 यज्ञं च नस्तन्व च प्रजां चादित्यैरिन्द्रः सह चीकृपाति ॥ १०.१५७.०२  
 आदित्यैरिन्द्रः सगणो मरुद्भिरस्माकं भूत्वविता तनूनाम् ॥ १०.१५७.०३  
 हत्वाय देवा असुरान्यदायन्देवा देवत्वमभिरक्षमाणाः ॥ १०.१५७.०४

प्रत्यश्चर्मकमनयञ्छचीभिरादित्स्वधामिषिरां पर्यपश्यन् ॥ १०.१५७.०५  
 सूर्यो नो दिवस्पातु वातो अन्तरिक्षात् ।  
 अग्निर्नः पार्थिवेभ्यः ॥ १०.१५८.०१  
 जोषा सवितर्यस्य ते हरः शतं सवाँ अहति ।  
 पाहि नो दिद्युतः पतन्त्याः ॥ १०.१५८.०२  
 चक्षुर्नो देवः सविता चक्षुर्न उत पर्वतः ।  
 चक्षुर्धाता दधातु नः ॥ १०.१५८.०३  
 चक्षुर्नो धेहि चक्षुषे चक्षुर्विख्यै तनूभ्यः ।  
 सं चेदं वि च पश्येम ॥ १०.१५८.०४  
 सुसंदशं त्वा वयं प्रति पश्येम सूर्य ।  
 वि पश्येम नृचक्षसः ॥ १०.१५८.०५  
 उदसौ सूर्यो अगादुदयं मामको भगः ।  
 अहं तद्विद्वला पतिमभ्यसाक्षि विषासहिः ॥ १०.१५९.०१  
 अहं केतुरहं मूर्धाहमुग्रा विवाचनी ।  
 ममेदनु ऋतुं पतिः सेहानाया उपाचरेत् ॥ १०.१५९.०२  
 मम पुत्राः शत्रुहणोऽथो मे दुहिता विराट् ।  
 उताहमस्मि संजया पत्यौ मे श्लोक उत्तमः ॥ १०.१५९.०३  
 येनेन्द्रो हविषा कृत्यभवद्भूम्युत्तमः ।  
 इदं तदक्रि देवा असपत्ना किलाभुवम् ॥ १०.१५९.०४  
 असपत्ना सपत्नघ्नी जयन्त्यभिभूवरी ।  
 आवृक्षमन्यासां वर्चो राधो अस्थेयसामिव ॥ १०.१५९.०५  
 समजैषमिमा अहं सपत्नारभिभूवरी ।  
 यथाहमस्य वीरस्य विराजानि जनस्य च ॥ १०.१५९.०६  
 तीब्रस्याभिवयसो अस्य पाहि सर्वरथा वि हरी इह मुञ्च ।  
 इन्द्र मा त्वा यजमानासो अन्ये नि रीरमन्तुभ्यमिमे सुतासः ॥ १०.१६०.०१  
 तुभ्यं सुतास्तुभ्यमु सोत्वासस्त्वां गिरः श्वात्र्या आ ह्वयन्ति ।  
 इन्द्रेदमद्य सवनं जुषाणो विश्वस्य विद्वान् इह पाहि सोमम् ॥ १०.१६०.०२

य उ॒श॒ता॒ मन॒सा॒ सोम॑मस्मै॒ सर्व॑हृदा॒ देव॑कामः सु॒नोति॑ ।  
 न गा॒ इन्द्र॑स्तस्य॒ परा॑ ददाति॒ प्रश॑स्तमि॒च्चारु॑मस्मै॒ कृणोति॑ ॥ १०.१६०.०३  
 अनु॑स्पष्टो भवत्येषो॒ अस्य॑ यो अस्मै॒ रेवान्न॑ सु॒नोति॑ सोमम् ।  
 निर॑रत्नौ मघवा॒ तं दधाति॑ ब्रह्मद्विषो॒ हन्त्य॑नानुदिष्टः ॥ १०.१६०.०४  
 अ॒श्वाय॑न्तो गव्यन्तो॒ वाज॑यन्तो॒ हवाम॑हे त्वोपगन्त॒वा उ ।  
 आ॒भूष॑न्तस्ते सु॒मतौ॒ नवा॑यां व॒यमिन्द्र॑ त्वा शु॒नं हु॑वेम ॥ १०.१६०.०५  
 मु॒श्चामि॑ त्वा ह॒विषा॑ जी॒वना॑य॒ कम॑ज्ञातय॒क्ष्मादु॑त॒ राज॑य॒क्ष्मात् ।  
 ग्राहि॑र्जग्राह॒ यदि॑ वैतदे॒नं तस्या॑ इन्द्रा॒ग्नी प्र॑ मुमुक्तमे॒नम् ॥ १०.१६१.०१  
 यदि॑ क्षि॒तायु॑र्यदि॒ वा परे॑तो॒ यदि॑ मृत्योर॒न्तिकं॑ नीत॒ एव ।  
 तमा॑ ह॒रामि॑ नि॒र्ऋते॑रुप॒स्थाद॑स्पार्षमे॒नं श॑तशारदाय ॥ १०.१६१.०२  
 सह॑स्रा॒क्षेण॑ श॒तशार॑दे॒न श॑तायुषा॒ हविषा॑हार्षमे॒नम् ।  
 श॒तं यथे॑मं श॒रदो॑ नयातीन्द्रो॒ विश्व॑स्य॒ दुरि॑तस्य॒ पार॑म् ॥ १०.१६१.०३  
 श॒तं जी॒व श॑रदो॒ वर्ध॑मानः श॒तं हे॑मन्ताञ्छ॒तमु॑ वस॒न्तान् ।  
 श॒तमिन्द्रा॑ग्नी॒ सवि॑ता बृहस्पतिः॒ शता॑युषा॒ हविषे॑मं पु॒नर्दुः ॥ १०.१६१.०४  
 आ॒हार्षं॑ त्वाविदं॒ त्वा पु॑नरागाः पु॒नर्न॑व ।  
 सर्वा॑ङ्ग॒ सर्वं॑ ते॒ चक्षुः॑ सर्व॒मायु॑श्च॒ तेऽवि॑दम् ॥ १०.१६१.०५  
 ब्रह्म॑णाग्निः स॒विदानो॑ रक्षोहा॒ बाध॑तामि॒तः ।  
 अ॒मीवा॑ यस्ते॒ गर्भं॑ दु॒र्णामा॑ योनिमा॒शये॑ ॥ १०.१६२.०१  
 यस्ते॒ गर्भ॑ममी॒वा दु॒र्णामा॑ योनिमा॒शये॑ ।  
 अ॒ग्निष्टं॑ ब्रह्मणा॒ सह॑ निष्क्र॒व्याद॑मनी॒नश॑त् ॥ १०.१६२.०२  
 यस्ते॒ हन्ति॑ प॒तय॑न्तं निष॒त्सुं यः॑ सरी॒सृप॑म् ।  
 जा॒तं यस्ते॑ जिघांसति॒ तमि॑तो॒ नाश॑यामसि ॥ १०.१६२.०३  
 यस्त॑ ऊ॒रू वि॑हरत्यन्तरा॒ दम्प॑ती शये ।  
 योनिं॑ यो अ॒न्तरा॑रेब्धि॒ तमि॑तो॒ नाश॑यामसि ॥ १०.१६२.०४  
 यस्त्वा॑ भ्रा॒ता प॑तिर्भू॒त्वा जा॑रो भू॒त्वा नि॑पद्यते ।  
 प्र॒जां यस्ते॑ जिघांसति॒ तमि॑तो॒ नाश॑यामसि ॥ १०.१६२.०५  
 यस्त्वा॑ स्व॒प्नेन॑ तमसा॒ मोह॑यित्वा॒ निप॑द्यते ।

प्रजां यस्ते जिघांसति तमितो नाशयामसि ॥ १०.१६२.०६  
 अक्षीभ्यां ते नासिकाभ्यां कणाभ्यां छुबुकादधि ।  
 यक्ष्मं शीर्षण्यं मस्तिष्काञ्जिह्वाया वि वृहामि ते ॥ १०.१६३.०१  
 ग्रीवाभ्यस्त उष्णिहाभ्यः कीकसाभ्यो अनुक्यात् ।  
 यक्ष्मं दोषण्यं मंसाम्बाभ्यां बाहुभ्यां वि वृहामि ते ॥ १०.१६३.०२  
 आन्त्रेभ्यस्ते गुदाभ्यो वनिष्ठोर्हृदयादधि ।  
 यक्ष्मं मतस्त्राभ्यां यक्रः प्लाशिभ्यो वि वृहामि ते ॥ १०.१६३.०३  
 ऊरुभ्यां ते अष्टीवद्भ्यां पाष्णिभ्यां प्रपदाभ्याम् ।  
 यक्ष्मं श्रोणिभ्यां भासदाद्भंससो वि वृहामि ते ॥ १०.१६३.०४  
 मेहनाद्वनंकरणाल्लोमभ्यस्ते नखेभ्यः ।  
 यक्ष्मं सर्वस्मादात्मनस्तमिदं वि वृहामि ते ॥ १०.१६३.०५  
 अङ्गादङ्गाल्लोमोलोमो जातं पर्वणिपर्वणि ।  
 यक्ष्मं सर्वस्मादात्मनस्तमिदं वि वृहामि ते ॥ १०.१६३.०६  
 अपेहि मनसस्पतेऽप क्राम परश्चर ।  
 परो निर्ऋत्या आ चक्ष्व बहुधा जीवतो मनः ॥ १०.१६४.०१  
 भद्रं वै वरं वृणते भद्रं युञ्जन्ति दक्षिणम् ।  
 भद्रं वैवस्वते चक्षुर्बहुत्रा जीवतो मनः ॥ १०.१६४.०२  
 यदाशसा निःशसाभिःशसोपारिम जाग्रतो यत्स्वपन्तः ।  
 अग्निर्विश्वान्यप दुष्कृतान्यजुष्टान्यारे अस्मद्घातु ॥ १०.१६४.०३  
 यदिन्द्र ब्रह्मणस्पतेऽभिद्रोहं चरामसि ।  
 प्रचेता न आङ्गिरसो द्विषतां पात्वंहसः ॥ १०.१६४.०४  
 अजैष्माद्यासनाम चाभूमानागसो वयम् ।  
 जाग्रत्स्वप्रः संकल्पः पापो यं द्विष्मस्तं स ऋच्छतु यो नो द्वेष्टि तमृच्छतु ॥ १०.१६४.०५  
 देवाः कपोत इषितो यदिच्छन्दूतो निर्ऋत्या इदमाजगाम ।  
 तस्मा अर्चाम कृणवाम निष्कृतिं शं नो अस्तु द्विपदे शं चतुष्पदे ॥ १०.१६५.०१  
 शिवः कपोत इषितो नो अस्त्वनागा देवाः शकुनो गृहेषु ।  
 अग्निर्हि विप्रो जुषतां हविर्नः परि हेतिः पक्षिणी नो वृणक्तु ॥ १०.१६५.०२

हेतिः पक्षिणी न दभात्यस्मानाङ्घ्रां पदं कृणुते अग्निधाने ।  
शं नो गोभ्यश्च पुरुषेभ्यश्चास्तु मा नो हिंसीदिह देवाः कपोतः ॥ १०.१६५.०३  
यदलूको वदति मोघमेतद्यत्कपोतः पदमग्नौ कृणोति ।  
यस्य दूतः प्रहित एष एतत्तस्मै यमाय नमो अस्तु मृत्यवे ॥ १०.१६५.०४  
ऋचा कपोतं नुदत प्रणोदमिषं मदन्तः परि गां नयध्वम् ।  
संयोपयन्तो दुरितानि विश्वा हित्वा न ऊर्जं प्र पतात्पतिष्ठः ॥ १०.१६५.०५  
ऋषभं मा समानानां सपत्नानां विषासहिम् ।  
हन्तारं शत्रूणां कृधि विराजं गोपतिं गवाम् ॥ १०.१६६.०१  
अहमस्मि सपत्नहेन्द्र इवारिष्टो अक्षतः ।  
अधः सपत्ना मे पदोरिमे सर्वे अभिष्ठिताः ॥ १०.१६६.०२  
अत्रैव वोऽपि नह्याम्युभे आर्त्नी इव ज्यया ।  
वाचस्पते नि षेधेमान्यथा मदधरं वदान् ॥ १०.१६६.०३  
अभिभूरहमागमं विश्वकर्मेण धाम्ना ।  
आ वञ्चित्तमा वो व्रतमा वोऽहं समितिं ददे ॥ १०.१६६.०४  
योगक्षेमं व आदायाहं भूयासमुत्तम आ वो मूर्धानमक्रमीम् ।  
अधस्पदान्म उद्वदत मण्डूका इवोदकान्मण्डूका उदकादिव ॥ १०.१६६.०५  
तुभ्येदमिन्द्र परि पिच्यते मधु त्वं सुतस्य कलशस्य राजसि ।  
त्वं रयिं पुरुवीरामु नस्कृधि त्वं तपः परितप्याजयः स्वः ॥ १०.१६७.०१  
स्वर्जितं महि मन्दानमन्धसो हवामहे परि शक्रं सुताँ उप ।  
इमं नो यज्ञमिह बोध्या गहि स्पृधो जयन्तं मघवानमीमहे ॥ १०.१६७.०२  
सोमस्य राज्ञो वरुणस्य धर्मणि बृहस्पतेरनुमत्या उ शर्मणि ।  
तवाहमद्य मघवन्नपस्तुतो धातर्विधातः कलशां अभक्षयम् ॥ १०.१६७.०३  
प्रसूतो भक्षमकरं चरावपि स्तोमं चेमं प्रथमः सूरिरुन्मृजे ।  
सुते सातेन यद्यागमं वां प्रति विश्वामित्रजमदग्नी दमे ॥ १०.१६७.०४  
वातस्य नु महिमानं रथस्य रुजन्नेति स्तनयन्नस्य घोषः ।  
दिविस्पृग्यात्यरुणानि कृण्वन्नुतो एति पृथिव्या रेणुमस्यन् ॥ १०.१६८.०१  
सं प्रेरते अनु वातस्य विष्टा ऐनं गच्छन्ति समनं न योषाः ।

ताभिः सयुक्सरथं देव ईयतेऽस्य विश्वस्य भुवनस्य राजा ॥ १०.१६८.०२  
 अन्तरिक्षे पथिभिरीयमानो न नि विशते कतमच्चनाहः ।  
 अपां सखा प्रथमजा ऋतावा क्व स्विज्ञातः कुत आ बभूव ॥ १०.१६८.०३  
 आत्मा देवानां भुवनस्य गर्भो यथावशं चरति देव एषः ।  
 घोषा इदस्य शृण्विरे न रूपं तस्मै वाताय हविषा विधेम ॥ १०.१६८.०४  
 मयोभूर्वातो अभि वातुस्त्रा ऊर्जस्वतीरोषधीरा रिशन्ताम् ।  
 पीवस्वतीर्जीवधन्याः पिबन्त्ववसाय पद्वते रुद्र मूळ ॥ १०.१६९.०१  
 याः सरूपा विरूपा एकरूपा यासामग्निरिष्ट्या नामानि वेद ।  
 या अङ्गिरसस्तपसेह चक्रुस्ताभ्यः पर्जन्य महि शर्म यच्छ ॥ १०.१६९.०२  
 या देवेषु तन्वश्मैरयन्त यासां सोमो विश्वा रूपाणि वेद ।  
 ता अस्मभ्यं पयसा पिन्वमानाः प्रजावतीरिन्द्र गोष्ठे रिरीहि ॥ १०.१६९.०३  
 प्रजापतिर्मह्यमेता रराणो विश्वैर्देवैः पितृभिः संविदानः ।  
 शिवाः सतीरुप नो गोष्ठमाकस्तासां वयं प्रजया सं सदेम ॥ १०.१६९.०४  
 विभ्राड्बृहत्पिबतु सोम्यं मध्वायुर्दधद्यज्ञपतावविहुतम् ।  
 वातजूतो यो अभिरक्षति त्मना प्रजाः पुपोष पुरुधा वि राजति ॥ १०.१७०.०१  
 विभ्राड्बृहत्सुभृतं वाजसातमं धर्मन्दिवो धरुणे सत्यमर्पितम् ।  
 अमित्रहा वृत्रहा दस्युहन्तमं ज्योतिर्जज्ञे असुरहा सपत्नहा ॥ १०.१७०.०२  
 इदं श्रेष्ठं ज्योतिषां ज्योतिरुत्तमं विश्वजिद्धनजिदुच्यते बृहत् ।  
 विश्वभ्राड्वाजो महि सूर्यो दृश उरु पप्रथे सह ओजो अच्युतम् ॥ १०.१७०.०३  
 विभ्राजञ्ज्योतिषा स्वश्रगच्छो रोचनं दिवः ।  
 येनेमा विश्वा भुवनान्याभृता विश्वकर्मणा विश्वदेव्यावता ॥ १०.१७०.०४  
 त्वं त्यमिततो रथमिन्द्र प्रावः सुतावतः ।  
 अशृणोः सोमिनो हवम् ॥ १०.१७१.०१  
 त्वं मखस्य दोधतः शिरोऽव त्वचो भरः ।  
 अगच्छः सोमिनो गृहम् ॥ १०.१७१.०२  
 त्वं त्यमिन्द्र मर्त्यमास्त्रबुध्राय वेन्यम् ।  
 मुहुः श्रग्ना मनस्यवे ॥ १०.१७१.०३

त्वं त्यमिन्द्र सूर्यं पश्चा सन्तं पुरस्कृधि ।

देवानां चित्तिरो वशम् ॥ १०.१७१.०४

आ याहि वनसा सह गावः सचन्त वर्तनिं यदूधभिः ॥ १०.१७२.०१

आ याहि वस्व्या धिया मांहिष्ठो जारयन्मखः सुदानुभिः ॥ १०.१७२.०२

पितुभृतो न तन्तुमित्सुदानवः प्रति दध्मो यजामसि ॥ १०.१७२.०३

उषा अप स्वसुस्तमः सं वर्तयति वर्तनिं सुजातता ॥ १०.१७२.०४

आ त्वाहार्षमन्तरेधि ध्रुवस्तिष्ठाविचाचलिः ।

विशस्त्वा सर्वा वाञ्छन्तु मा त्वद्राष्ट्रमधि भ्रशत् ॥ १०.१७३.०१

इहैवैधि माप च्योष्ठाः पर्वत इवाविचाचलिः ।

इन्द्र इवेह ध्रुवस्तिष्ठेह राष्ट्रमु धारय ॥ १०.१७३.०२

इममिन्द्रो अदीधरद्ध्रुवं ध्रुवेण हविषा ।

तस्मै सोमो अधि ब्रवत्तस्मा उ ब्रह्मणस्पतिः ॥ १०.१७३.०३

ध्रुवा द्यौर्ध्रुवा पृथिवी ध्रुवासः पर्वता इमे ।

ध्रुवं विश्वमिदं जगद्ध्रुवो राजा विशामयम् ॥ १०.१७३.०४

ध्रुवं ते राजा वरुणो ध्रुवं देवो बृहस्पतिः ।

ध्रुवं त इन्द्रश्चाग्निश्च राष्ट्रं धारयतां ध्रुवम् ॥ १०.१७३.०५

ध्रुवं ध्रुवेण हविषाभि सोमं मृशामसि ।

अथो त इन्द्रः केवलीर्विशो बलिहृतस्करत् ॥ १०.१७३.०६

अभीवर्तेन हविषा येनेन्द्रो अभिवावृते ।

तेनास्मान्ब्रह्मणस्पतेऽभि राष्ट्राय वर्तय ॥ १०.१७४.०१

अभिवृत्य सपत्नानभि या नो अरातयः ।

अभि पृतन्यन्तं तिष्ठाभि यो न इरस्यति ॥ १०.१७४.०२

अभि त्वा देवः सविताभि सोमो अवीवृतत् ।

अभि त्वा विश्वा भूतान्यभीवर्तो यथाससि ॥ १०.१७४.०३

येनेन्द्रो हविषा कृत्यभवद्भुम्युत्तमः ।

इदं तदक्रि देवा असपत्नः किलाभुवम् ॥ १०.१७४.०४

असपत्नः सपत्नहाभिराष्ट्रो विषासहिः ।

यथाहमेपां भूतानां विराजानि जनस्य च ॥ १०.१७४.०५  
 प्र वो ग्रावाणः सविता देवः सुवतु धर्मणा ।  
 धूर्षु युज्यध्वं सुनुत ॥ १०.१७५.०१  
 ग्रावाणो अप दुच्छुनामप सेधत दुर्मतिम् ।  
 उस्त्राः कर्तन भेषजम् ॥ १०.१७५.०२  
 ग्रावाण उपरेष्वा महीयन्ते सजोषसः ।  
 वृष्णे दधतो वृष्ण्यम् ॥ १०.१७५.०३  
 ग्रावाणः सविता नु वो देवः सुवतु धर्मणा ।  
 यजमानाय सुन्वते ॥ १०.१७५.०४  
 प्र सूनव ऋभूणां बृहन्नवन्त वृजना ।  
 क्षामा ये विश्वधायसोऽश्रन्धेनुं न मातरम् ॥ १०.१७६.०१  
 प्र देवं देव्या धिया भरता जातवेदसम् ।  
 हव्या नो वक्षदानुषक् ॥ १०.१७६.०२  
 अयमु ष्य प्र देवयुर्होता यज्ञाय नीयते ।  
 रथो न योरभीवृतो घृणीवाञ्चेतति त्मना ॥ १०.१७६.०३  
 अयमग्निरुरुष्यत्यमृतादिव जन्मनः ।  
 सहसश्चित्सहीयान्देवो जीवातवे कृतः ॥ १०.१७६.०४  
 पतंगमक्तमसुरस्य मायया हृदा पश्यन्ति मनसा विपश्चितः ।  
 समुद्रे अन्तः कवयो वि चक्षते मरीचीनां पदमिच्छन्ति वेधसः ॥ १०.१७७.०१  
 पतंगो वाचं मनसा बिभर्ति तां गन्धर्वोऽवदद्गर्भे अन्तः ।  
 तां द्योतमानां स्वर्यं मनीषामृतस्य पदे कवयो नि पान्ति ॥ १०.१७७.०२  
 अपश्यं गोपामनिपद्यमानमा च परा च पथिभिश्चरन्तम् ।  
 स सप्रीचीः स विषूचीर्वसान आ वरीवर्ति भुवनेष्वन्तः ॥ १०.१७७.०३  
 त्यमू षु वाजिनं देवजूतं सहावानं तरुतारं रथानाम् ।  
 अरिष्टनेमिं पृतनाजमाशुं स्वस्तये ताक्षर्यमिहा हुवेम ॥ १०.१७८.०१  
 इन्द्रस्येव रातिमाजोहुवानाः स्वस्तये नावमिवा रुहेम ।  
 उर्वी न पृथ्वी बहुले गर्भीरे मा वामेतौ मा परेतौ रिषाम ॥ १०.१७८.०२



सद्यश्चिद्यः शवसा पञ्च कृष्टीः सूर्य इव ज्योतिषापस्ततान ।  
सहस्रसाः शतसा अस्य रंहिर्न स्मा वरन्ते युवतिं न शर्याम् ॥ १०.१७८.०३  
उत्तिष्ठताव पश्यतेन्द्रस्य भागमृत्वियम् ।  
यदि श्रातो जुहोतन यद्यश्रातो ममत्तन ॥ १०.१७९.०१  
श्रातं हविरो ष्विन्द्र प्र याहि जगाम सूर्यो अध्वनो विमध्यम् ।  
परि त्वासते निधिभिः सखायः कुलपा न ब्राजपतिं चरन्तम् ॥ १०.१७९.०२  
श्रातं मन्य ऊधनि श्रातमग्नौ सुश्रातं मन्ये तदृतं नवीयः ।  
माध्यंदिनस्य सवनस्य दध्नः पिबेन्द्र वज्रिन्पुरुकृञ्जुषाणः ॥ १०.१७९.०३  
प्र ससाहिषे पुरुहूत शत्रूञ्छेष्टस्ते शुष्म इह रातिरस्तु ।  
इन्द्रा भर दक्षिणेना वसूनि पतिः सिन्धूनामसि रेवतीनाम् ॥ १०.१८०.०१  
मृगो न भीमः कुचरो गिरिष्ठाः परावत आ जगन्था परस्याः ।  
सुकं संशाय पविमिन्द्र तिग्मं वि शत्रून्ताव्हि वि मृधो नुदस्व ॥ १०.१८०.०२  
इन्द्र क्षत्रमभि वाममोजोऽजायथा वृषभ चर्षणीनाम् ।  
अपानुदो जनममित्रयन्तमुरुं देवेभ्यो अकृणोरु लोकम् ॥ १०.१८०.०३  
प्रथश्च यस्य सप्रथश्च नामानुष्टुभस्य हविषो हविर्यत् ।  
धातुर्द्युतानात्सवितुश्च विष्णो रथंतरमा जभारा वसिष्ठः ॥ १०.१८१.०१  
अविन्दन्ते अतिहितं यदासीद्यज्ञस्य धाम परमं गुहा यत् ।  
धातुर्द्युतानात्सवितुश्च विष्णोर्भरद्वाजो बृहदा चक्रे अग्नेः ॥ १०.१८१.०२  
तेऽविन्दन्मनसा दीध्याना यजुः ष्कन्नं प्रथमं देवयानम् ।  
धातुर्द्युतानात्सवितुश्च विष्णोरा सूर्यादभरन्धर्ममेते ॥ १०.१८१.०३  
बृहस्पतिर्नयतु दुर्गहा तिरः पुनर्नेषदघशसाय मन्म ।  
क्षिपदशस्तिमप दुर्मतिं हन्नथा करद्यजमानाय शं योः ॥ १०.१८२.०१  
नराशंसो नोऽवतु प्रयाजे शं नो अस्त्वनुयाजो हवेषु ।  
क्षिपदशस्तिमप दुर्मतिं हन्नथा करद्यजमानाय शं योः ॥ १०.१८२.०२  
तपुर्मूर्धा तपतु रक्षसो ये ब्रह्मद्विषः शरवे हन्तवा उ ।  
क्षिपदशस्तिमप दुर्मतिं हन्नथा करद्यजमानाय शं योः ॥ १०.१८२.०३  
अपश्यं त्वा मनसा चेकितानं तपसो जातं तपसो विभूतम् ।

इह प्रजामिह रयिं ररणः प्र जायस्व प्रजया पुत्रकाम ॥ १०.१८३.०१  
 अपश्यं त्वा मनसा दीध्यानां स्वायां तनू ऋत्व्ये नाधमानाम् ।  
 उप मामुच्चा युवतिर्बभूयाः प्र जायस्व प्रजया पुत्रकामे ॥ १०.१८३.०२  
 अहं गर्भमदधामोषधीष्वहं विश्वेषु भुवनेष्वन्तः ।  
 अहं प्रजा अजनयं पृथिव्यामहं जनिभ्यो अपरीषु पुत्रान् ॥ १०.१८३.०३  
 विष्णुर्योनिं कल्पयतु त्वष्टा रूपाणि पिंशतु ।  
 आ सिञ्चतु प्रजापतिर्धाता गर्भं दधातु ते ॥ १०.१८४.०१  
 गर्भं धेहि सिनीवालि गर्भं धेहि सरस्वति ।  
 गर्भं ते अश्विनौ देवावा धत्तां पुष्करस्रजा ॥ १०.१८४.०२  
 हिरण्ययी अरणी यं निर्मन्थतो अश्विना ।  
 तं ते गर्भं हवामहे दशमे मासि सूतवे ॥ १०.१८४.०३  
 महिं त्रीणामवोऽस्तु द्युक्षं मित्रस्यार्यम्णः ।  
 दुराधर्षं वरुणस्य ॥ १०.१८५.०१  
 नहि तेषाममा चन नाध्वसु वारणेषु ।  
 ईशे रिपुरघशंसः ॥ १०.१८५.०२  
 यस्मै पुत्रासो अदितेः प्र जीवसे मर्त्याय ।  
 ज्योतिर्यच्छन्त्यजस्रम् ॥ १०.१८५.०३  
 वात आ वातु भेषजं शम्भु मयोभु नो हृदे ।  
 प्र ण आयूषि तारिषत् ॥ १०.१८६.०१  
 उत वात पितासि न उत भ्रातोत नः सखा ।  
 स नो जीवातवे कृधि ॥ १०.१८६.०२  
 यददो वात ते गृहेऽमृतस्य निधिर्हितः ।  
 ततो नो देहि जीवसे ॥ १०.१८६.०३  
 प्राग्नये वाचमीरय वृषभाय क्षितीनाम् ।  
 स नः पर्षदति द्विषः ॥ १०.१८७.०१  
 यः परस्याः परावतस्तिरो धन्वातिरोचते ।  
 स नः पर्षदति द्विषः ॥ १०.१८७.०२

यो रक्षांसि निजूवति वृषा शुक्रेण शोचिषा ।  
 स नः पर्षदति द्विषः ॥ १०.१८७.०३  
 यो विश्वाभि विपश्यति भुवना सं च पश्यति ।  
 स नः पर्षदति द्विषः ॥ १०.१८७.०४  
 यो अस्य पारे रजसः शुक्रो अग्निरजायत ।  
 स नः पर्षदति द्विषः ॥ १०.१८७.०५  
 प्र नूनं जातवेदसमश्वं हिनोत वाजिनम् ।  
 इदं नो बर्हिरासदे ॥ १०.१८८.०१  
 अस्य प्र जातवेदसो विप्रवीरस्य मीळ्क्षुषः ।  
 महीमियर्मि सुष्टुतिम् ॥ १०.१८८.०२  
 या रुचो जातवेदसो देवत्रा हव्यवाहनीः ।  
 ताभिर्नो यज्ञमिन्वतु ॥ १०.१८८.०३  
 आयं गौः पृश्निरक्रमीदसदन्मातरं पुरः ।  
 पितरं च प्रयन्स्वः ॥ १०.१८९.०१  
 अन्तश्चरति रोचनास्य प्राणादपानती ।  
 व्यख्यन्महिषो दिवम् ॥ १०.१८९.०२  
 त्रिंशद्धाम वि राजति वाक्पतंगाय धीयते ।  
 प्रति वस्तोरह द्युभिः ॥ १०.१८९.०३  
 ऋतं च सत्यं चाभीद्धात्तपसोऽध्यजायत ।  
 ततो रात्र्यजायत ततः समुद्रो अर्णवः ॥ १०.१९०.०१  
 समुद्रादर्णवादधि संवत्सरो अजायत ।  
 अहोरात्राणि विदधद्विश्वस्य मिषतो वशी ॥ १०.१९०.०२  
 सूर्याचन्द्रमसौ धाता यथापूर्वमकल्पयत् ।  
 दिवं च पृथिवीं चान्तरिक्षमथो स्वः ॥ १०.१९०.०३  
 संसमिद्युवसे वृषन्नग्ने विश्वान्यर्य आ ।  
 इळस्पदे समिध्यसे स नो वसून्या भर ॥ १०.१९१.०१  
 सं गच्छध्वं सं वदध्वं सं वो मनांसि जानताम् ।

दे॒वा भा॒गं यथा॒ पूर्वे॑ सं॒जाना॑ना उ॒पास॑ते ॥ १०.१११.०२  
स॒मानो॑ म॒न्त्रः स॒मितिः॑ स॒मानी॑ स॒मानं॑ मनः॒ सह चि॑त्तमे॒षाम् ।  
स॒मानं॑ म॒न्त्रम॑भि म॒न्त्रये॑ वः स॒मानेन॑ वो ह॒विषा॑ जुहोमि ॥ १०.१११.०३  
स॒मानी॑ व॒ आकू॑तिः स॒माना॑ हृद॒यानि॑ वः ।  
स॒मानम॑स्तु वो॒ मनो॑ यथा॒ वः सु॒सहा॑सति ॥ १०.१११.०४

Last updated July 2, 2013

Special mention : Initial processing and help by Avinash and Shashi Sathaye,  
Avinash Chopde, Shree Devi Kumar, Sunder Hattangadi, John Gardner.  
Reprocessed from Original in final form by Detlef Eichler with additional corrections.  
See Detlef's site <http://www.detlef108.de/Rigvedatm>  
for other details and formats.

The text is shown with accents (Anudattas, dependent Svaritas,  
and independent Svaritas including Kampas). Words are connected (agnimILe).  
Ch is doubled as in gachChati according to the rules of Rigveda-Pratishakhya.  
At the end of a word m is replaced by Anusvara M if the initial letter of the  
following word is a labial stop consonant (p, ph, b, bh, m).  
Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version  
of the Rigveda (<http://www.people.fas.harvard.edu/witzel/onlineRVtm>).  
In this text accented vowels have Udatta or 'independent Svarita' markers.  
Kampas are not shown. Words are separated (agnim ILe).  
Ch is not doubled as in gaChati. At the end of a word we find m before  
a following labial stop consonant (p, ph, b, bh, m).  
Visarga H before sh, Sh or s followed by a voiceless consonant has  
been dropped according to a rule of Rigveda-Pratishakhya.

Send corrections to : [detlefeichler@googlemail.com](mailto:detlefeichler@googlemail.com), [sanskrit@cheerful.com](mailto:sanskrit@cheerful.com)



*Rigveda Mandala 10*

pdf was typeset on January 21, 2023



Please send corrections to [sanskrit@cheerful.com](mailto:sanskrit@cheerful.com)

